

# ვლადსანდრე კალანდიაძე

---

## პრეჰჰენი

რომანი

შენაწილებული რეკლამით



თბილისი „მედიანი“

1991

ღმერთმა ინება, სიცოცხლის დიდი ნაწილი რჩეულ ისტორიულ გმირთა ცხოვრების აღწერისთვის მიმეძღვნა. ანტონ კათალიკოაი, სოლომონ დოდაშვილი, ილია ქაეჭავაძე, ალექსანდრე ყაზბეგი, ჩემი რწმენით, მკაფიოდ გამოხატავენ საქართველოს ეროვნულ-გამათავისუფლებელი მოძრაობის განვითარებას უკანასკნელი სამი საუკუნის მანძილზე. ამ დიდებულ ქართველთა ცხოვრებასა და ღვაწლზე დაწერილ რომანებში არ დამიზოგავს შრომა და გამოცდილება, რათა გამომეხატა მათი საოცარი ცხოვრებას აზრი, ჩემი სიყვარული და თაყვანისცემა. ამის შემდეგ, სანუკვარ ოცნებად მრჩებოდა მეჩვენებინა ხანი ილიას მკვლელობიდან კაენის სულის აღზევებამდე.

ამასობაში ისე შემიპყრო ჩვენი დროის ყოველდღიურმა მოვლენებმა, რომ საწერ მაგიდასთან მყუდრო მუშაობა გამიქარდა. ორი წელია, იდუმალი მოლოდინით დავეხეტებოდი მიტინგებზე და დემონსტრაციებზე, როგორც ცნობისმოყვარე მოწმე, მეთვალყურე, მონაწილე. ვცდილობდი არაფერი გამომრჩენოდა. არსად დამგვიანებოდა. ვაგროვებდი ყველაფერს, რაც მიმდინარე ამბებთან არის დაკავშირებული. ვიწერდი შთაბეჭდილებებს.

ასე დაიწყო, და 1990 წლის 28 ოქტომბერს საქართველოს პარლამენტის არჩევნებით დასრულდა ეს წიგნი. ასევე უცვლელად, შეუღამაზებლად და უპრეტენზიოდ მიმაქვს მკითხველთან.

ავტორი

რედაქტორი გურამ გვირდუნიანი

წიგნი გამომდის ავტორის ხარჯით

## ნაწილი პირველი

### 1.

შეკვივლება...

ზებედე ქარცივაძემ, რომელსაც უნივერსიტეტის გამომცემლობის წინ, რაფიელ ერისთავის ქუჩაზე უნდა აეხვია, რამდენიმე ნაბიჯი აზრმიუცემლად გაირბინა და მუხლმოწყვეტით გახევდა.

დანარცხება იქვე, სულ ახლოს.

— უშველეთ!

— დარეკეთ!

— მილიცია!

გამვლელ-გამომვლელნი შეჩერდნენ. გამოცვივდნენ მობინადრენი.

— გოგო გადმოვარდა მერვე სართულიდან!

— სხვენიდანაა გადმოვლებული!

— არ ვიცნობთ. ჩვენი სახლიდან არ არის!

დეკემბრის საძაგელი ღღეა. ქარბუქი ბობოქრობს. ჭუჭყიან ქალღლებს ჰაერში ატრიალებს. სუსხიან ზამთარს უმოწყალოდ გაუშიშვლებია სილატაკე.

როცა ზებედე გონს მოეგო, ქუჩა დაცარიელებულიყო. არც გაუგია, რა მოხდა. დამორცხვებული ცნობისმოყვარეობით შესცქეროდა სახლს, სადაც უბედურება დატრიალდა. შთაბეჭდილებებს თავს ვერ აღწევდა.

„გადმოვარდა? გადმოვადგეს? თავი მოიკლა?“

ვერასოდეს გაიგებდა ამას. ასეთი შემთხვევები ხდებოდა. ერთი-ორი წლის წინათაც გადმოვედლოთ მსახიობი ქალი ჩვენებური ცათამბჯენიდან. დიდი მითქმა-მოთქმა ატყდა. რას აღარ ამბობდნენ. ვის არ აბრალებდნენ. იმ დღეებში დაბრუნებულიყო უცხოეთიდან და ეს ათასგვარ ექვს ბადებდა. გავიდა დრო. მის უბედურებაზე თავი არავის შეუწუხე-

ბია. მოკლეს, დაფლეს და ამბის მომკითხველიც გაქრა. აუტკივარ თავს ვინ აიტკივებდა! ვინ გაბედავდა?!

გაახსენდა, შარშან წერეთლის გამზირის კედლებზე ცარციტ დაწერილი სასოწარკვეთილი აღსარება: „მე გაფუჭებული გოგო ვარ!“

ადამიანი თანაგრძნობას ითხოვდა. ნუგეშს. ლმობიერებას და დარიგებას. იპოვა: ჰკითხა ვინმემ?! თითოეული პიროვნება ხომ მთელი სამყაროა?! პიროვნების ბედი ხომ სამყაროს ბედია?!

ზებედე სენტიმენტალად იყო მონათლული. ამ სიტყვაში „პათოლოგიურ გულმოწყალებას“ გულისხმობდნენ. უპირველეს ღირსებად აღიარებული სათნოება აქ დასაცინ თვისებად ქცეულიყო. მგრძნობიარე ადამიანებს ფსიქიატრიულ საავადმყოფოებში გზავნიდნენ. ყოველ ავადმყოფს ინდივიდუალური გამოვლინება აქვს.



უნახავი, გადედლებული, აზიზი არ გეგონოთ. ხუთი წელი ფრონტის წინა ხაზზე გაატარა. ცხოვრებაში არცერთი უზრუნველი, დალხინებული დღე არ ჰქონია. არც შინ, არც გარეთ.

დღესაც გადაკეტილი აქვს ყველა გზა. მომავალს სასიკეთო პირი არ უჩანს. დღე არ გავა, არ დაიბარონ, არ დაჰკითხონ. ღმერთო, რას არ ეკითხებიან! რა შარებს არ სდებენ!

„რას მოდიოდი, ვერ დარჩი?!“

ერთმა თანამდებობის პირმა მის წინააღმდეგ შესული დაბეზღება არც მეტი, არც ნაკლები, შემდეგი განაჩენით დაამშვენა: „ზებედე ქარცივაძე ყველა ვარიანტში დამნაშავეა და ყოველგვარ სასჯელს იმსახურებს!“

რას არ უგონებდნენ! რა ცილს არ სწამებდნენ! „აბნელებს, უხილავსა ხდის ქვეყანას ხილულიანსა!“ — უთქვამს ვაჟა-ფშაველას ამისთანა წყალის ამმღვრევეებზე.

ზებედე წელში მოხრილი ითმენდა უსამართლო ბრალდებებს.

გულის გადასაყოლებლად სიმამრის საკარმიდამო ნაკვეთს

უვლიდა. ადრე გაზაფხულზე სხლავდა, ხეებს კირს ასხურებდა, გარშემო მიწას უბარავდა.

ღევნას არ იმჩნევდა. მტერს ბედნიერი ეგონებოდა. თვალენში ნაღველი ჩადგომოდა.



ის წელიწადი, საიდანაც ჩვენს ამბავს ვიწყებთ, ჯვარზე გაკრული ერის ისტორიაში იმით დარჩება ღირსშესანიშნავი, რომ ხანმოკლე, მაგრამ მოწამებრივი პატიმრობიდან შინ გამოუშვეს სიკვდილის პირზე მიყვანილი ფანატიკოსი ბადრი უჯარმელი.

თუ არა ფანატიკოსი, სხვა ვინ ანაცვალებდა მთელ თავის ოჯახურ ბედნიერებას, ნიჰსა და მომავალს იმისთანა აბსტრაქტულ მიზანს, როგორც მაშინ საქართველოს თავისუფლება იყო. ღდეს, როცა თითოეულ წუთს ახალი ცვლილება მოაქვს, წარმოდგენაც აღარ შეიძლება, რა სიყვარული, ერთუფლებაც და რწმენა უნდა ჰქონოდა ფუფუნებაში გაზრდილ ჭაბუკს. რომ ამ ოცი-ორმოცი წლის წინ მამულისთვის თავი გაეწირა, გავიხსენოთ, რომ იმ დროს სამშობლოს ცნებაც წერყვინილი და დამახინჯებული გვქონდა. რა არ კეთდებოდა, რას არ კადრულობდნენ, რომ ადამიანი აზრზე ვერ მოსულიყო, შავი თეთრისგან ვერ გაერჩია, ბრიყვად შებერებოდა ამ წუთისოფელს.

არ ვიცი, პატივცემულო მკითხველო, მოესწარით და დაესწარით თუ არა ბადრი უჯარმელის საჯარო გასამართლებას, რომელიც იმდროინდელი ტელეხედვით გადაიკა. პირადად მე ეკრანს არ მოვცილებივარ, სიტყვა არ გამომრჩენია და ცრემლი არ შგმშრობია.

ნაგვემ-ნაჯიჯანი გამოიყურებოდა ბადრი უჯარმელი. მისაკვდილებული. ავტორს თვითონაც გამოუცდია და იცის, რას ნიშნავს ჯოჯოხეთის ჯურღმულებიდან ბადრაგის მიერ ვამპირთა სამსჯავროზე მიყვანილი ტუსადის სატანჯველი. ისიც იცის, რა ფასი აქვს ამ მიზანსცენებს და ამ გზით მიღებულ „აღიარებებს“.

ეს ბრძოლის ახალი ეპიზოდი იყო. ორივე მხარეს შეგნებული ჰქონდა, რომ ჭიდილი გაგრძელდებოდა.

მემატრიანეთა ცნობით, სპექტაკლს ინტერესი გამოუწვევია. გაკვირვებით, რომ ბადრი უჯარმელი თავის ძმადნაფიცს, ამირან ლაშქარაევას ჩამოაშორეს და ცალკე გაასამართლეს. ასეთ ილეთებში დიდი ვერაგობაა ჩაქსოვილი. მაშინ რომ ამის თაობაზე მითქმა-მოთქმა ატყდა, ჯერაც არაა დამთავრებული, და არავინ იცის, როდის დასრულდება.

მაგრამ მთავარი საქმეა და არა ქაქანი. საქმეში ბადრი უჯარმელს უკანდახევა არ სჩვევია. შეუპოვრად განაგრძობს სიყმაწვილეში არჩეულ გზას.

სანამ პალატში შევიდოდა, საგვარეულო ნეკროპოლს ეწვია. დედ-მამის საფლავებთან დაჩოქილმა ილოცა, პირნათელმა თავისი გაიმეორა და მაცხოვრის ჯვარს ემთხვია.

თავისთავი არასდროს ასე მიზანსწრაფული და შემართებული არ ახსოვდა.

ცოლშვილთან შეხვედრით გახარებულმა იმავე დღეს ძმადნაფიცის ჯანგატეხილი დედა და ოჯახი მოინახულა, ანუ-გეშა და ხელი გაუმართა.

ორი დღე არავის მოუკითხავს.

მოგეხსენებათ, ამ ცოტა ხნის წინ, ასეთი კონტაქტები საფრთხესთან იყო დაკავშირებული. დაბრუნებისთანავე ცნობილი გახდა, რომ „ობიექტი“ „სიფრთხილის საგუშაგოებს“ დაეკავებინათ, რომლებიც საიდუმლოდ თვალს ადევნებდნენ „განსაზღვრულ კვადრატში“ ყოველგვარ გადაადგილებას.

მესამე დღეს ენძელა ძიძიშვილი და თენგიზ რევიცია ესტუმრნენ. თქვენ, შესაძლოა, პირველად გესმოდეთ ეს სახელები, ან სხვა სახელით იცნობდეთ მათ, მაგრამ მცირე გაუგებრობა ნუ შეგაშინებთ. ბოლოს და ბოლოს, ყველაფერი გაირკვევა.

ენძელა და თენგიზი თვალეებში შესციცინებდნენ თავიანთ კერპს. გაეგებოდათ, ვინ იყო და რა გადაეტანა. მზად იყვნენ, მის მცირე მინიშნებაზე მკერდი მიეშვირათ ტყვიისთვის, მათთვის ეს პირმშვენიერი, ჯანდონით აღსავსე გაუკაცი მამულისათვის თავდადებას განასახიერებდა.

ამ შვიდი-რვა წლის წინათ, როცა ბადრი უჯარმელმა და

ამიჩან ლაშქარავამ ქართული ენის უფლებებისთვის, ეროვნული ღირსებისათვის დროშა ააფრიალეს, ისინი გულაძვრებულნი გაჰყვნენ მათ და წუთით აღარ მოშორებიათ. ზურგი აქციეს კარიერიზმით სწეულ კოლეგებს, რომელთაც სკოლის მერხიდან მიეღოთ ცხოვრებაში გზის გაიოლების რეცეპტი. კომკავშირის რაიკომის ინსტრუქტორობისთვის, მამიკოსა და დედიკოს ლოცვა-კურთხევითა და ხელშეწყობით, „ბამზე“ ქულების ასაღებად გარბოდნენ, გარშემო ყველაფერი ვარდისფრად ესახებოდათ. ბადრი უჩარმელს აყოლილი ახალგაზრდებისკენ გახედვაც არ სურდათ, ხოლო მამულიშვილობის მაგალითად „ქაღალდის ვეფხვებს“ აცხადებდნენ.

არსებობდა გაფუფუნებულ ადამიანთა ისეთი კასტაც, რომლებიც არაფერს იკლებდნენ, არაფრის წინაშე უკან არ იხევდნენ, უცხოეთიც ფეხქვეშ ჰქონდათ გაგებულნი. როცა დასჭირდებოდათ, პატრიოტულადაც ეღურტულებდნენ, მკითხველსა და მათუბრებელს გულისამაჩუყებელ, მოშაქრულ პატრიოტულ საზრდოსაც აწვდიდნენ დაწესებული დოზით, რისთვისაც სასჯელს კი არა, უმადლეს ჭილდოებსაც იღებდნენ.

ახალგაზრდებს სრულებით არ აფიქრებდათ, რომ საქვეყნოდ ცნობილ დისიდენტთან სტუმრობით ხიფათში იგდებდნენ თავს. შეიძლებოდა, ყოველ წუთს ჩაეელოთ ხელი. პასუხისგებაში მიეცათ და მთელი ცხოვრება გაემარუდებინათ.

ბადრი უჩარმელს სიამოვნებდა ახალგაზრდა პატრიოტებთან ყოფნა. ძალასა და რწმენას ჰმატებდა მათი თავდადება, თავისი მოღვწეობის სამართლიანობას და პერსპექტიულობას უდასტურებდა.

ისინი პოლიტიკაზე არ მსჯელობდნენ. ეს ცოტა არ იყოს, უხერხულადაც ითვლებოდა. ყოველდღიურ ამბებს ჰყვებოდნენ. ბოლო დროის საყურადღებო შემთხვევებს. შესაძლოა, ანგარიშსაც არ უწევდნენ, რომ ეს ვიზიტი და მონაყოლი ამბები მათ ბედობალთან საბედისწეროდ კავაშირებული აღმოჩნდებოდა.

რამდენიმე დღის წინ ვერის ბაღში დამხრჩვალნი კაცი უპოვნიათ. თანამესუფრესთან ერთად ყოფილა და ვერ გაუგიათ, რა მოხდა, რა მოუვიდა? ცნობილი პიროვნება გამოდგა. წესიერ კაცად ცნობილი. ერთმა გადაქუხებამ როგორ

დაახრჩო!? დიდი გამოძიებაა საჭირო. გამოუჩნდება ვინმე? თავს გამოიდებს?!

ქალაქგარეთ ქაბუკი მოუკლავთ სულელური მიზეზით. სადისტურად. ხალხის თვალწინ. ბოთლის გადანამტვრევით.

ეტყობა, ახალგაზრდები მწარედ განიცდიან ამ შემთხვევას. განწირულება ისადგურებს. დაუცველობის შეგრძნება. „სრული წესრიგის მსალწევად“ ბევრი რამ კეთდება. შერჩეულია „ოქროს კადრები“, რომელთაც შეთვისებული აქვთ მოწინავე გამოთქმები: „რეგიონი“, „რამეთუ“, „ვითარცა“. ასეთ განათლებულ ხელმძღვანელს, რა საქმეც გინდა, ჩააბარე.

ყველა ლაპარაკობს და წერს მხოლოდ იმას, რაც „პირველს“ ესიამოვნება.

ეს უნდა გახსოვდეს. სხვა არაფერი გკირდება. უკეთესი ერთსულოვნება რალა იქნება!

რამდენჯერმე გავიდა ცოლ-შვილის დასახედავად. გულჩვილობა არ სჩვეოდა, მაგრამ პატიმრობამ, აბუჩად აგდებამ და შეურაცხყოფამ მძიმე დაღი დააჩნია. შვილები ენატრებოდა და მათ ბედილბალზე შიში არ შორდებოდა. ოჯახურ ცხოვრებაშიც მწარე ხვედრი ერგო. მტერთათვის ხელმისაწვდომი გახდა. ამასაც ქრისტიანული მოთმინებით იტანდა. მერმე ისმინა უფალმა, მოილო წყალობა და მოჰფინა ღვთაებრივი მადლი. არასოდეს ასე ძლიერად არ უგრძენია თავისთავი. სჯერა, ის მუდამ მის გვერდით იქნება და მშვენიერ მართვებს საფრთხე აღარ ელით.

• • •

ქართველი ერისადმი ავისმოსურნეთა დამოკიდებულების ახალი ხანა იწყებოდა. კიდევ უფრო გაუგებარი, უმიზეზო და სადისტური, ვიდრე ოდესმე. სტალინი და ბერია დიდი ხანია აღარ არსებობდნენ. მტრებმა წინანდელზე მეტი ნიშნისმოგებით დაგვიწყეს შეხსენება და ხელის ტარტარი. ვერ გაიგებდი, ჩვენ რა შუაში ვიყავით, რას გვთხოვდნენ, რას გვაბჩალებდნენ. ეურნალსა და გაზეთს ვერ გაშლიდით, რომ ჩვენი აღვირაზსნილი ლანძღვა-გინება არ ყოფილიყო შიგ. ტე-



ლევინორსა და ლადოს ვერ ჩაბთავდი, რომ ათასი კოჩი და ცილისწამება არ შემოეფრქვიათ ქართველებისთვის. ასეთი ბინძური, გაუთავებელი ლაშქრობა მხოლოდ დიდი შეთქმულების ნაყოფი შეიძლება იყოს.

რისთვის? რატომ? ვისთვის რა დაგვიშაეებია?! გაბოროტებულ, გონებადაბნელებულ მოძულეს რასმე გააგებინებ და შეასმენ? წარმოუდგენელია ამაზე ცოფიანი ბრბო. სისხლმონყურებული ბრბო. ვის გავახსენდით ასე უდროოდ? რა მოსაგებელს ელოდნენ, ასე უღმრთოდ რომ გაგვეწირეს?

უნდა გამოგიტყდეთ, ამის ანალოგს მე ვერ ვპოულობ.

რით უნდა დახვდეს ასეთ შემოტევას პატარა, სახელმწიფოებრიობას მოკლებული, საუკუნეთა ქარცეცხლებში მოუძღვრებული პატარა ერი?! რა ნერვები, რა ფსიქიკა უნდა შეჩრეს მის შვილებს?! დღესდღეობით ამ შეთქმულების ისტორია ბინდითაა მოცული. უცნობია შთამაგონებელიცა და მონაწილეც, მათი მიზნებიც და გეგმებიც.

როგორც მოსალოდნელი იყო, ჩვენ მოუშზადებელი შეეხვდ-თ განსაცდელს. მიზეზები არ გვიძებნია. თავდაცვის სასაშუალებები არ აგვიწონ-დაგვიწონია. დაბნეული, შეურაცხყოფილი, გრძნობებს აყოლილი გადავეშვიტ ხელჩართულში. ვისაც რა შეეძლო, ვისაც როგორ ესმოდა. წავაგეთ თუ მოვიგეთ ამ წინდაუხვდაობით? ჯერჯერობით, დასკვნის გამოტანა ძნელია. შეიძლება ვივარაუდოთ, რომ ზოგან ვიჩქარეთ, ზოგან გადავამეტეთ. ავისმოსურნეს იერიშის საბაზნ ვაძლევდით. აყყევით. უფრო გავაბოროტეთ.

სტალინს გადავეფარეთ, თითქოს, ჩვენიანი ყოფილიყოს. თითქოს, მისთვის გული შეგვეტკიოდა, თითქოს, კარგი რამ გვახსოვდა მისგან.

მაგრამ, რაკი ჩვენ ეს ძალათ თავსმოხვეული პოლემიკა არ წაგვიგია და მტრების კოალიციამ დასახულ მიზნებს ვერ მი-აღწია, ღირსეული მივაგოთ ჩვენიანებს და თავი შევიკავოთ მათი კრიტიკისგან.

გაუთავებელმა დევნამ და გაღიზიანებამ მძაფრი რეაქცია გამოიწვია მწერალთა მერვე საკავშირო ყრილობაზე. ქართულმა პრესამ მკაცრად დაგმო ასტაფიევის მოთხრობა „ცი-მორების ჰერა საქართველოში“. მხატვრული ნაწარმოების მი-

მართ ასეთი დამოკიდებულება მე უხერხულად მიმაჩნია, მაგრამ არ უნდა დაგვავიწყდეს, რა ვითარებაში, ანტიქართული აგიოტაჟის რა კრიზისულ მომენტში ხდებოდა ეს და მაშინ გამამართლებელ მიზეზებსაც ივპოვით. საქმე იქამდეც მივიდა, რომ საქართველოს დელეგაციამ, პროტესტის ნიშნად, ცრილობის დარბაზი მიატოვა. კონფლიქტმა მწვავე ხასიათი მიიღო, საერთაშორისო რეზონანსი მოიპოვა. ზოგიერთს საბოდიშოდაც გაუხდა საქმე და კინალამ ფართო განხეთქილება ჩამოვარდა. როგორც ამ ინციდენტმა ცხადყო, ქართველთა წინააღმდეგ შეტქმულება გულმოდგინედ იყო ორგანიზებული და მისი სულისჩამდგმელები იოლად არ აპირებდნენ ბოროტ ზრახვებზე ხელის აღებას.

ავი აღამიანები ცეცხლზე ნავთს ასხამდნენ. რალაც ჩემთვის გაუგებარი მიზეზით, განსაკუთრებით აქტიურობდა „ოგონიოკის“ რედაქტორი ვიქტორ კოროტიჩი, რაც შესაძლებლობას იძლევა შეთქმულების ეროვნული წყაროები ნაწილობრივ მაინც განვსაზღვროთ.

\* \* \*

ამ დღეებში ხალხის ყურადღება უჯარმელისკენაა მიპყრობილი. იქიდან მოვლიან ახალ ამბებს. ურჩხულიც მას მისჩერებია ყვითელი თვალებით.

დილით ჩარიტა და თორნიკე ესტუმრნენ. ისინიც სასჯელმთხდილნი არიან. დიდი ტანჯვა გამოიარეს ბადრი უჯარმელის ერთგულებისთვის.

ჩარიტა ხმელ-ხმელი, თვალებბრიალა გოგოა. თითქმის შეავტუხა. მკრთალი სილურჯითა და სიმპათიური ღიმილით. ძლიერ მგზნებარე და გაბედული. გადამდები ცეცხლით. შვიდი-რვა წლის წინ საქართველო გიზგიზებდა მისი მოწოდებებით.

თორნიკეც სტუდენტი იყო. ჯიუტი, ჯანსაღი და სიცოცხლით სავსე. უდრტვინველად გაეძლო წამებისთვის. კისერი გაშეშებოდა. გამომეტყველება ჯერ არ დახვეწოდა, თითქოს მორცხვი გამომეტყველება ჰქონდა.

თვითონაც იცოდნენ და ყველა მიხვდებოდა, რომ მათი თავშეყრა კავშირის აღდგენას ნიშნავდა.

ასეთ გაუტეხელ პირთა საქმიანობაზე იმ დროს ბევრი არამზადა ცდილობდა ხელის მოთბობას. არაფერს ერიდებოდნენ; ეჭვი არ ეპარებოდათ, რომ ყველაფერი უცვლელად დარჩებოდა და ყველა სისაძაგლე შერჩებოდათ. ბადრი უჯარმელისა და მისი ორიოდე თანამოაზრის მსგავსებს მილიონში ერთი თუ ჩათვლიდა ნორმალურ ადამიანად. თვით მათ ეჭვი არ ეპარებოდათ თავიანთ სიმართლესა და საბოლოო გამარჯვებაში.

ხელისუფლება მათ ამოსუნთქვის საშუალებას არ აძლევდა. საკნიდან გამოსვლა ვერ მოასწრეს, რომ ათასგვარი ცოდვა და სიბინძურე დასწამეს. დაუზოგავად თათბავდნენ, განგლავდნენ და ემუქრებოდნენ. ახლო მეგობართა, თანამოსაქმეთა, ნათესავთა და თვით ოჯახშიც კი, დაუჯერებელ სკანდალებსა და პროვოკაციებს უწყობდნენ. ყოველივე ეს იმ დონეზე და ისეთი ინტელექტის სუბიექტთა მიერ იყო ჩაფიქრებული და განხორციელებული, რომ არცერთი ჭკუათმყოფელი არ დაიჯერებდა, ცილდაწამებულთ კი მოწამის შარავანდელით მოსავდა. სიმართლე მოგახსენოთ, უმაღლესი ხელისუფლებას აყენებდნენ ზიანს ამ სულელური პროპაგანდის ავტორ-ორგანიზატორები. უნდა ვიფიქროთ, რომ ასეთ უბადრუკ და უხამს პროვოკაციებს ყოვლად უნიჭო და უზნეო კარიერისტები თხზავდნენ. მათ თავი მოჭრეს თავიანთ პატრონებს, გაუტეხეს სახელი პრესას, ტელეხედვას, ლექციებს და მოხსენებებს. ვინ დაიჯერებდა, რომ სამშობლოს ზეარაკად შეწირული პატიოსანი ოჯახიშვილი, სამაგალითო მეუღლე და მამა, კურკურს დაუწყებდა საექვო ყოფაქცევის აშალარებს, ხოლო ისინი ურცხვად გაამქლავნებდნენ თავიანთ ვინაობას. რა დასკვნა უნდა გამოიტანოს ხალხმა, როცა პოლიტიკურ მოწინააღმდეგეს „ხულიგნად“, „სამშობლოს მოღალატედ“, „გამხრწნელად“, „მაცთუნებლად“ ან ექსტრემისტად ნათლავენ და ლაფში სვრიან.

ჩვენ ვცხოვრობთ ეკონომიკურად, პოლიტიკურ-ზნობრივად, ეროვნულად მოშლილ, დეფორმირებულ საზოგადოებაში. ვინაა ხალხის მეგობარი, ვინც გარდასაქმნელად, გასაჯან-

საღებლად, ასაღორძინებლად იბრძვის და იღწვის, თუ ის, ვინც კბილებით იცავს დასანგრევად განწირულს?!

— ტყუილა — უბრალო პოლემიკაში. კარგავს ზოგი ჩვენიანი დროს! — თქვა თორნიკემ. — ერთ პატარა წერილზე ას პასუხს გვიწერენ. ჩვენი ტირაჟი და მაგათი ერთია?? მილიონობით უურნალ-გაზნეთი ეფინება პლანეტას. ესაა ადამიანობა? პასუხს უარს გვეუბნებიან. გუშინ „ვზგლიადი“ ნახეთ? რა უნამუსოდ გაგვლანძღეს! ვიღაც ბათუმელ ლევანას მოსკოველი ლენა „გაუბედნიერებია“, მოგვდგნენ და, რა დღე გვაყარეს, მთელი ქართველობა ამოგვავლეს სიბინძურეში. ვერ მიხვდები რა დავაშავეთ და რას მოითხოვენ. გაიჭრელა ენა ჩვენმა მეგობარმა ცვეტოვმა და მკვდარი და ცოცხალი აღარ დაგვიტოვა გაულანძღავი.

— გიკვირს!?

— ეს იმას გააკვირვებს, ვინც ფუფუნებასაა შეჩვეული, ჩვენი ხალხის ძველი და ახალი უბედურება არ იცის.

— მაინც საჭიროა თავის დაცვა! — გააწყვეტინა ჩარიტამ. — ვინ იცის, რას გვიპირებენ!?

— ნაძირალებს ამით ვერ მოიშორებ. სხვანაირი პასუხია საჭირო. მთელი დელეგაცია რომ მიუვლინებიათ ცვეტოვთან საომრად, ეს ჰკვიანური საქციელია!?

— ქართველი ერის შეურაცხყოფა არავის არ უნდა შერჩეს!... — გაცხარდა ჩარიტა.

— მტრისგან არც თავზე ხელის გადასმა გვარგებს.

— მტრისა და მოყვრის გარჩევა იოლი არაა. რაც შეეხება „ჩვენი ერის შეურაცხყოფას“, ასეთი მანჭვა-გრეხით ვერაფერს უშველი. მწერალთა ყრილობაზე ასტაფიევის გამო ბოდიშის მოხდაც ვირეშმაკობაა. ნაყალბევი ბოდიში მოტეხილ კისერს ვერ გაამთელებს. ჭერჭერობით მოთაფლულ პატრიოტიზმს ჩვენთვის ხეირი არ დაუყრია. გადედლებას კი ნულარ იკითხავ! აბა ერთი, ამ ფოტოსურათებს დახედე, რა გალალბული გამოიყურებიან ჩვენი „თანამედროვე კლასიკოსები“! ვის დაარწმუნებ, რომ ესენი ტანჯული ერის შვილები არიან?! როგორ შესციცინებენ ხალხთა შორის მეგობრობის განსამტკიცებლად. რა ფუყე, თვითკმაყოფილი სიფათებია. არ მჭერა იმ ადამიანთა პატრიოტიზმი, რომელთა საქ-

ციელსა და ცხოვრებაში მთლიანად გამორიცხულია რისკი და მსხვერპლი, რომელთა კეთილდღეობას არავითარი საშიშროება არ ემუქრება. მთავრობის მფარველობა არასოდეს მოპკლებიათ და ვერ გრძნობენ, რომ ეს „დაფასება“ უზნეობაა.

— დამცირებულ ხალხს გამოსარჩლებაც უნდა — ენერგიულად წარმოთქვა ჩარიტამ. — ერმა თავისთავის რწმენა არ უნდა დაკარგოს. არც საკუთარ, არც სხვათა თვალში.

— გეთანხმები, — მწვიდად მიუგო ბადრიმ, — მაგრამ ერს ათასი სატკივარი აქვს. მეთაურებმა უნდა იცოდნენ, როდის რომელ პრობლემას მიაპყრონ ყურადღება. ძალები არ უნდა დაიქსაქსოს. არგუმენტები და მოტივები უტყუარი, ყველასთვის აშკარა უნდა იყოს. ხელისუფლება გამოუვალ მდგომარეობაში უნდა ჩააგდოს. საერთაშორისო რეზონანსი უნდა მოიპოვოს.

— განა ეროვნული ღირსებისათვის თავგამოდებას ასეთი მნიშვნელობა არა აქვს?! — ჩაერია თორნიკე.

— ამ ნიადაგზე შეიძლება ბევრი ჩვენი მოწინააღმდეგე გაერთიანდეს. ამჟამად კონკრეტული პრობლემა აჯობებს ხალხის დასარაზმებად. ვთქვათ, სამხედრო უწყების მიერ დავით გარეჯის ძეგლთა შებღალვა. კულტურულ-ისტორიული სიწმინდეების შეგინებას ჩვენი ერი მტკივნეულად განიცდის. დავით გარეჯაში სალდაფონებს არტილერიის პოლიგონი აქვთ მოწყობილი და უმოწყალოდ ანგრევენ. ამის გაგებაზე მთელი საქართველო აღდგება. სამართლიანი, ცივილიზებული სამყაროსთვის გასაგები მოთხოვნაა. „დავით გარეჯის“ ძეგლთა დაცვისა და რესტავრაციის სასწრაფო ღონისძიებები უნდა მოვითხოვოთ. სპეციალიზებული სარესტავრაციო კომპლექსის შექმნა. საზოგადოებრივი კონტროლის დაწესება. წავაყენოთ მოთხოვნები ვებქდოთ! ვამხილოთ შტაბის შექმნათ იურიდაული დოკუმენტი. ნუ მოვეშვებით. მასობრივი მანიფესტაციები საშუალებას მოგვცემს სხვა მოთხოვნებიც წამოვაყენოთ. ხალხს საღათას ძილიდან გამოვიყვანოთ. ჩვენმა დაპატიმრებამ ხალხი დააფრთხო. ფუნქციონერებმა ყველაფერი იღონეს მის დასაფრთხოებად.

— ესეც რეფლექსი იქნება და არა გამიზნული აქცია. — შეედავა თორნიკე.

— რატომ? მოძრაობას ჩვენი შეხედულებით წარვმართავთ და შიგადაშიგ მიმდინარე მოვლენებსაც ჩავრთავთ. ჩვენ ტრავმირებული ხალხი ვართ. ეს ჭერ კიდევ ანდრე უიღმა შეამჩნია. თითოეულმა საკუთარი ადგილი უნდა იპოვოს. დაშინებული მასა ჭერ კიდევ დუმს, მაგრამ თუ ერთა ავმოძრავედით, ისე აღარ იქნება, რაც ათასცხრასს ორმოცდათექვსმეტში მოხდა.

„არა, ბატონებო! მე არ დავდლილვარ. ჩემი კომპრომიცი სულმოკლეობა არ ყოფილა!“ გაიფიქრა თავისთვის. „მაღლდარწმუნდებით, რომ მართალი ვიყავი!“

— მხოლოდ საფოსტო ყუთს შეუძლია უქმად იყოს და საქმე აკეთოს, — წარმოთქვა საყვარელი ანდაზა. — უნდა ვიმოქმედოთ მეთოდურად და უშიშრად!

— ჰმ! — ჩაეცინა თორნიკეს. — ნახეთ, რას გვასწავლის ერთი „ბრძენკაცი“. „საქართველოს კომუნისტური პარტიის ცენტრალური კომიტეტი, ჩვენი მთავრობა ყოველგვარ პირობას უქმნის ქართული კულტურის აყვავებას!“

— სამშობლოს სიყვარულზე არ ღრიალებენ. როცა პატრიოტიზმი წყნარი და საქმიანია, მაშინ ყველა სიძნელეს გადალახავს.

„მაშინაც ასე მყუდრო სადამო იყო! — აგონდებოდა ჩარიტას. — ახლა აღარ გიყვარვარ. სულ აღარ გეცოდები. თორემ, მაპატიებდი!“

\* \* \*

პირველი კურსის სტუდენტი იყო. სწავლას მოწყურებული. მეოცნებე. ცოტა სკეპტიკოსი. უიმედოდ შეყვარებული. მდიდარი მამის ასული.

ერუანტელი უვლის. აგონდება საშიშარი, ტყბილ-მწარე დღეები.

უნივერსიტეტს ცეცხლი უკიდია. გიზგიზებს. ისმის წკრი-ალა ხმები. ათრთოლებული, შემკრთალი და იმედიაანი. ყველას აინტერესებს: „რა თქვა ბადრიმ?“ „როდის გადიან მანიფესტაციანზე?“

ჩარიტა, ენძელა, თორნიკე, ამირან ლაშქარავა, კაკი, სხვა

აქტივისტები, შუალამემდე თათბირობდნენ ბადრი უჯარმელთან. „უნდა გამოვიდეთ! ერს გავაგონოთ ჩვენი სიტყვა! გამოვაფხიზლოთ!“

თოთხმეტი აპრილი თენდებოდა. გამთენიიდან ფარფარებდნენ საიდუმლო მანქანები. ტყავგადაკრულ კარებში უჩინრად დაძვრებოდნენ ავსულები.

იმ ღამით ჩარიტა შინ არ მისულა. არც უძებნიათ. იცოდნენ, გაწყრებოდა. უბნიდან უბანში დარბოდა ისეთი განკარგულებების გადასაცემად, რომელსაც ტელეფონით ვერ ეტყვი.

ქვეყანაში ერთი ამბავი ჰქონდათ. ახალი კონსტიტუციის პროექტს იხილავდნენ. ბადრიმ ერთბაშად ალღო აუღო ოინბაზობას. ვითომ, საქმეს აკეთებდნენ, სინამდვილეში, ფორმალურ უფლებებსაც კვეცავდნენ! სახელმწიფო ენის სტატუსს ართმევდნენ!

საოცარი ალღო ჰქონდა მომადლებული. უმაღ იგრძნო, როგორ აღიქვამდა ხალხი ამ შეურაცხყოფას. აღარაფერი შეარჩინეს. დღეს ნარჩენებსაც გვართმევენ. ამოგვხოცონ, ბარემ, და ის იქნება. თავის მოსატყუებელსაც ართმევენ!“

რამდენიმე მოწოდება: გონივრული, დროული. აღდგა საქართველო, აბორგდა. გამოცოცხლდა ახალგაზრდობა. პროსპექტებს ელვამ გადაუბრინა. მოიტანა მშვენიერი აზარტი. ძალა და თავდაჯერება.

დაიბნა. პანიკამ მოიცვა მთავარმართებელი. შეტორტმანდა ტახტი. აცახცახებულმა უხმო კმაყოფაზე მყოფ ნებიერებს. „ვიღუბები! მიშველეთ! ჭერი გვენგრევა!“

მოცივდნენ მუცელს გადაყოლილი ყმები. დაუჩოქეს. რა არ იკადრეს. მიწაში ჩადეს უჯარმელი და მისი თანამებრძოლნი, ათრიეს და ლაფში ამოგანგლეს. რას არ იტყვის კაცის ენა!

„ილია ჭავჭავაძე სწორედ ამისთანა კონსტიტუციაზე ოცნებობდაო!“ — ბრძანებდა ცრუმეცნიერი და ცრუ პატრიოტი. — „აიღეთ მაგალითი ჩრდილოეთ კავკასიისა და შუააზიის ხალხებიდან. ნახეთ, როგორ აყვავდა მათი კულტურა, რაც დედა-ენას ზურგი აქციეს!“

ჩინოსნებს ეჭვიც არ ეპარებოდათ გამარჯვებაში. „უჯარ-

მელი უსაქმურია! იოლალატე! სულით ავადმყოფი! უნიჭო! ამბიციური! მოკვდეს! გაცამტვერდეს! ოლონდ ჩვენს სტო-მაქს არა დააკლდეს! რა საქართველო რის საქართველი!”

სიკვდილი გამოიარეს მამულიშვილებმა. გულები ამოიგ-დეს. ქართულს სტატუსი შეუნარჩუნეს. სხვამ არავინ იცოდა, რის ფასად. ოცი წლის წინანდელი ცხრა მარტივ იმუქრე-ბოდნენ. ბადრის ა. ა. გაკვირვებია ეს მუქარა. ახსოვდა. გა-მოცდილი ჰქონდა და მოელოდა. არც ჩინოსნების დაპირის-პირებას გაუოცებია. მათგან ყველაფერი მოსალოდნელია.

იმ წელს ბევრი რამ გაიგეს და იგრძნეს ბადრის ჰაბუკმა მეგობრებმა. პატრიოტობა დიდ ალღოს, ცოდნას და თავდა-დებას მოითხოვს.

ჩადგა ქარიშხალი. ჩამოარიგეს ჩინ-მედლები. დაუფას-დათ მოყვრის ლანძღვა და მტრის ერთგულება. მოლალატეები პატრიოტებად გამოცხადდნენ, პატრიოტები — მოლალატე-ებად.

„ჩვენ არ ვუმდეროდით ჩვენს საქართველოს!“

კი, ბატონებო უმდეროდით. თქვენ დიქტატორებსაც უმ-დეროდით. ხუთ ოქროს ვარსკვლავიან მჭდაბნელსაც შექს-პირზე მალლა აყენებდით. როცა თქვენ ჯილდოს ინაწილებ-დით, ჰეშმარიტ მამულიშვილებს დილეგებში ხდიდნენ სულს. ისიც, თქვენი ნებართვით და ლოცვა-კურთხევით ჯალათებს გადაეცით კოლეგები, წააქეზეთ კიდევ. გარიყეთ, მოიკვე-თეთ, გაწირეთ, მოიშორეთ და არხეინად განაგრძეთ ღრეობა. ტრიბუნალზე ცრუმოწმეობასაც არ თაკილობდით. სამშობ-ლოსთვის, დედაენისთვის თავგანწირვა ამბიციურობად გა-გამოაცხადეთ. საფსიქიატროდ გაუხადეთ საქმე.

„არ გინდათ! ნუ დავუწყებთ ერთმანეთს ყვედრებას! უარესი იქნება“.

„კეთილი, მაგრამ, თქვენ გგონიათ, ხალხი ვერაფერს ხე-დავს?! ავსა და კარგს სიმართლეს სასწორზე არ სწონის?! აბა, მოიკითხეთ იმდროინდელი პაროდები, გაშირიბანი და ლექსები, რომლებიც ჯერჯერობით ფოლიანტებად ინახება კერძო არქივებში, და დარწმუნდებით ხალხის პატიოსნება-ში“.

„მერმე, გვიშველა ამ სინდის-ნამუსმა რამე?“



როგორ არ გვიშველა!? გაგვაძლებინა. გვიშველის!“

„აყვავებულ ატმის სუნთქვით გერწოდა აკვანი, მამაშენის საუღღგრძელოს ვსვამდით სულის კანკალით, საქართველოს ყელზე უჭერს, ბიჭო, შენი საკანი“ — ლულში ელანდებოდა ქალიშვილს მშვენიერი სტრიქონები, რომელიც ციხეში შეუგზავნა. რამდენიმე წელი ელოდნენ.

— აწი მეც თავშეკავება გემართებას უბრალოზე ნუ დავიხარჯებით. — კაცრად წარმოთქვა ბადრიძე.

დაუსრულებლად ჩურჩულებდნენ ფიცად ქცეულ სიტყვებს:

გაცოცხლდა მიწა ქართული,  
თქვენგანთ ფეხდანაბიჯები.  
სიკედლის შეპირდნენ და მაინც,  
მაინც მოვიდნენ ბიჭები.

აუწერელ სიხარულს გრძნობდნენ თითოეულ სიტყვაზე. თოთხმეტი აპრილი ის დღე იყო, როცა ოცნება აისრულეს და სასწაულით გადარჩნენ.



დღე არ გავიდოდა, რომ საოცარი და საგანგაშო არა მომზადარიყო. ადამიანის სიცოცხლეს კაპიკის ფასი დაედო. ქუჩაში სრულიად უმიზეზოდ კლავდნენ შემთხვევით შემხვედრს. შემზარავი ამბები მეორე დღეს აღარ ახსოვდათ. დევნილნი ხმის ამოდებას ვეღარ ბედავდნენ. ავაზაკებმა თავი აიშვეს. დამნაშავე უდანაშაულოს კლავდა. აქლემის ქორდი ნეშისს ქურდს ასამართლებდა. დამაბულობა წუთით არ ნელდებოდა. გულაზიზი ფარისევლები დამამშვიდებელ ტაბლეტებს ყლაპავდნენ. მექრთამეობის წინააღმდეგ დაუნდობელი ბრძოლის ნიშნად, რამდენიმე პროფესორი დააპატიმრეს. შემუშავდა მისაღები გამოცდების „მეცნიერული საფუძვლები“. ამ დონისძიებებმა ხელი შეუწყო ყოველგვარი უკანონობის დახვეწას და აყვავებას. ნეგატიური მოვლენები გაიფურჩქნა. ნარკომანია ეროვნულ უბედურებად იქცა. კეთილშობილება დაითრგუნა. პატიოსნება დეპრესიაში ჩავარდა. სიტყვასა და საქმეს შორის უფსკრული გაითხარა. ო

ერი საშიშროების წინაშე დადგა, სასოწარკვეთამ შეიპყრო. გაჩნდნენ ფუყე გენიოსები. ყველაფრის მკადრებელი პატრიოტები.

მოკლე ხნის მანძილზე რამდენიმე გულისშემძვრელი შემთხვევა მოხდა, რამაც შეარყია ქართველი ადამიანის სულიერი წონასწორობა. გაღიზიანა ხალხი. ტერორის სუსხით შეადრწუნა. სიცოცხლის ხელყოფის გაადვილების, ხელისუფლების ძალადობის, პიროვნების აბუჩად აგდების, განწირულების განცდამ დააბეჩავა. ადამიანი თავის არარაობაში, დაუცველობაში, უპატრონობაში დაარწმუნა. ინდივიდის თანაგრძნობა მსხვერპლის მხრეზეა.

რომანტიკული, წმინდა სულის პატრონი, სიმართლის მაძიებელი ყმაწვილი ქალი, ვისაც ადამიანთა სიკეთე სჯეროდა, ბოროტი ძალის ქვებუდანობამ შეიწირა. ძალაუფლების ბოროტად გამოყენებით საგიჟეში ამოხადეს სული. ხალხმა უმალ იგრძნო, საით იყო სიმართლე. დასწყევლა, შეაჩვენა სატანა და საუკუნო ნათელი მოჰფინა მსხვერპლს. ლეთაებრივ განაჩენს ველარაფერი შეცვალს.

ოცი წლის მშვენიერი ქალაშვილი ადამიანის ტყავში გახვეულმა მხეცებმა სადისტურად დაგლიჯეს. მოაშთეს უმანკო სიცოცხლე და მიიმაღნენ. ეჭვი არ ეპარებათ, რომ შერჩათ. საყვარელო, ხალხო, შენს სპეტაკ გულში სამარადისო ძეგლი აღუმართე უცოდველ სულს. შენ, რაღას ელი, ურჩხულო, ავაზაკებისთვის რომ კალთა გადაგიფარებია!

მოგეკითხება. გარდაუვალია უფლის განაჩენი.

წითელ ხილზე იმ დილით მშვენიერი მანდილოსანი დააკავეს. ძუძუმწოვარა ბალღისთვის ტიტველ ტანზე ჰაშიში შემოეხვია.

ვინ ან რამ მიიყვანა აქამდე? ვინ გაუხადა საქმე საციხოლს რას ანაცვალა შვილი და ყმაწვილქალობა!

• • •

— დახვრეტა მოუსაჯეს! — შემოვარდა ბადრი უჯარმელთან ჩარიტა.

— შეუძლებელია ვინ თქვა?

— მამაჩემმა. ესაა დაბრუნდა დახურული პროცესიდან.

— ამას მეც კი ვერ დავიჯერებ! რა მოხდა, ვითომ! ქვეყანა დააქციეს?!

— აბა ერთი მათ ჰკითხე! საუკუნის დანაშაულადაა გამოცხადებული.

— ძნელად ასახსნელი სისასტიკეა!

საქმე ეხებოდა სამგზავრო თვითმფრინავის გატაცებას, რომელიც ახალგაზრდების ჯგუფმა მოახდინა. დიდი ალიაქოთი გამოიწვია ამ ინციდენტმა. ვერ ამიხსნია, რამ გააშმაგა ხელმძღვანელობა. რამე პირადულიც ერია თუ „ახალგაზრდობაში აღმზრდელით-პოლიტიკური მუშაობის ჩაშლის“ ბრალდებამ დააფრთხო. თავისთავად, არც ეს იყო პატარა ბრალდება. მაგრამ დროსა და გარემოებაზეც ბევრია დამოკიდებული. რალაც გადაჯგუფება იგრძნობოდა, ასეთ მომენტში აჩქარება კი მოულოდნელი არაა.

საქმეში საუკეთესო ოჯახის შვილები იყვნენ გარეულნი. განათლებული, მომავლის მქონე ახალგაზრდები. მათი ბედი ყველამ ახლოს მიიტანა გულთან. ამ ტრაგედიამ ბევრი ცრემლი აღვრევინა ხალხს და საუკუნოდ დაამახსოვრა თავი. ჩვენ ასმილიონიანი ერი არ ვართ. არც ათმილიონიანი. თითოეული კაცი ჩვენთვის სალოცავი ხატია. ისიც რანაირი ბიჭები დ გოგო, ნეტავ, ერთხელ მაინც მოგესმინათ და გენახათ! ხალხის თვალში ინციდენტი ძალათ ჩანდა გართულებული და ტრაგედიად ქცეული. შეიძლება ყველაფრის უფრო გონივრულად მართვა და დაგვირგვინება. მაგრამ ასეთ საქმეებში თავშეკავება სჯობია. სხვა სხვის ომში ბრძენიარ. იმასაც ამბობდნენ, პირველი ნაბიჯებოდანვე ყველაფერი იცოდნენ და განზრახ მიუშვეს, შორიდან ადევნებდნენ თვალსო.

მოქმედების პროცესშიც შეიძლება განსხვავებული და სხვა გადაწყვეტილებების მიღება და სისხლის თავიდან აცილება. როცა ყველაფერი გამქლავნდა, ძნელი დასაჯერებელია, რომ შეთქმულები გამწვავებაზე წასულიყვნენ, უაზროდ თავი გაეწირათ.

ამ ტრაგედიის გარჩევა ჩვენს ამოცანად არ მიგვაჩნია. აქ ფსიქოლოგიური ფონის მოსახაზად დაგვჭირდა ხალხის, ახალგაზრდობის განწყობილებაზე. სისხლის პატიება არ არ-

სებობს. ტრაგიკულად დაღვრილი ვარდისფერი სითხე მუ-  
დამ უმანკო და უცოდველია. ცივილიზაცია განსაკუთრებულ  
პასუხისმგებლობას ითხოვს მისთვის. იმ საზარელი დღეები-  
დან დიდი დრო არაა გასული. ასე მოკლე დროში კარდინა-  
ლური გადატრიალება მოხდა ადამიანთა აზროვნებასა და ზნე-  
ობაში. ღმერთმა ინებოს, რომ ეს თანამედროვე ანალებში  
უკანასკნელ მსხვერპლად ჩაწერილიყოს.

ყოველგვარ განსჯასა და განაჩენს საფუძვლად ადამიანის  
კეთილი და შემწყვალე გული უნდა დაედოს. წაქეზება აღიკ-  
ვეთოს და ადამიანებმა მიმტევეებლობით იხელმძღვანელონ.  
ადამიანებმა იქ იცხოვრონ, სადაც ურჩევნიათ და ამ ნიადაგ-  
ზე წარმოქმნილ კონფლიქტებს კაცის სიცოცხლე არ ეწირე-  
ბოდეს. მაგრამ ეს მხოლოდ მაშინ მოხდება, როცა ადამიანე-  
ბი უარს იტყვიან თავიანთი უსამართლო ცხოვრების ჩვე-  
ვებზე.



შეუძლებელია, ერთხელ მაინც არ მოგსვლოდეთ აზრად,  
რომ ქვეყანას ბედისწერა მართავს.

უიღბლო გამოდგა საქართველოს ხელისუფლების უკანასკ-  
ნელი შეცვლა. მეოცნების ადგილი პრაგმატიკმა დაიკავა.  
ისინი მხოლოდ სისასტიკესა და ძალაუფლების სიყვარულში  
ჰგავდნენ ერთმანეთს.

ჩვენში ხომ პოლიტიკური ცხოვრება არ არსებობს, ყვე-  
ლაფერი საიდუმლოებითაა მოცული.

შეგარდნადის საგარეო საქმეთა მინისტრად დანიშნვამ ზო-  
გიერთი ხუმრობის გუნებაზე დაყენა. თვითონ, როგორც რამ-  
დენიმე ჩვეულებრივი ფაქტიდან გამოჩნდა, საფუძვლიანად  
ჰქონდა მოფიქრებული თავისი მომავალი და ახალ ასპარეზ-  
ზე მიეჩქარებოდა.

მოსკოვს გამგზავრების წინააღმდეგ, ქართველი ინტელიგენ-  
ციის ერთ ჯგუფს შეხვდა გამოსამშვიდობებლად. შთამბეჭ-  
დავი სიტყვა წარმოთქვა. ეს იყო ფანატიკოსის გამოსვლა, კე-  
თილშობილური იდეებით აღფრთოვანებული მეოცნების ფან-  
ტასტიკა. თუ გნებავთ, ლირიკული ინტერმეცოც. ოპტიმიზ-

მით აღსავსე, გამამხნევებელი და განშორების სევდა-ნალვე-  
ლით შეფერილი.

რალაც შემთხვევის წყალობით, იმ გამომშვიდობებას ზე-  
ბედე ქარცივაძეც ესწრებოდა და არასოდეს დაავიწყდება ის  
შთაბეჭდილება, რომელიც მან დამსწრეებზე მოახდინა. ერთ-  
მანეთს უზიარებდნენ მოწონებას, იმედებსა და ნატვრას.

მეორე დღეს შუაწყნეთის მოსახვევში შეეჩხება აეროდ-  
რომზე მიმავალს. მანქანიდან გადმოაუღიყო და თავაზიანად  
ესაუბრებოდა გამოსამშვიდობებლად გამოსულ აქაურ მე-  
ზობლებს.

ზებედემ ყური მოჰკრა: დაბეჯითებული ხმით მშვიდობას  
ჰპირდებოდა მათ. არწმუნებდა, ომს თავიდან ავიცილებთ,  
ქვეყნიერებაზე ზავი და სიწყნარე დამყარდებაო.

ეს დაპირებები დონკიხოტურად ქდერდა იმ დროს და ზე-  
ბედემაც ირონიული ჭირქილით განაგრძო თავისი გზა. ომის  
თავიდან აცილება მაშინ ღვთის სასწაულსადა თუ შეეძლო.  
ამასთან, ყოფილი მდივანი ბევრ სატიკივარსაც უტოვებდა თა-  
ვის ქვეყანას. მკაცრი და მიუტყევებელი ხასიათი ჰქონდა.

არ გასულა დიდი ხანი, მთავრობის აპარტამენტები ახა-  
ლი. ღიპგასიებული ფილისტრებით გაივსო. ვინ იფიქრებდა,  
რომ ეხლა ესენი მოექცეოდნენ სათავეში. ამისთანა ქვეყა-  
ნაში ბატონობას დიდი ხელოვნება არ უნდა. ტექნიკა დახ-  
ვეწილი და საიდუმლოა. თანამებრძოლებს ბიუროზე წამოკ-  
ნაელების უფლებალა აქვთ დატოვებული. დატრიალდნენ. გა-  
დაჯგუფდნენ, გადმოჯგუფდნენ. ცქვიტად დაიკავეს სარგო აღ-  
გილები. მთავარ ვეზირად გაქნილი მეხოტბე მიიწვიეს. „სა-  
ხელოვანი მამულიშვილი“ კარგი მსმელი და მკამელი. ჯილ-  
დოს მიღებაში დახელოვნებული, ჩამწყობი და მოხიზანკლე.  
გაჩაღდა იათფასიანი, პარტიულ-კომკავშირული „მოღვაწე-  
ობის“ ახალი და, ღმერთმა ქნას, უკანასკნელი პერიოდი.

საგანგებო დრო გამოეყო მთავარკონსულტანტის სადაშოს  
მაციონებს, სადაც მბრძანებელი „ბრძენკაცის“ რჩევა-დარიგე-  
ბებს იღებდა. იფურჩქნებოდა ლენინური სტილი. სქელდებო-  
და ამომავალი კლასის ჯიბეები და სულ უფრო ეცემოდა „ძვე-  
ლი მთავრობის“ გავლენა.

ძველი და ახალი არაფერს უთმობდა ერთმანეთს. წყალ-

ქვეშა ბრძოლა გაეჩაღებინათ. ვინ იცის?! შემკვიდრეობად მიღებულ ხერხებით და საშუალებებით. ღრმა ზურგის გასამაგრებლად აიკრძალა „ანონიმური წერილები“, ფასი და ედო „რაციონალურ წინადადებებსა“ და ექსპერიმენტებს. უცნაურ ინიციატივებს. ერთმა მაძიებელმა რომის პაპამდეც მიაღწია. ხელზეც ემთხვია. ვერც კი დაიჭერებთ.

მიდით! იხეტიალეთ! მოხერხეთ თავი საქართველოს. ყველაფერი ნებადართულია, ოღონდ თქვენ იყავით გალაღებული, პასუხს არავინ მოგთხოვთ! შენ ოღონდ მოახერხე, კოჭობს თავი მოხადე. აივსო საქართველო აღმოჩენებით. უნიკუმებით და სასწაულებით. გაჩაღდა რეკორდების დამყარება. შეცოცდი ვატიკანის ბიბლიოთეკაში.

ახალი ხელმძღვანელობის წყალობით, ცხოვრებამ ერთბაშად იცვალა ნირი. ჩაუყენა სათავეში მძახლები. ფულის გიჟები. საქართველოს დათრგუნვას რა დიდი ამბავი უნდა. ბორკილები მომზადებულად გაქვს გადმოცემული. ხერხმალი გადატეხილი აქვს. გეგმებს უწინდელზე უფრო ასრულებს. მექანიზმი ათვისებულია. შესატანი დროზე შეაქვს. არბატზე ეგორ ილიჩს ხვდება. „ჩაის სახლში“ მითითებებს იღებს. ფესვი მოიმაგრა. ახლა თამამად შეუძლია, კადრები გადაახალისოს. ზოგი „მარილზე გაისტუმროს“. უფლება აქვს, ყველაფერი ფეხზე დაიკიდოს. ზემოდან ხმის გამცემი არავინაა. აქ კი, თავი უმტვრევიათ!

ახალი მინისტრი სხვა კაცია. მაძიებელი, შემოქმედი. უნარი შესწევს, ყველაფერი თავიდან დაიწყოს, წაგებული გამოაბრუნოს! კონცეფციას ეძებს. იკვლევს. სწონის. თავის ახალ საქმეს ქმნის. არენაზე გამოსვლისთანავე აგრძნობინებს მსოფლიოს, რომ მასთან დიალოგი შეიძლება, სასარგებლო იქნება, ახალი ერა იწყება. თავაზიანი, და ელეგანტურია. არ ყოფილა აუცილებელი კოლეჯები და ლიცეუმები, მცირე ოდაშიც შეიძლება უმაღლესი ღირსებების შექენა. არისტოკრატიული მიწვრა-მოხვრა. ბუნებრივი მანერები. მოღიშარი და მხიარული. მტკიცედ, მეთოდურად, გულდინჯად მიჰყვა და შემოაბრუნა ცვალებადი ბედი. ხელმეორედ იშვა ახალი საქმეებისათვის. ეძიებდა და ჰპოვებდა. ძნელი და სახიფათო ბილიკებით სიკვდილს ეთამაშებოდა. გაუბედავს ბედავდა.



ბადრი თვითონ ქმნიდა თავის ცხოვრებას. ათასგვარი გატაცება ჰქონდა. იკვლევდა, თხზავდა, თარგმნიდა. რამდენიმე ენას ფლობდა. ყველგან და ყველაფერში შეეძლო წარმატების მიღწევა. წინ ფართო, ნათელი ასპარეზი გადაშლოდა, მაგრამ ყმაწვილობიდან მამულზე მტანჯველ ფიქრს შეეპყრო. სხვა სიცოცხლე არ იცოდა. სნეულად ჩაითვლებოდა, სამშობლოზე ზრუნვით სნეულად. რაზედაც სხვას ფიქრიც არ შეეძლო, ის ცხადად ჰხედავდა. განთავისუფლებულ, აყვავებულ, ბედნიერ საქართველოს. ჰარმონიულად ვაერთებულყო მასში მეოცნებე, მებრძოლი და ორგანიზატორი. უსწრაფესად შეეძლო გამოეფხიზლებინა, დაერაზმა ძილბურანნი მყოფი საზოგადოება. იყვნენ აქა-იქ სხვა გულმხურვალე ქართველებიც. სამშობლოს უბედობით დამწვარნი, თავის ღფლებზე მეოცნებენი. მაგრამ მათ შეეძლოთ მშვიდად ეკეთებანათ ყოველდღიური საქმე, ენაწყლიანი ლექცია-მოხსენებები წაეკითხათ, ოჯახური ბედნიერებით დამტკბარყვნენ. საჭირო არიან ასეთი პატრიოტები. ღმერთმა გზა დაულოცოთ! მაგრამ ღვთისგან მოვლინებულთა არსებობაც მჭერა. ისინიც ჩვენს შორის ცხოვრობენ, ჩვეულებრივი ცხოვრებით, მაგრამ მათი გამოცნობა შესაძლებელია და აღამაანები სცნობენ მათ. სცნობენ, ენდობიან და უკიდურეს საფრთხეშიც აგისვიზებით მიჰყვებიან მათ. მტრებიც ჰყავთ, მოშურნე-მოზიზღარებიც, მაგრამ გადამწყვეტ მომენტებში მუდამ თავს ახვევიათ საჭირო აღამიანთა გუნდი, რომელიც აუცილებელია საღვთო საქმეების აღსასრულებლად.

ასეთ აღამიანებს განგება გზავნის და განსაკუთრებული ცხოვრება აწრთობს. ბადრი უჯარმელის ალლო და შეგარძნებები დიდი გამოცდილებით იხვეწება. მრავალფეროვანი ცოდნა, ნიჭი და რწმენა სჭირდება. იმ დროს არავის ასე ზუსტად არ შეეძლო ვითარების შეგარძნობა, მომენტის შეფასება და შესაფერი ღონისძიების განსაზღვრა. დიდი სიფრთხილით და ოსტატობით შეეძლო ერთმანეთთან შეერწყო წინააღმდეგობის სხვადასხვა ხერხი და შესაფერის მომენტს ხელიდან არ გაუშვებდა, მაქსიმალურად გამოიყენებდა.

პოლიტიკური პოლიცია თვალს ა' აშორებდა ბადრი უჯარკელს. ვითარების შესაბამისად, ზედამხედველობის სხვადასხვა ზომებს უნიშნავდა, რითაც არამართო ნერვიულად დაბავდა მის პირად ცხოვრებას, არამედ აბრკოლებდა და ხშირად შლიდა გათვალისწინებულ ღონისძიებებს.

1988 წელი დაძაბულად მიმდინარეობდა. მეთვალყურეებს ათასი საბაბი სჭირდებოდათ მოსალოდნელი აქციის აღსაკვეთავად. სახლი ფარულ ალყაში იმყოფებოდა. რამდენჯერმე „შინაური პატიმრობაც“ დაუწესეს. ასეთ გამაფრთხილებელ ღონისძიებებს მთავრობის მხრივ ცოტა ხარჯი და ჯაფა როდი სჭირდება.

ქვეყანა მეცხრამეტე პარტკონფერენციისთვის ემზადებოდა. ქვეყნის ხსნას ელოდნენ. პროგრამის ახალ რედაქციას ამზადებდნენ. კონსიტუციის პროექტის განხილვასთან დაკავშირებით, ისევე მწვავედ დგებოდა დღის წესრიგში დედაენის, ეროვნული სუვერენიტეტისა და დემოგრაფიის პრობლემები.

ასეთ მდგომარეობაში მთავრობამ უჯარმელთან პოლიტიკური დაპირისპირების გზა აირჩია. ოფიციალურად რამდენიმე შეურაცხმყოფელი, ყოვლად უსაფუძვლო მასალა გამოქვეყნდა. ეს პასკვილი გამოიჩინებოდა უზნეობით, სიტლანქით და სიყალბით. არავითარ ეჭვს არ იწვევდა, რომ ასეთი პუბლიკაციები უჯარმელს კი არ გაუტეხდა სახელს, არამედ ხელისუფლებისადმი ზიზღს გააძლიერებდა, ბადრის კი ახალგაზრდობის მხარდაჭერას განუმტკიცებდა.



ათასცხრაას ოთხმოცდარვა წელს გაგრძელდა საქართველოს ცხოვრების დესტაბილიზაცია. ჩვენი სამშობლოსთვის სახელის გატეხა, ქართველების ლანძღვა-გინება, აბუჩად აგდება მოღურ და გასართობ საქმედ იქცა. ამისი აღარც არავის ერიდებოდა, არც რცხვენოდა, არც ეშინოდა. საბედისწერო განაჩენის სისასტიკით სრულდებოდა. დეზინფორმირებული სამყარო ჩვენს წინააღმდეგ ამხედრებულიყო. გაქრობით გვემუქრებოდნენ. რა დავაშავეთ? რისთვის გაგვწირეს? რატომ გაგვიმეტეს? განმარტებას საჭიროდ არ თვლიდ-



ნენ. თითქოს, ისედაც ყველაფერი ცხადი და უდავო იყო.

იგრძნობოდა, ისევ სტალინისა და ბერიასთვის ვთხოვდნენ პასუხს. თუმცა ისინი დიდი ხანია აღარ ამძიმებდნენ ამ წუთისოფელს და მათ ანდერძს ახლა მემკვიდრეები ასრულებდნენ. ეკითხათ მაინც! იქნებ, საკმარისი საბუთები წარგვედგინა იმის დასამტკიცებლად, თუ რომელი ერის „ცხოვრების ხე“ უნდა დაემშვენებინათ აღნიშნულ გმირებს. არც თვითონ გვეკითხებოდნენ, არც ჩვენ ვკადრულობდით ძალათ აკიდებული „თანამემამულეების“ მაგივრად პასუხისგებას.

საკავშირო პრესა და ტელევიზია ფსიქოლოგიურ ტერორს აღრმავებდა. კიდევ კარგი, ვერაგული შეთქმულების ამბავი არ ვიცოდით, თორემ შეიძლება, ხალხი პანიკას მოეცვა ახლა კი, ნაწილ-ნაწილ მოგერიებით ვიქარვებდით დარდს. არც ცვეტოვისა და „ზზღლიადის“ ვირეშმაკობა დაგვრჩენია უყურადღებოდ, მოლჩანოვიც გავაჩუმეთ. მხატვრულ ფილმს „წითელ სიცხესაც“ ნიღაბი ავხადეთ, სადაც ბანდიტისთვის „რუსთაველი“ დაურქმევიათ.

თავდაცვის ყველაზე ეფექტური ხერხი კონტრიერიშია და ჩვენც შევახსენეთ ჩვენი სატყვირები.

დავით გარეჯის კომპლექსისთვის ახალგაზრდებმა ცეცხლი დაანთეს. ტრანსკავკასიის რკინიგზის მშენებლობაც დაგმეს. კარიერისტებს ხმა ჩააწყვეტინეს და ცრუ საბუთები სანანებლად გაუხადეს.

ბადრი უჯარმელსა და ამირან ლაშქარავას, რომელიც მეგობრის შეუპოვარი და მოხერხებული მცდელობით, საერთაშორისო ორგანიზაციების მხარდაჭერით ხანგრძლივი, მტანჯველი კატორღიდან სამშობლოში დააბრუნეს, პოლიტიკური მდგომარეობის მძაფრი შეგრძნების უნარი ჰქონდათ, პირველებმა იგრძნეს უჩვეულო ამბების მოახლოება.

მეცხრამეტე პარტიულმა კონფერენციამ, რომელსაც გარკვეული პროგრამა არ აღმოაჩნდა და ვერც ეფექტური გადაწყვეტილებები მიიღო, დააბნია და საგონებელში ჩააგდო ხელისუფლებაც და საზოგადოებაც. გორბაჩოვის შტაბს, ეტყობა, ვერ გადაეწყვიტა, რით დაეწყო, რისთვის მიენიჭებინა პრიორიტეტი, პოლიტიკური თუ ეკონომიური ღონისძიებებისთვის. იგრძნობოდა რეაქციული ოპოზიციის საიდუმლო აფუს-

ფუსება, სერიოზული საფრთხეც. კრიზისულ ვითარებაში მიმდინარეობდა კონსტიტუციის განხილვა. ვისაც „გარდაქმნის“ მომავალი აფიქრებდა და რესტავრაციის საფრთხე წარმოდგენილი ჰქონდა, აუცილებლად თვლიდა პოლიტიკური და ეკონომიკური რეფორმების პარალელურად ჩატარებას, პოლიტიკური ღონისძიებების დაჩქარებით.

საქართველოში — შეურაცხყოფილ, გაღიზიანებულ ქვეყანაში, ყურადღება გადატანილი ჰქონდათ ეროვნულ პრობლემებზე.

შეუპოვარი ბრძოლა გაჩაღდა ასმერკე და ასმეცხრამეტე მუხლების შესწორებებზე. ამ სახელმწიფოში ყოველგვარი „სახალხო განხილვა“ ფორმალურ ხასიათს ატარებდა და არავინ სერიოზულ მნიშვნელობას არ ანიჭებდა. ამჯერადაც „შესწორებებმა“ და „დამატებებმა“ სამასიათასს გადააჭარბა. ასეთი ფოლიანტების რა შესწავლასა და განხილვაზე შეიძლება ლაპარაკი. სიყალბე და თვალისახვევა გამოდიოდა ბადრი უჯარმელი ოსტატურად სარგებლობდა „ცენტრის“ შეცდომებით. ამხელდა კონსტიტუციის მანქსა და ნაკლოვანებებს.

ერთხანს „სათანადო ორგანოებს“ განზრახული ჰქონდათ „პატიმრობაში დაებრუნებიანთ“ ბადრი უჯარმელი, ამირან ლაშქარავა, თორნიკე, ენძელა ძიძიშვილი, ჩარიტა და მათი მეგობრები. განსაკუთრებულ სიმკაცრეს იჩენდა ცეკას მდივანი ფარსაგიშვილი. გონებაშეზღუდული, ჯიბრიანი ფუნქციონერი.

— ჯერ საგანგაშო არაფერი ჩაგვიდენია, — უთხრა უჯარმელმა მეგობრებს, — ოფიციალური კი განძრევის საშუალებას არ გვაძლევს. ეს ნიშნავს, ყველაფრისთვის სრულ პასუხისმგებლობას თავისთავზე იღებს. ასეთმა დამოკიდებულებამ, დღეს თუ ხვალ, სარგებლობა ჩვენ უნდა მოგვცინოს. ნახეთ, რა ორომტრიალი ატეხენ ტრანსკავკასიის რკინიგზის გამო. გერც გრძნობენ, რომ პარტიული მაქსიმალიზმი ჩვენს წისქვილზე ასხამს წყალს.

— ამ მხრივ, შეუდარებელია გილაშვილი. აი, ბელადის ერთგული მოწაფე, რომელსაც ეჭვი არ ეპარება, რომ დღემდე არაფერი შეცვლილა.

— ოო, ეს საინტერესო ფენომენია! ამას წინ მარნეულში ვილაცას უთქვამს, აქაურებმა ქართული არ იციანო და დაუტატანებია: შენ თუ იცი, ამათი ენაო? აი, რა ჭკუით მოუტანებია აქამდე. ყველგან და ყველაფერში ქართველია დამნაშავე! არ დაინდო, არ გაახარო! სხვებს ფეხისგულები ულოკე. ამისთანები სიკეთეს დაგვაყრიან?

ლაშქარავას ფერი ეცვალა. აგიუებდა ზოგი თანამემამულის გულის სიყრუე.

— უარესს უნდა ველოდეთ ჩვენი და ჩვენი მამა-პაპების დოკლაპიობისთვის. ოღონდ თავის წუთისოფელი მშვიდად მოეჭამათ და სხვა აღარაფერზე უზრუნიათ. ანტიქართული ინტერნაციონალიზმი იქამდე მიდის, რომ პასპორტის გაუქმებასაც მლითხოვენ. ვითომ, ეს აღამიანის უფლებების ხელყოფაა და ყველას ნება უნდა ჰქონდეს, თავისით აირჩიოს საცხოვრებელი ადგილი. ჩვენი სასარგებლო არაფერი წამოსცდებათ.

თუ ხმა ამოიღე, ნაციონალისტობას დაგწამებენ.

— ავი წინათგრძნობა მაქვს! — თქვა თორნიკემ. — გაზეთებში ხომ ვხედავთ, ცილისწამებებს რომ აღარ ათავებენ, ახლა საქმეებზეც გადადიან.

— ნუ შედრკებით, ბიჭებო! — სახე გაუფოლადღა ბადრის. — სიმართლე ჩვენს მხარეზეა. ხალხთა თანასწორუფლებიანობის და თავიანთი ბედის გამგებლობის უფლებიდან გამომდინარე, ჰელსინკის ხელშეკრულება აღიარებს სრულ სუვერენიტეტს, ყოველმა ერმა უნდა თვითონ განსაზღვროს თავისი საშინაო და საგარეო ბედიღბალი, გარედან ჩაურევლად განსაზღვროს საკუთარი პოლიტიკურ-ეკონომიკური, სოციალური და კულტურული განვითარება. სხვისი ინტერესებით ვერ ვიხელმძღვანელებთ. ეს თვითმკვლელობა იქნება. ცვეტოვის, „ოგონიოკის“, საკავშირო პრესისა და ტელევიზიის „თეორიული გამოხდომების“ ფონზე პრაქტიკული საშიშროებაც გამოისახა. რალაც შეთქმულების მსგავსი. ღმერთმა ქმნას, რომ ვცდებოდე! მაგრამ ეშმაკს არ სძინავს. ყველაფერს, რაც ჩვენს გარშემო ხდება, ქართული სული უნდა შთაებეროთ. სხვა ნურავის იმედი გვექნება. ჩვენი სტალინელები ყველაფერს შეწირავენ „ინტერნაციონალურ ძმობას“.

ვერც კი გააგონებთ, რომ „დიდი ბელადი“ ეროვნებით ქართველი არ ბრძანდებოდა და მაგოდენა უბედურება არც ერთ ადამიანს არცერთი ხალხისთვის არ მიუყენებია. მაგათ ჰგონიათ, დღე-დღეზე დაუბრუნდებათ თავიანთი ფეოდალური პრივილეგიები.

ვითარება მრავალმხრივ იძაბებოდა. ზემოდანაც, ქვემოდანაც. ჩვენი მეზობლები უპატრონოდ ითვისებდნენ ალაზნის ველის მიწებს, მოსაზღვრე ადგილებს, ხოლო შემდეგ შავიზღვისპირეთის კოლონიზაცია გააჩაღეს. ყოველივე ეს ათასცხრაას ოცდაერთის ოკუპაციის შემდეგ, როცა „ქართველებმა“ — იოსებ სტალინმა და სერგო ორჯონიკიძემ რამდენიმე ათასი კვადრატული კილომეტრი გადასცეს მათ საქართველოს დაპყრობაში დახმარებისათვის ჯილდოდ, მომაკვდინებელი დარტყმა იყო საქართველოსათვის.

— ხალხი ეროვნულ სამართლიანობას ითხოვს, — მშვიდად წარმოთქვა ლაშქარავამ.

— საჭიროდ მიმაჩნია, ყველაფერი დროულად და მჭიდრო ურთიერთ კავშირში განვიხილოთ. — ფიცხლად ჩაერია თენგიზ რევიამ.

— დროა, მხარი დავუჭიროთ არა კონსტიტუციის პროექტებზე რიტორიკულ პოლემიკას, არამედ საქართველოს დამოუკიდებლობას. მაშინ მთელი საქართველო გამოგვეყვება. გაიხსენეთ ათასცხრაას სამოცდათვრამეტი, ქართული ენის უფლებისათვის ბრძოლა.

— გაუმარჯოს დამოუკიდებელ, თავისუფალ, დემოკრატიულ საქართველოს! — წამოიძახა ჩარიტამ, რომლის ხმა ათიოდე წლის წინ ახალგაზრდობას გულში სწვდებოდა. მას შემდეგ ამ ხმას ეღერა დაკლებოდა, შესუსტებულიყო, უპაერო საკნებისა და, ვინ იცის, კიდევ რა მიზეზების გამო, მაგრამ მაინც ამანთებელ გავლენას ახდენდა მსმენელზე.

— დროა ამ მოწოდებით გამოვიდეთ, — დაადასტურა ბადრი უჯარმელმა. — საჯარო გამოსვლები ნებადართულია.

მხედველობაში ჰქონდათ უმაღლესი საბჭოს პრეზიდიუმის 28 ივლისის „ბრძანებულება კრებების, მიტინგების, ქუჩაში მსვლელობის, დემონსტრაციების ორგანიზაციისა და გამართვის წესზე“. აგვისტოში ამავე საკითხზე საქართველოს

უზენაესი საბჭოს პრეზიდიუმმაც გამოიტანა შესაბამისი ბრძანებულება.

ოფიციალური საფუძველი კი არსებობდა, მაგრამ ეს ბევრს არაფერს ნიშნავდა, რადგან შარის მოღება ყოველთვის შეეძლოთ. საქმითაც ჩანდა, რომ ადგილობრივი ხელისუფლება მოძრაობის მეთაურებს თავისუფლად ხელის განძრევის საშუალებას არ აძლევდა. შეგვიძლია დაბეჯითებით ვთქვათ, რომ თითოეული ნაბიჯი რისკთან იყო დაკავშირებული. განსაკუთრებით ციხეგამოვლილი „საშიში ელემენტებისათვის“, რომელთაც ერთი წუთით არ აშორებდნენ თვალს. ქართველი „დისიდენტები“ საგანგებო დევნას განიცდიდნენ როგორც ხელისუფლების მხრივ, ისე იმ მოძრაობისგანაც. სტალინიზმის წინააღმდეგ ბრძოლის ნიადაგზე რომ აღმოცენდა. მასში ქართველების სიძულვილი ერიო. მათ ხელს არ აძლევდათ იმის აღიარება, რომ ქართველებმა ყველა სხვა ერზე ათასგზის მეტი ტანჯვა-წამება გამოიარეს სტალინის ხელში. ასე ორ ცეცხლს შუა იყვნენ მომწყვდეულნი ქართველი მამულიშვილები. მათი ბედი საქართველოს მოწამებრივ ბედს განასახიერებდა. შიგნიდან და გარედან ცეცხლშენთებულს. არაადამიანური დევნა და თვალთვალი. საგანგებო რეჟიმის ციხე და სადისტური ძიება. აბუჩად აგდება. ნეიროლეპტიკა და ფარმაკოლოგიური პრესი. უკიდურესი დამცირება. დაწიოკება.

ენა ვერ აღწერს, რაც უჯარმელს, ლაშქარავას და მათ მეგობრებს გადახდათ თავს. მათი ბედი არ ჰგავდა დიდი, ანუ მრავალრიცხოვანი ერის ბედს, რომლებიც ათასგვარ მხარდაჭერას, თანაგრძნობას, დიდებას იხვეჭდნენ ქვეყნის შიგნიდან და გარეთ. ესენი ბედით გაუკუღმართებული საქართველოს შვილები იყვნენ. ნუ იქნებით უსამართლონი, მათ უბედურებას ნუ შეადარებთ შორეული წარსულისა თუ თანამედროვეობის რომელიმე სხვა წამებულთ, თვით სტალინური ჯურღმულების მარტვილთაც. შეეძლოთ თავი დაეღწიათ ტანჯვისთვის, ხორცი გაუხარებინათ, თუ იკისრებდნენ იმის ერთ მესედს, რასაც ყველა რანგისა და პროფესიის გაფუფუნებული ნაძირალა კისრულობდა. მაგრამ არა, მათ ეს ფიქრადაც არ

მოსვლიათ. გადაიტანეს ყველაზე დიდი უბედურებაც, დალა-  
ტი და ლალატის დაწამებას შანტაჟის მუქარას ნუ დაგავიწყ-  
დებათ, რომ ჩვენს საუკუნეში ტანჯვა-წამების ათასჯერ უფ-  
რო საშინელი საშუალებები არსებობს, ვიდრე აბო თბილენ-  
ლის და ქეთევან დედოფლის დროს არსებობდა.

არაფერი დანანებიათ ბადრი უჯარმელისა და ამირან ლაშ-  
ქარავას სატანჯველად. მათი შვილები, ოჯახიც არ დაზო-  
გეს.

თორმეტ ოქტომბერს, მიუხედავად სასტიკი მუქარისა,  
ოსინი მაინც გაეშურნენ მეწინავე ხაზზე. გამოცხადდნენ ერის  
სამსჯავროზე. თუ საქართველო ვერ გაუგებდა, თუ თბილისი  
ჯავშნად არ შემოეკვროდა, განწირულნი იყვნენ.

მონდა რასაც მტრები არ ელოდნენ. რასაც არავინ ელო-  
და. დედაქალაქი ხალხით გადაიჭედა. აბობოქრდა ქუჩები.  
ახმაურდნენ მეგაფონები, ტრიბუნები. „გაუმარჯოს დამოკა-  
დებულ საქართველოს!“ — გუგუნებდნენ მწყობრი, ერთსუ-  
ლოვანი კოლონები.

ხელისუფლება გამოჩინას ვერ ბედავდა. დამსჯელ და  
აღმკვეთ ღონისძიებებზე ლაპარაკიც ზედმეტი იყო. უკან უნ-  
და დაეხიათ. ძალთა თანაფარდობა აშკარად გამოჩნდა, ხალხ-  
მა მოქმედების თავისუფლება მოიპოვა. თაოსნებს გზა გა-  
ეხსნათ. დაპატიმრებაზე ფიქრიც ზედმეტი იყო. ხალხმა იხს-  
ნა მისთვის თავდადებულნი. რათა მოძრაობას შინაარსი არ  
მოკლებოდა, კამათობდნენ კონსტიტუციის შესწორებებზე,  
ყრილობისათვის წარკაადგენი ვარიანტების აკარგზე. ასმერვე  
და ასმეცხრამეტე მუხლების მნიშვნელობაზე. ავრცელებდ-  
ნენ ნაბეჭდ ფურცლებს. მოწოდებებს, დემონსტრანტები მა-  
სობრივი შიმშილობებით და გაფიცვებით იმუქრებოდნენ.  
ბადრი უჯარმელი და ამირან ლაშქარავა მკერდმოღელილი  
ტრიალებდნენ ხალხის ტალღებში. ამხნევებდნენ. რჩევას იძ-  
ლეოდნენ. ცდილობდნენ თავიდან აეცილებინათ შეტაკებები  
და პროვოკაციები, დაეცვათ მიტინგებისა და დემონსტრა-  
ციების წესი. სოდომ-გომარში მტერს ათასი გაუგებრობის  
მოწყობა შეეძლო. ზოგი განაპირებით მიჰყვებოდა მოზღვა-  
ვებულ პროსპექტს. ვერ გადაეწყვიტა, შეერთებოდა თუ არა.  
ასეთი არაფერი ენახათ.

ამ დროს და ამის შემდეგ დიდი ხნა განმავლობაში მოვლენები ვითარდებოდა ძველსა და ახალ მდივანს შორის ხელისუფლების გაყოფის ნიშნით, ინტერესთა ჭიდილისა და შეუთავსებლობის ვითარებაში, რაც თავის დაღს ასვამდა თითოეულ წვრილმანს. ყოფილი მდივნის გადაყვანიდან დიდი დრო არ გაულა, მაგრამ სადავო და გაუგებარი ძალიან ბევრი დაგვიკვდა. ფაქტიურად საქმე გვეყონდა ორხელისუფლებიანობასთან.



თბილისის უნივერსიტეტის სამოცდაათი წლის საიუბილეო სხდომიდან, რომელაც სახელმწიფო ფილარმონიის დიდ დარბაზში ვაიმართა „კულტურის გამოჩენილ მუშაკთა“ მცირე ჯგუფმა დიდად დაფასებულ ხეოთმოდღვარს, ლენინური და სტალინური პრემიების ლაურეატს, ენვერ ჩინაძეს გამოუარა. უნდოდათ მეგობრისთვის ახალი, ძლიერ პრესტიჟული ბინა მიელოცათ „ფიქრის გორაზე“ და ამ საბაბით, მასპინძლის ქალიშვილისთვის, განთქმული დისიდენტის ჩარიტასთვის, რომელიც ცოტა ხნის წინ დაბრუნებულიყო პერმის გადასახლებიდან, საჩუქარი მიერთმიათ და ამბავი ეკითხათ.

ასეთ ზღაპრულ ბინებს პირველი მდივანი პირადად აძლევდა მთავრობის ხელმძღვანელებს, აგრეთვე „ხელოვნების, ლიტერატურისა და მეცნიერების“ კეთილმსახურ მუშაკებს. რანგების ტაბულით ეს ჯილდო სოციალისტური შრომის გამირობას უტოლდებოდა.

სასიქადულო მამულიშვილები ესტუმრნენ, უგამოჩინებულესი ხელოვანნი, მეცნიერნი და პოლიტიკოსნი. ზურაბ ბერძენიშვილი თაობათა მოძღვრად, პირველ ბრძენად და მჭევრმეტყველადაა აღიარებული. მის მიმართ მცირეოდენი შენიშვნა არავისთან დაგცდეთ, თორემ, გაუწეწავი ვერ გადაარჩებით. ყველა კითხვაზე, საშინაო იქნება თუ საერთაშორისო, ამომწურავი პასუხი გამზადებული აქვს და შეუძლია რეცეპტის ძალმოსილებით გამოგიწეროს. მის საჯარო ლექციებზე დარბაზებს კარ-ფანჯარა აღარ რჩება. რენე ჭანი-

შვილს გაცნობა არ სჭირდება. ქვეყნიერებაზე კუნჭულს ვერ იპოვით, ფეხი არ დაეღვას და თავისი ავტორიტეტული ხმა არ მიეწვდინოს. ესენი ძლიერ პირნათლად არიან ხელისუფლებასთან.

ფილოსოფიის დოქტორი ოთარ თუხარელი ჯერ არ შემოსულიყო ამ წრეში. უცხო ენებს ფლობდა. დაფიქრებულ, უანგარო კაცად იცნობდნენ და გაუკვირდით, როცა ხმა გავრცელდა, „სახალხო ფრონტს“ აარსებსო.

მასპინძელი თავს ევლებოდა მეგობრებს, ახალ ბინას სიამაყით ათვალთქვამდა. ცოტა ხნის შენდევ, ჩარიტაც შემოვიდა. ბოდიში მოიხადა დაგვიანებისთვის.

— მც ვფიქრობ, ამ ეტაპზე მოძრაობამ უფრო მშვიდი ხასიათი უნდა მიიღოს, — თქვა რენე ჭანიშვილმა.

— არ გეთანხმებით! — გაცხარდა ქალიშვილი. — ტემპიზ დაგდება დამღუპველი იქნება.

— ხელოვნურად არ უნდა გავამწვავოთ, — უთხრა მამამ. — ცხოვრების რიტმი შევინარჩუნოთ. უნივერსიტეტში გამოსვლისას ამხანაგმა პატიაშვილმა მტკიცე პირობა მისცა ახალგაზრდობას, რომ კონსტიტუციის შესწორებების ყველა მოთხოვნა დაკმაყოფილდება.

— საქართველოს ხელისუფლებას არ უნდა დაეუპირისპირდეთ. ამით შეიძლება, საფრთხეში ჩაეგდოთ ხალხის უშიშროება, — თქვა რენე ჭანიშვილმა. — საზღვარგარეთ მილიონში ერთს ვერ იპოვით, საქართველოს არსებობა რომ იცოდეს.

— ეს იმის გამოა, რომ დამოუკიდებლობა არ გვაქვს, ლიხტენშტეინი, ანდორა, ალბანეთი გაუგონიათ, საქართველო კი დაავიწყდათ. როცა დამოუკიდებლობა გვქონდა, ევროპაში მთავრობა არ არსებობდა და გაზეთი არ გამოდიოდა, ჩვენთვის რომ ანგარიში არ გაცნია, — წამოწიფინდა ჩარიტა.

სახინ ნაკეთები უთრთოდა და თვალეხი უელავდა. ლამაზი და მომხიბვლელი არ ეთქმოდა, მაგრამ მღელვარებისას ეშხი ემატებოდა. რაღაც ანდამატური მსჭვალავდა მის არსებას. რაღაც მბრძანებლური, იქნებ, დესპოტურიც.

— ძალიან ბევრს ნუ დაუჭერებთ და ენდობით თქვენს დიდგულა ბელადებს! — ნახევრად ხუმრობით უთხრა მამამ.



— ჩვენ არავითარი ბელადები არ გვყავს. — აღშფოთებით წამოიძახა ჩარიტამ. — ჩვენ თანამოაზრენი ვართ და ყოველ-  
გვარ მბრძნებლობას უარვყოფთ.

— კარგი, ბატონო! ბოდის გიხდით! — დამნაშავესავეთ გაეღიმა მამას, რომელიც ავადმოსაგონარი პატიმრობის შემ-  
დეგ, სათუთად ექცეოდა და დიდ ანგარიშს უწევდა ძალიან სერიოზულ საქმეებში ჩართულ, ბუნებით ნაზ და მოკრძა-  
ლებულ ასულს.

— კიდევ ბევრ სიურპრიზს გვპირდება ეს იღუმალებით მოცული „გარდაქმნა“. ვერავენ იწინასწარმეტყველებს, საით მივდივართ და რა მოგველის! — სევდიანად, მსუბუქი ამო-  
ოხვრით თქვა ზურაბ ბერძენიშვილმა. — ჯერჯერობით, ბევრი რამ ისეთივე მისტიკითაა მოცული, როგორც „მფრინავი თეფ-  
შები“, რომელთაგან მოსვენება აღარ გვაქვს.

— თქვენ კანონზომიერების აღმოჩენას ხომ არ აპირებთ?!  
ამაო დაშვრომა გამოგვივა. იცის ჩვენმა პლანეტამ ქაოტური პერიოდები, როცა ლოგიკური დასკვნების გამოტანა შეუძლებელი ხდება და სამყაროს აუხსნელი ძალები ეუფლებიან. — ყოველ შემთხვევაში, უკვე კატეგორიულად შეიძლება ვთქვათ, რომ კომუნიზმს არავითარი მომავალი აღარ გააჩნია და ევოლუციონარ ხანს მხოლოდ უკანასკნელ ბრუნვათა დასაბოროტებლად იქნება შენარჩუნებული. — თქვა ჩარიტამ.

— სულ უფრო ვრწმუნდებით, ჩემო კარგო, რომ ქვეყნიერებას ღმერთები მართავენ.

— „გარდაქმნის“ არსი, როგორც ჩანს, დღეისათვის თვით მისი სულისჩამდგმელებისთვისაც გაურკვეველია. ხელისუფლებით, გაჭირვებით მიიკვლევენ გზას.

— წინააღმდეგობა ძლიერდება და არავინ იცის, ვის დარჩება გამარჯვება! — ჩაუროთ მამამ.

— რაკი ჩვენს ქვეყანას თავი მოერღვა, „თავისუფალი სამყარო“ ამ შემთხვევას ხელიდან აღარ გაუშვებს.

საგონებელში ჩავარდნილიყვენ მთიან ყარაბაღში აზერბაიჯანელებსა და სომხებს შორის დაწყებული კონფლიქტით. კომენდატის საათის შემოღებით.

— ეს ისე ძალათ შეკოწიწებული სახელმწიფოა, რაკი აირია, იოლად დამშვიდების მოლოდინი ნულარ გექნებათ,—

შეწუხებული ხმით თქვა ოთარ თუხარელმა. — დიდი სიფრთხილე და გამჭრიახობა გვმართებს.

— სიფრთხილე ძველი გზით სიარულს არ ნიშნავს! — თქვა ჩარიტამ. — ახალი საშუალებები უნდა დაიძებნოს. საქართველო სულ სხვა რეალობების წინაშე დგას. მტრებმა ამთავითვე შეიგნონ, რომ ჩვენ არ გვძინავს.

მიუხედავად იმისა, რომ შუალამემ მოატანა, ჩარიტას სასწრაფოდ გამოუძახეს. სტუმრებთან ბოდიში მოიხადა. ახალთახალი ჟიგულის საჭეს მიუჯდა და გააქროლა.

— ჩვენც მივაშუროთ ჩვენს ადგილებს! — წამოდგა ოთარ თუხარელი. — ისეთი დრო დგება, უქმად ყოფნის უფლება აღარ გვაქვს.



ჯუმბერ პატიაშვილი ცხრა საათზე ბარნოვის ქუჩის ერთ მომყუდროებულ ეზოში შეხვდა მთავარ მესაიდუმლესა და მრჩეველს ზაალ ნადირაძეს. ყველა ტიტულით შემკობილ შემომქმედს, მეცნიერსა და ბრძენ კაცს. ათეული წლების მანძილზე საქართველოს ცხოვრების ყველა მნიშვნელოვანი მოვლენის მომსწრესა და მონაწილეს. ყველა საქმესა და ადამიანზე საკუთარი აზრის მქონეს. იმისი მზა, გარკვეული და უყოყმანო პასუხები უებარ დახმარებას უწევდა ახალგაზრდა ხელმძღვანელს მის ურთულეს და ფეთქებად მოღვაწეობაში. ვის არ მოეხსენება, რომ საქართველოში ორდინარული მეთოდებით ძალაუფლებას დიდხანს ვერ შეინარჩუნებ.

ზაალ ნადირაძის რჩევა-დარიგებებს პირველი მდივანი არა ერთხელ გამოუყვანია კრიტიკული მდგომარეობიდან და პირადად მისთვისაც და მისი ახლობლებისთვისაც კაი სარგებლობა მოუტანია.

ისინი მუდამ ღია ცისქვეშ, ადამიანებისგან განკერძოებით ამჯობინებდნენ სასიცოცხლო პრობლემებზე ბაასს, ბოლთის ცემაში გამოჰქონდათ ფრიად მნიშვნელოვანი გადაწყვეტილებები.

რაც კონსტიტუციის პროექტი გამოიტანეს განსახილველად, „არაფორმალურმა“ მდგომარეობა გაამწვავეს და მთავ-

ზობას „წყალი შეუდგა“. პირველი მდივანი ახლა უფრო ხშირად მიმართავდა თავის მრჩეველს მწვავე შეკითხვებით. პასუხის გაცემა თანდათან რთულდებოდა, რადგან წინამორბედებთან ამგვარი არაფერი ხდებოდა, ადრე ცხოვრება გაცილებით იოლი იყო და, მაშასადამე, ზაალ ნადირაძეს არც ამდენი ცოდნა და გამოცდილება სჭირდებოდა.

როცა სიტყვა ჩამოვარდა უმაღლესი საბჭოს პრეზიდიუმის თავმჯდომარეზე, რომელსაც მეტისმეტად აუხირდნენ და მოკლე ხანში ოდიოზურ პიროვნებად აქციეს, მრჩეველმა მისთვის ჩვეული ირონიული სიცილით მიუგო:

— გავუშვათ აბა დამსახურებულ დასვენებაზე, დრო არაა?!

ამით რამდენიმე პრობლემა ერთბაშად გადაწყდა. ძალათ ფაპოლიტიკოსებულმა კაცმა თვითონაც სული მოითქვა და ხალხმაც იმ დღესვე დაივიწყა.

— დისიდენტებმა თავი აიშვეს...

— დისიდენტებმა?!

— ჰო! უჯარმელმა. ლაშქარავამ. თენგიზ რევიამ...

— გასაგებია. ამისთანა საქმეებს თავისი პატრონი ჰყავს!

— ვიცი, მაგრამ არ იძლევიან ნებას.

— თქვენ ხშირ-ხშირად შეატყობინეთ იქ. რაც უნდათ, ის ქნან!

— მე მინდოდა, მოვლაპარაკებოდი მათ.

პირადად ვიცნობ ყველას.

— გამოდის რამე?

— ჭერჯერობით, არაფერი. ამაყი და შეუსმენელი ხალხია.

— ერთი რომელიმე უნდა დაიხლოვოთ, დააჯილდოვოთ, დააწინაუროთ!

— გაგონება არ სურთ.

— მაშინ დასაჯოთ! შიში შეიქმს სიყვარულსაო! ამით მოვატანეთ აქამდე.

— უხარიათ, თუკი დასჯი, აწამებ და გააციმბირებ!

— მიდგომა სჭირდება ამას. იოლ ცხოვრებას მონატრებულ კაცს რა განოლევს.

— ფარსაგიშვილისთანა კრეტილებს რომ გამოგზავნიან, რას გააკეთებ?!

— შეცვალე, შენი ნება არაა!?

— არაა ჩემი ნება. „იმის“ გამოგზავნილია.

რამდენიმე წუთს უხმოდ განაგრძობდნენ სეირნობას. მდივანს არ უნდოდა, მტრების სალაპარაკოდ გახდომოდა საქმე, თორემ სახიფათოს ვერაფერს ამჩნევდა. ცენტრში გავლენიანი მფარველები ჰყავდა, „გარდაქმნისადმი“ ირონიულად განწყობილნი, გაბედული მოქმედებისთვის ყოველ წუთს მზად მყოფნი.

— მთავარია, ახალგაზრდობას არ მოეწყდეთ! — თავი ასწია ზაალ ნადირაძემ. — უნივერსიტეტში თქვენმა გამოსვლამ სტუდენტებზე დიდი შთაბეჭდილება მოახდინა. რაკი ნდობა მოიხვეჭეთ, დარწმუნებული ვარ, უყოყმანოდ გამოგყვებიან. რაც უნდა ვთქვათ, ხალხს სტაბილური მდგომარეობა ურჩევნია.

— ხვალ კომკავშირის აქტივი გვაქვს მოწვეული. მოწინავე ახალგაზრდებს გამოვიყვანთ. ზოგიერთ არაფორმალსაც მივცემ სიტყვას.



ჩარიტამ მანქანა ცენტრალური ქუჩის შესასვლელში დატოვა, მეგობრის სახლის წინ და ჩქარი ნაბიჯით აუყვა აღმართს ბადრი უჯარმელის კარმიდამოსკენ, რომელიც, კარგა ხანია, საიღუმლო ალყაში იმყოფებოდა. რადგან უცდიდნენ, ჰიშკართან წუთიც არ შეგვიანებია, ისე სწრაფად და თამამად გაულღეს.

მასპინძელთან ერთად, იქ დახვდნენ ამირან ლაშქარავა, თორნიკე ერისთავი, სტეპო სვირანგია და ენძელა.

ასეთ ღროს, ამისთანა ვითარებაში ოქმს არ ადგენენ. არც ბევრს ლაპარაკობენ. ჩვენს ეპოქაში დანახვისა და მოსმენისათვის საშუალება არსებობს.

— ხალხი გვთხოვს, შიმშილობა გამოვაცხადოთ. მოხალისე ბევრი გვყავს. ქალიც, მამაკაციც. ამჯერად შეგვიძლია ორასამდე სული მივიღოთ. მისამართები და მორიგეობა დაწესებულია. წესრიგს ამირანი გაუძღვება.

სათქმელად ეს იოლია. ატანაც შეიძლება. მაგრამ პასუხის-  
მცებლობის თავის თავზე ალება, უზრუნველყოფა და წარ-  
მართვა საოცარ რისკს და თადარიგს ითხოვს.

იმ დროს პოლიტიკური პროტესტისა და მასობრივი წი-  
ნაღმდევობის მეთოდების შერჩევისა და ორგანიზაციის ინე-  
თი გამოცდილება არვის ჰქონდა, როგორც ბადრი უჯარ-  
მელსა და ამირან ლაშქარავას. საკვირველი სიღინჯითა და  
თავდაჯერებით ასრულებდნენ ამ ურთულეს მოვალეობას.

ასლა ბევრს ეადვილება ამაზე ლაპარაკი. მაგრამ არსე-  
ბობდა „ვოლუნტარიზმისა“ და „უძრავობის“ პერიოდები, რო-  
ცა მშვიდი და ტკბილი ცხოვრების მოყვარულ „მამულიშვი-  
ლებს“ ასეთ საშიშარ საქმეზე ახლოს ვერ გაიკარებდი.

პროტესტის გამოხატვა კი აუცილებელი იყო. თუნდაც  
მტრის დასაფრთხობად. გასაფრთხილებლად. საკუთარი სუ-  
ლის სიტბოს შესანარჩუნებლად. წესიერების და ღირსების  
შესახსენებლად. რამდენჯერ ყოფილა, ბადრისა და ამირანს  
ჩარიოდე თანაკლასელი ან თანაკურსელი გოგო-ბიჭისთვის  
ძლივს მოუყრიათ თავი, იმათ გადაძახებ-გადმოძახებით რამ-  
დენიმე ნათესავ-მეგობარი შემოერთებით და ასე შეუმ-  
ფოთებით ჩვენი მშინშარა დედაქალაქის „წესიერ“ მოქალა-  
ქეთა მყუდროება. ამას ზოგი დარბაისელი თანამემამულე  
ხულიგნობად აცხადებდა, ზოგი ამბიციად და პოლიტიკანობად.

ბოლოს და ბოლოს, რა ეშველებოდა კაცობრიობას ასეთი  
გიჟები რომ არ არსებობდნენ და არ აფხიზლებდნენ მთვლემარ-  
ე ადამიანთა სულს. რა აკლდა, რომ არ ისვენებდა? რისთვის  
ლესავდა ციხეების კედლებს!? ნიჭიერ და შრომისმოყვარე  
ახალგაზრდას ნუთუ სხვა არენაზე არ შეეძლო ამბიციური  
წყურვილის დაკმაყოფილება!?

— მოთხოვნები? — ჩაიჩურჩულა ჩარბიამ.

— კონსტიტუციის ასმერვე და ასმეცხრამეტე მუხლების  
დაგმობა.

— მხოლოდ?

— რა თქმა უნდა, უპირველესია მოთხოვნა: „გაუმარჯოს  
დამოუკიდებელ, თავისუფალ, დემოკრატიულ საქართველოს!“

დასწრებიხართ ათასცხრაას ოთხმოცდა რვა წლის ნოემბრის დემონსტრაციებს? გინახავთ ასობით მოშიშპილე მთავრობის კიბეებზე? ჩაგიხედავთ მათ მოგიზგიზე თვალბში? გიგრძენიათ მათი სულის ძახილი?

დღეს ყველას უღიარებია მათი მოთხოვნების სამართლიანობა და, ვითომ, აღარც უკვირთ.

მაგრამ გაიხსენეთ, სად იმალებოდნენ ეს სერიოზული ადამიანები, როგორ თრთოდნენ, გმობდნენ და დასცინოდნენ მოშიშპილეებსა და მათ მეთაურებს!

უმალლესი საბჭოს ნოემბრის სესის წინ და მისი მიმდინარეობის დროს დაძაბულობამ უკიდურეს წერტილს მიადწია. მოშიშპილეთა რაოდენობა უზომოდ მატულობდა. აღევებული გოგო-ბიჭები დაუკითხავად სხდებოდნენ მიმდებარე სასლების კედლებთან. დროდადრო, პროსპექტის დასაწყისში ნიაღვარივით შემოვარდებოდა აღმოდებული ახალგაზრდების ტალღა, ეროვნული დროშების ფრიალით, ენერგიული სამწყობრო ნაბიჯებით და მძაფრი, საიერიშო ყიყინით, რომლისგანაც ქალაქს ზანზარი გაუდიოდა. მოხუცსა და ახალგაზრდას საბრძოლველად უწევდა გული. გავარჯარება მასობრივ ფსიქოზში გადადიოდა.

ჯანმრთელობის სამინისტრო საგანგაშო ბიულეტენებს აქვეყნებდა მოშიშპილეთა მდგომარეობაზე. ირგვლივ სასწრაფო დახმარების ავტომობილები მორიგეობდნენ. ტელევიზიაში შეშფოთებული ახალგაზრდა მინისტრი ხალხს დაბნეული სახით უხსნიდა, რა მძიმე შედეგები შეიძლება მოჰყოლოდა ამას.

ხელისუფლებამ უშუალო საფრთხე იგრძნო. ამბოხებულნი ხალხის შეკავება მძიმე ამოცანაა. სხვადასხვა დარგის ხელმძღვანელებმა დაიწყეს ერთმანეთისთვის გადაბრალება. ყველაზე მეტი მათრახები გიზო ფარსაგიშვილს ხვდებოდა. რა თქმა უნდა, ყველაფერი იმის გამო ხდება, რომ მასობრივ-პოლიტიკური მუშაობა შესუსტდა, სემინარები არ ტარდება, საჯარო ლექციები ჩაშლილია. პრესამ, რადიომ, ტელევიზიამ თავისი მოვალეობა დაივიწყა. სასწრაფოდ მოაწყვეთ სასიქადულო მამულიშვილების შეხვედრები ხალხთან.

ქვეყნის უფროსებს ასეთი „მამულიშვილების“ საგანგებო სიები აქვთ. პარტია ყველაფერს აკეთებს მათი განდიდებისთვის, ავტორიტეტისა და პოპულარობისთვის. ყველა ჭილდო, ხარისხი და წოდება ამ წრეში ტრიალებს. ყველა პრესტიჟული ბინა, აგარაკი, უცხოეთის მივლინება, დეპუტატობა და დელეგატობა მათია. ნიჭიერნი, ერუდიტულნი, და გენიოსები მხოლოდ ისინი ბრძანდებიან.

რისთვის? რა დამსახურებისთვის?

აი, სწორედ ასეთი საგანგამო ვითარებებისათვის, როგორც ეს ბობოქარი დღეებია.

რა გზით? რა საშუალებით?

ქვეყნის დარიგებით. შუაეკაცობით. პატრიოტული შეძახებით. მამულიშვილური გულმტკივნეულობით. თანხმობის ქადაგებით. იმ ავტორიტეტის წყალობით, რომელიც ასეთი „შავი დღეებისთვის“ შეუქმნა მთავრობამ.

აივსო განხეთები ამათი პათეტიკით, სენტენციებით, მოშაქრულ-მოთაფლული მიმართვებით. ჩამწკრივდნენ ტელესალონში უმაღლესი რანგის ლაურეატები, აკადემიკოსები, მკვერმეტყველები, ძველი ვუნდერკინდები. შიგა და შიგ ამისთანა საქმეში გაწვრთნილი მუშები და „სოციალისტური შრომის გმირები“.

რამდენიმე დღეს გაგრძელდა ეს მშვიდობიანი მარში. რომელი „სასიქადულო მამულიშვილის“ სმა არ აქედგრა იმ დღეს. ტელევიზორში. რომელმა ლიბერალმა და უკიდურესმა პატრიოტმა მოაზროვნემ არ გადმოალაგა თავისი სობრძნე. ზოგი, შეიძლება, ექსტრემისტადაც მოჩვენებოდა გამოუცდელ კაცს. როგორ იპრანჭებოდნენ და კეკლუცობდნენ ეს ბანტიანი, სუფთად დავარცხნილი ფინიები, რომელთა საბოლოო ამოცანა იმაში მდგომარეობდა, ჩამოეშორებინათ ხალხი „ექსტრემისტებისგან“, „ამბიციური პირებისგან“, „პოლიტიკოსებისაგან“, დაბრუნებოდნენ ფაბრიკა-ქარხნებს, სკოლებს, უმაღლესი სასწავლებლების იდილიურ ცხოვრებას, ეშრომათ და ეღვაწათ „სოციალისტური სამშობლოს“ წარმატებებისათვის.

ზოგიერთ გულუბრყვილო ადამიანს „სუკი“ სამინისტროს კანცელარია ჰგონია და წარმოდგენა არ გააჩნია, რომ მთავა-

რი ჩინოსნები სწორედ ასეთ კეთილშობილურ საქმეს ეწევიან. ეს ბედნიერი კასტა ჰარმონიულად ათავსებს ერთმანეთთან პირად კეთილდღეობას და აქაური ზნეობის მოთხოვნებს. დიდი ამბით მსჯელობენ „პოლიტიკურ პროფესიონალიზმზე“, გონიერებაზე, ერის მომავალზე და ძალიან ამქვეყნიურ მიზნებს ისახავენ.

„მასვი, 22.2.20, მაღბინე, მრავალყამიერ მათქმინე!“

ეს მშვიდობის მტრედღეი რომ არ არსებობდნენ, საქმე ცოცხალ უკეთესად იქნებოდა.

ღიახ, ღიახ, იმ სასიკადალო მამულიშვილებზე მოგახსენებთ, რომლებიც „ზემდგომი ორგანოების“ მიერ შემოთავაზებულ ყოველგვარ ჯგუფურ განცხადებაზე კეკლუცად აწერენ ხელს, რათა „ექსტრემისტები“ საზოგადოებიდან გარეცონ და გაცოფებულ მთავრობას შეატოვონ ხელში.

ღმერთო, რას არ კადრულობდა იმ დღეებში ის დიდგულოვანი ხალხი. როგორ ცდილობდნენ, საზოგადოებრივ აზრს მთავრობა დაპატრონებოდა. ვინ არ გამოვიდა იმ დღეს. რამდენი სენტიმენტალური გულუბრყვილო არსება ააცრემლა. ხელისუფლებას რა უნდა ჰქონდეს იმის საწინააღმდეგო, ასეთმა სოლიდურმა მამულიშვილებმა რომ ბრბოს ჰქუა ასწავლონ. ჯერ მარტო რენე ჰანიშვილი, ზურაბ ბერძენიშვილი, ვატატი ხრიოკიძე და ბეჟან სურამელი რად ღირს! სამ დღეს არ გათავებულა ბრძნული და კეკლუცი აზრების ფრქვევა.

ქვეყანა აირია! საჭიროა გონიერება და სიმშვიდე! ამას რა ჩიჩინი უნდა. მაგრამ ისიც ხომ ასახსნელია, რამ გადარია ეს ამოდენა ხალხი.

სამწუხაროდ, ამგვარი პრობლემების გადასაწყვეტად ტელევიზიას დიდი ნაკლი დაჰყვა. შემკითხველს ვერ ხედავ და რასაც გინდა გამოტოვებ. ყოველ შემთხვევაში, სახეზე ეტყობოდათ, ჩვენი ორატორები ფრიად კმაყოფილი დარჩნენ დებატებით. მომიტინგეებსა და მოშიშვილებს ლამაზი სიტყვები ვეღარ დააკმაყოფილებდა. ისინი ეროვნული სუვერენიტეტის კონსტიტუციურ გარანტიებს ითხოვდნენ. საქართველოს დელეგაციას მტკიცე პოზიციის დაცვას ავალბდნენ. აქ მომზადებულ, გამოწრთობილ ოპოზიციასთან გაქვს



საქმე და ცარიელი ლაყბობით ვერ დააღწევ თავს. იურიდიული ხრიკების იმედს ნუ იქონიებ.

ინფორმაცია უსუსური და უსარგებლოა. დამქაშებს ის ხმები მიაქვთ ცეკაში, რომლებიც პირველ მდივანს ესიამოვ-ნება. აქედან რა დასკვნას გააკეთებ. ნორმალურ ადამიანს „ჰკუის მასწავლებლები“ არ უყვარს. შენ სიმართლე უახარი, დასკვნას თვითონ გამოიტანს. უსუსური გაკვეთილები ხალხს რა ხანია მობეზრდა. გალიზიანების მეტს არაფერს იძლევა. ტელევიზიაში კი „ჰკუის კოლოფთა“ რიგები დგას. თქვენ გაიხარეთ თქვენი ფილოსოფიით და მოჩალიჩშით! ესენი ფარსავიშვილის დავალებებს ისე ბეჯითად ასრულებენ, თითქოს, საქართველოს საქმეს აკეთებდნენ.

ვინც მთელი ცხოვრება სტალინის „ექვსი მიჯნებით“ იარა და ბრეჟნევის „მცირე მიწა“ შექსპირზე მალა დააყენა, ამბობებულ ხალხს ჰკუის ასწავლის.

რას მოსთხოვ! ცეკას მდივნის ერთი ღიმილის მოსაპოვებლად ყველაფერს იკადრებს. წერა-კითხვის მცირემცოდნე აკადემიკოსი სხვების ამბიციურობას დასცინის. უსამართლო პრეტენზიებისათვის წანწალით ასე გაცვეთილა და გასვარილა, ხალხში აღარ გამოიჩინება, შენ კი ერის დამრიგებლად გამოგიყვანია. რა ხეირი უნდა დაგაყარონ ამისთანა მქადაგებლებმა და ცრუ წმინდანებმა!

ეს იყო ბრძოლა ხალხის მასებისთვის. რომელი მხარე შესწლებდა მის მიზიდვას და გაყოლიებას: მთავრობა თუ ოპოზიცია? ხელისუფლება არსებითად სერიოზულ ინტერესს არ იჩენდა მომეტიანგეთა მოთხოვნებისადმი. არ შეუსწავლია მოშიმშილეთა პოზიცია. თითქოს ვერ ამჩნევდა ცხვირწინ გაშლილ კარკებს. გადაწყვეტილი ჰქონდა, „სასანქადულო ადამიანების“ მოწოდებით დაეშალა დემონსტრაციები. პროპაგანდისტული საშუალებებით გადაეჭრა ესოდენ რთული პრობლემა. საქმის საფუძვლიან ინფორმირებას და ანალიზს თავს არიდებდა.

პირველ მდივანს თავს ეხვია არასერიოზული, სახელგატეხილი მეთაურები, რომლებიც ფუქსავატურ დამოკიდებულებას იჩენდნენ შექმნილი სიტუაციისადმი, რადგან იოლ ცხოვრებას იყვნენ მიჩვეული. ეჭვი არ ეპარებოდა, რომ გა-

ნებიერებულ კალმოსნებს ერთი სიტყვით შეეძლოთ ხალხის დაშოშმინება.

ერთი ტელერეპეტიტორი, რომელსაც აბიტურიენტთა დედების წყალობით გულუბრყვილო ადამიანთა შორის სახელი მოეხვეჭა, დილიდან საღამომდე რამდენჯერმე გამოჩნდა ეკრანებზე მამაშვილური მოწოდებებით, თუმცა, არც ზნეობრივი უფლება ჰქონდა, არც კომპეტენცია. რთულ პოლიტიკურ მოვლენებში ისე ურევდა ხელს, როგორც ციცხვს ქოთანში. ლაყბობა და პუბლიცისტიკა ჩვენში აქამდე არაა გამიჯნული.

რაკი ხელმძღვანელებს განუზომელი უფლებები ჰქონდათ, თავიანთი თავი ყოვლისმცოდნედ მიაჩნდათ.

ხალხის მოთხოვნებს „მაქსიმალიზმად“ ნათლავდნენ. „ერის ფიზიკურად გადარჩენის მიზნით“, ახალგაზრდობას გადედლებას ურჩევდნენ. „გაფიცვები და შიმშილობა შვილოსნობის უნარის დაკარგვას გამოიწვევს“! შეჩვეული იყვნენ დღევანდელ თანამემამულეთა ხასიათს: იყვირებენ, იყვირებენ და გაჩუმდებიან, გული აუცრუვდებათ.

ფარსაგიშვილს ექვი აღარ ეპარებოდა, რომ ამდენი ჰკუთის დარიგების შემდეგ, მოშიმშილეები და მათი თანამგრძობები ფონიერებას მოუხმობდნენ და მთავრობის სახლის წინ მეორე დღეს კაცის ჭაჭანება აღარ იქნებოდა.

მით უფრო, რომ „სახელმწიფო მოღვაწეთა და ინტელიგენციის მოწინავე წარმომადგენელთა ჯგუფი“ პრესაში გაფიცვებისა და შიმშილობის წინააღმდეგ გამოვიდა. ბარემ, აქვეე ვიტყვი, ჩვენი დროის ქართველები ჯგუფური ხელმოწერის გიყები ვართ. ჩაქოლვის ეს ხერხი ჩვენში გაზეთმა „კვალმა“ და სოციალ-დემოკრატიებმა შემოიტანეს. შეთხზავდა ერთი ვინმე ილია ჭავჭავაძის დახვრეტის მოთხოვნის ტექსტს და ათასობით შემთხვევით პირს აწერინებდნენ ხელს. არავის აინტერესებდა, იცოდა თუ არა „ქვემოთ ხელისმომწერმა“ წერა-კითხვა.

ამ ხერხს დიდი წარმატებით იყენებდნენ ათასცხრაას ოცდაჩვიდმეტ წელს და, ეტყობა, ჯოგურად აწერინებდნენ ხელს (ვინ გაბედავდა უარის თქმას!), შეგრცხვებათ, ისეთ გვარებს იპოვნით მაშინდელ ხელმომწერთა შორის.

მოხდა სრულიად საწინააღმდეგო, თითქმის სასწაული. მი-

უხედავად იმისა, რომ მთელი ღამე ცივი ქარი ქროდა და წვიმდა კიდეც, თბილისის ქუჩებს გათენებისთანავე ზვავად წოაწყდა ხალხი.

„სასიქადულო მამულიშვილთა“ ტელედამოძღვრამ ასკეცად გაამწარა ქართველობა.

თბილისს მსგავსი არაფერი უნახავს. ვერც დაიჯერებდით, რომ ამდენი ხალხის ერთად შეკრება შეიძლებოდა. აბორგენული ქუჩები ტაშისცემით მიაცილებდა ბატალიონებად შეკრულ ქალიშვილებსა და ჭაბუკებს. ეს სურათები ადამიანთა ხელმეორედ დაბადებას ჰგავდა. არასოდეს იმდენი ბედნიერი სახე არ უნახავთ, იმდენი მტკიცე გამომეტყველება. მათ არ ერიდებოდნენ ემოციების გამომჟღავნებას. ისინი იღვიძებდნენ დიდი ხნის ძალიდან, რათა გაეგლიჯათ ბორკილები, დაემხოთ ცრუ ავტორიტეტები, მოსყიდული ჭკუის მასწავლებლები. რა არაამქვეყნიურად უბრწყინავდათ სახე, როცა სანუკვარი მოწოდებებით აზანზარებდნენ დედაქალაქს: „გაუმარჯოს დამოუქიდებელ საქართველოს!“ ეს იყო მათი პროგრამა და არსებობის მიზანი.

ხალხს სუნთქვა ეკვრის. დარწმუნებულია, ქვეყანას გადააბრუნებს. მთავრობის ბრიყვულ, ღრმომოჭმულ მეთოდებზე ერთ მუშტად შეუტრავს.

„გაახილეთ თვალი! ნუ ტყუით! იყავით სამართლიანი! თქვენ ის არ შეგიძლიათ, რაც ბადრი უჯარმელს და ამირან ლაშქარავას შეუძლიათ. თქვენ რამდენიმე ღამე არ დაგეძინებათ, ცეკას თანამშრომელმა რომ საყვედურით შემოგხედოს. გული წაგივათ. ელეთ-მელეთი მოგივათ. სამსახურში რომ დაგაქვეითონ, ჯავრით თან გადაჰყვებით. ყველაფერს იკადრებთ, რათა ძველ ადგილზე აღგადგინონ. დაგიკარგავთ ის, რაც ყოველ ქართველს ამშვენებდა: მამულიშვილობა, ვაჟკაცობა, თავდადება“.

ნოემბრის გამოსვლებმა ხელისუფლება ჩააფიქრა. პირველ მდივანს საშიშროება აგრძნობინა. საჭირო შეიქნა ხალხთან მისვლა. ნდობის მოპოვება. საქართველოს უმაღლესმა საბჭომ ოფიციალურად გამოაცხადა, რომ საკავშირო ყრილობაზე მზარს დაუჭერდა მომიტინგეთა, მოშიშვილეთა მოთხოვნებს. ამის დასადასტურებლად რამდენჯერმე პირველი მდი-

ვანიც გამოვიდა ტელევიზიით. უნივერსიტეტში, ინსტიტუტებშიც მოეწყო მასთან შეხვედრები. ნდობა გაიზარდა. მაგრამ შიმშილობა არ შეწყვეტილა. მთავრობის ყოველ ნაბიჯს ფხიზლად ადევნებდნენ თვალს. საექვოვლ მოეჩვენათ გორბაჩოვისა და გილაშვილის საიდუმლო გასაუბრება კავშირის უმაღლესი საბჭოს პრეზიდიუმის სხდომაზე.

მიტინგებს, დემონსტრაციებს, პოლიტიკურ თავყრილობებს დასასრული არ უჩანდა. ყალიბდებოდა ახალი პარტიები, ჩნდებოდნენ ახალი მეთაურები, არსდებოდა ახალი გაზეთები, მოძრაობა სულს იდგამდა. ცენტრალურ ადგილებზე პროკლამაციებს აკრავდნენ. ხელისუფლება იძულებული ხდებოდა დათმობებზე წასულიყო. ახალგაზრდობა გრძნობდა სახალხო გამოსვლების ძალას. ოქტომბერ-ნოემბრის დემონსტრაციებმა ხელისუფლება საგონებელში ჩააგდო. სანქციონირებულ მიტინგებზეც დათანხმდა. მაგრამ ეს არაგულწრფელი მანევრი აღმოჩნდა. ფარულად კონფრონტაცია ღრმავდებოდა. „სუჟის“ როლი იზრდებოდა. სამას-ოთხასკაციანი შიმშილობის აქცია ადასტურებს, რამდენად ორგანიზებულად და გონივრულად წარიმართებოდა ეროვნული დონისძიებები. ხალხი აღფრთოვანებით უჭერდა მხარს. გულგრილი აღარავინ რჩებოდა. მთავრობის სახლის წინ, გალერეასთან, პროსპექტზე განუწყვეტლად შლიდნენ ზეწრებს სახსრების შესაკრებად და ორიოდე წუთში პირთამდე ივსებოდა. რა ბედნიერი სახით, უყოყმანოდ იღებდნენ შესაწირავს. ესენი სიცოცხლესაც ასევე არ დაინანებდნენ. იგრძნობოდა, ნაცადი მეთაურები ჭყავდათ და მზად იყვნენ უკიდურეს განსაცდელში გაჰყოლოდნენ მათ. ხალხში მათ სახელებსაც გაიგონებდით. ნუგეშით, თაყუანისცემით წარმოთქმულს. რეპრესიებს, უკანასკნელ ლანძღვა-გინებას, რომელსაც ხელისუფლება მიმართავდა. დევნილთადმი სიყვარული, რწმენა და თავდადება გამოეწვია. მთავრობა უშმინდურ ცილისწამებასაც აღარ ერიდებოდა. არაქართველ მოსახლეობაში რომ სიძულვილი გამოეწვიათ, ხმა გაავრცელეს, თითქოს მოშიმშილეები არაქართველების 'გასახლებას მოითხოვდნენ.

მეთაურები დიდი ხელოვნებით იყენებდნენ იმ ერთ-ორ-

წუთიან გამოსვლებს რომლის უფლებასაც ტელევიზია აღ-  
ლევდა. აქარწყლებდნენ კორებს, გზას უჩვენებდნენ ხალხს.  
ცხადია ასეთ გულმტკივნეულ, თავისუფლების სულით გამსჭ-  
ვალულ სიტყვებს სულ სხვა ფავლენა ჰქონდა საზოგადოება-  
ზე, ვიდრე ჭკუისდამრიგებელთა გაფუყულ, ფარისევლურ  
ერთსაათიან ტელელექციებს.

ხელისუფლებამ კარგა ხნით ადრე სცადა საპასუხო პოლი-  
ტიკური ღონისძიებების მომზადება. ამ მიზნით დააარსეს  
რუსთაველის საზოგადოება. ყოველი ქართველისთვის სათაყ-  
ვანო სახელების შებილწვასაც არ მოერიდნენ. მაგრამ საზო-  
გადოება არ წამოეგო სატყუარას. თაოსანთა ვინაობის მი-  
ხედვით მალე გაიშიფრა ეს საიდუმლო. ხალხი თვალს ადევ-  
ნებდა, ვინ სად მიდიოდა ინსტრუქციის მისაღებად.

ხალხის იმ ნაწილს, რომელიც გატაცებით მონაწილეობდა  
მიმდინარე მოვლენებში და უნარი შესწევდა საღი დასკვნე-  
ბი გამოეტანა, წლის ბოლოს ექვი აღარ ეპარებოდა, რომ სა-  
დავეები ეროვნული ძალების ხელში გადადიოდა. ისინი გო-  
ნიერულად მოქმედებდნენ, რეალობის გათვალისწინებით, ში-  
ნაური და საერთაშორისო ვითარების ზუსტი გაანგარიშებით.  
აწონილ-დაწონილი სითამამით და სიდინჯით. ისინი არც კის-  
რისტებით მოქმედებდნენ, არც ზოზინით. ხალხი გრძნობდა  
თანაბარზომიერებას და ხალისით, ენერგიით მიჰყვებოდა  
ტემპს. სჯეროდა. არ ნერვიულობდა. შიში და ექვი არ იპყ-  
რობდა. ნდობით იმსკვალებოდა.

გაავლის რამდენიმე თვე, და, სახელმწიფოს ერთ-ერთი  
ლიდერი იტყვის: „რესპუბლიკის პარტიულმა ხელმძღვანე-  
ლობამ ყველაფერი გააკეთა იმისთვის, რომ საზოგადოებრივ  
აზრს ოპოზიციის ყველაზე რადიკალური ფრთა დაპატრონე-  
ზოდა“.

აქ გათვალისწინებული არაა „ისტორიის ჩარხის ტრიალი“,  
„ყველაზე რადიკალური ფრთის“ სტრატეგიისა და ტაქტიკის  
ხელშეწყობა.

კეთილმსახურებას პატიოსნება, უანგარობა და თავდადება  
აღიკობს. ჩვენი ეროვნული მოძრაობა ძირძველ ფესვებზე აღ-  
მოცენდა. ახალი დროის მოციქულებად მრავალი ტანჯულნი  
წოკვევლინენ.

თქვენ მოითმენდით?!

თქვენ გაუძლებდით?!

მათ გაუცლეს. გადაიტანეს. დაგვიბრუნდნენ.

1

2.

ბეჟან სურამელს იმ დროიდან ვიცნობთ, როცა მან კერძო საბინაო მშენებლობა გააჩალა თბილისში, საქართველოს სხვა ქალაქებშიც ფეხი მოიკიდა და საქმიან წრეებში ადგილი დაიკავა.

მაგრამ მას შემდეგ ბევრმა წყალმა ჩაიარა, ბევრი მნათობი ჩაესვენა და ბევრი ახალი გამობრწყინდა, რომელთა შორის ბეჟან სურამელი არავისზე ნაკლებ არ კაშკაშებდა. დღეს იგი მხოლოდ უმდიდრესი თბილისელი კი არ ბრძანდებოდა, არამედ „სასიქადულო მამულიშვილიც“. ხელისუფლების ბურჯი, მეცნიერებისა და ხელოვნების თავკაცი. ამა ქვეყნის მეუფეთა ნათესავი და პირველი მრჩეველი.

ბინის სპეკულაცია, კერძო მშენებლობა და გაცვლა კი აღარ აკმაყოფილებდა, არამედ ფარული საერთაშორისო გარიგებებით, ქარხნებისა და აქციების შეძენითა და დაბანდებებით იყო გართული, როგორც ქვეყნის შიგნით, ისე საბჭოთა კავშირს გარეთ.

ღიახ, პატივცემულო მკითხველო! თქვენ წარმოდგენა არ გაქვთ, რა ხდება ამ სფეროში! რა მასშტაბი მიუღია ჩვენში საერთაშორისო აღებმიცემობას, კერძო კაპიტალის დაგროვებას, რა ძალა მოუხვეჭავს დოლარებსა და სტერლინგებს. რას გვიქადის ხვალინდელი დღე.

ბეჟან სურამელმა რამდენიმე გაკოტრებული ქარხანა იგდო ხელთ. ჯერ იმას მიიღწია, არარენტაბელურად გამოეცხადებინათ და მისი ცრუმადგიური კომპანიონებისთვის იჯარით გაეფორმებინათ. მაისში ევროპაში იმოგზაურა. ხმა გაფრცვლდა, სამკურნალოდ მიდისო. რა თქმა უნდა, გამორიცხული არც ეს არის; ამ ასაკში სამედიცინო დახმარება ვის არ სჭირდება. მაგრამ მთავარი მიზეზი მოგვიანებით გაირკვა. საერთაშორისო გაკითხვ-გამოკითხვის საშუალებით ბეჟანს

დაედგინა, რომ კრიტიკულ ასაკს მიღწეული შორეული ნათესავი, რომელსაც უცხოეთში კარგა მემკვიდრეობა რჩებოდა, მოხუცებულობის წლებს მონპელიეს პანსიონში ატარებდა. საჭირო დოკუმენტებით შეიარაღდა და... უარს ვინ ეტყოდა: მისთვის სასურველ დროს კარს მიაღდა.

ნათესავებმა ერთმანეთი მოიკითხეს. წინაპრები, საგვარეულოს ბურჯები გაიხსენეს და მოკლე ხანში საქმე ისე დაწინაურდა, რომ სანუკვარი მემკვიდრეობის საქმე საცაა პრინციპულად უნდა გადაწყვეტილიყო.

აქ ჩვენს გმირს, ნერვებმა უღალატა, სულმა წასძლია და მოუსვენრობით შეპყრობილმა მოხუცს დაჟინებით დაუწყობოთხონა, ახლავე ხელი მოეწერა ანდერძზე.

ბეჟან სურამელი ბრიყვი, წინდაუხედავი კაცი არ გახლდათ, მაგრამ სიხარბე რას არ ჩაადენინებს ადამიანს. მოხუცს საექვოდ ეჩვენა „მემკვიდრის“ ჩაცეება და თანდათან რწმუნდებოდა, რომ ასეთ ნათესავებთან ურთიერთობაში სიფრთხილე მართებდა.

ბეჟან სურამელი იმედს წუთითაც არ კარგავდა. ეს ამოდენა „გალუტა“, როგორც დღეს სულისშეგუბებით წარმოვთქვამთ, ხელიდან არ გამოსცლოდა. ყოველი ღონისძიებით ცდილობდა, ნათესავთან კონტაქტი შეენარჩუნებინა და, ისე რომ მას არ შეემჩნია, საქმეში ერთგული შუამავლებიც ჩაერთო.

— ანდერძი განადღებულია. — კმაყოფილებით თვალი ჩაუკრა ჩვენმა ნაცნობმა რენე ჰანიშვილმა, რომელიც იმ დღეს ჩამოფრინდა პარიზიდან. — ვისაც იქ რამე გავლენა აქვს, „ბიძაშენი“ დაარწმუნეს, რომ იმისი სიმდიდრე საამაყო მემკვიდრეს რჩება. ისიც მოვიძიე, სად შეიძლება მეტი სარგებლობით დავაბანდოთ ეს ქონება.

რენე კულტურის ფრონტზე მოღვაწეობდა, „დამწვარ მამულიშვილად“ ითვლებოდა. დიდი სახელი და ნდობა მოეხვეჭა. დილით რომ რუსთაველზე შეხედებოდი, საღამოს ვაშინგტონში, ლონდონში ან ტოკიოში მიფრინავდა. იმათ რიცხვს ეკუთვნოდა, რომელთათვის არასდროს „რკინის ფარდა“ არ არსებულა და საბჭოთა კავშირი ყველაზე თავისუფალი, დალხინებული, უზრუნველყოფილი ქვეყანაა პლანეტაზე. მათ არაფერი აკლიათ. ყველა სიმპოზიუმები, კონგრე-

სები და ფესტივალები ფიანდაზადაა გაფენილი. ისინი არაფრისთვის პასუხს არ აგებენ. არაფრისა ეშინიათ. მათ ყველა აქებს და აღიღებს. ყველაზე ნიჭიერნი არიან. ყველაზე ზრდილობიანი და განათლებულნი. ყველაფრის უფლება აქვთ. რაც მოესურვებათ, იმას იქმენ. მათ მაგივრად სხვებს მოსთხოვენ პასუხს.

— აქ უნდათ თავდაყირა დააყენონ ცხოვრება, — შეჩვილებსავეით წარმოთქვა ბეჟან სურამელმა. — შიმშილობა და გაფიცვები დაიწყეს. არავე იცის, როდის ჩადგება კალაპოტში. კაი დროს ჩამოგვისწარი.

— გავიგე ყველაფერი. იქაც ბევრს წერენ ჩვენს დღევანდლობაზე. ამას ხელმოცარულები სჩადიან. მეტი სიმშვიდე და კულტურაა საჭირო.

— შენგან არ მიკვირს! ერთ დღეში აპირებენ, რასაც დასავლეთმა ათასი წელი მოანდომა.

— დაგვლუპავს ჩვენ აჩქარება.

— „პირველი“ ძალიან შეშფოთებულია. ქვეყნის ბედი აფიქრებს. ასე თუ გაგრძელდა, არ გვაპატიებენ.

— არ ვენდობით ერთმანეთს. ეს არც უნდა იყოს გასაკვირი. გაირყვნა, გაზარმაცდა ხალხი. ახლა ძლივს შეიქმნა საქმიანი ცხოვრების პირობები და თავი წამოჰყვეს უსაქმურებმა. ვერ გააგებინებ, რომ სიწყნარე და გულმოდგინე შრომა გვჭირდება!

— ჩვენში საქვეყნო საქმეებს უხუცესთა საბჭო განაგებდა. დღეს ძუძუმწოვრები თითს გვიქნევენ და ჭკუას გვასწავლიან.

— არა უშავს, მალე მობრუნდება ის დრო, შიშით რომ ხმას ვერ იღებდნენ.

რა ნაკლიც არ უნდა უპოვოთ, ბეჟან სურამელსა და მისთანებს ფატალური შეგრძნების უნარს ვერ წაართმევთ. ალლოთი ატყობენ, ვინ როდის, სად გამოადგებათ.

— შარზე არიან. ხან ტრანსკავკასიის რკინიგზას მივარდებიან, ხან უღაბნოს მონასტრებს, — ზიზლით წარმოთქვა ბეჟან სურამელმა.

— შედეგმაც არ დააყოვნა. თბილისიდან მოსკოვში კაცს



აღარ უშვებენ მივლინების გარეშე. გუშინ სამოცი კაცი გაღ-  
მოუსხამთ თვითმფრინავიდან.

— დროა, ახალგაზრდობამ გონებას მოუხმოს!

— მინდოდა, თბილისობისთვის ჩამომესწრო, მაგრამ მო-  
ულოდნელად ვენეციაში მიმიწვიეს.

— ბევრი არაფერი დაგვიკარგავს. წლევანდელი თბილი-  
სობა იმას აღარ ჰგავდა, რაც გინახავს. დაქვეითდა წესრიგი  
და ღისციპლინა.

\* \* \*

დედა-შვილმა მძიმე ღამე გაათენა გაზეთ „კომუნისტის“  
კომენდატურაში. რამდენჯერმე მოსულიყვნენ რედაქტორის  
სანახავად და მუდამ უარით ისტუმრებდნენ. ხან — ცეკაში  
გამომიძახესო, ხან — მოსკოვშიაო. თათბირზეაო. ერთი სიტყ-  
ვით, ისე, როგორც იცოდნენ და იციან. როგორც სისხლსა და  
ხორცში გასჯდომიათ.

დედას გამკაცრებული, მოქუფრული და ზრუნვით დაქან-  
ცული სახე ჰქონდა.

მანერებით, ფიქრიანი გამომეტყველებითა და თაუდაქე-  
რით ეს ქალი კარგი ცხოვრებისთვის იყო გაჩენილი. მთელი  
არსებით გრძნობდა და განიცდიდა, რომ ღირსეული ცხოვ-  
რება ეკუთვნოდა, მას კი ერთი დღის მყუდროებაც არ ღირ-  
სებია. მშვენიერი ქალიშვილი, სათუთი, მთრთოლვარე ვიო-  
ლა, რომელიც ყოველ საქმეში ზნარში ედგა დედას. ობლობა-  
ში ჰყავდა გაზრდილი. მათი უბედურება ის იყო, რომ სხვის  
საქმესაც ისე მტანჯველად განიცდიდნენ, როგორც საკუთარს.  
არ შეეძლოთ, გაჭირვებისთვის, დაჩაგრულისთვის გულ-  
გრილად ჩაევლოთ გვერდზე. დიახ, ასეთი გულმტკიცვეულო-  
ბა და სათნობა უზომო უბედურება გახლავთ იმ ეპოქასა  
და იმ ქვეყანაში, სადაც მგლის კანონები გამეფებულა. ბუ-  
ნებით ჩუმ და მოკრძალებულ გოგოს, უსამართლო შემთხვე-  
ვას რომ შეესწრებოდა ან ამბად გაიგებდა, გაშმაგება იპყ-  
რობდა და როცა დანშარებას ვერ ახერხებდა, საშინელ სა-  
სოწარკვეთაში ვარდებოდა. უარეს შემთხვევებსა და ამბებს  
ჩვენს საზოგადოებაში რა გაათავებდა და ვიოლას ტანჯვას

მეტუბუქება არ ეწერა. ამას, სამწუხაროდ, ისიც დართვოდა, რომ საბრალოს ეურნალისტური განათლება მიეღო და ერწუნებინა, რომ კეთილშობილურ პროფესიას ემსახურება და არასოდეს არ უნდა უღალატოს. გამოსაშვებ სადამოზე რამდენიმე იდეალისტს ფიციც დაედო, არასოდეს განსაცდელში არ მიეტოვებინათ დევნილი და დაჩაგრული ადამიანი.

სინამდვილეს გულმართალი ქალიშვილი მალე დაერწმუნებინა, რომ ჩვენი ცხოვრება სიბინძურითაა სავსე და უსამართლობასთან ბრძოლა პირად ბედნიერებაზე ხელის აღებას მოასწავებს.

იმ კუთხეში, სადაც ისინი ცხოვრობდნენ, ისე, როგორც ყველგან, შემზარავი უსამართლობა მძვინვარებდა: კაცის კვლა, ძარცვა-გლეჯა, ქრთამები, რბევა და ყოველი ღვთისგარეგანი საქმე.

აღსდგა დედა-შვილი. შეერკინენ ბოროტების სამყაროს და დაირაზმა ეს ბოროტი სამყარო თავისი ბნელეთის დასაცავად.

დაკარგა დედა-შვილმა მოსვენება და სიმშვიდე, მაგრამ არ ჰკარგავდნენ გამარჯვების რწმენას. ჯიუტად სჯეროდათ, რომ სიმართლე გაიმარჯვებდა, თუმცა, ცხოვრება ამის არავითარ საფუძველს არ იძლეოდა. განცხრომაში იყვნენ მხოლოდ უგულო, უსინდისო, უპასუხისმგებლო, ადამიანობადაკარგული სულიერები.

ვიციბდნენ და ჰპოვებდნენ! შორიდან შესციცინებდნენ თავიანთ ოცნებას და შეჰხაროდნენ იმ სანატრიელ დღეს, როცა უსამართლობა და უსამართლოდ დაჩაგრულნი აღარ იქნებოდნენ.

ვიოლა თეთრებში იყო გამოწყობილი. ყელზე დიდდინს სახსოვარი მარგალიტის მძივი უელავდა. კბილებიც მარგალიტებს გასჯიზრებოდა. სისპეტაკეს აფრქვევდა მთელი მისი არსება.

დღე-ღამემ უნუგეშოდ ჩაიარა. რედაქტორი არ გამოჩენილა. კომენდატურა საშვის მიცემაზე უარს აცხადებდა, სანამ რედაქტორი არ დარეკავდა.

დედა-შვილს წარმოდგენაც არ შეეძლოთ, რომ რედაქტორს შეეძლო საიდუმლო კიბით შესულიყო თავის კაბინეტ-

ში და მაშინ, როცა ისინი ფეხზე წყდებოდნენ, ღია სარკმლიდან გულგრილად ეცქირა მოედნისთვის.

ყოველ ნახევარ საათში ვიოლა ფეხაკრეფით მიდიოდა მორიგესთან და თბოვნასავით ეკითხებოდა, ხომ არ დაურეკავს რედაქტორს.

მომდევნო დღეებში „პასუხისმგებელმა მუშაკებმა“ რამდენიმე თავდასხმა მოაწყეს „ინტრიგან“ (მომჩივან!) დედამშვილზე, რომლებიც პროვოკაციულად სახელს უტეხენ „ლენინურ პარტიას“. აიძულებდნენ მათ, უარი ეთქვათ საჩივარზე.

წინააღმდეგ შემთხვევაში გიჟად გამოგაცხადებთო, ემუქრებოდნენ.

ამასობაში ინათა. დედა-შვილმა კიდევ ერთი სიმწრის ღამე გაათია „კომუნისტის“ რედაქციაში. წუთით არ მოუხუჭავთ თვალი. იწვიმა. გადაიქუხა.

ლიფტით რედაქტორის პირადი მდივანი ჩამოდის. ვიოლას თანაკურსელი. ეტყობა, მშვენივრად გრძნობს თავს. კიკისით ჩაუვლის გვერდით, თითქოს, ვერც კი ხედავს.

ვიოლა და დედამისი სხედან და ელიან.

ნეტავ სკეპტიკოსი ყოფილიყო, უფრო იოლად შეურიგდებოდა იმედების გაცრუებას. არ იცოდა, რომ ქვეყანა სავსეა ასეთი უსამართლობით. ბოროტება არხეინად პარპაშებს, დაუსჯელობა არავის უკვირს და ნერვები არ უნდა იიშალო. სულერთია, სხვისთვის მაინც არავინ თავს არ შეიწუხებს.

რაიკომის მდივანი, რომელსაც დედა-შვილი უჩიოდა, მინისტრთა საბჭოს თავმჯდომარის მოადგილედ გადაიყვანეს. მაშასადამე, ყველა დანაშაული წყალს გაატანეს.

დამშვიდდი, უმანკო სულო! დარდს ნუ შეეჭმევიანები. შენი სუსტი ხელებით პირჯვარი გადაიწერე და განგებას დაელოდე.

სალამოს ყავაზე უმკითხავეს. „ურჩხულს ბევრი კარგი ადამიანი ჩაუყლაპავს. ახლოვდება თავისუფლების ეამი. მოდის კეთილი სული, რომელიც მას მუცელს გაუფატრავს და გადაარჩენს ქვეყანას!“

„ჩემთან გადმოდიო“, — ანიშნა მიქელა ბარნაბიძემ ზებედეს.

ისინი ინსტიტუტის სამეცნიერო კონფერენციას ესწრებოდნენ და, როგორც ყველა, შეშფოთებული იყვნენ საზოგადოებრივი ვითარებით.

ყოველ წუთს შეიძლებოდა, რაღაც გაუთვალისწინებელი და გამოუსწორებელი მომხდარიყო.

— ცუდადაა საქმე. — მოუთმენლად წასჩურჩულა, როგორც კი ზებედე გვერდით დაუჯდა.

— რა მოხდა?

— სახელმწიფო გადატრიალება შემოგვაპარეს „გარდაქმნის“ ნიღბით.

— როგორ გავიგოთ? — მკაცრად შეეკითხა ზებედე.

— არ გესმის, სახელმწიფო გადატრიალება რას ნიშნავს? — გაბრაზდა მიქელ ბარნაბიძე. — კომუნიზმის მოსპობას. საბჭოთა ხელისუფლების დამხობას. ლენინ-სტალინის მონაპოვარის უარყოფას.

— რა მონაპოვრებზე მელაპარაკები?! — გამწარებით მიახალა ზებედემ. — გახრწნა-გადაგვარება, ეკონომიური, პოლიტიკური, ზნეობრივი და სულიერი დაცემა მონაპოვრებია?! —

ბარნაბიძე აიძვრა და გაშავდა. მთელი ცხოვრება პარტიის ერთგულებაში გაეტარებინა და სასინანულოც არაფერი ჰქონდა. კარგი თანამდებობები, მოსამსახურეები, ბინები თუ აგარაკები, ტიტულები, სურვილების ასრულება. ისეთს რას ინატრებდა, არ გაეჩინათ. თვითონ არაფერი მოეთხოვებოდა, გარდა იმისა, რომ „მტკიცედ მდგარიყო“ გენერალურ ხაზზე.

— გადაირიე, კაცო?! — მუქარით მიაჩერდა ზებედეს. „ესეც შემოპარული ყოფილაო“, გაიფიქრა, მაგრამ ისეთი აღშფოთება და გაბოროტება შეატყო. რომ ჩხუბის ხალისი დაკარგა.

— ყაჩაღური ხელისუფლება და პარტიაა. უზნეო, უსამართლო, ანტიადამიანური. — თავს ვეღარ იკავებდა ზებედე. — შემარცხვენელი. აბა, მითხარი, რას წედავ საქებარსი?

— პირადი უკმაყოფილება დავივიწყოთ! — წაილულულა ბარნაბიძემ.

— მე პირადი უკმაყოფილება მაღაპარაკებს?! ჩემს ზურგზე მაქვს გადატანილი მთელი ამათი სიბინძურე. შენ იცი, რა გზით გაიმარჯვა ბეჟან სურამელმა?! რა გზით მიიღო მორიგი პრემია?! ჯაშუშობით. ქრთამებით. ჩაწყობებით. ღალატით. ადამიანი რომ ხარ, შეგრცხვება. ქართველი რომ ხარ, შეგრცხვება. ვინ მიიყვანა ჩვენი ხალხი ამ გახრწნილებამდე? ეს ტრაგედიაა! დეგენერაცია! ამ ქვეყანაში ვერცერთი ღირსეული ვერ ეღირსება დაფასებას. სიცრუის, სიყალბის. დამბეზღებლების სამყაროა. აბა, სცადეთ, თუ სადმე იპოვოთ სიმართლე! ეს ქვეყანა უნდა დაიქცეს. შური, ღვარძლი, ეგონში ახრჩობს ყველაფერს.

— დაწყნარდი, თუ კაცი ხარ! ახლა პირადი ანგარიშსწორების დრო არაა!

იმ მომენტში, როცა დაჯილდოების საქმე წყდებოდა, ცუკას მდივანმა, ფარსაგიშვილმა, ვერაგულად ჰკითხა:

— გვითხარი, რით შეგვიძლია დაგენმართო?

ზებედე შეკრთა. უყურა, უყურა და თავი ჩაღუნა. მიხვდა, რას ნიშნავდა ეს „თავაზიანი წინადადება“.

— გმადლობთ. თქვენი დახმარება არ მჭირდება.

„დამოუკიდებლობა მოინდობე?! ძალიან კარგი! მაშინ ნულარ წუწუნებ და ბედს ნულარ ყვედრი!“

\* \* \*

შემოდგომაზე თბილისის მასობრივი გაფიცვებისა და შიმშილობის ფორიაქში მთიანი ყარაბაღის საგანგაშო ცნობებიც გაერია.

ამან თავზარი დასცა ყველას, ვინც ეროვნებათაშორის სიძულვილისა და მოურიგებლობის საშიშროება იცის. ამან ხომ დასასრული არ ექნება. არცერთი მხარე დამარცხებას არ შეურიგდება, ერთმანეთს ქედს არ მოუხრის. ამაზე უთქვამო: კარგ ომს ცუდი ზავი სჯობიაო. ნუთუ, სხვა გამოსავალი არ არსებობს?!

მშვიდობით ნორმალურო ცხოვრებაე. ტერიტორიული მო-

თხოვნებით გამოწვეულმა სისხლისღვრამ ბოლო არ იცის. ორივე მხარე ერთნაირად მენანება და მებრალებს, კიდევ უფრო მეტად, ჩვენი თავი. ყარაბალი „ყურის ძირშია“. ერთ დროს ჩვენი ისტორიის ნაწილად აღიქმებოდა. ერთი გადაძახება მანძილია. ღმერთო, ყველა დაგვიფარე განსაცდელისაგან. ძალიან სახიფათო „გარდაქმნებია!“ ვერ გაიგებ, რა რისგან და საიდან მოდის. ვისი ჩაფიქრებული და ამოძრავებულია. ასეთი მოვლენებისგან ხალხები ზარალდებიან. ნუთუ, ეს მსხვერპლი დემოკრატიისთვის გაღებული მსხვერპლი იქნება?! რა გარანტიაა, რომ, რაკი ერთი აიწყვიტა, ჩვენსკენ არ დაგორდება და მორევში არ ჩაგვითრევს?!

ახლავე უნდა ჩაქრეს აბრიალებული ბზე და თივა. მერმე სულ უფრო გაძნელდება. გონივრული მორიგების გარდა, აქ სხვა გზა არ იპოვება. აქ მხოლოდ მოკლე დროით შეიძლება უპირატესობის მოპოვება. ისიც დიდი მსხვერპლით. დამპყრობლები რომ შემოვიდნენ, ჩვენს მეზობლებს უხვი საჩუქრები დაურიგეს საქართველოს ხარჯზე, მაგრამ მაინც თავშეკავების სიბრძნე გვმართებს. შურისძიება ცუდი მრჩეველია.

მეზობლების ჩხუბი უსინდისო, წინდაუხედავ ადამიანებს უხარიათ.



იმ დღეს მეთერთმეტე კლასის მოსწავლე მარიკა ჩოხელს დააგვინდა სკოლიდან მოსვლა.

ახალგაზრდა დედ-მამა, მაუდის ფაბრიკის თვინიერი მუშები, ერთ ხანს შინ, ნესტიან სარდაფში ელოდნენ შვილს. როცა ჩამოზნელდა, მაღლა ამოვიდნენ და დაუფარავი მღელვარებით დაიწყეს აქეთ-იქით სიარული.

მარიკა დედისერთა გახლდათ. ბეჯითი, მშობლების გამგონე და მეტისმეტად მოხატრებული. კარგად სწავლობდა, მაგრამ ფრიადოსნად არ ითვლებოდა. ოჯახს რეპეტიტორის საშუალება არ გააჩნდა, ისე კი, ღარიბი ოჯახის შვილს ფრიადოსნობას ვინ აღირსებს! ეს ბედნიერება პირველი კლასიდანვე დაჯავშნული იქვს რამდენიმე გამორჩეული ოჯახის

შვილს. თავი დააკალი თუ გინდა, მაინც არაფერი გამოვა. ყმაწვილისთვის მძიმე ასატანია დაჩაგრულობის განცდა. გოგონა სწავლის გაგრძელებაზე ოცნებობდა, მაგრამ იმედი არ ჰქონდა. იმ დროს დაფარული აღარ იყო, რა ილეთებით ხდებოდა ეს. მიუხედავად რექტორების გატყლარქული სატელევიზიო დაპირებებისა, მდგომარეობა წლითი წლობით უარესდებოდა. ქრთამის აღარავის რცხვენოდა.

„მამულიშვილები“ თავზე საყრელად გვყავდნენ, მაგრამ ჩვენს უბედურებებზე ხმის ამომღები არავინ ჩანდა. ვისაც ხმის ამოდების უფლება ჰქონდა, იმას ჩიტის რძე არ აკლდა და სხვისთვის აუტკივარ თავს რატომ აიტკივებდა! თავიანთი შვილები საცა უნდოდათ და როცა უნდოდათ იქ გადაპყავადმომოპყავდათ. რაც შეეხება ხალხს, უბრალო ადამიანებს, ის „ბრძნული აზრი“ იყო ფეხმოკიდებული, სავალდებულო არაა, ყველამ ისწავლოს და ინსტიტუტი დაამთავროსო.

— ხვალ პარტკომში ხარ მისასვლელი, — შეახსენა ცოლმა. — ამ დარიგებაზე მაინც ველარ უნდა გვითხრან უარი. დაფვეტანჯა გოგო ნესტსა და სიბნელეში. ნეტავ დამამთავრებელ გამოცდებამდე მოესწრებოდეს. გაიხარებს, ხალისიანად წაემზადება ინსტიტუტისთვის.

ოცდახუთი წელია საბინაო აღრიცხვაზე იმყოფებოდნენ ამის მონაწილისა და რეაბილიტირებულის ოჯახის წევრები. ვიოლას პაპა ათასცხრაას ოცდაჩვიდმეტში დაეპატიმრებინათ. მის ბინაში შინსახკომელი ჩაესახლდებინათ. დაწიოკებული ოჯახი ამ ჯურღმულში ჩამოერეკათ.

რიგმა არაერთხელ მოუწია, მაგრამ ორდერის გამოწერისას მულამ რალაც მიზეზი გამოჩნდებოდა ხოლმე და მათთვის განკუთვნილ ბინაში სხვას ასახლებდნენ. თვითონ მიხვდებით, რამდენი სიმწარე გამოუცდიათ ამ უსამართლობის გამო. გოგონას ერთხელაც ვერ მოეწვია სკოლის მეგობრები. არც იცოდნენ სად ცხოვრობდა კეთილი, მოსიყვარულე თანაკლასელი. ამხანაგებში არ იმჩნევდა თავის ვასაჭირს, მაგრამ მარტო დარჩენილს, ხშირად წასკლომია ცხარე ცრემლი.

თანშეზრდილმა ჰაბუკმა მოაცილა.

— მხატვრულ თვითმოქმედებაზე შეგვაჯვიანდა, — ბოღი-შივით წარმოთქვა ქალიშვილმა. სწუხდა, რომ მშობლებს აცდევინა...

იწურებოდა მღვრიე, ავბედითი ათას ცხრაას ოთხმოცდა რვა.

განუწყვეტელი პრობლემებით. აპარპალცული ვნებათა ღელვით. სამკვდრო-სასიცოცხლოდ დაპირისპირებულ ბანაკებით. გათიშული, დაბნეული, უპატრონო საქართველოთი. ერთმანეთზე მისეული „მამებითა და შვილებით“. ინლართებოდა ერთმანეთზე მზაკვრული ათასგვარი ინტრიგა. წინასწარ პირს იტკბარუნებდნენ ნაწრთობი მტრები, ხილულნი და ოსტატურად შენიღბულნი. გაიძვერული ალიანსებით. ინსპირაციებით. უნიკო, უთავო, უპასუხისმგებლო „ხელმძღვანელებით“. ფულისმკეთებელი, სიმდიდრეს გადაყოლილი, პრანკია მამულიშვილებით. მათი მათაყვანებელი „კაროქნებით“. მტრის ვერ მცნობი, მოყვრისმგმობი პარტიელებითა და კომკავშირლებით. ქართველთა შორის შუღლის ჩამოგდების დიდოსტატებით. შინ და გარეთ მაგინებელი და მაწყევარი საერთაშორისო კლასის ავანტურისტებით.

ჩვენ თავს ვაკლავდით სიცრუეს. მტერი მოყვარედ გვეჩვენებოდა, მოყვარე მტრად. ჯაშუშები სხვებს აბრალებდნენ ჯაშუშობას. მოლაღატეები — ღალატს.

სახრჩობელას გვიმზადებდნენ, როგორც „სტალინის ერს“, ჩვენ კი, თავგამოდებით ვმალავდით სიმართლეს, რომ სტალინი ქართველი კი არ იყო, არამედ — საქართველოს ჯალათი.

ხმის ჩახლეჩამდე „ხალხთა მეგობრობაზე“ გაპყვიროდნენ, პირს მიიბრუნებდნენ და ხითხითებდნენ. ასე მივეყავდით „ეროვნული კონსოლიდაციისა და ერთიანობისაკენ“, როგორც ფარისეველთა და დაქირავებულთა წესია.

ისინი ენერგიულად იბრძოდნენ საქართველოს დასაქცევად. ქართველთა წასაკიდებლად. ორთოდოქსი კომკავშირლების წასაქეზებლად. სააკაძის მოედანზე ცრუკომკავშირლებმა და ცრუსტუდენტებმა ცხვირპირი ჩაუმტერიეს კეთილშობილ პატრიოტებს. რჩევა-დარიგებას არბატზე „ჩაინსახლში“ იღებდნენ ლიგაჩოვისა და მისი მოყვრებისგან. ქართველებს არაქართველებთან კონფლიქტს უწყობდნენ. „მუ-



შებს“ მშვიდობიანი ხალხის დასარბევად კეტებს აჩრდნენ ხელში. გადამთიელები „ხალხთა მეგობრობის“ მზეს ფიცულობდნენ და ამ ქვეყნის შვილებს ჭკუას ასწავლიდნენ.

მწერალთა კავშირში „ხალხთა ძმობისა და მეგობრობის“ საღამოები იმართებოდა. წერა-კითხვის მცირემცოდნეები „მსოფლიოს საზოგადოებრიობის სახელით“ ერებს მშვიდობიანი თანაარსებობისკენ მოუწოდებდნენ. მეზობლები გეგმაზომიერად საზღვარს ცვლიდნენ და შეიარაღებული კონფლიქტის მიზეზს ამზადებდნენ.

ერთი კალმოსანი, რომელიც მიღებაზე გააშავეს, კომისიის თავმჯდომარის მეუღლეს მადლობას აბარებდა ქმართან. რისთვის? გაშავებისთვის? არა, წინდახედული ყმაწვილი ხვალინდელ დღეზე ფიქრობდა:

წინა წლის ზაფხულს თბილისს ეწვია პოლიტიურს წევრი ლიგაჩოვი. ერთი ამბავი დააწია: ცნობილი ანსამბლის ხელმძღვანელი გააგდო. კაფე-ბარები დახურა. ქართველობას ნაციონალისტობა დასწამა. ყაზახეთისა და საქართველოს პარალელურად ალმა-ათის ხოცვა-ჟლეტა შეგვასენა. სხვა ეროვნების „ინტერესთა შელახვისათვის“ თითი დაგვიქნია. უნივერსიტეტის სტუდენტთა პროცენტულმა შემადგენლობამ, ლიგაჩოვის სიტყვით, სერიოზული ზიანი მიაყენა ახალგაზრდობის ინტერნაციონალურ და ზნეობრივ „აღზრდას“. ამის შემდეგ გაჩნდა „ჩაის სახლი“ არბატზე და იქაური ბანკეტები.

„მიუხედავად მძიმე მეტეოროლოგიური და ტექნიკური პირობებისა“, საქართველო ვადაზე და გადაჭარბებით ასრულებდა გეგმებსა და ვალდებულებებს.

ცეკა ენერგიულად იბრძოდა „სოციალისტური კანონიერებისა და მართლწესრიგის განსამტკიცებლად“. აუქვობესებდა „პოლიტიკურ და აღმზრდელობით მუშაობას“. ადმინისტრაციული განყოფილების მოსაცდელი კი გატენილიყო შვილმოკლული დედებით.

რესპუბლიკა ძლივს ითქვამდა სულს. უსამართლობით ქანცგაცლილი ხალხი გათანგული ელოდა ცვლილებებს, რომლებიც არა და არ ჩანდა. პრობლემებს გვერდს უვლიდნენ. საღ აზრს შეყვირებით ახშობდნენ.

სტალინურ ტრადიციებს კბილებით იცავდნენ. რეაბილი-

ტაციებს აყოვნებდნენ და დაბეჯითებით ავრცელებდნენ ხმებს, გენერალისიმუსი დაგვიბრუნდებო. „კულტის“ ხსენება პოლიტიკურ დანაშაულად ცხადდებოდა. ძველმა მეხოტბეებმა თავი წამოწიეს. მრჩეველთა და მოძღვართა სავარძლებში მოკალათდნენ. ბელადის ავადმასხენებლებს პენსიაში გასვლას სთავაზობდნენ. „ფორმალურ გაერთიანებებს“ ბნელ კუთხეებში ერეკებოდნენ. ცენტრალურ კომიტეტში „თავისუფალი მიღების“ დღეები გაუქმდა და კარები ყრუდ ჩაკეტეს. ყველგან და ყველაფერში სიფხიზლესა და სიფრთხილეს იჩენდნენ.

ოპოზიციას პირში ბურთს სჩრიდნენ. რუსთაველის საზოგადოება მოთვინიერებული ებათ. ხოლო „სახალხო ფრონტის“ ორგანიზება არასდიდებით არ ხერხდებოდა.



...დეკემბერს ზებედე ქარცივაძე წინააღმდეგობის ქრონიკას იწერდა. საოცარი დრო მიედინებოდა. მოულოდნელი ამბებით დახუნძლული. ფხიზლად იყო, არაფერი გამორჩენოდა. საკუთარი თვალთ დანახულსა თუ გაგონილს ახლოდან უკვირდებოდა. მძაფრად განიცდიდა.

რაც იმ წუთს მოხდა, დაბეჯითებით აღარ შეუძლია აღადგინოს. თითქოს წინასწარ იგრძნო. რალაც იღუმალის სიგნალი მიიღო. იქნებ, შემდეგ გაფორმდა შეგრძნება და აზრი...

გააყრყოლა. ერთბაშად ჭერის კუთხემ გაიქრიალა და ოთახი შეტორტმანდა. მაგიდიდან ნაწერი ფურცლები აფრიალდა.

ზაფრა აზრშეუვლებად მოვარდა.

„მიწისძვრა!“

დაფეთებული წამოხტა.

კისრის ტეხით მოაღივდა კარი და კბეზე დაეშვა.

— დედიკო მიშველე! — გულამომჯდარი ჩამორბოდა ათიოდე წლის გოგონა.

გონს მოეგო. ბავშვს გზა უტია.

— ნუ გეშინია, გენაცვალე! — მზრუნველობით მიამახა და გულს მოეფონა.

„გარბიხარ, თავი დააღწიო ცოცხლად დამარხვას. თუმცა, არაეინ იცის, რა სჯობია ამ დროს.“

„სადღაც, სულ ახლოს დატრიალდა კატასტროფა! ბეწვზე ვართ გადარჩენილი“.

შთაბეჭდილება ისეთია, ქვა ქვაზე არ დარჩენილა.

ღაზაფრული გაპყურებს შენობებს. „ნუთუ გადავრჩით!? შეგვივედრა მამაზეციერმა!?“

სომხეთის მიწისძვრამ პლანეტა შეაზანზარა. ამგვარ უბედურებას ნორმალური ადამიანი პირად ტრაგედიად აღიქვამს და მოყვასისადმი ალალი თანაგრძნობით იმსჯელება. ვისაც ამოუცნობ ძალთა არსებობა სწამს, კატაკლიზმებში ღვთაებრივი ნების განსახიერებას. ფილოსოფიურ, ზნეობრივ აზრს, პლანეტარულ წინასწარმეტყველებას ხედავს.

თუ დავაკვირდებით, საამისო ნიშნები აქედანვე ჩანს და სულ უფრო აშკარა გახდება.

ნება მიბოძეთ, ამ თვალითაც შევხედო ჩემს მიერ ნანახსა და განცდილს.

• • •

ახალი წლის დამდეგს ზებედე უნივერსიტეტში აფხაზი ქალიშვილის დაცვაზე ოპონენტად გამოდიოდა.

დისერტაციამ ურთიერთ პატივისცემის ვითარებაში ჩაიარა. პირველი ან, მეორე შემთხვევა ხომ არ იყო. ყველას სიამოვნებდა ყმაწვილი ქალის დალოცვაში მონაწილეობა. საზეიმო განწყობილება სუფევდა და გადაწყვეტილებაც ერთსულოვანი მიიღეს.

კენჭისყრის დამთავრებისთანავე, სიტყვა ითხოვა მეორე ოპონენტმა, დისერტანტის თანამემამულემ, და რამდენიმე ბუნდოვანი საყვედური წარმოსთქვა რუსულ ენაზე.

დარბაზი ერთბაშად დაიძაბა, წამოენთო და ყველაფერი აირია.

— შენ ხომ ქართველი ხარ და ქართული დედაენასავით იცი! — წამოუგარდა ახალგაზრდა პროფესორი. — რუსულ ენაზე რატომ გვეუბნები საყვედურებს?!

— მე ვარ ქართველი!? — დაიძაგრა მეორე ოპონენტი იტყობა, ისირცხვილა ქართველობა.

— როგორ! განა ერთ კურსზე არ ვსწავლობდით ამ უნი-  
ვერსიტეტში? — პირზე დაადგა ახალგაზრდა პროფესორი.

— ქართველებმა ენა, ანბანი და სამშობლო წაგვართვით.

— ვინ, რომელმა ქართველმა წაგართვა ენა და ანბანი?

— სტალინმა და ბერიამ. — ზიზლით გამოსცრა აფხაზმა  
ოპონენტმა.

— სტალინი შენი სახსენებელია?! — შეჰკივლა ახალგაზრ-  
და პროფესორმა. — სტალინმა კი არ წაგართვათ, არამედ ყვე-  
ლაფერი მოგცათ, — ენაც, ძალაუფლებაც და კულტურაც.  
მის სახელს უნდა ფიცულობდეთ.

ამ სიტყვებზე, მოულოდნელად, ზებედეშ იფეთქა, რო-  
მელსაც ჰირისლდესავით სძულდა სტალინი. არც ქართველად  
მიიჩნდა და არც არავითარი სიკეთის მომქმუნდად.

— სტალინმა აწეწ-დაწეწა აფხაზეთი. მართალს გეუბნე-  
ბა ეს კაცი. ენა, ანბანი წაართვა. თან, ვითომ, თავზე ხელს  
უსვამდა. საქართველოს მოგლიჯა.

— რას ამბობ, კაციო! ამათ მხარეზე ხარ?! — ეცნენ თა-  
ვისიანები ზებედეს.

— სტალინელები და ბერიელები ხართ ყველა! — შესძა-  
ხა აფხაზმა. — გვიჩაგრავეთ და გვძარცვავეთ.

— მე ვარ სტალინელი და ბერიელი?! — ეცა ზებედე. —  
მთელი ცხოვრება იმათთან ბრძოლაში გამიტარებია, ციხე არ  
დამკლებია და კატორღა. სტალინსა და ბერიას თქვენ თვი-  
თონ იხუტებდით გულში. სიმღერებსა და ლექსებს უძღვნი-  
დით. ეკურკურებოდით. ჩვენ კი მოგვსპო და ამოგვადღო.

ძალდი პატრონს ველარ გაარჩევდა, ისე აირია ყველაფე-  
რი. ველარ გაიგებდი, ვინ რისთვის და რატომ ლანძღავდა.

აშკარა იყო მხოლოდ ზოოლოგიური ზიზლი და სიძულვი-  
ლი, რომელიც ამ ადამიანებში დაღეპილიყო და ახლა ერთ-  
ბაშად ამოხეთქა.

— გაჩუმდით! შეწყვიტეთ! — ისტერიული ხმით გაჰკი-  
ოდა ოთნმოცდაათი წლის აკადემიკოსი და ფეხებს აბაკუ-  
ნებდა.

სხდომა ლანძღვა-გინებით, მუქარითა და გაწევე-გამოწე-  
ვით დასრულდა.

სხდომათა დარბაზი ხალხით გადაჰყვდილიყო. დერეფნებ-

შიც მომიტინგეები ყაყანებდნენ. ტრიბუნებთან აღშფოთებულნი ორატორები ერთმანეთს სცვლიდნენ. ისმოდა ლალატის, ვერაგულად ძირის გამოთხრის გმობა და შეჩვენება. ქართველთა ერთიანობისა და თავდადებისკენ მოწოდება.

ზებედემ აქ პირველად გაიგო ლიხნის ყრილობის ამბავი. იგრძნო, რომ საქართველოს ზეცაზე საავდრო ღრუბლები აშლილიყვნენ და გრიგალი გაავებით შლიდა ფრთებს.

შენობიდან გამოსვლისას ისევ შეეფეთა აფხაზ ოპენენტსა და მის ამხანაგებს.

— გვეყო თქვენი ბატონობა! — დანახვისთანავე შეპყვირა მან. — გადაგყვევით! არაფერი სიკეთე თქვენში არაა! დავანებეთ ახლა თავი. წადით და უპატრონეთ თქვენს შესვრილ საქმეებს. შეაწუხეთ მთელი ქვეყანა! თავი შეაზიზღეთ ხალხებს. ჩაიხუტეთ გულში თქვენი სტალინი და მშვიდობით!

ზებედე გაშრა, რა უბედურება, დევნა და დამცირება არ გამოეცადა. მაგრამ ეს რაღაც სხვა ზიზღი, ცოფი და გაშმაგება იყო. ერთმანეთს თვალს ველარ უსწორობდნენ და ზებედეს ეპვი არ ეპარებოდა, რომ ახალგაზრდა, საქართველოს უნივერსიტეტდამთავრებული, ქართველად გაზრდილი, ქართული გვარის მატარებელი კაცი, თუკი, დროს დაიხელთებდა, საკუთარი ხელით გამოსჰრიდა ყელს. რამდენჯერმე თვალი შეასწრო მის მტრულ გამოხედვას და ორგანულად იგრძნო, რომ ქვეყანა გადაბრუნდა, ისტორია ამოტრიალდა, ეშმამ განაზრახნი აისრულა და ახლა ჩვეულებრივი მოღვაწეობით, ახსნა-განმარტებით, ქადაგებებით, კაცთმოყვარეობით და ფიცით ველარას გააწყობდი.

მიდიოდა დათრგუნული, გაწბილებული, უსამართლოდ გამეტებული. ფიზიკურად გრძნობდა, რა ზიზღით და სიძულვილით მიაცილებდა ძმადყოფილის სისხლით დაბერილი თვალები.

„ნეტავ, რა ხდება ჩვენს თავს!? ვინ გადაგვიარა ასე ვერაგულად და სასიკვდილოდ მიგვიმწყვდია ბნელ კუთხეში?!“

მარტი თბილად და უნალექოდ მიიწურა. მხოლოდ თვის ბოლოს დაეცა ტემპერატურა და ზოგან კიდევ მოთოვა. ოფიციალურ ცხოვრებაში წინა წელიც ისე დამთავრდა და ეს ახალიც ესე დაიწყო, როგორც ყველა წინანდელი სამოცდა რვა.

ძნელია, ათეული წლობით შერისხული არსებობა. გაფუყულ ადამიანთა გვერდით პატიოსნების შენარჩუნება. ყველაფერს რომ თავი დავანებოთ, ცილისწამებებს მოგერიება არ უნდა! გაყვინიზებულ ქართველებს ერთმანეთის სუნიც ვეღარ აუტანიათ. არ გაპატიებენ პატიოსან ცხოვრებას. ქონებაც მათ უნდათ და პატიოსნებაც. პანთეონის ტიპიც ჩამოყალიბდა; წელგამართული მამულიშვილი, მთავრობაში გასული და ტელედამრიგებელი.

ჩიტი ბდღვნად არ ღირდა, უკან დევნა მეტი იყო, მართალი გახლავთ. მაგრამ ასე სასაცილოდ აგდება ყველაფრისა, ასეთი შელახვა და შებლაღვა ლოგიკისა, ცოდნისა, მეცნიერებისა, ლიტერატურისა, ნამუსისა, აწმყოსი, მერმისისა, რაც გინდათ, სთქვით — ბდღვნადაც ღირს და დევნადაც. ეს სიტყვები ჩემი არ გეგონოთ, მაგრამ დღევანდელი საქართველოსთვის ზედგამოჭრილი კია. ერთი ნახეთ, პრესაში რა ჭკუის დამრიგებლობა გაჩაღებულა. არავინ ფიქრობს თეორიული, მხატვრული პუბლიცისტიკის გამიჯვნას ჩვეულებრივი და საიდუმლო პოლიტიკური სამსახურისგან, რომელიც ყოველდღიურ ინტრიგებს ემსახურება.

ესეც ბრძენაკცი, სერიოზული პოზით რომ უხსნის საზოგადოებას: ქართველი პოლიტიკისადმი არავითარ ინტერესს არ უნდა იჩენდეს და ქვეყნის მომავალზე ფიქრი და ზრუნვა სხვებს უნდა გადააბაროს. მიტინგები და დემონსტრაციები ჩვენი საქმე არაა. ღმერთს ჩვენთვის ამის ნიჭი და მარაფათი არ მოუცია და პირდაღებული სხვებს უნდა შეეყუარებდეთ თვალებშიო. ამ საქმეს მხოლოდ პოლიტოლოგები უნდა განაგებდნენო. (ვინც ამისთანა სიბრძნეს გვასწავლის, იგულისხმება, რომ თვითონ დიდი პოლიტოლოგი ბრძანდება!).

იმ დროს, როცა გორბაჩოვი უცხოეთში იმყოფებოდა, „პრავდამ“ გამოაქვეყნა დიდი პოლიტოლოგის ნინა ანდრე-

ევას სტატია, რომელშიც ხალხს უკან დახევას ურჩევდა და „დიდი მესაჰის“ გამარჯვებებს მოაგონებდა. დროზე რომ არ მიესწროთ, ვინ იცის, რას ჩაიდენდა და საით გაუტევედა.

ლიტერატორები თავგამოდებით ირწმუნებოდნენ, საბჭოთა კრიტიკა არნახულ მწვერვალებს იპყრობსო. რესტორან „არაგვი“ ტრიუმფალურ საიუბილეო ბანკეტებს ბოლო არ უჩანდა. „ახალი რენესანსის“ სადილებლად ყანწებს სცლიდნენ და დედაქალაქის შემოგარენში ფეშენებლურ აგარაკებს იშენებდნენ.

დაწიხლულთა საქმეებს პირადი დეტექტივები იძიებდნენ. ჰონორარს უცხოეთის საგზურებით უხდიდნენ და სახელდახელო ტრიბუნალზე იხილავდნენ.

კმარა! ბაწხადინიშ! გაგუდების ყველაფერი რომ გაიხსენო.

ღრო იყო, იხვეწებოდი, სამხრეთ აფრიკის კავშირში ნეგრად გადაესახლებინეთ ან ისრაელში პალესტანელად.

ვისაც არ გამოუცდია, ვერ გააგებინებ, რას ნიშნავს რიგითი საბჭოთა ადამიანად ყოფნა. მისი „ჩვეულებრივი დევნა“ კატორღაზე იოლი სასჯელი არ გეგონოთ! ინსტრუქტორიც უარს გეუბნება მიღებაზე. მზად ხარ, დღეში ასჯერ გადაიხსნა ბენზინი, ასანთი გაკრა და განთავისუფლდე.

იქ კი, ირწმუნებიან, მავანი და მავანი მსოფლიო სტანდარტების დონეზე იმყოფებაო.

პატიოსანი კაცი სრულიად მარტოა ამქვეყანაში. გზა ვერ უპოვნია, როგორ დააღწიოს თავი უსამართლობას.

• • •

იმედგადაწურულმა საჩივარი უმისამართოდ გაგზავნა.

„არჩვენები ჩატარდა სრული ანტიდემოკრატიის, ანტისაჯაროობის, ინტრიგების, დევნა-შევიწროების, ელემენტარულ საწესდებო მოთხოვნათა დარღვევის ვითარებაში“. — ვკითხულობთ ამ დოკუმენტის დასკვნითს ნაწილში. „ათეული წლებია საზოგადოებას, ჩვენს ახალგაზრდობას რყვნის ეს უნამუსო ბიუროკრატია. ელემენტარულ წესიერებასთან, მეცნიერებაზე რომ არაფერი ვთქვათ, ამას საერთო არაფერი აქვს.

მე ვინ მიმიშვა ახლოს! რომც მივსულიყავი, ყველაფერი მზად იყო შანტაჟის მოსაწყობად.

ესეც თქვენი სიბრძნის ტაძარი!

გაიმარჯვა ტოტალურმა პროტექციონიზმმა, ფალსიფიკაციამ. ესაა სიყალბის, ხელისუფლების უხეში ჩარევის სამარცხვინო მაგალითი. „ცოდნის ტაძარი“ ბიუროკრატიის საცოდავი დანამატია. მე არასოდეს შევუერთდები ამ ცინიკურ ფარსს. ეროვნული ტრაგედიაა, პირველი მდივნის გარემოცვას არ სურს პატიოსნად იშრომოს და იმოღვაწოს. გადაუწყვეტია, ყველაფერი ყაჩაღურად, ქრთამებით, სინდისის გაყიდვით, მაფიოზური ხერხებით იგდოს ხელთ.

ბოლო არ ეღება წოდებების, თანამდებობების, სიმდიდრეების შიტაცებას. პარაზიტულ არსებობას. იმარჯვებენ აფერისტები, ქურდები, პლაგიატორები.

საით მივდივართ? რა მოგველის? რას უქადის ჩვენს ქვეყანას სულის გაბინძურება?!

რაც დღეს საქართველოში ხდება, მის გამოსწორებას ათეული წლები ვეღარ უშველის. სრული კატასტროფისკენ მივექანებით.

რა გვიშველის?

სიმართლე.

მხოლოდ სიმართლე!

### 3.

ბოტანიკური ბაღის შესასვლელთან ხვდებოდნენ ერთმანეთს. თითქოს, შემთხვევით. გვირაბის წინ. საკმაოდ შეუმჩნეველ ადგილზე.

პირველი ბადრი უჯარმელი და ამირან ლაშქარაჯა შეჩერდნენ დათქმულ ადგილას.

ოქტომბერ-ნოემბრის მღელვარება წუთითაც არ შენელებულა. ხელისუფლება კონცენტრირებულ ღონისძიებებს ატარებდა ერის გასათიშავად. ერთმანეთს უპირისპირებდა სამთავრობო სისტემას, ათეული წლების ტერორით დაშინებულ ადამიანებსა და „არაფორმალურ გაერთიანებებს“, რომლებსაც „ნორმალური ცხოვრების“ დამრღვევებად, ექსტრემის-



ტებად ნათლავდნენ და ცდილობდნენ სიძულვილი დაეთე-  
სათ მათ მიმართ. რას არ უგონებდნენ, თითქოს ესენი ქართ-  
ველები კი არ ყოფილიყვნენ, არამედ ჯოჯოხეთის ნაშიერე-  
ბი, რომლებსაც დემოკრატია თავიანთი ამბიციების მსახურად  
გაეხადათ. ახალი ყაიდის ცეკას დემოკრატებმა ეურნალისტის  
სახლში „მრგვალი მაგიდაც“ კი მოიწვიეს ოდიოზური დევი-  
ზით: „დიდი ოქტომბრის სოციალისტური რევოლუცია და  
საქართველოს სახელმწიფოებრიობის აღდგენის საკითხები“.  
ორგანიზატორებმა ეს შეხვედრა განზრახ ჩაშალეს, რათა  
„არაფორმალებისთვის“ გადაებრალეზინათ. „მაშინ, როდეს-  
აც აზრთა გაზიარება მეტად საინტერესოდ მიმდინარეობდა,  
მოქალაქეთა გარკვეულმა ჯგუფმა არეუ-დარევა შეიტანა ამ  
ლონისძიებაში. მოითხოვა ამ თარიღის განცალკევებით აღ-  
ნიშვნა“. ასეთმა დემოგოგიურმა მეთოდებმა, რომელთაც სა-  
ზოგადოებაში დიდი ხანია თავისი უტიფრობით და პრიმიტი-  
ულობით სახელი ჰქონდა გატეხილი, კიდევ უფრო აღაშფო-  
თა ხალხი, წყალი დაასხა „არაფორმალების“ წისქვილზე და  
მოახდინა პარტიისა და ხელისუფლების იზოლირება. მით  
უფრო, რომ ხელისუფლება ადმინისტრაციული საშუალებე-  
ბითა და უხეში პროვოკაციებით ხმას აწყვეტინებდა ოპოზი-  
ციას, აუდიტორიებიდან გარეთ ერეკებოდა. ზემოაღნიშნულ  
„მრგვალ მაგიდაზე“ სასაცილოდ აიგდეს ახალდაარსებული  
ილია ჭავჭავაძის საზოგადოება, ესეც ამბიციად მონათლენ  
და მათ კამათში მონაწილეობა აუკრძალეს, ხოლო თავიანთი  
განკერძობება იმით გააღრმავეს, რომ სხდომა „ახალგაზრდულ  
ცენტრ“ „ბერიკონში“ გადაიტანეს.

ყველაზე სამარცხვინო საქციელი აქ ჩაიდინეს და ნილა-  
ზიც აიხადეს. „მოქალაქეთა ჯგუფის სწორედ იმ წევრებმა,  
რომლებიც ამ ბოლო დროს დასავლეთის რადიო-აღგურე-  
ბის ენით გვიკარნახებენ თავიანთ რეცეპტებს საქართველოს  
მომავლის შესახებ, თავშეკავებული გამოსვლებით და არა-  
სკრიზოზული, პროვოკაციული შესახილებით დარღვიეს მეც-  
ნიერული პოლემიკისა და ეთიკის ნორმები“.

ვინ დაიჭერებს, რომ ეს დაიბეჭდა 1989 და არა 1937  
წელს!

იმ დროს, როცა ქართველ პატრიოტებს ასე აბეზლებდნენ,

საქართველოს მტრები მზაკვრული შეთქმულების უკანასკნელ ნაბიჯებს ამთავრებდნენ. მაგრამ ერი არც ბრმაა, არც ყრუ და არც უგრძნობილი.

მიტინგები, დემონსტრაციები, მოწოდებები არ წყდებოდა. მთავრობას მკლავი აღარ ემორჩილებოდა. ხალხი გრძნობდა ხელისუფლების იძულებით დათმობას, ენთუზიანში და რწმენა ემატებოდა. პატიაშვილმა ლიბერალიზაციის ილუზიაც შექმნა, მაგრამ მრჩევლები უფრო დაუთმობელნი აღმოჩნდნენ. ვერ გაიგებდი, მართლა ასე შეურიგებელნი იყვნენ, თუ სხვა მიზანი ამოძრავებდათ. ხელისუფლების სხვადასხვა ბანაკშიც ერთსულოვნება არ სუფევდა. იქაც მკაცრად დაპირისპირებული ფრთები გამოიკვეთა. ორხელისუფლებიანობა.



თებერვალში თბილისი ხელჩართული შეტაკებების ასპარეზად იქცა. გაჩაღდა ოპოზიციის მეთაურთა ქუჩური ლანძღვა-გინება, მათ წინააღმდეგ მიმართული უნიჭო, უბადრუკი ტელეგადაცემები და ფელეტონები, რომლებიც ფაქტიურად, შარავანდით მოსავდნენ დევნილებს და სიძულვილს აღრმავებდნენ მათი მტრების მიმართ. ინსპირირებული შეტაკებები პოლიტექნიკურ ინსტიტუტთან. დარბევა ორჯონიკიძის ძეგლთან. გრძნობების ესკალაცია უნივერსიტეტის ბაღში, სამედიცინო ინსტიტუტში, საავიაციო ქარხანაში ხელკეტების ტრიალი. „კომკავშირულ-მილიციური“ გააგება. კონფრონტაცია. „მერვე პოლკის“ გამოჩენა „სტრატეგიულ პუნქტებზე“. მთავრობის მეთაურთა კილოს შეცვლა. გაბღენძილი, მუქარიანი სახეები. ვითომ მუშების მისიისება ხალხზე. ქართველმა ხალხმა დიდი ხანია იცოდა, რომ საბჭოთა ხელისუფლების მთელი პოლიტიკა მიზნად ისახავდა ერის გადაგვარებას, გახრწნას, ზნეობრივ დამონებასა და გაუგონარი ტერორით გადედლებას. საკუთარ სამშობლოზე გულის გატეხვას, სასოწარკვეთაში ჩავარდნას და ტრავმირებას.

გაუთავებელი სილატაკე. სიბნელე. ჩაფხრა. ქონებრივი პოლარიზაცია. „წითელი კულაკების“ აღვირაშვებულება.

მშრომელი, პატიოსანი ხალხის გალატაკება. შიმშილი. ტოტალური უსამართლობა. ბოროტების აღზევება. გამოძალკვა.

ასეთ კრიტიკულ მომენტში გამყლავნდა საშინელი საიდუმლო, რომელსაც ადგილობრივი მშისარა და სულმოკლე კვისლინგები უმაღავდნენ დამონებულ ერს. მართალი გამოდიოდნენ მათ მიერ სასიკვდილოდ გამეტებული „არაფორმალეები“, რომლებმაც დროულად აუწყეს მშობელ ხალხს საქართველოს გაყიდვის ახალი, შემაზრზენი ამბავი.

დადასტურდა ცნობები სოფელ ლიხნში ჩატარებულ, მზაკვრულად ინსპირირებული ყრილობის შესახებ, რომელზეც ქართველი ხალხის, აფხაზეთის მკვიდრი ქართველი მოსახლეობის ზურგში სამარცხვინო ფარსი გაითამაშეს. ლაფში ამოავლეს ისტორია და დღევანდლობა. ჩვენს ერს გადააბრალეს მათი „საყვარელი საბჭოთა ხელისუფლების“ სიმახინჯეები, მანკიერებანი და დანაშაულობანი. ჩვენს მფარველად გამოაცხადეს ჩვენი ნომერ პირველი მტერი სტალინი. ცრუპარტიზანებმა, რომლებიც რუსეთის საოკუპაციო არმიას მეგზურებად შემოუძღვნენ, თავიანთი თავი აფხაზეთის გამანთავისუფლებლად გამოაცხადეს, ხოლო პატიოსანი აფხაზების ნებით დენიკინის ურდოებისგან საერთო მიწაწყლის დასაცავად გამოსულ ქართველ ლაშქარს ოკუპანტები უწოდეს. ისიც დაივიწყეს, ვინ ბრძანდებოდა „აფხაზი“ გამანთავისუფლებლების მეთაური და რა როლს ასრულებდნენ ამ „გამანთავისუფლებელ ბრძოლაში“ ქართველი ბოლშევიკები. რის ფასად და ვისი ხელისგან მიიღეს „კომუნისტური თავისუფლება“, „ავტონომია“ და გაუგონარი პრივილეგიები.

აივსო მოთმინების ფილა. დაიმსხვრა მორჩილების ხელხუნდები და აღსდგა ყველგან და ყველაფერში ფეხლადგმული საქართველო. ეს ხრუშჩოვმაც ვერ გაბედა, თუმცა, ძალიან ვძულდით და ძალიანაც სწყუროდა შურისძიება ცხრა მარტის გამო. ვერ გაბედავდა, რადგან შემზარავ უსამართლობად ეჩვენა. ქართველების გადასახლებაზე ოცნებობდა; მაგრამ პროვოკატორებს იქით შესთავაზა: აირჩიეთ: სადაც გსურთ, იქ გამოგიყოფთ მიწასო.

მაშ, ახლა რალა მოხდა, რომ უძველეს მკვიდრთ მშობლი-

ური მიწიდან ერეკებიან და ერთმობადადეს სამ ქართველს უტოვებენ ყმად?

გაივლის დრო, და ცილისმწამებლები მოიგონებენ, თითქოს, აპრილის ამბები ლიხნის ყრილობამ გამოიწვია, მაგრამ ფაქტებს სად წაუვლენ! ქართველ ხალხს სამოცდაათი წელი წუთით არ შეუწყვეტია თავისი უფლებებისთვის ბრძოლა, ხოლო „აფხაზური კოზირი“ პირველად ცხრა მარტის სამაგიეროდ გამოიგონეს, „ლიხნის ყრილობა“ კი გასული წლის ოქტომბერ-ნოემბრის გამოსვლების პასუხად გაითამაშეს. ლიხნის პროვოკაციამ უკანასკნელ ზღვრამდე აავსო მოთმინების ფიალა.

„მაშ, ჩვენ ვყოფილვართ სტალინის ნებიერები ჩვენთვის არ წაურთმევია ძველისძველი მიწაწყალი? ჩვენ კი არ ვუხოცივართ და ვუჭიჯგნივართ? ჩვენთვის კი არ გაუცლია სიქა და სამარის კარამდე მივუყვანივართ?“

25 მარტს ხელისუფლებამ ვერ შეძლო აბობოქრებული ტალღების შეკავება. ვაკის პარკში სანქციონირებული მიტინგების ნება დართეს. იქიდან ტალღებად მოედნენ რუსთაველის გამზირს. მთავრობის სასახლისკენ აზღვადნენ. გრანდიოზულ თავყრილობად იქცნენ.

„დე, გაფწყდეთ მზად ვართ სიკვდილისთვის! მოკვდებით, მაგრამ ჩვენს ღირსებას აღარავის დაუთმობთ! ჩვენ აღარაფერს ვკარგავთ!“

„რა ღვარძლი უტარებიათ! რა სიძულვილი უღვივებიათ! როგორ მოვეტყუებივართ! როგორ აუბიათ თვალი!“

იცოდნენ, საქართველო თავისუფალი და დამოუკიდებელი რომ არ იყო! ფეხქვეშ რომ ითელებოდა. მაგრამ ამდენი არ ეგონათ. არ მოელოდნენ თუ ფორმალურადაც არ დაინდობდნენ მის თუნდაც ამ მოჩვენებით ისტორიულ ერთიანობას. თითოეული ქართველის სისხლსა და ხორცში გამჭდარ ეროვნულ გრძნობას.

„რალა აფხაზებს ეცნენ! საქართველოს სახელმწიფოებრიობის აკვანს. ჩვენს დედა კუთხეს! ჩვენი სარწმუნოებისა და კულტურის საკურთხეველს. ასეთი და ამაზე ასჯერ დიდი ავტონომიები რუსეთში ცოტაა! ასეთი მცირე, ისტორიულად შესისხლხორცებული ერები ევროპის, აზიის ქვეყნებ-

ში ვინმეს უკვირს!? ვის ტვინში დაიბადა ეს ბოროტება!? ვის სურს აფხაზებისთვის ჩვენზე მეტი სიკეთე!?”

წამით თვალები მოეხუჭა, თითქოს ტირილს იკავებდნენ.

„სხვა სიწმინდე რაღა შეგვრჩენია ჩვენი წინაპრებისგან, თუ ამ უპირველეს ერთიანობას არ შევაკვდებით!?”

რას იზამ, დალხინებული არაფინაა. სიმწრისთვის გავჩენილვართ ამ ცოდვილ მიწაზე. მაგრამ, რასაც დღეს საქართველოში სჩადიან სიმართლის სახელით, გაუგონარი მკრეხელობაა.

ამირან ლაშქარავამ მარჯვენა ხელი აღმართა და მეგობრებს სევდიანი ღიმილით მიესალმა. ჭალარა მორეოდა. დაბუჩქულ უღვაშებში ტანჯვა ჩაღეკვოდა. დიდი ხანი არ იყო, რაც ხანგრძლივი პატიმრობიდან გამოეშვათ. სწეული, მაგრამ გაუტეხელი.

ჩარბიტა, ენძელა, თორნიკე ერისთავი და სტეპკო სვირინგია იქ იდგნენ, მიტინგის თავკაცებთან ერთად.

ბოლოს უჯარმელი გამოვიდა:

— კრემლი დუმს. თითქოს ეს მას არ ეხებოდეს. ბოქაულებმა არ იციან, როგორ მოიქცნენ. ჩვენი გადაწყვეტილება სწორია და სამართლიანი. ერს ქომავი სჭირდება. ნუგეში და წინაშედლოლი. გადაწყვეტილება ძალაში რჩება. ვაცხადებთ მასობრივ მჯდომარე შიმშილობას საბჭოთა კავშირის შემადგენლობიდან გამოსვლის მოთხოვნით, იმ საზღვრებში, რომლებიც წითელი ჯარების შემოსევისას გვეკავა და ერთა ღიგის მიერ დამტყიცებულ რუკაზეა ფიქსირებული.

— ჩვენ ვაიძულებთ კრემლს, ხმა ამოიღოს და აირჩიოს ბოზიცია! — კბილებში გამოსცრა თორნიკე ერისთავმა.

— არ არსებობს ძალა, რომელსაც შეუძლია უკან დაგვახევინოს. — დასტური დაჰკრა სვირინგამ.

ესენი ახალგაზრდები იყვნენ, მაგრამ ციხეგამოვლილნი, უშიშარნი და კლდეკაცნი. ქართველს გულს უხარებს ამისთანების ნახვა, ნაბრძოლთა და დილეგებში გამოტანჯულთა, ერის იმედად მოვლენილთა. ძლიერნი იყვნენ ერთსულოვნებით, ვაჟკაცობით და წინდახედულობით. გონით თავიანთ ასაკზე ბევრად ხნიერნი და ბრძენნი. ქვეყნის ავ-კარგის მცოდნენი და გამჩხრეკელნი.

ასეთი ვაუკაცებისკენ ერთნაირად უჭირავს თვალი მტერსა და მოყვარეს.

გავარვარებული დღეებია. უფრო მძიმე განსაცდელებს მოელიან და მზად არიან რაინდული თავდადებისთვის. შეგიძლიათ ენდოთ და გაჰყვეთ.

დრო იყო, ასეთებს ციხის კარს არ უღებდნენ. საზარელი დრო. ნურც ამას დავეიწყებთ!

რა შავი დღე გამოგივლიათ, ჩემო ძვირფასობო! რა ტანჯვითვის გამზადებულხართ?!

\* \* \*

ხელისუფლება ათასგვარ საშუალებას იგონებდა ხალხის ღასაწოშმინებლად; მამულიშვილთა შორის შურისა და ინტრიგების ჩამოსაგდებლად, შიგნიდან ციხის გასატეხლად, მაგრამ აქედან სახეირო არაფერი გამოდიოდა. ჯერ ერთი, ხერხები იყო წითელი ძაფით ნაკერი. გაცვეთილი და უნიჭო. მეორეც: ხალხის მოტყუება სულ უფრო ძნელი ხდებოდა.

პარტიული ბონზები მიტინგებსაც კი ესწრებოდნენ და შემარიგებლური, ვითომ, მეგობრული სიტყვებითაც გამოდიოდნენ. ქართული ენის ქება-დიდება, რისთვისაც ათი-თორმეტი წლის წინ პატრიოტებს ციხეში ყრიდნენ, ახლა მდიდართა სალონების მოღურ თემად ქცეულიყო. გაზეთები წყალ-წყალა სტატიებს აეცსო, ტელევიზიის ეკრანზე „მამულიშვილთა“ ტევა აღარ იყო, ყველაფერი ნებადართულია, ინებეთ! ოღონდ, მიტინგებსა და დემონსტრაციებზე ნუ გამობრძანდებით. აი, ბისკვიტი და მათრახი! აირჩიეთ, რომელიც გასურთ!

ლიბერალურ ღონისძიებებს ატარებენ. აქა-იქ, მეტისმეტად იდიოზურ კადრებს კულტურული, ჰუმანური კადრებით ცვლიან. ოციანი წლების კომკავშირელის ტიპს თანამედროვე ინტელიგენტი ცვლის — კომკავშირის ცენტრალური კომიტეტის პირველ მდივნად სიმპათიურ მეცნიერ მუშაქს ირჩევენ რეპრესირებული ოჯახიდან. პარტიული ლიდერები აქტურად მონაწილეობენ უცხოეთთან საქმიან და კულტურულ კონტაქტებში. ფირმა „აბე“ რწმუნებულს შეხვდნენ,

რომელმაც გუდაურში სპორტულ-გამაჯანსაღებელი კომპლექსი ააგო და ახლა თბილისში უნიკალური სასტუმროს აშენებას აპირებს. ბაკურიანში საზამთრო ოლიმპიადის ღონისძიებებზე მსჯელობენ. აღმშენებლობისა და სოციალური აყვავების გულუხვ დაპირებებს იძლევიან. წელში გატეხილ, დამშეულ და დევნილ მოსახლეობას წესრიგსა და დაცვას ჰპირდებიან.

ეტყობა, ცარიელი დაპირებაა. დაგვიანებული და დაუჯერებელი. ამას გონივრულად იყენებენ ოპოზიციური ძალები, რომელთაც ნდობით მიჰყვება გაყვლეფილი, მრავალგზის მწარედ მოტყუებული ხალხი.



ოფიციალური წრეები ზარზეიმით შეხვდნენ ახალ წელს. გაგვახარა გასული წლის წარმატებებმა, საზოგადოებრივი ცხოვრების ყველა სფეროში გავიმარჯვეთო. საქართველოს კომპარტია მთავრობისა და ხალხის თანადგომის, თანამებრძოლობის, თანამოაზრეობის იშვიათ მაგალითად გამოცხადდა. ეს თანადგომა კონსტიტუციის პროექტის განხილვაში გამოვლინებულა. ქართული ენის პროგრამის, არქეოლოგიის, კულტურის, დავით გარეჯის, ტრანსკავკასიის რკინიგზის საკითხები, რის გამოც ლამის ხელში შეიკლეს „არაფორმალეზი“, ახლა პარტიის და მთავრობის ბრძნული პოლიტიკის მონაპოვრებად გამოაცხადეს. საქართველოს ცხოვრება იდილიურ არკადიას გაუთანაბრეს, სადაც თხა და მგელი ერთად ძოვდა. რას ინატრებ, სულო და გულო, საქართველოს რომ არ მოეპოვებინოს.

„მრავალს დაესწარიო!“ — უსურვებდა თვითკმაყოფილი ოფიცოზი აგონიაში ჩაეარდნილ ხალხს.

საქართველოს ხელისუფლებმა გენერალ-პოლკოვნიკ როდიონოვთან ერთად მოილხინეს სიღნაღში სარაჯიშვილის სახლ-მუზეუმის გახსნაზე.

გამარჯვებების ნუსხაში არაფერი უთქვამთ იმის თაობაზე, რამდენი უღირსი აღაზრვეს და ღირსეული დაასამარეს, რამდენი დასწეულდა, დაიღუპა, დაიწიხლა შიმშილის, უპატრონობის, დევნისა და უსამართლობისგან.

ბოლოს, ეს ოპტიმისტური იდილია ისე განვითარდა, რომ იკადრეს კინჩხგასიებულმა ბელადებმა ცხრაკლიტულში მოთავსებული კაბინეტებიდან გამოსვლა და „მასებთან“ შეხვედრა. მაგრამ მიტინგებსა და დემონსტრაციებში ოპონენტებთან პირისპირ დგომა, პოლემიკა და მსჯელობა კი არა (ამის თავი და პირი სად ჰქონდათ!), არამედ „რჩეული საზოგადოების“ წინაშე დახურულ დარბაზებში ბატონკაცური, საინსტრუქციო ვიზიტები და თითის ქნევა.

ერთ ამგვარ შეხვედრაზე, ინსტიტუტში, სადაც ზებედე ქარცივაძე მსახურობდა, თვით პატიაშვილი მივიდა ჰკუის დასარიგებლად.

ქაოსი მძლავრობდა. უმრავლესობამ არ იცოდა, რა ხდებოდა, როგორ მოქცეულიყო. შიშით და ცნობისმოყვარეობით შეიკრიბნენ. კომუნისტური პარტია, რა ხანია, აღარ არსებობდა. იყვნენ კარიერისტები, უქმი ცხოვრების მოყვარულნი, ფულის გიყები, მექრთამეები და მაფიოზები, რომელთაც იმედი ჰქონდათ. რომ ჭერ კიდევ შეიძლებოდა ამ მიზნით პარტიის გამოყენება. ზოგი თვალთმაქცობდა, ვითომ, რაღაც სწამდა, თავისთავსაც იტყუებდა და სხვის მოტყუებასაც ლამობდა. პარტიული ბილეტების ღირებულება კატასტროფულად ეცემოდა. ამ ფონზე ამაზრზენ შთაბეჭდილებას ახდენდა იმ მაღალი ფუნქციონერების სერიოზულობა, რომლებიც დოგმათა ნანგრევებზე კომუნისტობანას თამაშობდნენ. აქა-იქ, საქართველოს სახელსაც გამოუჩვენდნენ იმ კაცის გულმოყირკებით, რომელსაც „მამულის ჭირისუფლობა პატენტად აულია“. ამათი დიდი ნაწილი, რაიმე პარტიულობის კი არა, ადამიანის სახელის ღირსნიც აღარ იყვნენ. დღეში ასი დადგენილება გამოდიოდა და მექრთამე, კარიერისტმა კომუნისტებმა მხოლოდ ის იცოდნენ, როგორც გამოეყენებინათ ეს დადგენილებები თავიანთი პირადი სარგებლობისთვის.

უყურებ ამნაირი კომუნისტების მიერ დაბეჩავებულ, ერთმანეთის წამგლეჯ, დამბეზღებელ, საცოდავ ბრბოს და ფიქრობ: ვინ არიან? საიდან მოსულან? რა უფლებით დაგვსხდომიან თავზე? როგორ გახრწნილან და დამყაყებულან? ესენი განა საქართველოსთვის სასარგებლო რამეს იტყვიან და გააკეთებენ?



მაშ, რისთვის მობრძანებულა? რა ხალხში გამოსაჩენი პირი აქვს? რა უნდა გვეთხრას? რა ჭკუა უნდა დაგვარიგოს? აქ ხომ პატიოსანი ცხოვრების არავითარი პირობები არ არსებობს.

პატიაშვილი მართლა ქვეყნის პატრონი ხომ არ გგონიათ?! მას თუნდაც საქართველოს საქმეებს ვინ ეკითხება, მოსკოვში თავის კანტურის მეტი არაფერი ევალება.

შეხვედრა ბეჟან სურამელმა გახსნა. პირველ მღივანს მივლაქუცა. სრული თავგამოდება აღუთქვა. ექსტრემიზმი დაგმო და „უპასუხისმგებლო ელემენტები“ შეაჩვენა. იმ დღეებში ახალი ჩინ-მუნდიარები მიელო და ხელისუფალთადმი ხმა უფრო დატკობოდა. მაღიანად ჰამდა, მუქთახორებს გაჭირვებული ხალხის ხარჯზე არჩენდა. დაბეზლებებს წერდა. სტალინს ადიდებდა (რა თქმა უნდა, რწმენით არც ის სწამდა) და სკივრებს ავსებდა. უკუღმა მოლაპარაკეთა რიგს ეკუთვნოდა. ფარსაგიშვილთან დღეში რამდენჯერმე ცხადდებოდა საიდუმლო დავალებების მისაღებად. თუ სხვა უფროსი არ ესწრებოდა, ყოველ საკითხზე შემაჯამებელ აზრს გამოთქვამდა. ბოროტება მრავალფეხაა, ადვილად არ გაისრისება. ყოველ ახალ აზრს გააფთრებით ეკვეთებოდა (რა თქმა უნდა, მითითებით). როცა ახალი აზრი გაიმარჯვებდა, მაშინვე აიტაცებდა და სხვა ახალ აზრს დაესხმოდა თავს. ერთი სიტყვით, მარადიული ლიბერალი, შემარიგებელი და კონსოლიდატორი ბრძანდებოდა. იცოდა, რომ ლიბერალიზმი და შემრიგებლობა სიახლეთა, წინსვლის წინააღმდეგ ბრძოლის ეფექტური და ნაცადი საშუალებაა. ამიტომ გამოდიოდა ყოველგვარი შუამავლობის, ცრუკონსოლიდაციის, „ერთიანობის“ თაოსნად. ეს ხომ პროგრესის შეფერხების დიდებული ხერხია. სოლიდურ, წინდახედულ მოღვაწედაც ირიცხება და ჯიბესაც ახალ-ახალ საზრდოს უმზადებს. დარწმუნებულია, ვერავინ გაუგებს და გემრიელად გაატარებს წუთისოფელს.

საქართველო?!

ბეჟან სურამელი მგზნებარედ შეეხმინა დედა ენის პროგრამას, რომელიც „პარტიის ბრძნული ხელმძღვანელობით იქნა მიღებული“ (თუმცა, დიდი ხანი არაა, ხმალამოწვდილი

გამოდირდა ქართული ენის სახელმწიფო ენად აღიარების წინააღმდეგ). მხურვალედ დაუჭირა მხარი „პარტიის პოლიტიკას“ დავით გარეჯის სიძველეთა სამხედრო უწყებისგან დაცლის შესახებ, ტრანსკავკასიის რკინიგზის დაკონსერვებას. მკაცრად გაილაშქრა „ექსტრემისტული მოთხოვნების“ წინააღმდეგ, მრისხანედ დაგმო „საქართველოს დამოუკიდებლობის“ მოთხოვნა: „რუსეთის გარეშე, ერთ დღესაც ვერ ვიცხოვრებთ!“

„განვამტკიცოთ კონსოლიდაცია! შევერთდეთ! დავგმოთ მაქსიმალიზმი! გზა გადაუღობოთ ერის გამთიშველ ამბიციური ავანტიურისტებს, რომლებსაც დიქტატორობის სურვილი ამოძრავებთ!“

დარბაზი ტაშად დაიღვარა, აზავთდა.

ყველას ხომ არ გაეგება, რომ ლიბერალიზმი, შემრიგებლობა, ვითომ „კონსოლიდაცია“, წინსვლის მთავარი და ყველაზე საშინელი მტერია. რასაც ექსტრემიზმად მონათლული პატრიოტები სიცოცხლის ფასად აღწევენ, ეს მუცელდასქელებული, ოქროსმოყვარე, ცრუპატრიოტები თვალთმაქცობით უთმობენ ბნელ ძალებს.

„ექსტრემისტები“ რომ არ ყოფილიყვნენ, დღეს არ გვექნებოდა არც ერთი მონაპოვარი, რომელსაც ახლა თვით ბეჟან სურამელი და სხვა მისი მსგავსი ლიბერალებიც კი ტაშს უკრავდნენ.

სტაბილიზაცია მაშინაა კარგი, როცა ხალხი კმაყოფილი და მოსვენებულია, თორემ, უსამართლობის, უსინდისობის და სილატაკის სტაბილირება ღმერთმა ნუ ქნას.

საქმე იქამდე მისულიყო, ზელმძღვანელებს ღირსების მიხედვით კი არ არჩევდნენ, არამედ სიმახინჯის მიხედვით. ნიშნავდნენ მექრთამეებს, მაფიოზებს, სახელგატეხილ, შებილწულ, ბინძურ, უჭკუო სუბიექტებს.

თუ არ დაგეზარებათ, გადაათვალიერეთ იმ დროის ფოტოალბომების ყურადღება მიაპყარით ჩვენი მაშინდელ თავკაცების, „სასიქადულო მამულიშვილების“ ყეყეჩ, თვითკმაყოფილ, უზნეო სახეებს და იოლად მიხვდებით, რა დღეში ვყოფილვართ! გათიშულობას ჭეშმარიტების ძიება იწვევს,

ბუნებრივი შერჩევის კანონი, რომელიც ჩვენში დიდი ხანია, აღარ მოქმედებს.

ვაი, უბედურ ჩვენს საქართველოს!

პატიაშვილი გაამაყებულნი ჩანდა. ექსტრემისტებს წეს-ერებისკენ მოუხმობდა. კონსტიტუციაში შესწორებების შეტანით ბედის სასწორი შემობრუნებულად მიაჩნდა. ეკვი არ ეპარებოდა, ყველაფერი ხელუხლებლად დარჩებოდა.

„ღროა ჩვენმა მოწინააღმდეგეებმა გაიგონ, მათ ამბიციებს კეთილი ბოლო არ ექნება, და ხელი აიღონ ავანტიურებზე!“

— თქვენ თვითონ ბრძანდებით ავანტიურისტები! — ისეთი ხმით შესძახა ვიღაცამ უკანა რიგებში, რომ ზებედეშნებლივთ მიიბრუნა თავი.

იგი აღმოჩნდა თემურ ქორიძე. ეროვნული მოძრაობის აქტივისტი. ნიჭიერი, საოცრად კეთილი და პრინციპული, შეუპოვარი ქართული ხასიათით დაჯილდოებული ახალგაზრდა. უბეები შეშუპებოდა. თავი დოლბანდით ჰქონდა გადახვეული და ჩვეულებრივზე უფრო გამხდარი ჩანდა. ერთ შეკრებაზე პატიაშვილთან შეკამათების გამო, თავს საოცარი შემთხვევა გადახდენოდა, რომელზედაც მთელი საქართველო ლაპარაკობდა.

„ამერიკის ხმის“ კორესპონდენტი ალინა გინზბურგი პარიზიდან იუწყებოდა, რომ ორმა ქართველმა, ადამიანის უფლებების დამცველმა — ზვიად გამსახურდიამ და მერაბ კოსტავამ მიმართეს საფრანგეთის პრეზიდენტს ფრანსუა მიტერანს თხოვნით, რომ შეწყდეს საქართველოს ჰელსინკის ჯგუფის აქტივისტთა დევნა. კერძოდ, ატყობინებდნენ მრავალი დემონსტრაციის მონაწილის თეიმურაზ ქორიძის მძიმე მდგომარეობის შესახებ.

12 ოქტომბერს. საღამოს, ლურჯ მონასტერთან გამართული დემონსტრაციის შემდეგ, კრიტიკოსი თეიმურაზ ქორიძე თავისი სახლის წინ გალახა ოთხმა უცნობმა პირმა. როდესაც მის საშველად გამოცვივდნენ მეზობლები, თავდამსხმელები გაიქცნენ. თეიმურაზ ქორიძე მიიყვანეს რკინიგზის საავადმყოფოს ნეიროქირურგიულ განყოფილებაში. იმ პალატას, სადაც იწვა თეიმურაზ ქორიძე, დაცვის მიზნით 24 სა-

ათის განმავლობაში ყარაულობდნენ მილიციელები. თავდასხმამდე ცოტა ხნით ადრე, თეიმურაზ ქორიძემ მიიღო რამდენიმე ანონიმური წერილი, რომელშიც ემუქრებოდნენ მას და საქართველოს ეროვნული მოძრაობის სხვა აქტივისტებს. ზვიად გამსახურდია და მერაბ კოსტავა მომხდარ ამბავზე პასუხისმგებლად თვლიდნენ სახელმწიფო უშიშროების კომიტეტის წარმომადგენლებს.

როგორც საფრანგეთის სატელეგრაფო სააგენტო იუწყებოდა, საქართველოს ადამიანის უფლების დამცველთა წერილი საფრანგეთის პრეზიდენტს გაუგზავნეს იქასთან დაკავშირებით, რომ ნოემბრის მიწურულს ფრანსუა მიტერანი თრდლიანი ოფიციალური ვიზიტით უნდა სწვებოდა მოსკოვს.

ეს ცნობა ზამთრის დემონსტრაციების დღეებში გამოაქვეყნა გაზეთმა „ლიტერატურულმა საქართველომ“, რამაც დიდი შთაბეჭდილება მოახდინა საზოგადოებაზე.

ქორიძემ აქაც აიღო სიტყვა და მკაცრად დაგმო აღმინისტრაციის პროვოკაციები ოპოზიციის წინააღმდეგ.

პატიაშვილი შეეცადა თავი ემართლებინა, რომ ამ საქმეში მას არავითარი დანაშაული არ მიუძღოდა. დაზარალებულმა სუსხიანი ბრალდება წაუყენა მინისტრთა საბჭოს თავმჯდომარის მოადგილეს ჩხეიძეს და სხვა თანამდებობის პირებს.

ზებედე ამ შეკრებაზე დიდაქტიკური სიტყვით გამოვიდა, ლანძღვა-გინების ნებას აღარც ასაკი აძლევდა.

— მდგომარეობა საშინლად იძაბება, — ყოველგვარი პეტეიკის გარეშე თქვა მან. — შინაური არეულობით ბოროტად სარგებლობენ მტრები. ხელისუფლება მოვალეა კონსტრუქციულად ითანამშრომლოს ოპოზიციასთან, ხელი აიღოს კონფრონტაციაზე. შეწყვიტოს პატრიოტთა დევნა. გაიხსენეთ, რა კატასტროფამდე მიიყვანა საქართველო შინაარეულობამ. გაიხსენეთ მარაბდისა და ბაზალეთის ომები, რომლებიც ინტრიგის შედეგად მოგვახვიეს თავს. თქვენი მოვალეობაა, — მიუბრუნდა პატიაშვილს, — ყური უგდოთ ბატონ ბადრი უჯარმელს, გაითვალისწინოთ მისი შენიშვნები. ყველანი მზარში უნდა ამოვუდგეთ მას. არ დაგავიწყდეთ, რომ საქართველო დაქცევის პირასაა მისული.

თავისი ადგილისკენ რომ მიდიოდა, ზებედემ ბადრი უჯარმელს მოჰკრა თვალი. იგი გვერდითი ფთახიდან დარბაზში გამოვიდა და შუა რიგში თავისუფალი სკამი დაიკავა. დაღლილი და განერვიულებული ეჩვენა ზებედეს. ან რა დაღლილებული უნდა ყოფილიყო, როცა მთელი ცხოვრება ასეთ ჯაჯურში გაეტარებინა და არც ახლა აძლევდნენ მოსვენებას. საკვირველია, რამდენი ტანჯვის გადატანა შესძლებია ადამისშვილს. იმ ხანად კიდევ ერთი შიმშილობა გადაეტანა მხეცური ტერორის, დაცინვის, ცოლშვილის დაწიოკებისა და აბუჩად აგდების პირთბებში.

ზებედემ მაშინ პირველად ნახა, რა თავგანწირულად ამოუდგა ბადრი უჯარმელს მხარში მეუღლე. სიმპათიური, გმირული სულის ქალი.

ზებედეს მეტის მოთმენა აღარ შეეძლო, აიღო პალტო და ქუდი, თვალი შეავლო დარბაზს, ზიზღით გადახედა ბეჟან სურამელს და მზერა პატიაშვილზე შეაჩერა. „დაუჯერეთ ბადრი უჯარმელს! ეს ყველასთვის სასარგებლო იქნება საქართველო, უწინარეს ყოვლისა!“

პირველმა მდივანმა ირონიულად გააყოლა თვალი. ამ დროს მას უკვე გამოტანილი ჰქონდა გადაწყვეტილება და საბოლოო პასუხს ელოდა მოსკოვიდან.

ადამიანებს ბედისწერა წარმართავს.

ბადრი უჯარმელს თავის მოკატუნება არ შეეძლო, უკანმოუხედავად მიიწევდა ხელჩართულ ბრძოლაში.



ცონსტიტუციური მოთხოვნებზე ქართველების უკიდურესად მწვავე პოლიტიკური გამოსვლების გამო ცენტრს ისევ აფხაზური კოზირის მოშველიება დასჭირდა. ათასწლოვანი ეროვნული მთლიანობის ხელყოფას კი საქართველო ვერავის აპატიებს. საქართველომ მასობრივი შიმშილობა და მიტინგები გააჩაღა საბჭოთა კავშირის შემადგენლობიდან გამოსვლისა და დამოუკიდებლობის მოთხოვნით.

წუთითაც აღარ შეწყვეტილა უსანქციო მიტინგები და დემონსტრაციები. უნივერსიტეტში, სამედიცინო ინსტიტუტ-

ში, წარმოება-დაწესებულებებში აღშფოთებული ხალხი გადაჭრით მოითხოვდა ლენინ-სტალინის მიერ იარაღის ძალით, დემაგოგიურად თავსმოხვეული ავტონომიების გაუქმებას.

ექვს აპრილს საგაფიცვო კომიტეტები გამოცხადდა და რეზოლუცია საგანგაშო ტონით იუწყებოდა: ვიწყებთ მშვიდობიან, პოლიტიკურ ბრძოლას საქართველოს დამოუკიდებლობის აღსადგენად, შიმშილობას თოთხმეტ აპრილამდე, ხოლო შემდეგ უფრო მკვეთრ ღონისძიებებს მივმართავთ.

საქართველო დიდი ხანია გულისფანცქალით ელოდა ამ დღეს. თბილისი აბორგდა, ყალყზე შედგა, სამკვდრო-სასიცოცხლო შეტაკებისთვის წამოიშარა. რენკუბლიკის ხელმძღვანელობას იმის უნარიც არ აღმოაჩნდა, ეს ყოველად უნიადაგო, აბუჩად ამგდები, აშკარად ინსპირირებული სეპარატიზმი აღეკვეთა. რისი იმედიღა უნდა ჰქონოდა ხალხს ასეთი ფიქტიური „მთავრობისაგან“.

სამედიცინო ინსტიტუტის ეზოში ხალხმრავალ მიტინგზე სიტყვით გამოვიდა ბადრი უჯარმელი, რომელსაც ხალხი ნდობას უცხადებდა და მზად იყო, გაჰყოლოდა. უნივერსიტეტში ეროვნული დაუმორჩილებლობა გამოაცხადეს, საქართველოს ეროვნული მთავრობის შექმნის იდეა წამოაყენეს. აქედან თხუთმეტათასიანი, ჩინებულად ორგანიზებული მატინგი მთავრობის სასახლისკენ დაიძრა საბრძოლო სულისკვეთებით, რომელსაც, ეტყობოდა, მტკიცე ხელი, მხურვალე გული და გამჭრიახი გონება წარმართავდა.

მიტინგი მთელი ღამე გაგრძელდა მთავრობის სახლის მოედანზე. თბილისის მაცოცხლებელ ძალად იქცა, რომლისადმი მოსახლეობის ყველა ფენა ნდობით იმსჯვალებოდა და სალოწარკვეთილებაში ხსნას ელოდა. მზადდებოდა საყოველთაო ეროვნული გაფიცვა. ტელევიზიასთან შეკრებილი ხალხი კატეგორიულად მოითხოვდა, შეეწყვიტათ ანტიეროვნული გადაცემები და მოეწყოთ მთავრობის სახლთან მიმდინარე მიტინგის პირდაპირი ტრანსლიაცია.

ხელისუფლებამ იგრძნო, რომ ფეხქვეშ ნიადაგი გამოეცალა. ხალხი სრულ უნდობლობას უცხადებდა, აშკარა სიძულვილს გამოხატავდა. ამ ვითომდა მთავრობას მზოლოდ საკუ-

თარი ხალხის დასაღუპავად განწირვის ძალა შესწევდა. მუხ-  
ლებზე დამხობილი მოსკოვის ეხეწებოდა შეელას.

შვილში მომიტიზგეებმა და დემონსტრანტებმა დახმარება  
სთხოვეს გაერთიანებული ერების ორგანიზაციას, ამერიკის  
შეერთებული შტატებისა და საფრანგეთის პრეზიდენტებს.  
მთავრობის სახლის ფასადზე ინგლისურ ენაზე დაწერილი  
ეროვნული ლოზუნგები გამოკიდეს.

ათასობით პატრიოტი აცხადებდა შიმშილობაში მონაწი-  
ლეობის სურვილს.

მიხეილ გორბაჩოვი ხანგრძლივ დიპლომატიურ მოგზა-  
ურობაში იმყოფებოდა. იმ დღეებში ფიდელ კასტროსთან  
მოლაპარაკების შემდეგ, ტეტჩერთან გადავიდა. ცხადია,  
ქვეყნის საშინაო საქმეების კურსში იქნებოდა.

„არაფორმალები“ საკმაოდ ფრთხილი და წინდახედული  
აღმოჩნდნენ. ზუსტი ცნობები ჰქონდათ ხელისუფლების სამ-  
ხედრო ღონისძიებებზე. იცოდნენ, რომ შინაგანი ჯარის ნაწი-  
ლები ალყაში იმწყვდევენ თბილისს. რკინიგზით, თვით-  
მფრინავეებით, ავტომობილებით თავს უყრიდნენ მოიერიშე  
ნაწილებს. პრესამ სასაცილოდ აიგდო მიტინგის ხელმძღვა-  
ნელთა გაფრთხილება, რომ მთავრობამ დამსჯელი ნაწილები  
შემოიყვანა ქალაქში და ყოველ წუთს მოსალოდნელია თავ-  
დასხმა. დაიწყო მოედნის მიმდებარე ქუჩების ჩახერგვა ავ-  
ტომანქანებით. ავრცელებდნენ დეზინფორმაციას, მომიტინ-  
გეები წინააღმდეგობის გასაწევად ემზადებიანო, მეზობელი  
რაიონებიდან დამხმარე რაზმები შემოჰყავთ და უცხოეთი-  
დან დახმარებას ელოდებიანო.

პროსპექტზე დემონსტრანტთა ახალ-ახალი კოლონები შე-  
მოდოდა ტაშისცემით, შემაზრიალბელი შეძახილებით: „სა-  
ქართველო! საქართველო! საქართველო!“

ეს იყო მხნე, ძლიერი, თავისთავში დარწმუნებული ხალ-  
ხის ვაჟკაცური შეძახილები, შერკინების სიმფონია, რომელიც  
ზებედე ქარცივაძეს საფრანგეთის პატარა ქალაქების განთა-  
ვისუფლების ერთუზიანს უცოცხლებდა. განუმეორებელი  
მომხიბვლელობა ჰქონდა ამ სურათებს.

თბილისი ეროვნული დროშებით ჰყაროდა. ასე იყო განზ-  
რახული ათას რგაას ოცდა თორმეტი წლის შემოდგომაზეც,

რთცა შეთქმულების მონაწილე კეთილშობილმა მანდილოს-  
ნებმა რამდენიმე დღეში დაქსოვეს თეთრ-წითელი ღროშები.

განსაცდელის მოლოდინში სულ უფრო მატულობდა რა-  
დიკალური ლოზუნგები: „ძირს სოციალიზმი!“ „ძირს რუსე-  
თის ხალხთა საპყრობილე!“

მეთაურები წუთითი არ წყვეტდნენ მომიტინგეებთან კონ-  
ტაქტს.

შიგადაშიგ მათ შორის გაუგებრობა იჩენდა თავს, მაგ-  
რამ იქვე, ხალხის თვალწინ აღწევდნენ შეთანხმებას.

სახელდახელო მომღერალთა გუნდები იმ დღეების ყვე-  
ლაზე პოპულარულ სიმღერას აგუგუნებდნენ: „ჩემო კარგო  
ქვეყანავ, რაზედ მოგიწყენია, აწმყო თუ არა გწყალობს, მო-  
მავალი ჩვენია“.

საკვირველია, რომ დრო თვითონ ირჩევს თავის პიმნს.

ამ მიტინგებზე შეიძლებოდა შეგედგინათ ყველაზე პატი-  
ოსანი, მშრომელი, გაუბინძურებული, უანგარო ქართველი  
პატრიოტების სია. ისინი მიაღწევდნენ ყველაფერს, რასაც  
ახალი ეპოქა ითხოვდა. თავგანწირვით, პრინციპულობით,  
ერის მომავლის წინაშე პასუხისმგებლობით. შეგიძლიათ მა-  
თი იმედით იყოთ. თავდადებით დაიმსახურეს თქვენი ნდობა  
და არასოდეს უღალატებენ სიჭაბუკის იდეალებს.

ხალხი დაუღვეველ ნაკადად მიედინება მთავრობის სახლ-  
თან. უნდათ მივიდნენ ჯმირ მოშიმშილეებთან, ანუგეშონ, გა-  
ამხნევონ, რალაციით მიეშველონ.

ტრიბუნაზე ორატორი ორატორს ცვლის. მიკროფონი ხე-  
ლიდან ხელში გადადის. ყველას სურს იგემოს თავისუფალი  
სიტყვა.

თანამემამულეებს პირნათელი, გამამხნეველებელი, საბრძოლ-  
ველად ხელგაშვერილი მიესალმებიან ბადრი უჯარმელი, ამი-  
რან ლაშქარავა, თორნიკე ერისთავი, სტეპკო სვირინგია, ჩა-  
რიტა, ენძელა ძიძიშვილი, როსტომ ვეშაპელი, სხვანი და  
სხვანი. უშიშარნი, გაუტეხელნი, დიდი ხანია საქართველოს-  
თვის თავდადებულნი.

ხალხი იცნობს მათ. ამაყოფს. სჯერა მათი. გავარვარებულ  
საქირეში მოუპოვებიან ნდობა და სიყვარული. ახლა ისინი  
პირნათელნი დგანან მთელი საქართველოს წინაშე, ახალი გან-  
საცდელისთვის მზადყოფნი.



თორმეტ საათზე პროსპექტს მუხლუხიანმა მანქანებმა გადაუარეს. ჩარჩოში ჩასმული მინები აზრი აღდა. დემონსტრანტებს თითქოს არც შეუმჩნევიათ ეს. რამდენიმე ტანკმა თავისუფლების მოედანზეც შემოპყო ცხვირი. მტკვარზე ელვისებურმა გლისერებმა ჩაიქროლეს. პროსპექტზე ტანკებმა გაიკვლიეს გზა. მსუბუქი მანქანა დაჰეჰყეს.

რა აგზნებული, გამოთიშული უნდა ყოფილიყვნენ დემონსტრანტები, რომ ეს სიმპტომები გამოჩენოდათ. უფრო ზუსტად: ყურადღება არ მიექციათ.

ისიც არ გაკვირვებიათ, როცა გზაჯვარედინები სრულ სამხედრო აღჭურვილობით გამზადებულმა სამხედროებმა დაიკავეს. ავტომატებით, ხმლებით, საველე ნიჩბებით, აირწინალებით. ეტყობა, მიეჩვივნენ ამ სურათებს. სამხედროებიც შინაურულად იდგნენ ან მიდი-მოდიოდნენ. მტერ-მოყვარეს ერთმანეთისთვის თვალი შეეჩვია. „ჩვენი ჯარია! ჩვენი არმია! იქ ხომ ჩვენი დაძმები და შვილები მსახურობენ!“ გვერდზე „ვილისები“ მიეყენებინათ. რუსთაველსა და მიმდებარე ადგილებზე მუდამ ნახავდით სამხედროებს და მათი ფუსფუსი, ჩექმების ბრახა-ბრუხი ჩვეულებრივ ამბად მიაჩნდათ. მიტინგს გონიერი გამწესრიგებლები ჰყავდა. მხედველობიდან არაფერი რჩებოდათ.

არ იცოდნენ მხოლოდ, რა ხდებოდა ცეკაში, სამხედრო ოლქის შტაბში, მოსკოვში.

წარმოდგენა არ ჰქონდათ პოლიტბიუროს გადაწყვეტილებასზე, თბილისიდან მოსკოვში გაგზავნილ საგანგაშო დეპეშებზე, რომლებსაც მეორე მდივანი ბორის ნიკოლსკი ადგენდა და ხელს აწერდა პირველი მდივანი ჯუმბერ პატიაშვილი. შედგენილი იყო მიტინგის გარეკვის გეგმა და დანიშნული იყო ოპერაციის სარდალი: ავღანეთში ნაწროთობი გენერალ-პოლკოვნიკი იგორ როდიონოვი. ღონისძიებებს ხელმძღვანელობდა თავდაცვის მინისტრის პირველი მოადგილე, გენერალ-პოლკოვნიკი კოჩეტკოვი.

როდიონოვმა ერთი კი ჩაილაპარაკა. ასეთი ოპერაციები „არმიის მოვალეობას“ არ შეადგენსო, მაგრამ უარის თქმა არც უფიქრია. პირველმა მდივანმა მოაწერა ხელი უკანასკნელ

დებეშას: თბილისში ფეთქებადი ვითარებაა. მდგომარეობა უმართავია.

იერიში: ცხრა აპრილს, დილის ოთხი საათისთვის.

ეს ყველაფერი საიდუმლოდ.

მთავრობის სასახლესთან, პროსპექტზე, ქალაქში, მთელ საქართველოში ვნებები არ ცხრება.

ხელისუფლებასთან კავშირში მყოფი ინტელიგენციის ჯგუფი ცდილობდა, მოწინააღმდეგე ძალები პოლიტიკურ დი-ალოგზე დაეყოლიებინა. მაგრამ არცერთი მხარე არ თანხმ-დებოდა.

ხელისუფლება იმიტომ, რომ გამანადგურებელი იერიშის-თვის მზად იყო და ექვი არ ეპარებოდა, სამუდამოდ ჭკუას ასწავლიდა არაფორმალებს. ეროვნულ ძალებსაც არ სურ-დათ ქედი მოეხარათ. ათეული წლები ელოდნენ ასეთ მო-მენტს და როცა ხალხის სრულ მხარდაჭერას მიაღწიეს, ასეთ მომენტში უკანდახევა ეროვნული დღალატი იქნებოდა. დიდი ხანია თავი გადადებული ჰქონდათ მამულისათვის შესაწი-რად, ბრძოლის წინა ხაზზე იდგნენ სამკედრო-სასიცოცხლოდ.

ლიბერალიზმი ლიბერალიზმია. ყველგან და ყოველ დრო-ში. რა სახითაც არ უნდა მოიკაზმოს. მოთაფლული დღალატი. წინსვლის ბორკილი და სულმოკლეობა. რეაქციის უკანასკ-ნელი ნავსაყუდელი.

ლიბერალიზმის სამშვიდობო წინადადებაზე გადაჭრით და სოცარი ფორმით ითქვა უარი: ჩვენ მზად ვართ თავისუ-ფალი საქართველოს სახელით მოლაპარაკება გაემართოთ მხოლოდ კრემლთან!

ენ ისტორიული სიტყვაა. ახალი საქართველოს დასაწყი-ნი. ღმერთი თავის რჩეულთ ალაპარაკებს ამ ენით. ლიბერა-ლებს ეს ბედნიერება არასოდეს რგებიან. გაორებულ ადამიანთ ასეთი ნაბიჯის გადადგმა არ ძალუძთ.

ლიბერალების ადვოკატს ღამის ორ საათზეც დაურეკენ პარტიის ცეკაში და ხალხის დაშოშმინების პირობა მიუციათ. ზოგს დღემდე ვერ გაურკვევია, რა სჯობდა, მსხვერპლის გაღება თუ მონობის უღელში კიდევ უფრო თვინიერად თავის შეყოფა და სამარცხვინო დათმობები, თითქოს ადამიან-ებს სიკეთე წინააღმდეგობის გარეშე ეძლეოდეს. ასე რომ

იყოს, სიმართლისათვის დაღვრილი სისხლის წვეთი უზენაესი მაღლი არ იქნებოდა ღვთის გაჩენილ ქვეყანაში.

ტანკების ხმაური მოახლოვდა. მოშიშმილევებს მილიციის რაზმები შემოუდგნენ. მათ ავტომატები და ხელკეტები არა ჰქონდათ, განიარაღებული იყვნენ.

შეულამე გადასულიყო. აქ კი წარმოდგენა არ ჰქონდათ, რომ გენერალ-პოლკოვნიკმა როდიონოვმა პროგრამა „ვრემიას“ შემდეგ, ტელევიზიით საგანგებო მდგომარეობა გამოაცხადა და, როგორც თბილისის კომენდანტად დანიშნულმა, საკომენდანტო საათის წესები წაიკითხა.

გადაწყვეტილების მიღებას იმანაც შეუწყო ხელი, რომ საგანგებო წესების შემოღებაზე ოქტომბერ-ნოემბრის გამოსვლების დროსაც დაიწყო სერიოზული ლაპარაკი. წინა დღით რეაქციული ზედაფენა გაბოროტებას ვეღარ ფარავდა, არაფორმალური ხელმძღვანელების დატუსაღებას ითხოვდა და სამხედრო ნაწილებს დემონსტრანტების დასარბევად მოუხმობდა. ასე პოლარულ პოზიციებზე აღმოჩნდნენ, ერთის მხრივ, დამყაყებელი, კორუმპირებული, ეროვნებადაკარგული, პარტიული ჩინოსნები, გახრწნილი ბიუროკრატიული აპარატი, ხოლო მეორე მხრივ, პატიოსანი, თავისუფლების დასაბრუნებლად შემართული ქართველობა.

ხელისუფლება იმდენად შოკირებული ბრძანდებოდა, რომ ასეთი უკიდურესი ღონისძიების სამართლებრივ მხარეზე ფიქრის თავი არ ჰქონდა.

ისტორიაში სამარცხვინოდ დარჩება, რომ მთავრობაში ერთი კაციც არ აღმოჩნდა, კომენდანტის საათის წინააღმდეგ ხმა ამოეღო.

იმ მომენტისთვის, როცა როდიონოვმა ტელევიზიით განცხადებას აკეთებდა, კომენდანტის საათის დაწყებამდე ორიოდე წუთიღა რჩებოდა და გავარვარებული ხალხის შეკავება აღარ შეიძლებოდა. ეს გაღიზიანებას და ცეცხლზე ნავთის დასხმას უფრო ჰგავდა, ვიდრე მშვიდობიან, კეთილგანზრახვით გაფრთხილებას.

ამ გამწარებულ ადამიანებს აღარაფერი სჯეროდათ, აღარაფრისა ეშინოდათ.

სულ ზემოთ, მოშიშმილეთა სათავეში ვიოლა და დედა-

მისი ჩამომსხდარიყვნენ. თუ დაგამახსოვრდათ, გახეთ „კომუნისტის“ მოსაცდელში რომ დავტოვეთ, მას შემდეგ, უფრო გაეშმაგებინა დედა-შვილი ქვეყნის უსამართლობასა და უსასოობას.

რა სურდათ, რას მოითხოვდნენ? იმის მეათედ სამართალს, რაც ოსმან აღას დედას ან გოგია უიშვილის ცოლ-შვილს ჰქონდათ. ისიც თავიანთთვის კი არა, დევნილ, ფეხ-ქვეშ გათელილ მოყვასთათვის. მათი ჯალათები დათიკო დროიძეები კი არ ყოფილან, არამედ დიპლომიანი რაიკომის მდივნები და „ერთხმად არჩეული დეპუტატები“.

მთავრობის სახლის კიბეებზე ზის... მეათე კლასის მონწველე ქალიშვილი, რომელსაც დაბადებიდან ნესტიან სარდაფში ხდება სული, მისი მშობლები ოც წელზე მეტია ბინის მიღების აღრიცხვაზე იმყოფებიან.

მოშიშვილენი ინსტიტუტებშიც ჩამომსხდარან. ბევრი სტუდენტიც არაა. არც ეღირსებათ. თუ ფულით გატენილი ტომარა არ გაქვს, ნურც იოცნებებ ამაზე.

ხელისუფლება სიძულვილს აღვივებს. ათას დეზინფორმაციას ავრცელებს.

შვიდ აპრილს გორბაჩოვმა დიდ ბრიტანეთსა და კუბაში დიპლომატიური ვიზიტი დაამთავრა და მოსკოვს დაბრუნდა.

ექვი არ არის, დაწვრილებით მოახსენებდნენ საქართველოში შექმნილ პოლიტიკურ ვითარებას. უთუოდ, იმ სახით, როგორც ადგილობრივ აფასებდნენ მას: არაფორმალები, სხვადასხვა ჯურის დესტრუქციული ელემენტები არღვევენ ცხოვრების ნორმალურ რიტმს, ავრცელებენ ყოველგვარ დეზინფორმაციას, მიტინგის მონაწილეებს მოუწოდებენ კანონსაწინააღმდეგო მოქმედებისაკენ, უწესრიგობისკენ. ცდილობენ საბოტაჟი გაუწიონ წარმოება-დაწესებულებებს, სასწავლებლებს.

ხელისუფლება დემონსტრანტებთან და მომიტინგეებთან პირისპირ დგომასა და კამათს ვერ ბედავდა. შორიდან იქნევდნენ ხელებს, გაპყვიროდნენ რაღაც გამაფრთხილებელ მოწოდებებს, რომლებიც ხალხს არ ესმოდა და არც აინტერესებდა.

ტრიბუნა როგორღაც შეივსო, შემჭიდროვდა და შეიმარ-

თა, მეთაურებმა გადამწყვეტი ქამის მოახლოება შეიგრძხეს. ასეთი წუთის ხელიდან გაშვება შესაძლოა ღალატი აღმოჩნდეს. ბადრი უჯარმელმა და ამირან ლაშქარავამ დამუშტული მარჯვენა მკლავები აღმართეს. მთელი მათი გამომეტყველება საიერიშო მოწოდებას, რწმენას, შინაგან მღელვარებას და მეომრულ სიმშვიდეს გამოხატავდა.

ეს ცეცხლში გამოვლილთა მრისხანე სიმშვიდეა. გამომწვევი, უტყუარი და თავზარდამცემი.

მოახლოებული ტანკების გრუხუნნი მოსწავლეთა სასახლესთან წუთით შენელდა.

ორივე მხარეს გადაუწყვეტია სამკვდრო-სასიცოცხლო შეჭიდება. ძალების მოსინჯვა. ხალხისთვის თავის უპირატესობის ჩვენება: ვინ უნდა აიბარგოს, ვინ დარჩეს.

წვიმს. წინა დღეებში ნაშუალამევს მოშიმშილეებთან მხოლოდ მორიგეები რჩებოდნენ. ახლა განთიადი მოახლოვებულა და წასვლას არავინ აპირებს. ემატებიან კიდევ. ოჯახის წევრები აკითხავენ. უჩვეულო ზეიმის განწყობილებათა. თავგადადების. მზადყოფნის.

მოედანზე გაფითრებული შემოდის სრულიად საქართველოს კათალიკოს-პატრიარქი ილია მეორე. მავედრებელის მშვიდი, შთამაგონებელი სახე. ერი დიდი ხანია იცნობს და ენდობა მას. ქრისტიანობა დაუბრუნა საქართველოს. სათნოებით. სიწრფელით, მამაცობით.

წვიმა შეწყდა.

ჩვეული სიღინჯით მიმართავენ მრევლს.

— გვიახლოვდებიან. ავი რამე არ მოხდეს, ახლავე ეკლესიაში შევიდეთ სალოცავად. ხალხნი წავიდეთ! წმინდა გიორგის ქაშუეთის ეკლესიაში ვილოცოთ ჩვენთვის და საქართველოსთვის.

ყველა ბადრი უჯარმელს შეჰყურებს.

ის კი მშვიდად გაჰყურებს პროსპექტს.

„არა!“ — უხმოდაა თქმული.

ერთმა ლიდერთაგანმა მიკროფონი თითქმის ხელიდან გამოვლიჯა კათალიკოსს და მბრძანებლურად შესძახა:

— ფეხი არ მოიცივალთ! გაუმარჯოს დამოუკიდებელ საქართველოს! არაფერიც არ მოხდება! ოცდახუთ მარტსაც

სცადენ თავდასხმა, მაგრამ ვერ გაბედესი ვერც ახლა გაბე-  
დავენ.

— ლოცვით დავხვდეთი — ერთდროულად მოუწოდეს  
უჯარმელმა და ლაშქარავამ.

პროსპექტი, მოედანი, მთელი ქალაქი ერთ მოღალადე-  
ტაძრად იქცა.

ეს იყო საოცარი სანახაობა. განუმეორებელი ერთსულოვ-  
ნება ზეცისა და ქაცისა. განწმენდა და ამალღება სულისა.

ლოცულობდნენ ხმამაღლა თუ გულში. ღვთისთვის მინ-  
დობილნი. არავითარ შიშს არ გრძნობდნენ.

თავისუფლების მოედანზე სასიგნალო მაშხალა ავარდა.  
ახმაურდნენ ტანკები, ჯავშანტრანსპორტიორები, ფარიან-  
მუზარადიანი ბატალიონები. მოდიოდნენ განაჩენის აღსასრუ-  
ლებლად.

კათალიკოსი გაქვავებულყო. დავიწყებოდა საკუთარი მო-  
წოდება, რომ ქაშუეთს შეყუდრებოდნენ და ელოცათ.

ჩიტადის ქუჩაზე მოიერიშეები დაეშვნენ. დაცოფილები.  
სისხლმოწყურებულნი. ორპირნალესი მესანგრის ნიჩბებით  
და ხელკეტებით.

თითქოს უხილავი გრძნობითო, ხალხი ერთბაშად წამოიშა-  
ლა მხიარული შეძახილებითა და ცეკვა-სიმღერით. გეგონე-  
ბოდა, ზეიმით ეგებებიანო.

ტრიბუნა ციხე-სიმაგრედ ისალტებოდა. ერთ მუშტად შეკ-  
რული. ბურჯად უჯარმელი და ლაშქარავა აღმართულიყ-  
ნენ. გარშემო — თანამებრძოლნი. ნაცადნი და უცადნი. ქალ-  
ვაჟნი, მშვენიერნი და უშიშარნი.

„დაუჯარით!“ — შესძახა ხალხმა უსინათლო მუსიკოსებს.  
აუღერდა ფანდური, ჩაპბერაეს სალამურს და ვინ იცის მე-  
რამდენედ დაიდვარა ლადო ასათიანის ცეცხლოვანი სტრი-  
ქონები: „დაუჯარით, რომ ძველ ხანჯალს ელდა ეცეს“...

ერუანტლად დავლილი სიტყვები, ამ წუთებისთვის შექმ-  
ნილი ღვთაებრივი სიმღერა. ბრძოლის ნაღარა, რომლის მოს-  
მენაზე ზიკვდილი სანატრელად გეჩვენებათ. ღვთის შვილე-  
ბიზ ჰანგი.

ტანკები, ჯავშანტრანსპორტიორები, ფარიან-მუზარადიანი

მოიერიშეები შემოადგენენ მოშიმშილეებით მოფენილ კიბებს.

არ განძრეულან. იქნებ ვერც წარმოიდგინეს, რომ დასუსტებულთ, ღონეგამოცლილთ, ნაშიმშილებთ ხელს ახლებდნენ.

- დასცხეთ უსაქმურებს!
- სიკვდილი როსკიპებს!
- აი, თქვენ, სტალინისთვის!
- აი, თქვენ, ბერიასთვის!
- წურბელებო!
- სისხლისმწოველო პარაზიტებო!

გამეტებით დაუშინეს ხელკეტები, ორლესული ბარები. „ღმერთო, გამაძლებინე!“ — ღონე მოიკრიბა ვიოლამ და დედას წაეშველა, ამდგარიყო. მაგრამ ნაბიჯის გადადგმა გაუჭირდათ. გადაულახველი ეინი იგრძნო, რაღაც ეყვირა, ადამიანებისთვის ხმა მიეწვდინა.

— ბარბაროსებო, სისხლისმსმელებო! — არ შეუმჩნევია, გააგონა თუ არა ვინმეს, წარმოთქვამდა თუ გულში გაჰკიოდა. აღარ იცოდა როგორ გამოეხატა აღშფოთება შემადრწუნებელი უსამართლობის, თვითნებობის, ადამიანთა აბუჩად აგდების წინააღმდეგ.

— საზიზღრებო! არაადამიანებო! — თავის სუსტ ხმას უერთებდა დედა. — ბედნიერი დღე არ გვლირსებია თქვენს ხელში! ჩაქვევდით! მამიზეციერმა სამაგიერო მოგაგოთ ხალხის ძარცვა-გლეჯისა და ტანჯვა-წამებისთვის. ამოწყდით თქვენს მოწყობილ ციხეებსა და ბანაკებში!

— ხმა ჩაიწყვიტე, პარაზიტო! — დაჰკრა ხელკეტი შინსახკომელმა.

— ღორო! — მივარდა ეგზეკუტორს ლეგა, დაკუნთული ჭაბუკი და ერთი დარტყმით დასცა.

— წადით, გაეცალეთ აქაურობას, თქვენო უწმინდესობავ! — გადაცმულმა პოლკოვნიკმა ხელი ჩაავლო კათალიკოსს და ჯაჯგურ-ჯაჯგურით ქაშუეთისკენ გაიყვანა.

— მუსიკოსებს მიხედეთ! — წასჩურჩულა ბადრი უჯარმელმა რჩეულ ვაჟკაცებს. ჯადო სიმღერა არ წყდებოდა!

„დაუჯარიო, რომ ძველ ხანჯალს ელდა ეცეს...“

„ამოდის, ნათდება!“ — ზმანებასავით იმეორებდა ბრმა მენონგურე.

ყველაფერი ერთმანეთში ამღვრეულიყო: სიმღერა, ხარხარი, კენესა, მუქარა.

„გვიშველეთ! გვიშველეთ!“

„დერეფანი!“

„დაიხიეთ!“

„წრე შეჰკარით!“

გაპყვირიან ქართველი მილიციელები, სახელდახელოდ შეკრული ვაჟკაცები.

„მოშიმშილეებს გზა!“

„ქალები გალერეასთან!“

მოიერიშეები არავის ინდობენ. არც ქალს, არც ბავშვს, არც ქართველ შინსახკომელებს. მათთვის ყველა უცხო და მიუღებელია. ყველა სტალინელი და ბერიელია. ყველა ნებიერა და პარაზიტია. ყველა ფუფუნებაში ცხოვრობს.

კეტებს ატრიალებენ. ორღესული ბარებით ჩეხავენ. ილანძღებიან.

გასაქცევს ვერ იპოვნი. ქუჩები ჩახერგილია.

აქაურობის ბატონ-პატრონები არხეინად გრძნობენ თავს. საიმედოდ არიან დაცული საკუთარი ხალხისაგან. მთავრობის სასახლის ცხრაკლიტულისთვის შეუფარებიათ თავი. ფრინველი ვერ გადაუფრენს თავზე. შესვლას ნულა იკითხავთ!

დღეს მყუდრო დარბაზში იმ მამულიშვილებს მოუყრიათ თავი, ვისი მოთხოვნითაც საპატიო სტუმრები გვესტუმრნენ ტანკებითა და ჯავშანტრანსპორტიორებით. საუკეთესო სათვალთვალო ამოურჩევიათ. ხელისგულზე ჩანს პროსპექტი და სასახლის მოედანი. ნანატრი გასართობია. ყოველ შემთხვევისათვის, ტელევიზორებიც ჩაურთავთ.

— უყურეთ, რა ვაჟკაცურად იცავენ თავს — ალტაცებულია მდივანი.

— ესენი ჩუმ-ჩუმად მანევრებსაც აწყობენ — იხუმრა მთავრობის წევრმა.

— გადავაყოლებ, თუ კაცი ვარ.

ცხარე ბატალური სურათები იშლება თვალწინ. ბიუროს წევრები ღელავენ, გლადიატორებმა სირცხვილი არ ქამონ.



— წვეთი წყალი — კვნესის მომაკვდავი ქალი. — ჩამაწვეთეთ თუ ღმერთი გწამთ!

მილიციის სერჟანტი ხელს უწვდის დაქრილ მოშიშმილეს. გაიზუზუნებს რეზინის ხელკეტი და მილიციელი უღონოდ ეცემა.

ცოცხალ-მკვდრებს სასწრაფო დახმარების მანქანებთან მიათრევენ, საღაც დაქრილ-დახოცილები მიუყრიათ.

ცოდვის კითხვაა. ტირიან. შველას ითხოვენ.

მომიტიინგეები გზააბნეული აწყდებიან ერთმანეთს. წინ ტანკები. ზურგში ტანკები. გასასვლელები შეკრული. ბუჩქებში თავგაჩხილი მანდილოსანი გდია. ზედ გოგონები გადამხობიან. ჯალათებს უნდათ საბოლოო დარტყმა აგემონ მომაკვდავს და ხელკეტები ქალიშვილებს ხვდება. გვერდით ვიღაც სულს ღაფავს. კედელთან ფეხმოტეხილი ბიჭი ფართხალებს.

ნათესავ-მეგობრები ერთმანეთს დაეძებენ. დროდადრო თოფი გრიალებს. განადგურების ვნება დულს. სისხლის სუნი ტრიალებს. აქა-იქ გაზის ჭურვები ეცემა. ამოვარდნილი ბოლი ჰაერში იწეწება. მსხვერპლს ცნობიერება ეკარგება.

ალექსანდროვის ბაღის სიღრმიდან ლაწა-ლუწი ისმის. ლომგულებს მომხვდურები შეუთრევიათ და ნეკნებს უსწორებენ. კინოსა და თეატრის ვესტიბიულებში ხელჩართული შეტაკებებია.

დადგა მომენტი, როცა ყველა ქართველმა ერთ სხეულად იგრძნო თავი. საფრთხემ და უღმობლობამ გაგვაერთიანა.

გარეუბნებში პატრულები დადიან. სანაპიროები ჩაკეტილია. მელიქიშვილზე ყოველი მიპქრის საქართველოს გაშლილი დროშით.

„მრგვალ ბალთან“ სვირინგია მანქანიდან გადმოხტა, ღია ეზოში შევარდა. სართულებს გაჰხედა. განწირულებით, ზიზღით და გაბოროტებით დაიყვირა:

— ქართველებო, რა მშვიდად გძინავთ! გამოდით, თქვენს შვილებს რუსთაველზე ხოცავენ. — მაშინვე გამობრუნდა. ეზოდან ეზოში შედიოდა, შემზარავი ხმით ერთსა და იგივეს გაჰყვიროდა. თვითონაც არ გაეგებოდა, რატომ და რისთვის? ქალაქი აოხრებულ სასაფლაოს დამსგავსებოდა.

მეათე კლასელი მარიკა ჩოხელი ერთი დღეც არ გამოკლებია მთავრობის სახლთან მიტინგს. „მოშიმშილედ“ არ ითვლებოდა, მაგრამ განუწყვეტლივ მათთან იყო. წყალს უცვლიდა. ტანსაცმელი, გადასახურავი, წამალი მიჰქონდა. უმისოდ ვეღარ სძლებდნენ. თემოც თავისუფალ წუთს არ გაუშვებდა, მასთან არ მისულაიყო. გოგონა შორიდან ლაციცის ნებას რთავდა. საბავშვო ბაღიდან მეგობრობდნენ.

რვა აპრილს სასახლის მოედანს არ მოშორებია. თანაკლასელ თამარიკოსთან წაისაუზმეს და ტრიბუნასთან დაბრუნდნენ.

როცა ტანკები მოახლოვდნენ, მღვდელმთავარმა ლოცვა წარმოთქვა და ხალხი ვედრებით დაემხო, ისინი ჩონგურზე ასათიანის ცეცხლწამკიდ სტრიქონებს ამღერებდნენ.

ნაშუალამევს თემო ორიოდ საათით შინ წავიდა. მობრუნებულს მოედანი დედაბუდიანად ამოტრიალებული დახვდა. სისხლის გუბეები დაეყენებინათ. გამზირი ნაცარტუტად ექციათ. კვნესა-გოდება. მიტინგი დაეხვრიტათ. მარიკა არსად ჩანდა.

თავზარი დაეცა. ხალხი მოეკითხნა? ვისგან რა გაეგო? სასწრაფო დახმარების მანქანებს დახოცილები და მძიმედ დაჭრილები გადაჰყავდათ. გიჟივით შევარდა მანქანაში. მოლანდებებით გატანჯული და შერყეული.

თავზარდაცემული ჭირისუფლები საავადმყოფოდან საავადმყოფოში, მორგიდან მორგში გარბი-გამორბოდნენ.

თემომ შემზარავად იბლავლა, როცა პირველი საავადმყოფოს პროზექტურის ქვის იატაკზე მიგდებული ძვირფასი გოგონას დამახინჯებული, ნაწამები სახე იცნო. უმშვენიერესი ხატება...

სასწრაფო სასწრაფოზე მოდიოდა. ჯალამბრებზე აწყობდნენ მოკლულებს, მოგუდულებს, მოწამლულებს თუ დაჭრილებს.

ქუჩებში დევნა, შეტაკებები, სტვენა-ყვირილი არ წყდებოდა. უპატრონოდ დარჩენილნი და უნუგეშონი შველას ითხოვდნენ. ქალაქს რიყრაყის მღვრიე უუქზე სული ხდებოდა.

და. გარეუბნებში ისევ გაისმოდა ავბედითი მოწოდებები: „ქართველებო, რას გძინავთ! გამოდით, შეილები დაგიხოცეს!“

შუა ქუჩაში წვერმოშვებულ ახალგაზრდა მამას ხუთიოდე წლის ნაბღისქულიანი ბიჭუნა შემოუსვამს კისერზე. გვერდით დაბოღმილი დედა მისდევს. გულისშემძვრელ მწუხარებას ჩაუნთქავთ.

ქვაფენილზე ჯიშინი გოგო მიაბიჯებს. მარტოდმარტო. შემართული ქართული დროშით. კუშტი, ამაყი და შეუპოვარი. თეთრი ზედატანი აცვია, ქამრით გადაქერილი. მთელ ქვეყანას იწვევს ორთაბრძოლაში.

შორს სამხედრო მანქანების სილუეტები მოჩანს.

#### 4.

სუბედე ქარცივაძე დილის რვა საათზე გამოჰყვა ტრამვაის და დიდუბიდან ალექსანდროვის ბაღამდე დაუბრკოლებლად იმგზავრა.

ბალის ქვემო ნაწილიდან რომ ზემოთ ადიოდა, ბუჩქებში, აქა-იქ, შესანიღბავ ფორმის ტანსაცმელში შეიარაღებული სალდათები შეამჩნია, რომლებიც ეჭვით უთვალთვალებდნენ გამვლელ-გამომვლელს.

წინადლით თერთმეტ საათზე წამოსულიყო მიტინგიდან და წარმოდგენა არ ჰქონდა, რა უბედურება დატრიალებულყო რუსთაველზე. ახლა, ბნელ კუთხეებში მიმალული სამხედროების დანახვაზე მიხვდა, რაც ჩაიდინეს. ქუჩა რომ გადაჭრა და აივაკა, ზებედემ ტანკების და ჯავშანტრანსპორტიორებზე მწვანედ შეღებილი ცხვირ-შუბლიც დალანდა.

შეკრთომა არ შეიმჩნია. თუმცა, ისედაც გასაგები იყო ყველაფერი და სასტუმრო „თბილისთან“ რუსთაველზე გავიდა.

მშვიდად მიიხედ-მოიხედა. შეიარაღებული პატრულებით გაჭედნილ გამზირს თვალი გაადევნა და აღელვებული, სასტუმრო „ივერიის“ მიმართულებით გაჰყვა. ცხელი ნაკვალევი აღარ ჩანდა. სასწრაფოდ მიელაგ-მოელაგებინათ, თუმცა, ყველაფერი იგრძნობოდა. საშინელი პირქუშობით და შე-

მადრწუნებლობით. უპირველესად, შინსახკომელთა გამომეტყველებით, რამლებსაც გარშემო ყველა კუთხე-კუნჭული დაეკავებინათ.

ზებედეს ომიც გამოეცადა, პარტიზანობაც, ოკუპაციაც, „საგანგებო წესებიც“, „კონცლაგერებიც“, „ჩეკას“ ჯურღმულებიც, „იმიერპოლარეთის“ კატორღაც, მაგრამ ამგვარი შეურაცხყოფა და დამცირება არასოდეს უგრძვნია.

ცხადია, მიხვდა, რომ ქალაქში კომენდანტის საათი გამოეცხადებინათ და თუ ოდნავ ცხვირის აწევას, დაუმორჩილებლობას შეგამჩნევდნენ, იქვე გაგასაღებდნენ.

საქართველოს დედაქალაქი მტრის ბუნაგად გამოეცხადებინათ, სადაც ადგილობრივ მოსახლეობას მოქალაქეობრივი უფლებები ჩამორთმეული ჰქონდა.

ვინ იცის, რამდენი ელოდა გულისფანცქალით დაღამების, რათა სიბნელეში თავი დაეღწია საშიშროებისგან.

რთული, დაძაბული ვითარება გამეფებულყო. გამაფრთხილებელი ფურცლები. რადიო და ტელევიზია განუწყვეტდივ იმეორებდა მკაცრი რეჟიმის მოთხოვნებს.

ცენტრალურ კომიტეტში, ტეკაში გამუდმებული სხდომები. ორმხრივი უნდობლობა გამეფებულა. იმართება ბრიფინგები. შეხვედრები მასობრივი ინფორმაციის წარმომადგენლებთან. მოითხოვენ პრობლემები გადაწყდეს „ხალხთან მოთათბირებით“.

თბილისის ჰადრებს ბრძოლის დაღი დაჰდობიათ. როგორც ორმოცდათექვსმეტის ცხრა მარტს. დღევანდელ დღესავით ახსოვს ზებედეს ტყვიით დაცხრილული ხეები და შენობები.

ფარიან დამსჯელთა გაშეშებული სახეები, წინ გამოწეული ავტომატები.

რუსთაველზე კომენდატურის გააფთრებული ოფიცრები დაჰქრიან. უმოწყალო იერით.

გადასასვლელებზე უნდობელი, უცხო მედესანტის თვალი მიაცილებს თბილისელებს.

რესპუბლიკის მოედნიდან კინოსახლთან გადასვლისას, ზებედეს ფაციანკალი მოესმა. მეცნიერებათა აკადემიის მხრიდან პროსპექტი გაღმოკვეთა წინსაფრიანი ქალებისა და კა-

ცების ჯგუფმა, რომელთაც მხარზე კიბეები გაედოთ. ქართ-  
ველი არ ერიათ.

შენობები შორიდანვე გაენაწილებინათ. გადმოსვლენსთა-  
ნავე, გააფთრებულებმა კიბეები მიიდგეს და ზიზლით დაიწ-  
ყეს ქართული დროშების, წარწერების გლეჯა-ხევა. საოცარი  
სიძულვილი იგრძნობოდა. შურისძიება და ნიშნისმოგება.

ტროლეიბუსის გაჩერებაზე უამრავ ხალხს მოეყარა  
თავი. „არაფორმალებს“ ლანძღავდნენ გაფიცვების, მიტინ-  
გებისა და დემონსტრაციებისთვის. შავ დღეს უწინასწარ-  
მეტყველებდნენ ქართველებს. არ მოეწონა ზებედეს ის ქრე-  
ლი დუნდგრო. წაქეზებული არაქართველები ჩანდნენ. თბი-  
ლისში რაღაც საექვო მიზნით შეკრებილნი.

— ლიდერები „აუყვანიათ!“ — იღუმალებით წაიჭურჩუ-  
ლა უცნობმა.

— ვინ ლიდერები? — მიაჩერდა ზებედე.

— ვინ ლიდერები? — გამოაჯავრა უცნობმა. — გამსახურ-  
დია, კოსტავა, ჰანტურია, სარიშვილი. წერეთელს მოუსწრია  
მიმალვა.

ზებედე რუსთაველის პროსპექტის ერთი მხრიდან მეორე-  
ზე გადადიოდ-გადმოდოდა. აკვირდებოდა, უსმენდა, მაგრამ  
ვერაფერი გაეგო. დაზაფრული ადამიანები ახლობლებს და-  
ეძებდნენ. პროსპექტის ჰადრებზე დაღუპულთა და დაჭრილ-  
თა სახელდახელოდ შედგენილ სიებს აკრავდნენ. მიუთითებდ-  
ნენ, სად შეიძლებოდა მათი ნახვა. სიებს ბუჩქებში მუქარით  
ქვემეხგამოშვერილი ტანკების ცხვირწინ ჰკიდებდნენ. ყველა-  
ზე მეტი ჩოჩქოლი და ფუსფუსი მთავრობის სახლის წინ  
რბოდა, სადაც ორიოდ. საათის წინ სისხლისღვრა დატრ-  
ალებულიყო. შეშფოთებული მეეზოვეები მერამდენედ ჰკვიდ-  
ნენ ერთსა და იგივე ადგილს. მანქანებთან აგროვებდნენ  
ეზოებს შიგნით, კუთხე-კუნძულებში შემორჩენილ საგნებს:  
გაჭეპყილ ქალებსა და ბავშვის ფეხსაცმელებს, დაფლე-  
თილ, გაჭეპყიანებულ წიგნებს, რეეულებს, ბლოკნოტებს,  
თავსაფრის ნაფლეთებს, ქურჭლის ნამტვრევებს. ყველაფერს  
საზარელი ბრძოლის იერი დასდებოდა.

დაღუპულთა და დაკარგულთა სიების გვერდით, თბილი-  
სის სამხედრო კომენდანტის გამაფრთხილებელი განცხადება

გაეკრათ. მკაცრი რეჟიმისკენ მოუწოდებდნენ მოსაქლეობას. აკრძალულია სამხედრო წესების ტერიტორიაზე შესვლა და ტერიტორიიდან გასვლა. ნება ეძლევათ მხოლოდ ქალაქში ჩაწერილთ და სპეციალურად მოვლინებულთ. შინაგან საქმეთა კომისარიატი ქმნის საკონტროლო გამშვებ პუნქტებს. ოცდასამი საათიდან ექვს საათამდე წყდება თავისუფალი სიარული. ვაჭრობას აწესრიგებენ სამხედრო ხელისუფლები. ზღუდავენ ქუჩაში მოძრაობას. აკრძალულია კრებები, დემონსტრაციები, მიტინგები. ჯგუფებად დგომა. სამხედრო პატრულებს უფლება ენიჭებათ დააკავონ, გაჩხრიკონ ყველა, ვისზედაც ექვს მიიტანენ. გაუფრთხილებლად ესროლონ დაუმორჩილებლობის შემთხვევაში.

წესებს ხელს აწერდა გენერალ-პოლკოვნიკი იგორ როდინოვი. ყოველ ნაბიჯზე მოჩანს ფორმიანი და გადაცემული სამხედროების კუშტი, უღმობელი სახეები. ყველა ქართველი პატიმრადაა მიჩნეული. მთავრობის დაწესებულებები ჩახერგილია.

ოფიციალური ცნობა:

„სიტუაცია ცალკეულ რაიონებში, კერძოდ, გლდანისა და საქარხნო რაიონებში კვლავ დაძაბულია. აქ ყველაზე მეტად იკრძნობა ახალგაზრდობის აგრესიულად განწყობილი ჯგუფების გავლენა. ქალაქში ჩნდება ფურცლები პროვოკაციული მოწოდებებით. სამხედრო პატრულმა დააკავა მოქალაქე ლიპარტელიანი, როცა ის აკრავდა, ნაციონალისტური ყაიდის ფურცლებს. კომენდანტის საათის დადგომის შემდეგ გასული დღე-ღამის განმავლობაში დაკავებულია და შინაგან საქმეთა ორგანოებისათვის გადაცემულია ორასოცდარვა კაცი, სამოცდაექვსი მანქანა, ჩამორთმეულია ასჩვიდმეტი ცივი იარაღი, სამი ერთეული ცეცხლსასროლი იარაღი. სასამართლოებმა აღმინისტრაციული წესით დასაჯეს ოთხმოცი კაცი“.

მომდევნო კომუნიკაციებში კომენდანტი იუწყება, რომ გლდანის რაიონში, ვაზისუბანსა და ვარკეთილში „მოხულიგნო ელემენტები ღამით ემუქრებოდნენ სამხედრო მოსამსახურეთა ოჯახებს. საბურთალოს რაიონში უცნობი პირები ზომიერად სამხედრო მანქანებს ესროდნენ ბოთლებს, ქვებს. ლენინის რაიონში ჩამოგლიჯენ სამხედრო კომენდანტის გან-

ქარგულებები, რომელთა ნაცვლად გააკრეს ანტისაბჭოური ხასიათის ფურცლები. დაწვეს ხარაჩოები გეორგიევსკის ტრაქტატის ორასი წლისთავის ძეგლის გარშემო. საზოგადოებრივი ტრანსპორტის მძღოლთა მისამართით გაისმოდა მუქარა და მოთხოვნები შეეწყვიტათ მუშაობა. ასეთივე სურათი იყო მოსკოვის პროსპექტზე, მეტროს სადგურ „წერკუთელზე“, ქარხანა „მიონის“ რაიონში.

ვრცელდება პანიკური ხმები. არის ორმხრივი მიზეზით გამოწვეული კონფლიქტები. თბილისი არ ნებდება. აივანზე მოჩანს წლინახევრის ბიჭუნა, გაშლილი ქართული დროშით და წარწერით: „მე პატარა ქართველი ვარ!“ გაგოცვით ცეროდენას მტკიცე გამოხედვა და შიში გიპყრობთ, ტყვია არ დაახალონ!

ქალაქს ათასგვარი ჭორი, პანიკური ვარაუდი მოეფინა. თქვენ წარმოიდგინეთ. ყველაფერში უკან მოჩანჩალე ხელსუფლება ამ საქმისთვის კარგად მომზადებული აღმოჩნდა. იმ დღესვე კოსმოსური სისწრაფით მომზადდა სათანადო ინფორმაცია და გამომხმაურებანი, როგორც აქაური, ისე ცენტრალური პრესისა და რადიო-ტელევიზიისთვის. ეს მასალა, „სათანადო ორგანოს“ მითითებისამებრ, ერთ პანგზეა შედგენილი და მიზნად ისახავს მთელი ტრაგედია გადააბრალოს „არაფორმალ ექსტრემისტებს“ და მათ ნაციონალისტურ ლოზუნგებს. იმ დროისათვის განსაკუთრებით კრიმინალურ მოწოდებად უღერდა პატრიოტული ლოზუნგი: „გაუმარჯოს დამოუკიდებელ საქართველოს!“

ხელისუფლება ახალგაზრდობაზე ზრუნავს, კაცთმოყვარეობას ამოეფარა: „ბავშვები გაწირეს“. „სწავლა-განათლებას მოაცდინეს“. „რა უნდათ ბავშვებს ქუჩაში?“ „ახალგაზრდობის მონაწილეობა მიტინგებს არაფერს მატებს!“ „ყველა საკითხის გადაწყვეტაში ახალგაზრდობას კომუნისტური პარტია დაეხმარება!“

საკმაოდ ეშმაკური ფანდია! არსებული სიმახინჯეებისთვის, რომლის გამოც სახალხო გამოსვლები გაჩაღდა და სისხლი დაიდვარა, ხელისუფლებას, დამრბევებსა და დამხვრეტებს თავიდან უნდა აეცდინათ პასუხისმგებლობა და იმათ-

ვის გადაებრალებინათ, ვისაც ახალგაზრდობა გაჰყვა მალა-  
ლი იდეალებისთვის ბრძოლაში.

დაგვეგმილი პროპაგანდისტის ხელისუფლებას თავისი  
კადრები ჰყავს გამზადებული — ვითომ მუშები, ვითომ კოლ-  
მეურნეები, ვითომ მეცნიერები, ვითომ მწერლები და ვითომ  
ღიასახლისებიც კი. ეს სამსახური აუნაზღაურებელი არ რჩე-  
ბა. ამ გაცვეთილმა მეთოდმა ბევრჯერ მოხერხა თავი ჩვენი  
ცრუ პროპაგანდის ოსტატებს და ვერც ახლა მოიტანა სასურ-  
ველი ნაყოფი. თხუთმეტი წლის მოსწავლე გოგონა, რომე-  
ლიც „ექსტრემისტულ ლოზუნგებს“ შეეწირა, სამარადისო  
ხსოვნას და დაფასებას იმსახურებს და არა ცინიკურ სიბ-  
რალულს.

ცხრა აპრილის მახინჯად, ანტიქართულად შეფასება, რო-  
მელიც შემდეგ ცენტრალურ პრესას დაბრალდა, აჲ, ჩვენი,  
პირველსავე დღეს იშვა და დაფრთიანდა, აქედან მიეცა სტარ-  
ტი, რასაც ხელი ჩასჭიდეს და აიტაცეს ქართველთა მტრებმა  
და მოძულეებმა.

გაოცდებით, რა პრიმიტიული საშუალებები იქნა გამოყე-  
ნებული იმისათვის, რომ დანაშაული „ექსტრემისტებისთვის“  
მიეწერათ.

ზოგმა სცადა, ცხრა აპრილის ტრაგედიის მიზეზად აფხა-  
ზეთის ლიხნის წერილი გამოეცხადებინა, მაგრამ დაავიწყ-  
დათ, რომ ეს მოძრაობა ბევრად უფრო ადრე დაიწყო. სა-  
მოციან-სამოცდაათიანი წლების რეპრესიებზე რომ არაფერი  
ვთქვათ, წინა წლის ოქტომბერ-ნოემბრის მძაფრი დემონსტ-  
რაციებისა, შიმშილობისა და გაფიცვების გახსენებაც კმარა,  
რომელიც კონსტიტუციაში შესწორებების შეტანის მოთხოვ-  
ნებმა გამოიწვია..

საჯაროობის პრინციპი თითქოს მოქმედებდა, მაგრამ ცხრა  
აპრილის მოვლენებმა ცხადჰყო, რომ ჩვენი მმართველი წრე-  
ები არა თუ არ სცნობდნენ მას, ზოოლოგიური ზიზღით იყვ-  
ნენ მის მიმართ გამსჭვალული და დიქტატურის უზნეო ჩვე-  
ვებით მოქმედებდნენ.

ამის მაგალითი იყო ცეკას მდივნის, გიზო ფარსაგიშვი-  
ლის მიერ ჟურნალისტთა სახლში ჩატარებული პრესკონფე-  
რენცია. აქაც მკაცრად დაუპირისპირეს ერთმანეთს მუშათა



კლასი და „უსაქმური ინტელიგენცია“, „ფორმალეზი და არა-ფორმალეზი“, „მოაზროვნე ინტელიგენცია“ და „ექსტრემისტები“. ფეხქვეშ გათელეს ეროვნული მოძრაობა და მასალა შისცეს ჩვენს ავის მოსურნეებს.

ორიოდე დღის შემდეგ „პრაედამ“ და „საკდესმა“ ცხრა აპრილი ქართული ექსტრემიზმის გამოვლინებად გამოაცხადეს და უცხოური პრესის შეფასებებიც დაიმოწმეს. დაასკვნინდნენ. რომ ცხრა აპრილი „გარდაქმნის“ პოლიტიკის წინააღმდეგ იყო მიმართული, მაშასადამე, ხელს აძლევდა მემარჯვენე ძალებს.

ქართველობა მტკივნეულად განიცდიდა ყოველ უარყოფით გამოხმაურებას რუსეთსა და უცხოეთში და აღარც აგონდებოდა, რომ ასეთ შეფასებას თვით ადგილობრივმა ხელისუფლებამ დაუდო სათავე.

ცოდვის კითხვა ტრიალებდა იმ დღეებში. ყველა სისხლიან ჭრილობას რა გაიხსენებს და ჩამოთვლის. გინდოდა თუ არა, უნდა გეფიქრა, რომ კარგად ორგანიზებულ დაარჯუნვის ოპერაციასთან გვეკონდა საქმე. იბეჭდებოდა ყველაფერი, ტყუილი და მართალი, რაც ამ განწყობილების გაღვივებას შეუწყობდა ხელს. ცილისწამებებით და ბოღმის ნთხევით თავი ისახელა თბილისის სამხედრო გაზეთმა „ლენინსკოე ზნამიამ“.

პრესის მასალებით ქართველს მთელი მსოფლიოსგან მოკვეთილი და შეჩვენებული ეგონებოდა თავისთავი. ბნელი ძალების შეთქმულებას ჰგავდა, რომელმაც მომდევნო თვეებში თანდათან იჩინა თავი.

ქართველობას ვერ გამოეცნო, რას უპირებდნენ, რა მოელოდა.

ამ ვითარებაში ხალხს სასოება მოჰგვარა იმის გაგებაში, რომ თბილისში იმყოფებოდა ედუარდ შევარდნაძე. ზოგს უყვარდა, ზოგს სძულდა, ბევრი ენდობოდა, ბევრი ეკვით უყურებდა, მაგრამ მძიმე განსაცდელში ჩაყარდნით, უპატრონოდ დარჩენილთ, ყველას რწმენა უღვივოდა, რომ თავისიანი საბოლოოდ მაინც არ გაწირავდა.

თერთმეტ აპრილს გორბაჩოვის მიმართვაც გამოქვეყნდა: „საქართველოს კომუნისტებს, ყველა მშრომელს“, რომელ-

შიც ნათქვამი იყო გულის მოსაშუშებელი სიტყვები: „მოგ-  
მართავთ, როგორც ადამიანი, რომელიც იცნობს და დიდ-  
პატივს სცემს ქართველი ხალხის ისტორიას და ტრადიციებს,  
მის მაღალ და კეთილშობილურ თვისებებს“.

ისტორიის გამოცდილებით ვიცი, რომ ერი არაერთხელ  
ჩავარდნილა გალახული ბავშვის მდგომარეობაში, თვალე-  
შიც ჩაუხედავს მოსპობის საშიშროებისთვის და გულიც აწუ-  
ყებია მისი ბედობლის განზღებელი პატრონის თრიალ-  
თბილ, თუნდაც, დიპლომატიური მიზნით ნათქვამ სიტყვაზე.  
ისეთი ვითარება იყო, რომ ეს სიტყვები რაღაც ნუგეშს იძ-  
ლეოდა.

თერთმეტ აპრილს შევარდნაძემ და რაზუმოვსკიმ ცეკაში  
რესპუბლიკური აქტივის კრება ჩაატარეს და სტაბილიზაციის  
ლონისძიებები შეიმუშავეს. შევარდნაძე რომ რისკიანი და  
გაბედული მოღვაწეა, უშრეტი ენერგიით და ფანტაზიით და-  
ჯილდოებული, ამას მისი მტრებიც ვერ უარყოფენ. ყურად-  
ღება აქაც „ექსტრემისტული ელემენტების“ წინააღმდეგ  
გაამახვილეს.

თბილისში გლოვის ზარი ჩამომდგარიყო. რაც უფრო მე-  
ტი იმედი ჩნდებოდა, მით უფრო საგრძნობი ხდებოდა ტკი-  
ვილი და მწუხარება. გამოცხადდა მამულისათვის შეწირულთა  
სახალხო გლოვა. დაიწყეს სამგლოვიარო განცხადებებისა და  
ნეკროლოგების ბეჭდვა. ასეთ მომენტებში ხელისუფლებას  
პოზიციის შეცვლის საოცარი მოქნილობა ახასიათებს. ვი-  
თომ, მთელ ხალხთან ერთად ვგლოვობთ, ვიტანჯებით, მაგ-  
რამ ჩვენი ბრალი არაა, ყველაფერი „ექსტრემისტებმა“ გა-  
მოიწვიესო.



დაკარგულების ძებნა მთელი ზაფხული გრძელდებოდა. ცნო-  
ბები პრესაშიც ქვეყნდებოდა და ტელეხედვითაც გადასცემდ-  
ნენ ხოლმე, მაგრამ ხალხს ხეებზე გაკრული სიებისა უფრო  
სჯეროდა, რომლებშიც დაინტერესებულ პირებს სახელდახე-  
ლო შესწორებები შეჰქონდათ. ახალ სახელებს უმატებდნენ  
ან ცნობებს იძლეოდნენ: „დაპირილი იმყოფება პირველ საა-“

ვადმყოფოში“, „მოწამლულია გაზით“, „ცხედარი ნაპოვნია სასწრაფო დახმარების მორგში“, „აღმოჩნდა წყნეთში, მე-გობართან“. ბოლოს და ბოლოს, ეს სიები ისე გაქრა გაზეთებიდანაც, ტელეხედვიდანაც და რუსთაველის პროსპექტის სეებიდანაც, რომ გაურკვეველი დარჩა, რა ბედი ეწია სიებში მოხსენიებულ ზოგიერთ პირს.

ქებნაში მონაწილეობდნენ იმ დროს პირველად გამოჩენილი „სახალხო ფრონტის“ რაზმები, „ავლანელი ვეტერანები“. ახლად შექმნილი პარტიების მოხალისენი.

ზოგი მოხერხებულად ემსახურებოდა ხელისუფლების კურსს: ლანძღავდა „ემოციურობას“, „აჩქარებას“, „სიღინჯისა და გონიერებისაკენ“ მოუწოდებდა ქართველობას. „წინაპრებისგან ვისწავლოთ ჳირთა თმენა“, „ვიმოქმედოთ ხელისუფლების ორგანოებთან ერთად!“

ზებედე დღეს არ გაუშვებდა, რუსთაველის გამზირით მთავრობის სასახლესთან არ გასულიყო. იქ იგრძნობოდა საქართველოს მაშინდელი გულისტგერა, ტანჯვა, იმედი და მოწოდება. გვირგვინები ეწყო. ნიავე ანთებულ სანთლებს ანანავებდა. სახეკუშტი ბიჭები მორიგეობდნენ დიდი ომების ვეტერანთა სიამაყით.

უცებ ვიღაც ჳარმაგმა, დაბოდმილმა კაცმა მხრებში ხელი ჩაავლო. ზებედე გაოგნებული, ცოტა არ იყოს, შეურაცხყოფილი შეჳყურებდა უცნობს. ცდილობდა თავი დაეღწია მისი რკინის მარწუხებისგან. აქ მაშინ გრძნობდა სულიერ მყუდროებას, როცა მარტოდმარტო დაეხეტებოდა, განმარტოებით კითხულობდა ხეებზე გამოკრულ სიებსა და ხელნაწერ ლექსებს.

— ველარ მიცანი? — მკვახედ, ნიშნისმიგებით მიაჩერდა უცნობი.

— ვერა! — გულგრილად გაიქნია თავი ზებედემ. თან სცაღდა გზა განეგრძო.

— დამაკვირდის! — მუქარით შეავლო თვალი და საყელოში მოქაჩა.

კიდევ ერთხელ შეათვალიერა და განრისხებულმა მოკლედ მოუქრა:

— გეშლება!

— მე მეშლება? ათას წელს არ დამავიწყდები. — ირო-  
ნიულად ჩაეცინა. — საფრანგეთი გაიხსენე! კასტრი, კარმოკ  
ტულუზა!

ზებედეს სახე მოუღბა. უხერხულობაში ჩავარდნილმა მო-  
ბოდიშებასავით აპხედა, დააკვირდი, მაგრამ მაინც ვერ გაიხ-  
სენა.

— ჩვენს რაზმში იყავი?

— რაზმში არა, ის არ გინდა! „ბერგმანში“ გახლდი ვაჟ-  
კაცებთან. — სიამაყითა და დამცინავად წარმოსთქვა.

— ჰოთი მე იქ არ ვყოფილვარ. მაკიზარებთან ვიბრძოდი.

— კომუნისტებს ემსახურებოდი!

— რატომ! საფრანგეთის თავისუფლებისთვის ვიომე.

— არ ხარ კაი კაცი! გერმანელებთან უნდა ყოფილიყა-  
ვი. ხომ ხედავ, რა სინდის-ნამუსის პატრონი ყოფილან ესენი!  
ბავშვები და ქალებიც არ დაინდეს.

ზებედეს ბუნდოვნად აგონდებოდა, რომ ამ კაცთან რა-  
დაც უსიამოვნება ჰქონდა. რალაც არ აპატია. დასაჯა და ამი-  
ტომ იყო ასე დიდ გულზე.

— მართლა არ გახსოვარ? — ცოტა მეტი დათმობით ჰკი-  
თხა ბერგმანელმა.

— ბუნდოვნად მაგონდები. ან რა გასაკვირია, რაც მე მას  
შემდეგ გამოვიარე!“

— რა მოგივიდა!? — გაიოცა ბერგმანელმა.

— დამაპატიმრეს. ცხვირიდან ძმარი მადინეს. მერე დახვ-  
რეტა არქტიკის კატორღით შემიცვალეს და ძლივს ჩამოვიტანე  
სული.

— მაგათი მამა ვაცხონე, შენისთანა მეტიჩრებს რომ არა-  
ფერს შეარჩენენ! რა გეპარტიზანებოდა, ვერ დაეტიე შენთ-  
ვის?!

— შენ რაღას მერჩი, თუ კაცი ხარ?

— მართლა აღარ გახსოვარ? მე მართლოეკი ვარ, ალბში  
რომ ერთი ჯაბახანა ავტომობილისთვის გაუბტვანტაში ჩამაგ-  
დე.

— შენ ხარ, ბიჭო? მიხაკა!

— კარგა გხსომებივარ!

— რამ მოგაპარვინა, შე ღმერთძაღლო, ის ჯაბახანა მან-  
ქანაჲ.

— ვითომ საბჭოთა არმიის ღირსებისთვის დამატუსაღე, ზომ? აბა, ნახე ახლა, როგორ უფრთხილდებიან თავიანთი არმიის ღირსებას! მოწაფე გოგონებს გალესილი საველე ბარებით უჩეჩქავდნენ თავს. დიდი ამბავი, თუ სანაგვეზე გადაგდებული „პეჟო“ ჩემი ხელით შევაკეთე და ქალაქში გავისეირნე.

— შტერი ვიყავი, თავგახურებული... — ჩაიბუზღუნა ზებედემ. — ყველაფრის ღირსი ვარ.

— დაფიცებული მქონდა სამაგიერო გადამეხადა შენთვის, მაგრამ ღმერთს ისე დაუსჯიხარ, მე რაღა დაგიმატო!

მიხაკა მარტოლეკი მწარედ განიცდიდა ცხრა აპრილის ამბებს და იმ დღიდან ზებედეს გვერდიდან აღარ შორდებოდა.

ზებედეს ზოგჯერ ეჩვენებოდა, რომ მიხაკა საგანგებოდ დაახვედრეს ქუჩაში. „მაშ, ნახევარი საუკუნის შემდეგ, ასე ერთი დანახვით როგორ მიცნო?“

„აღლევებული, გაღიზიანებული კაცის დაბნევა და გამოჭერა იოლია. ეს კარგად მოეხსენებათ იქ!“

„მე რომ მაშინ არ დაშესაჯა, ამხანაგები უფრო სასტიკად გაუსწორდებოდნენ!“

ვინ გაიხსენებს, რამდენი გადაურჩენია იმ არეულ წლებში. ქაოსი ბობოქრობდა. ერთი მიღის, მეორე მოღის. ასეთ მომენტებში სიცოცხლეს ჩალის ფასი ადევს.

— ის ღამე აქ ვტრიალდები. ვერ ვშორდებოდი ახალკაზრდებს. ასეთ ზეიმს ძე ხორციელი ვერ გამოიგონებს. ტანკები რომ შემოგვესია, მერე რაღა მოგვასვენებდა! თავი არ დაშიზოგავს, მაგრამ რას უშველი. ბევრი რამ მინახავს და შუბხვედრია იმ დიდ ომში, მაგრამ ასეთს არაფერს შევსწრებოვარი მოგრუხუნებენ ტანკები, გირტყამენ ორლესულ მახვილებს, შენ კი ჩილიკა ჯოხიც არ მოგეპოვება, მაგრამ ადგილიდან ფეხს არ იცვლი. ასეთი დახვედრაა ვაჟკაცობა, თორემ თანასწორი იარაღით ყველა კაი ვაჟკაცია. მერე, ვინ იყვნენ ეს ვაჟკაცები ქალები და ბავშვები!

— ნაცადი მეომრისგან გამიგონია: მამულისთვის პაწა შესახელება უნდა ქართველს და წინ ველარაფერი დაუდგავაო!

— ეს ამბავი ვარშავის გეტოს ათასცხრაას ორმოცდასამი წლის აჯანყებას მავონებს. მშიერმა, უიარაღო ქალებმა და შოხულებმა რომ „ესესის“ ოჩეული პოლკები შეაყბუნეს.

— რა დააშავეს ჩვენმა ქალებმა ასე? ნუთუ მეოცე საუკუნის ბოლოს ადამიანმა თავისი აზრი ვერ უნდა გამოთქვას!? მოშიმშილეებს ტანკები უნდა მიუხსიო!? მშვიდობიანი მიტინგი იყო, მეტი ხომ არაფერი!

— გული არ მისვენებს, რომ ამით არ დამთავრდება. დიდი ბოღმა უდევს ამ ბარბაროსულ ქლეტას მიზეზად.

— ხელკეტით თავგაპობილი ბავშვები მელანდება.

— რომ დაფიქრდე, აქაური ხელისუფლების ბრალი გამოდის.

— პირადი ინტერესიც ურევია. — გადაკრულივით თქვა მარტოლეკმა.

— დიდი ღრო გავა, სანამ სიმართლეს გავიგებდეთ.

შეიძლება გაგიკვირდეთ, რომ არაფერს ისეთი შემზარავი შთაბეჭდილება არ მოუხდენია ამ დღეებში, როგორც ჩვენი „სასიქადულო მამულიშვილების“ პირველმა გამონმაურებებმა. მათი „ვირეშმაკური“ წერილები, ბრძნული დაკვირვებები, ანალიზები და პროგნოზები აღსავსეა ხალხისადმი სიძულვილით, ცინიზმით და ნიშნის მოგებით. ნუთუ ესენიც მამულიშვილები არიან?! მათაც მცენიერები, პატიოსანი ადამიანები და საზოგადოების წევრები უნდა ეწოდოთ?

ერთი მათგანი თავისთავს „ღრმად მოაზროვნე ინტელიგენტს“ უწოდებს, მომიტინგეებსა და მოშიმშილეებს „ექსტრემისტებად“ აცხადებს და დაპატიმრებულ მეთაურებთან სასტიკ ანგარიშსწორებას ითხოვს?

აბუჩად იგდებენ „დემოკრატიზაციას“, „საჯაროობას“, „გარდაქმნას“ და ავიწყდებათ, რომ მათმა „კულტებმა“, კერპებმა და „ბელადებმა“ მთელი საუკუნის მანძილზე ისე ღრმად დამარხეს ყოველივე ეს, რომ ამ სიწმინდეების გაცოცხლებას ხუთი და ათი წელი აღარ ეყოფა. იციან, როგორ არ იციან ეს! მაგრამ ძალა არ შესწევთ შეიკავონ თავიანთი ცოფი და მძვინვარება. დიდსიტყვაობენ ჯალათები „სულიერ მონაპოვრებზე“, „გონიერებაზე“, „სიღინჯზე“. აღარ აგონდებათ თავიანთი სულმოკლეობა, ანგარება, სიყალბე,

რამაც აქამდე მიგვიყვანა. რა იქნება, ერთი წუთით მაინც ჩაიხედონ თავიანთ ხარბ და ქუჩყიან გულში. გაიხსენონ, რა საშუალებებით აცოცებულან იმ „სიმაღლეებამდე“, საიდანაც პატიოსან ხალხს ემეტყველებიან: „დაშლილიყვნენ და სისხლისღვრა არ მოხდებოდაო!“

— როგორ გგონია, გატეხა ჩვენი ხალხი ამ საშინელმა უბედურებამ? — ჰკითხა ზებედემ.

— რას მეუბნები ჩვენი ხალხის გატეხვა არაფრით არ შეიძლება. აბა, ამ ხეებზე გამოკრულ ლექსებს ჩახედე! აჩუჩილი, დარბეული ხალხი და იქვე ლექსი და სიმღერა. ჩვენი ჯიში არასოდეს მტანჯველი სასოწარკვეთით არ განიცდის სიკვდილს. ასე იყო, ასე არის. დააკვირდი: ლექსი და იქვე მოხალისე დონორის განცხადება. ფულადი შეწირულებანი. ყვავილები. ანთებული სანთლები. ლოცვა. აი, წლევიანდელი აპრილის თბილისის პეიზაჟები. განა ამის დავიწყება წარმოსადგენია? ვიქნებით, სანამ პირში სული გვიდგას.

— ათასი წელი რომ ვიცხოვრო, არ დამავიწყდება ასათიანის „დაუქართო, რომ ძველ ხანჯალს ელდა ეცეს“ — იმ დროს, როცა მუხლებზე დაჩოქილი ხალხი სასოებით ლოცულობს, ტანკების გრუხუნის ახლოვდება და მკვლელთა ჩექმებს ბრაგაბრუგი გაუღის.

— წარმოუდგენელია მეტი თავდადება! იმ მომენტში თავს სწირავდა ყველა. ჩვენ გვწამს და ვიცით, რას გვავალებს იმის რწმენა, რომ საქართველო განუწყვეტელი გამბრობის ქვეყანაა. ამიერიდან ეს ათასცხრაას ოთხმოცდა ცხრა წელი იქნება მისი გამბრობის წელი, თუმცა, არც ხმალი მოგვიქნევია, არც თოფი დაგვიქუხებია. წარმოდგენა არ მქონდა, თუ ის მომდერალი გოგოები უსინათლონი იქნებოდნენ. არც მათი სიმღერა ჰგავდა ამქვეყნიურს. იმ დღეს ახალი საქართველო დაიბადა, ახალი სულით, ახალი ვალდებულებებით.

• • •

არავის სურდა დაეჯერებინა, რომ შუა თბილისში, უსაყვარლეს ქუჩაზე, სახალხო ზეიმის დროს, მშვიდობიანი ადამიანები დაიხოცნენ. ქალები, ბავშვები, მოხუცები, დაჩოქი-

ლი მლოცველნი, ღვთის მავედრებელნი, ცეკვა-სიმღერისას. კაცობრიობამ უამრავი მსხვერპლი იცის. საქართველოს ცხოვრება სისხლითაა მორწყული. მაგრამ ეს განუმეორებელია. არ არსებობდა მიზეზი. აფრთხილებდნენ, ემუქრებოდნენ, მაგრამ არავის სჯეროდა, რომ ამას ჩაიდენდნენ. რამდენ უსამართლობას და ხოცვა-ყლეტას მოსწრებია ჩვენი ხალხი. ცხრა აპრილი მაინც უმაგალითოდ დარჩება. მხეცობით, უღმობლობით, ვერაგობით, შხამიანი სიძულვილით. თორემ, ქართველს სიკვდილით რას გააკვირვებ! სულ თავს არ გვესხმოდნენ!?

თბილისი ძაძებში ჩაიძირა. ქვეთინებდა ყველა, განურჩევლად იმისა, დაკარგა თუ არა ახლობელი. ძალმომრეობა ზეიმს იხდიდა; კომენდანტი აცხადებდა: „განვლილი დღელამის განმავლობაში ქალაქ თბილისში ვითარებას აკონტროლებდნენ საბჭოთა ადმინისტრაციული ორგანოები და ჯარები“. დიახ, ისე, როგორც ფრონტის სამხედრო კომუნიკებში. თითქოს მომხდური არმიებისგან გადაერჩინოთ ალყაშემორტყმული ქალაქი. თბილისის პროკურატურა იუწყებოდა: „აღძრული სისხლის სამართლის საქმის გამო დაპატიმრებული არიან: ხუხუნაშვილი, კოსტავა, ჭანტურია, სარიშვილი და გამსახურდია. ტელევიზიით და რადიოთი, აგრეთვე რესპუბლიკურ პრესაში გამოქვეყნებულ ცნობაში დაპატიმრებულთა შორის შეცდომით აღნიშნულია წერეთლის გვარი. ამჟამად მას დაეძებენ“.

ჯანმრთელობის დაცვის მინისტრის მენადარიშვილის ინტერვიუში ითქვა: „ცხრა და ათ აპრილს სამკურნალო დაწესებულებებზე დახმარებისთვის მიმართა ორასორმოცდაათმა მოქალაქემ. მათგან ზოგი მძიმე მდგომარეობაშია. ჰოსპიტალიზირებული არიან ქალაქის პირველ, მეშვიდე, მერვე საავადმყოფოებში, ცენტრალურ კლინიკურ საავადმყოფოში, ტრავმატოლოგიის, ქირურგიის, ნევროლოგიისა და ექიმთა დახელოვნების ინსტიტუტების კლინიკებში. მიტინგის დაშლის დროს დაღუპულთაგან თოთხმეტი ქალია, ორი — მამაკაცი. სამწუხაროდ, მსხვერპლთა რიცხვი, ალბათ, გაიზრდება. ათ აპრილს ღამით ქალაქის პირველ საავადმყოფოში და ქირურგიის ინსტიტუტში მოათავსეს სამი დაჭრილი, რო-



მელთაგან ერთის გადარჩენა ექვს იწვევს. მათ ჭრილობები მიიღეს კომენდანტის საათის დროს სამხედრო პატრულებთან მომხდარი კონფლიქტის შედეგად“.

თორმეტ აპრილს საგანგებოდ გამოაცხადეს: „შინაგან საქმეთა ორგანოებმა დააკავეს უწესრიგობათა ერთ-ერთი ორგანიზატორი ირაკლი წერეთელი“.

ძრწოლასა და გოდებას იწვევდა ყოველი მსხვერპლი. რისხვას მოეცვა საქართველო. რა ორფეხმა აღმართა ალესილი საველე ნიჩაბი და ხელკეტი თხუთმეტი-თექვსმეტი წლის გოგონების თავის გასაჩეჩქვად! ყოველი მეორე ადამიანი ნეტარებით შეეწირებოდა შურისძიებას.

ეტირებოდა ყველას, ვისთვისაც ძვირფასია თავდადებული კაცი, მამულისთვის ზვარაკად შეწირული სიცოცხლე.

ნურც გულღვარძლიანებს გამოვტოვებთ! ბოროტად ნიშნის მომგებთ! ისინიც ყოფილან და იქნებიან. ისინიც წერდნენ ტრაგედიაზე, მაგრამ არ განიცდიდნენ მას. ცივად ანგარიშობდნენ, ვისთვის რა დაებრალებინათ. ყური დაუგდეთ! „ცხრა აპრილს თავი იჩინა ქართველების ეროვნული ხასიათის ნიშან-თვისებებმა. ამბიციურობამ. ანარქიულობა-უდისციპლინობამ, ილუზიორობამ“.

ხოცვა-ჟლეტას შეიძლება გამართლება ჰქონდეს ნორმალური ადამიანის წარმოდგენაში?!

მთელმა საქართველომ იგლოვა წამებული შვილები, როგორც არასოდეს არავინ უგლოვია.

ცაში დაშუქრებული ვერტმფრენები, ქუჩებში მოგრუხუნე, ლულებაშვერილი ტანკები. თავდახრილი, ცრემლიანი პროცესიები. წინ — მშუენიერი გოგონების პორტრეტები. გვირგვინების, თაიგულების, ყვავილების ოკეანე. შეძრწუნებული სახეები. ეკა ბეჟანიშვილის, თამრიკო ჭოველიძის, ნათია ბაშალეიშვილის გაოცებული თვალები.

გულმოკლულმა თბილისმა სასახლის მოედნიდან ნიონში გადაინაცვლა.

მგლოვიარე დროშების სუსხი და სითბო...

ხელისუფლება შეუდგა ვითარების სტაბილიზაციას. ეს საქმე შევარდნაძემ ითავა. მოთოკილი ნერვებით. მტკიცედ. პასუხისმგებლობით. სწრაფად უნდა აღმდგარიყო დარღვეული ცხოვრების რიტმი. პირველ დღეებშივე ითქვა, რომ დაიღვარა უდანაშაულო სისხლი და ღირსეულად უნდა გავაცილოთ დაღუპულნი უკანასკნელ გზაზე, რომ უნდა დადგინდეს და დასახელდეს დამნაშავენი, რომ ხელი შევეწყუოთ ნორმალიზაციას, რათა უახლოეს ხანში გაუქმდეს საგანგებო ღონისძიებანი და კომენდანტის საათი.

ცეკაში არ წყდება სიცრუით სავსე ბრიფინგები, „საზოგადოებრივი აზრის შემსწავლელი ცენტრის“ არაფრისმაქნისი სხდომები. გეზს ძველი ხელმძღვანელები იძლევიან. პატიაშვილი, ჩერქეზია, ჩხეიძე, ფოფხაძე. ისმის ერთმანეთის ყვედრება. გადაბრალ-გადმობრალება. სულსწრაფობა და სულმოკლეობა.

„მოთმინება და საღი გონება გვჭირდება“. „ჯარის ძალას ჩვენ შეგვიძლია დავუპირისპიროთ მხოლოდ წესრიგი!“ „უზრუნველვყოთ ქალაქი პურით, ბოსტნეულით, რძით, ძებვეულით“. „განვაახლოთ სწავლა სკოლებსა და უმაღლეს სასწავლებლებში“. „ჩავაყენოთ ცხოვრება ნორმალურ კალაპოტში!“ „ადმინისტრაციული პასუხისმგებლობა ეკისრებათ!“ „კომენდანტის საათის საჭიროება რომ არ იყოს!“ „ვინ ამწვავებს მდგომარეობას!“ „ინტერვიუ არ მიმიცია!“ „ნორმალური რიტმით!“

რამდენიმე საათმა მთელი ჩვენი ცხოვრება ამოაგდო კალაპოტიდან. დატრიალებული უბედურება ქვეყნის ყველა კუთხე-კუნჭულს მისწვდა. ქუხილით გადაუარა პლანეტას. მთელი დედამიწა შეაზანზარა.

შევარდნაძე მოვლენების ცენტრში იყო, — აქტივობით, გავლენით, იდუმალებით. ადგილობრივი ხელმძღვანელები, რომლებიც მოსკოვში გადაყვანის შემდეგ, მეტისმეტად გაუთამამდნენ მას, ახლა დამფრთხალნი ძველებურად შეღირღიციებდნენ და, ბედის განაჩენს მისგან ელოდნენ.

დღეზინფორმაცია ძალას იკრებდა. ცეკას მდივანი ნუგზარ ფოფხაძე ირიფიავს ბრიფინგზე ატარებდა. ლაპარაკობდა რესპუბლიკის ხელმძღვანელთა პოლიტიკურ შეცდომებზე, რამაც გამოიწვია ექსტრემალური სიტუაცია. აკრიტიკებდა ბიუროს წევრებს, პატიაშვილს. ამხელდა „რესპუბლიკის თავდაცვის საბჭოს“, რომლის არსებობა ფაქტიურად არავინ იცოდა. აპრილის დასაწყისიდან თბილისში საჯარისო ნაწილები მობილიზებული აღმოჩნდნენ.

ხელმძღვანელთა შორის რიდი გამჭკაალიყო. მიტინგზე პირველი მდივნის გამოუცხადებლობა ბრიფინგზე იმით ახსნეს, რომ ეს გამოიწვევდა პატიაშვილის დისკრედიტაციას, რისი სიმპტომებიც აშკარად ჩანდა მიტინგებზე. არაფორმალური უარს აცხადებდნენ ხელისუფლებასთან შეხვედრაზე: „არავითარი დიალოგი მარიონეტულ მთავრობასთან“.

ერთ-ერთ ბრიფინგზე ისიც ითქვა, რომ „მომხდარისთვის პასუხი უნდა მოეთხოვოს ცეკას მეორე მდივან ნიკოლსკის“.

პატიაშვილს აღარავინ ერიდებოდა და აკადემიაში შეხვედრის დროს ისეთი ბრალდებები წაუყენეს, იძულებული გახდა, გადადგომა ეთხოვა. განაცხადა: „ეს ჩემი უკანასკნელი გამოსვლა იყო“. მისი თხოვნა პრინციპულად იქვე გადაწყდა.

თოთხმეტ აპრილს გაიმართა ცეკას პლენუმი. რომელზეც განიხილეს რესპუბლიკაში შექმნილი პოლიტიკური ვითარება. მიიღეს მიმართვა კომუნისტებისადმი, ყველა მშრომელისადმი, ახალგაზრდობისადმი. პატიაშვილი „თავისი თხოვნით“ გაათავისუფლეს თანამდებობიდან. პირველ მდივანად აირჩიეს გივი გუმბარიძე, რომელსაც იმ დროს უშიშროების კომიტეტის თავმჯდომარის პოსტი ეკავა. ასევე „საკუთარი თხოვნით“ გაათავისუფლეს ჩხეიძე მინისტრთა საბჭოს თავმჯდომარის მოვალეობიდან. მის ადგილზე ჭითანაჟა დანიშნეს.

შიმართვაში ითქვა პირველი საგულისხმო აღიარება და სინანული: საკაცობრიო რეზონანსს ვერ გაზომავე ვერავითარი გონებაგანჭვრეტითი საწყაოთი, ვერავითარი ლოგიკური კატეგორიებით, საგანგებო გარემოებათა ვერავითარი დამოწმებით.

ეს დადასტურება იყო, რომ პოლიტიკური გამოსვლების მეთაურებმა ბეც, ბიუროკრატ, ხელისუფლებს დააშვებინეს

საბედისწერო შეცდომები, რასაც თვითონაც გადაჰყენენ, და რამაც საფუძველი შეურყია დრომოქმულ წყობილებას.

ნუ გაგაოცებთ ეს დასკვნა! იმ ოცი ადამიანის სიცოცხლემ ახალი გზა გაჭრა კაცობრიობის ისტორიაში. მილიონების მსხვერპლს გაუტოლდა. ხალხი დარწმუნდა, რომ ძალადობაზე დამყარებული რეჟიმის დამხობა შესაძლებელია. გაქრა დიქტატორული სისხლისღვრის წინაშე შიში. გამხნევდა, გათამამდა ხალხი. ამასთან დაკავშირებით, შევარდნაძემ მოხერხებულად დაიმოწმა გორბაჩოვის სიტყვები: „ის, რაც თბილისში მოხდა, ზიანს აყენებს გარდაქმნის, დემოკრატიის, ქვეყნის განახლების ინტერესებს“.

კიდევ ერთი საგულისხმო აზრი გამოითქვა: „გულდასმითმა, მიუკერძოებელმა და ყოველმხრივმა გამოძიებამ იურიდიული და მეცნიერული უცილობლობით უნდა განსაზღვროს ცხრა აპრილის ტრაგედიის გამომწვევი ამბების ხასიათი და მიმართულება. ყოველი დამნაშავე დასახელებული იქნება“.

მოთმინება და დროა საჭირო, რომ მბრძანებლური სულისკვეთებით აღზრდილებმა დიალოგი დიქტატისგან გაარჩიონ.

ასეა თუ ისე, საქართველომ ახალი ხელმძღვანელობა მოიპოვა.

თექვსმეტ აპრილს შევარდნაძემ, რაზუმოვსკიმ და გუმბარიძემ ყვავილები მიიტანეს მთავრობის სასახლის წინ მოედანზე, სადაც 9 აპრილს განთიადისას უდანაშაულო ადამიანები დაიღუპნენ.

ორიოდე დღის შემდეგ, საქართველოს უმაღლესი საბჭოს პრეზიდიუმის დადგენილებით თბილისში შემოღებული კომენდანტის საათი ჯერ შეამცირეს, ხოლო თვრამეტი აპრილის ხუთი საათიდან გაუქმებულად გამოცხადდა.

ქალაქმა ამოისუნთქა.

„შრომითი კოლექტივები რიტმულად ამუშავებდნენ“.

მეცადინეობები განახლდა.



შეიქმნა ცხრა აპრილს მომხდარ გარემოებათა გამომკვლევითი კომისია.

აპრილის სისხლიანი კვირა ყველა ქართველს ერთნაირად არ

განუცდია. ზოგს, ჩიტის რძეც არ ჰკლებია, ტკბილი ცხოვრება დაერღვა და მოუსვენარ თანამემამულეებზე გაბოროტდა. ამათ ოღონდ თანამდებობა ჰქონდეთ, კაი ჭამონ და კაი სვან, სახლები იშენონ, ქრთამები აიღონ, ახალი ორდენები და ხარისხები მიიღონ და სხვას არას ინაღვლიან. მათთვის სამშობლოს ტყივილები, მასზე ზრუნვა და ოცნება არ არსებობს. პატრიოტიზმი სპორტში მოპოვებული გამარჯვებით ამოიწურება. უსამშობლოდ და უმორალოდაც დიდებულად გრძნობენ თავს. უნდა გენახათ, რა მტანჯველად, დაბოღმილი შეჰყურებდნენ „ექსტრემისტებს“, რომლებიც დაღმინებულ ცხოვრებაში ხელს უშლიდნენ.

ეს ჰკუთხის დამრიგებელი მოძღვრები, საქმე საქმეზე რომ მიდგეს, ყველაფერს იკადრებენ. „საქართველოს ინტელიგენციას დიდი პასუხისმგებლობა გვაწევს!“ — იჭიფხებიან ისინი. „ღროულად უნდა გამოგვეჩინა სიფხიზლე და სიმტკიცე!“ „ვიყვეთ გონიერნი! ახალ უბედურებას ნუ დავატენთ საქართველოს თავს!“ „მშრომელთა ინტერესები საკმაოდ შორსაა არაფორმალ ლიდერთა ანტისაბჭოური ლოზუნგებიდან“. „ჩვენ პასუხს ვაგებთ საქართველოს მომავლისათვის!“ — ოხრავს საქართველოს მომავალზე და გულისხმობს საკუთარ სტომაქს:

ხედავთ, როგორ არეკლილა ობივატელის შემეცნებაში მომხდარი მოვლენები? ვინ ყოფილა მტყუანი და ვინ მართალი?! თუმცა, ნურც იმას დავივიწყებთ, რა დევნა, ტანჯვა-წამება და ჯოჯოხეთი გამოიარა ქართველმა ხალხმა სამოცდაათი წლის განმავლობაში. რა დღე დაგვაწია სტალინმა და სტალინის გულისათვის კი რა კუპრში ჩაგვყარა ნიკიტა ხრუშჩოვმა, რომელიც ყოველ წუთს სამშობლოდან აყრითა და გადასახლებით გვემუქრებოდა. გავეწყდებოდით, გადავგვარდებოდით და გავიხრწნებოდით, მა რა მოგვივიდოდა?!

\* \* \*

უმკაცრესი ცენზურისა და დეზინფორმაციის მიუხედავად, სიმართლე ცხრა აპრილის სისხლისღვრაზე მთელ პლანეტაზე გზას იკაფავდა და მილიონობით თანამგრძობს პოულობდა. მოდიოდა მხურვალე თანაგრძნობის წერილები და დეპეშები

საბჭოთა კავშირისა თუ უცხოეთის ყველაკუთხე-კუნჭულიდან. ქვეყნდებოდა უტყუარი ცნობები. მსოფლიოს მოედო ჟურნალისტ იური როსტის გაბედული ფოტორეპორტაჟები. მძაფრი ორთაბრძოლა გაჩაღდა სიმართლესა და სიცრუეს შორის.

დარბევაზე ნაკლებ მტანჯველი არაა, როცა გრძნობ, რომ ცამდე მართალი ხარ, და ნაცემ-ნაგვემი მართო ხარ მიგდებულს. საუბედუროდ, ესეც წინასწარ დაგეგმილი და გამიზნული გამოდგა. შეიძლება კატასტროფული შედეგები მოჰყოლოდა ამას. იმ დღეებში გაიკრვა, რომ ღეთის მიერ განწირული არ ვიყავით და ყოვლადწმინდა ღეთისმშობლის კალთა გვეფარავდა.

ცენტრალური პრესის თავდასხმებს წინ გადაეღობა ყველა ერის ადამიანთა სათნოება და მოყვასისადმი თანაგრძნობა.

ლენინგრადიდან პირველსავე დღეებში მოვიდა მხარდაჭერის კოლექტიური წერილები და დეპეშები. მოსკოვში თანაგრძნობის მანიფესტაციები მოეწყო. ბალტიისპირეთში დაღუპულთა ხსოვნის აღსანიშნავად სამგლოვიარო მიტინგები გაიმართა. საზოგადოებრიობა გმობდა მშვიდობიანი მიტინგების ტანკებითა და მომწმამლავი გაზებით ჩახშობას. ანათემას უთვლიდა სალდაფონებს, თანამედროვე ეგზეკუტორებს. სამარცხვინო ბოძზე აკრავდა დაჭირავებულ მკლაბნელებსა და სისხლისმსმელთა ადვოკატებს.

ცხრა აპრილის მოვლენები მსოფლიოს განსჯის, კამათის, მოპირდაპირე მხარეთა უკომპრომისო შეჯახების საგნად იქცა და გადაუჭარბებლად შეგვიძლია ვთქვათ, რომ ამ პოლემიკამ და დისკუსიამ განუზომელი როლი ითამაშა ხალხთა გამოფხიზლებასა, ეროვნულ-გამათავისუფლებელი მოძრაობის განვითარებაში.

„სისხლიანი კვირის“ მაგალითზე ერებმა სასიცოცხლო დასკვნები გამოიტანეს. ქართველ ხალხზე ზედგამოჭრილი გამოდგა ილია მართლის სტრიქონები:

კვლავ ეწამა მოყვასთათვის  
საოცარი იგი ერი,  
კვლავ დაიდგა დიდ წამების  
მან გვირგვინი მშვენიერი.  
კვლავ ქვეყნისთვის დაიღვარა,  
წმინდა სისხლი წამებულის...

ოლონდ, „განახლების ძალნი“ ამჯერად დიდი ხნით აღარ შემდგარა და „ისტორიაც აღარ შეფერხებულა“. ვერც დიდ-მპყრობელური ნება განხორციელდა: „როგორც მომესურვება, ისე მოგვექცევი, შენ კი ხმა გაიკმინდე და კმაყოფილებით მომელაქუცე!“

ზებედეს აგონდებოდა სამგლოვიარო მიტინგზე სამფეროვანი ქართული დროშით გამოსული მწუხარე გოგონა, რომელსაც ეროვნულ დროშაზე წაწერილი ჰქონდა საგულისხმო ნაწყვეტი ვაჟას ლექსიდან: „სამშობლოს არვის წავართმევთ, ნურც ნურვინ შეგვეცილება!“

ჩვენმა ხალხმა სისხლის ფასიც იცის და ცრემლისაც, „რომელიც უკანა სწვავს და ჰბუგავს, წინა ჰნამავს და ამწვანებს... ეგ ცრემლიანი ცოდნა, თუ ცოდნიანი ცრემლი უკანისა — შუქია წინასი და შუქი ხომ, დასაწყისია განთიადისა“.

...ავი და კარგი ერთმანეთში ათქვეფილიყო. ჩვენი ტრაგედიის მესამე თუ მეოთხე დღეს, ვნუკოვოს აეროპორტში გაისმა ტელეფონის ზარი. უცნობმა მამაკაცმა განაცხადა, რომ თვითმფრინავში, რომელიც მოსკოვ-თბილისის რეისს ასრულებდა, ჩადებულია ასაფეთქებელი მოწყობილობა, ამასობაში უკვე ლაინერი საქართველოს დედაქალაქს უახლოვდებოდა.

ეს ინფორმაცია სასწრაფოდ გადასცეს თბილისის აეროპორტს და საქართველოს ტრანსპორტის შინაგან საქმეთა სამმართველოს. მილიციის მუშაკებმა უაღრესად გულდასმით შეამოწმეს მშვიდობით დამჯდარი თვითმფრინავი, მაგრამ საექვო ვერაფერი აღმოაჩინეს: განგაში ყალბი აღმოჩნდა.

გარდა ამისა, ტრანსპორტის შინაგან საქმეთა სამმართველოში მიუღიათ მეორე ინფორმაცია: თითქოს, ასაფეთქებელი ნივთიერებები დაედოთ თბილისის რკინიგზის ვაგზლის შემნახველ კამერაში. მაგრამ ეს ცნობაც არ დადასტურდა, თუმცა შემოწმდა უაღრესად საფუძვლიანად.

რას ნიშნავს ეს ჭორები? ვის აძლევს ამგვარი ხმების გავრცელება ხელს?

იმავე დროს გამოქვეყნდა კიდევ რამდენიმე ასეთი პანიკის გამომწვევი ინფორმაცია.

„როგორც თბილისის საქალაქო საბჭოს აღმასკომის შინაგან საქმეთა სამმართველო იუწყება, ქალაქში გავრცელდა ჭო-

რები, თითქოს საქარხნო რაიონში მდებარე საბავშვო ბაგა-ბა-  
ლების პერსონალის ნაწილი უარს ეუბნებოდეს მშობლებს რუ-  
სული ეროვნების ბავშვთა მიღებაზე. მაგრამ შემოწმებით და-  
დგინდა, რომ ამგვარი ფაქტები სინამდვილეში არ მომხდარა.  
აღნიშნული ბაგა-ბალები ნორმალურად მუშაობენ და პერსო-  
ნალი ყველა ეროვნების ბავშვებს აქ აბსოლუტურად ერთნაი-  
რად ეპყრობა“.

„ყველა ჩვენი მუშაკი აღაშფოთა ამგვარმა ჭორებმა. ჩვენ-  
თან ბევრი ეროვნების ბავშვია: ქართველები, რუსები, სომხე-  
ბი, ქურთები. ყველა ერთნაირად გვიყვარს, ერთნაირად ვზრუ-  
ნავთ მათთვის. სხვა რამ ვერც წარმოგვიდგენია...“

ეს იყო ეროვნული დაპირისპირების მზაკვრული მცდელო-  
ბები, ეთნოკრიზისის წაქეზება, ინტერფრონტის შექმნის გან-  
ზრახვა, რაც ერთი წუთითაც არ შეწყვეტილა, მაგრამ მტრისთ-  
ვის შესაფერი ნაყოფი ვერ გამოიღო. თბილისის მოსახლეობის  
ძმათა სისხლისღვრაში ჩათრევა შეუძლებელი აღმოჩნდა. გაი-  
შარჯვა ხალხებთან კეთილი ურთიერთობის მრავალსაუკუნოვან-  
მა ტრადიციამ. ამ მხრივ, პროვოკატორებს კოვზი ნაცარში ჩაუ-  
ვარდათ და ამან დიდი გავლენა მოახდინა საერთო მდგომარეო-  
ბაზე, მიუხედავად იმისა, რომ ავის მოსურნენი თავიანთ გან-  
ზრახვაზე ხელს არ იღებდნენ. დაქირავებული პრესა და ტე-  
ლევიზია ურცხვად აღვივებდა ეროვნულ შუღლს.

მეგობარი ჭირში შეიცნობაო. პირველი წუთებიდან გამო-  
ეშურნენ გულშემატკივრები. გამამხნევებელი სიტყვითა და  
საქმით.

გვწერდნენ სომხები, ლიტველები, ლატვიელები, ესტონე-  
ლები: „სულითა და გულით თქვენთან ვართ!“ „ვიზიარებთ გა-  
ნუზომელ მწუხარებას“; „ჩვენ ტელევიზორით ვნახეთ თქვენი  
ტრაგედია“; „მხარს ვუჭერთ თქვენს მისწრაფებას ადამიანის  
თავისუფლებისადმი“; ჩვენი მიზანიც სამშობლოს დამოუკი-  
დებლობაა“...

„ჩვენ ქართველ ხალხთან ვართ!“ — გვიცხადებდა თბილი-  
სის არაქართველი მოსახლეობა. „ეს კურთხეული მიწა იმსახუ-  
რებს მშვიდობას და მყუდროებას“. „ჩვენ უნდა ვიყოთ ერ-  
თად!“ „ზიზლი ცილისმწამებლებს!“

ყველაფერი იღონეს, რომ სიმართლეს საზღვარგარეთ არ



გაეღწია. უცხოური პრესა „საკდესის“ ცრუ ინფორმაციებმა დატბორა, მაგრამ ჭეშმარიტება მაინც ვერ ჩააჩუმა.

„ამერიკის ხმამ“ ცხრა აპრილის ღამესვე გადასცა ზუსტი ინფორმაცია თბილისის ტრაგედიაზე.

„რამდენიმე დღეა მასობრივი გამოსვლების მონაწილენი მოითხოვდნენ საქართველოს დამოუკიდებლობას და მისი საბჭოთა კავშირის შემადგენლობიდან გამოსვლას. თბილისში მთავრობის სასახლის კიბეებზე შიმშილი გამოაცხადა ასამდე კაცმა. ისინი მოითხოვდნენ საქართველოს დამოუკიდებლობის აღდგენას... ექვს აპრილს მიღებული იქნა გადაწყვეტილება საგაფიცო კომიტეტების შექმნაზე. თბილისის საგაფიცო კომიტეტი უნდა გადაიქცეს ოპოზიციის ხელმძღვანელ ორგანოდ. თბილისში შეიყვანეს ტანკები და ჯავშანტრანსპორტიორები. ისინი კანსაკუთრებით კონცენტრირებული არიან საქართველოს ტელევიზიის შენობასთან...“

იტალიურმა გაზეთმა „კორიერე დელლა სერამ“ თერთმეტ აპრილს გამოაქვეყნა ინფორმაცია სათაურით: „რკინის მუშტი საქართველოში“. „ათასობით ჯარისკაცი დაჰპატრონებია საქართველოს დედაქალაქს, რომელიც დახურულადაა გამოცხადებული უცხოელი ჟურნალისტებისთვის. მსხვერპლი ოცს შეადგენს“.

„შევიარდნაძემ გადასდო დასავლეთ გერმანიაში ვიზიტი, რათა ჩასულიყო თავის სამშობლოში და მოეძებნა გზა სიმშვიდის დასამყარებლად“.

ინფორმაციებს ამავე თემაზე გაზეთები სენსაციური სათაურებით ბეჭდავენ.

„გორბაჩოვის ათასხუთასდღიანი მმართველობა თბილისელმა ნაციონალისტებმა ყველაზე დრამატულ სიტუაციაში ჩააგდეს“.

„მოსკოვი მთლიანად მხარს უჭერს რეპრესიებს საქართველოში“. „საქართველოს დედაქალაქიდან დრამატული ცნობები მოდის“. „სადაც გაიხედავ, ყველგან ხიშტმომარჯვებული სალდათია“. „დილით მრავალგან გაისმა გასროლა“. „ტურისტებს ურჩევენ, დასტოვონ რესპუბლიკა“. „ხელისუფლება ამტკიცებს, რომ ჭყლეტაში მოჰყვა ერთი თუ ორი ქალი“. „უარყოფენ ფოლადის ნიჩბების ხმარებას“. „საბჭოთა ხელისუფ-

ლებამ გაამართლა ჯარის ნამრქმედარი“. „ქართველებმა მძიმედ დასკრეს ასამდე ჯარისკაცი“. „გორბაჩოვის გაფრთხილება საქართველოსადმი: „დაივიწყეთ დამოუკიდებლობა!“

„ხვალ თბილისში დაკრძალვია“. „ხოცვა-ყლეტა ნამდვილი ბომბი შეიქნა კრემლისათვის!“ „ბრალი ედება არმიას“. „მილიცია საზარელი ღამისთვის პასუხს ითხოვს!“ „შევარდნაძე ამბობს: რაც მოხდა, ყველაფერი ადგილობრივი ხელმძღვანელობის ბრალია!“ „ედუარდ შევარდნაძეს სურს, კრემლს მოხსნას ყოველგვარი პასუხისმგებლობა და აღშფოთება ადგილობრივი ხელმძღვანელობისკენ მიმართოს“. „გმობენ ჯარის ბარბაროსულ აქციას“. „ექვსი ლიდერიდან ოთხი დაპატიმრებულია, ხოლო ორი ქალაქის გარეუბნებში საიმედოდ არიან დამალული“.

„როგორც იუწყებიან, გაზეთ „მოლოდიოჟ გრუზიის“ ტირაჟს კონფისკაცია უყო სამხედრო ხელისუფლებამ, რადგან ცხრა აპრილის ტრაგედიის მიზეზები იყო მხილებული. ამ ფაქტმა ქართველი ერი დაარწმუნა, რომ იმჟამინდელ ხელისუფლებას ძალიან ბევრი ბინძური საქმე ჰქონდა დასამალი“.

„ედუარდ შევარდნაძე სიტუაციის განსამუხტავად, საქართველოს მოსკოვთან შესარიგებლად, რესპუბლიკის ხელმძღვანელობის მოსახსნელად და ახლის დასანიშნავად თბილისს ჩაფრინდა“.

„ვერცერთმა უცხოელმა ეურნალისტმა ვერ შეძლო თბილისში შეღწევა“.

მთავრობა ყველაფერს აკეთებდა, რათა ჩაეკეტა ცოცხალი ინფორმაციის წყარო და მსოფლიო საზოგადოებრიობისათვის ტენდენციური თვალსაზრისი მოეხვია, ეროვნული მოძრაობისთვის სახელი გაეტეხა:

უდანაშაულო ადამიანთა სისხლში გასვრილ ხელისუფლებას განსაკუთრებით სახელს უტეხავდა უმწეო ქალებისა და ბავშვების ხოცვა-ყლეტაში ქიმიური იარაღის გამოყენება. თანამედროვე მსოფლიოსთვის უპრეცედენტო შემთხვევა. რას არ კადრულობდნენ, რომ ეს დანაშაული არ გახმაურებულყო. არც მოსყიდვას ერიდებოდნენ, არც აშკარა სიცრუეს და გაყალბებულ ანალიზებს. საავადმყოფოები მოწამლულებით იყო სავსე, სამხედრო დიქტატორები კი მკურნალობის საშუალებათა გამხელაზეც კი უარს აცხადებდნენ.

მოწმეთა ჩვენებებიდან ჩანდა, რომ მოიერიშეები თავიანთ მსხვერპლს სახეში ძალათ ასხურებდნენ გას. დაზარალებულებმა საავადმყოფოებში გაფიცვა გამოაცხადეს. „მოწამლულთა სიცოცხლე საფრთხეშია!“ დაიხურა მოსწავლეთა რესპუბლიკური სახლი, რომლის სარდაფებშიც დეგაზაცია დაიწყო. ფენოლის შემცველობა დიდად აღემატებოდა ნორმას. ამბობდნენ, ზოგიერთი მოწამელის გამო დაიღუპაო, დაავადება ტალღისებურად მიმდინარეობს და გაუმჯობესება არ შეინიშნებაო.

თბილისს ესტუმრნენ საერთაშორისო წითელი ჯვრის წამომადგენლები, უცხოელი თუ წამყვანი საბჭოთა სპეციალისტები — ტოქსიკოლოგები, რომლებმაც ქართველ სპეციალისტთა დიაგნოზები დაადასტურეს, მიუხედავად იმისა, რომ დამნაშავე გენერლები ყოველნაირად ცდილობდნენ ზეგავლენა მოეხდინათ მათზე.

დაჭრილთა და გაზით მოწამლულთა ჯანმრთელობის მდგომარეობაზე დღეში ორ-სამჯერ გამოდიოდნენ ტელევიზიით მინისტრი მენაღარიშვილი და სხვა სპეციალისტები. ობიექტური სამედიცინო-სასამართლო ექსპერტიზის მიზნით მონაწილეობდნენ ქირურგები, ნევროპათოლოგები, ფსიქოლოგები. „ვერ დაგადგინეთ, რით არიან ისინი მოწამლულნი. თითქოს, მარსიდან გადმოსხეს თბილისში ჯარები, რომლებმაც მოწამლეს ხალხი და არ იციან, რა მომწამლავი ნივთიერებები გამოიყენეს“.

ბოლოს და ბოლოს, ნაწილობრივ მაინც აღიარეს, ცრემლსადენი ქიმიური ნივთიერება გამოვიყენეთო. ერთი გენერალი ტელეინტერვიუდანაც გაიქცა, ასეთ შეკითხვებს როგორ მიბედავთო. ეს გაზები, თურმე, გონების მეყსეულ დაკარგვას იწვევენ.

საბრალო საქართველოვ, შენ რომ არცერთი უბედურება არ აგცდენია თავიდან!

„ვიწიქი. ფანჯარა ღია მქონდა. — ამბობს ერთი მოწამლული. — ყვირილი მომესმა. ხალხი გარბოდა. კონსერვის კოლოფის მაგვარ საგნებს ისროდნენ. საშინელი სუნი და კვამლი იფრქვეოდა. ცუდად გავხდი. თავი მტკივა. გული მერევა. წელს ზემოთ გამომაყარა. დამეწყო ქავილი“.

ატროპინის მსგავსი ნივთიერებით არიან მოწამლული. ამ-

ქამად მწვავე ინტოქსიფიკაციის სტადიაში ვიმყოფებით. თე-  
ატრალური ინსტიტუტის სარდაფში მოწამლულან. პირველ სა-  
შუალო სკოლაში დიდხანს არ განახლდება მეცადინეობა. ეფექ-  
ტური პრეპარატი უნდა გამოიძებნოს.

ხალხი უბედურების მიზეზად გენერლებს თვლის, ისინი სა-  
ქართველოს ცეკასკენ იშვერენ ხელს: ამათ მოგვიწვიეს წესრი-  
გის დასამყარებლად! ვერ გაიგებ, ვის დაუჭერო.

ბოლოს, როგორც იქნა, მომწამლავი გაზების გამოყენების  
ფაქტი ყველამ აღიარა. ახლა რაოდენობაზე შეიქნა პოლემიკა.  
სამხედროები ამტკიცებდნენ, სულ რაღაც ოცდაშვიდი გაზის  
პატრონა გამოვიყენეთ, ისიც მთავრობის სასახლესთან კი არა,  
რუსთაველის პროსპექტზე რამდენიმე ადგილასო. არ ვიცი, თა-  
ვის მართლებად ჩაითვლება თუ არა ეს. იმისთვისაც მადლო-  
ბელი უნდა ვიყოთ, რომ აღიარა და ცილისწამების ბრალდება  
მოგვეხსნა.

ისიც თქვეს, ასეთი „სპეცსაშუალებების“ გამოყენება ნება-  
დართულიაო. რაკი ნებადართული ყოფილა, მაშინ სად გამოი-  
ყენებდნენ, თუ არა საქართველოში. პირველი საცდელი ბაჭიე-  
ბი ხომ ჩვენ გახლავართ! „ხელისუფლების ხელში ჩაგდება“  
განვიზრახეთ. კეთილი, მაგრამ თვითონაც ასე იოლად მოეჩვენ-  
ნათ ეს საქმე და დაიჭერეს!?

როგორც იქნა, საბოლოოდ დაზუსტდა, რომ შინაგან საქმეთა  
ჯარებმა თბილისში გამოიყენეს რეზინის ხელკეტები, მომწამ-  
ლავი გაზი „ჩერიომუხა“ და „ალესილი ბარები“, რომლითაც  
თავს უჩეჩქვავდნენ ქართველ ქალებს?!

როგორც ეტყობა, სამივე იარაღის ერთდრულად აღიარება  
რაღაც უხერხულობასთანაა დაკავშირებული!

„რატომ სახანძრო შლანგებით არ დაკმაყოფილდით?“ —  
ჰკითხეს გენერალ-პოლკოვნიკ იგორ როდიონოვს.

— რა საშუალებები იქნას გამოყენებული, ამას შინაგან  
საქმეთა ჯარების ხელმძღვანელობა განსაზღვრავს და სამხედრო  
ოლქის მეთაური.

— თქვენ ხომ მთავარსარდლად იყავით დანიშნული?

— ყველას საკუთარი საქმე ჰქონდა ჩაბარებული.

— უკანდასახევი გასასვლელები რატომ გადაუკეტეთ  
ხალხს?

— სიცრუეა! — გაწიწმატდა გენერალი, — ხალხს უკანდასახევად ღია ჰქონდა რუსთაველის პროსპექტი.

იმ დროს ქართველებს წარმოდგენა არ შეეძლოთ, რომ ცხრა აპრილი ხანგრძლივ უბედურებათა მხოლოდ დასაწყისი იყო. ღვთის გარდა, არავინ იცოდა, რა ხასიათს მიიღებდა და რით დასრულდებოდა მისი ტანჯული ისტორიის ეს ახალი ციკლი.

ერთი უბედურებიდან გონს მოსვლა ვერ მოვასწარით, რომ ზედიზედ ერთმანეთზე შესახარი ტრაგედიები დაგვატყდა თავს.

ცამეტ აპრილს ყვარლის მთიანეთში მიწა იძრა, ხოლო ცხრამეტში, გაუგონარმა კატასტროფამ შეაძრწუნა აჭარა.

მეწყურისა და მდინარე ჩარუხის კალაპოტის გადაკეტვის შედეგად დაიტბორა და დაინგრა საცხოვრებელი სახლები ხულოს რაიონის სოფელ წაბლანაში, რასაც მსხვერპლი მოჰყვა.

ოცდასამი აპრილი გლოვის დღედ გამოცხადდა. კვლავ დაუშვეს შავარშიანი დროშები. ღრმა სამძიმარი გამოუცხადეს დაღუპულთა ოჯახებს. შეიქნა სტიქიური უბედურების შედეგების ლიკვიდაციისა და დაზარალებულთათვის საჭირო დახმარების სამთავრობო კომისია.

მწუხარებას მწუხარება დაერთო. დაშრეტილ თვალებს ისევ მოასკდა ცრემლი. ზვავმა და მეწყერმა აღგავა ქართული სოფლები, თან დაიტანა ქართველები. ურვა-მწუხარებამ დაისადგურა ჩვენი მამულის ყველა კუთხეში. არ უნდა გატყდე! ძმას გვერდით უნდა დაუდგე! ჭირი შეუშსუბუქო! ტკივილი გადაატანინო! გული გაუმთელო! თანადგომა და ერთგულება უჩვენო!

სოლგომანის მთიდან მოწყვეტილმა მასამ აყვავებული სოფლები წალეკა. სხალთის ხეობა ჩაკეტა. ხერგილის აფეთქებას ვერ ბედავენ. ახალი მეწყერების საფრთხე წარმოშვა. ხელოვნური ტბა წარღვნით იშუქრება. საცაა მოწყდება და გადაგვრეცხავს. მერმე, რა სოფლებს! რა კუთხეს! რა ხალხს! ასობით ოჯახია გახიზნული. დიდ-პატარა შეშფოთებულია. მთელი საქართველო დაიძრა უბედურების ადგილისაკენ. ვისაც რა შეუძლია. საჩქაროდ. გულგაუტეხლად. უნდა გადაარჩინო სასიკვდილოდ განწირულნი. მიწისქვეშ მოყოლილი ოჯახები. სტიქია არ ცხრება. ინგრევა შენობები. გზები. ბალ-ვენახები. ათა-

სობით ოჯახი სახიფათო ზონაში მოხვედრილა. ევაკუაცია საჩქაროა. მოდიან ხონიდან, თეთრიწყაროდან, სიღნაღიდან, ლაგოდებიდან.

ერი ძაძებშია ჩაფლული. ცისკენ თვალაპყრობილი. სასოებით და ნუგეშინით. საქართველოს მართლმადიდებლურმა ეკლესიამ ასი ათასი მანეთი გადარიცხა აჭარის მთიანი რაიონების ფონდში. კათალიკოს-პატრიარქმა ილია მეორემ აღორძინებული ეკლესიები შემოიარა, წირვა და საზეიმო ნათლობა აღასრულა. მრავალრიცხოვანი მრევლი შეკრიბა. დალოცა მღვდელმთავარმა სასოწარკვეთილი ერი. ანუგეშა დაზარალებული მოსახლეობა. მიუსამძიმრა დაღუპულთა ოჯახებს.



სასახლის მოედანზე შინსახკომის მუზარადიანი, ჯავშანელი-ლექიანი ასეულების შემოჭრისთანავე, სანამ ვინმე არაქათგამოლეული მოშიმშილებების გადარჩენაზე იზრუნებდა, უშიშროების სპეცბრიგადებმა, რომლებსაც მომიტინგეებისა და მათი ხელმძღვანელებისთვის წუთით არ მოუშორებიათ თვალი, წინასწარ დამტკიცებული სიის მიხედვით, ადგილზევე დააკავეს გია ჭანტურია, ირინე სარიშვილი, ვანო ხუხუნაიშვილი („ეროვნულ-დემოკრატიული პარტია“), მერაბ კოსტავა („ილია მართლის საზოგადოება“) და ზვიად გამსახურდია („პელსინკის ჯგუფი“). როგორც ვთქვით, მეგობრების დახმარებით, იმ მომენტში დატუსაღებას თავი დააღწია ირაკლი წერეთელმა („ეროვნული დამოუკიდებლობის პარტია“).

პატიმრები ჯავშნოსანში შერეკეს და პროკურატურის იზოლატორში მიიყვანეს.

ინფორმაციის საშუალებებისა და პრაქტიკული ღონისძიებების მიხედვით, მაშინვე აშკარა გახდა, რომ რეპრესიების ორგანიზატორებს გადაწყვეტილი ჰქონდათ, მთელი პასუხისმგებლობა „არაფორმალთა“ ლიდერებისთვის გადაებრალებინათ, გამოეცხადებინათ ისინი „ექსტრემისატებად“, საჯაროდ გაესამართლებინათ, მკაცრად დაესაჯათ, რითაც აელაგმათ ხელისუფლების საწინააღმდეგო გამოსვლები.

აღწერდა რა უდანაშაულო მსხვერპლთა სამგლოვიარო

პროცესიას, „პრავდა“ მთელ პასუხისმგებლობას „არაფორმალებს“ აკისრებდა. აცხადებდა მათ პროვოკატორებად, რომლებმაც თავიანთი „პირადი ამბიციები“ უცოდველ ადამიანთა სიცოცხლეზე მალლა დააყენეს.

საკავშირო პრესაში პუბლიკაციები გამსჭვალულია ქართველი ხალხისადმი სიძულვილით, საქართველოში მცხოვრები ხალხების წაქეზების განზრახვით, წარმოადგენს „ეთნოკრიზისის“ პროვოცირებისკენ დაუფარავ მოწოდებას, რაც ფარდას ხდის ინსპირირების სამარცხვინო ფაქტებს, რასაც მალე კიდევ უფრო ტრაგიკული შედეგები მოჰყვა. ამ ყალბმა შეფასებამ მავნე მიმართულება მისცა ცხრა აპრილის მოვლენების გაშუქებას როგორც საბჭოთა, ისე უცხოურ პრესაში.

ქართული ეროვნული მოძრაობის ლიდერებს „გარდაქმნის“ მტრობა, რეაქციონერობა დასწამეს. ისინი საბჭოთა „მართლმსაჯულებას“ მიუგდეს შურისსაძიებლად, ყოველგვარი თანაგრძნობისა და შეწყნარების გარეშე.

ეს სიყალბე თოთხმეტ აპრილს გაავრცელეს მთელ მსოფლიოში, რათა სიმართლისთვის გზები დაეგმანათ, „ეთნიკური კონფლიქტებისთვის“ მწვანე შუქი მიეცათ, ხოლო დაპატიმრებული ლიდერები საბოლოოდ გაეწირათ.

ამერიკული „ენ-ბი-სი“-ს მოსკოველი კორესპონდენტი იტყობინებოდა, რომ „თბილისელი ნაციონალისტები“ გამოდიოდნენ ინგლისურ ენაზე დაწერილი ლოზუნგებით: „გაუმარჯოს დამოუკიდებელ საქართველოს!“ „რუსო ოკუპანტებო, წაეთრიეთ საქართველოდან!“ „ქართველი დემონსტრანტები, — შენიშნავს კორესპონდენტი, — მშვენივრად ლაპარაკობენ ინგლისურად“.

პარიზის „იუმანიტე“, ფრანგი კომუნისტების გაზეთი „კასტური ინტერესებით“ ხსნიდა თბილისის გამოსვლებს და მის მეთაურებს „ექსტრემისტებად“ და „ნაციონალისტებად“ ნათლავდა. მოკლედ, ყველაფერი თავდაყირა იყო დაყენებული. ურცხვად შეითხზნილი და გაყალბებული. პატარა, უბედური ერის ჩასაქოლავად და გასალანძლავად. ვინ სჩადიოდა ამ სულისწამწყმედ და თავის მომჭრელ საქმეს? ი ყველა, ვინც საქართველოს დაქვევავზე და თავის ეგოისტურ გეგმებზე ოცნებობდა.

მაგრამ იქვე ვერც იმას ფარავდნენ, რომ ამერიკის შეერთებული შტატების ოფიციალურ წრეებში გარკვეულ სიმპათიას გამოხატავდნენ საქართველოს მიმართ. „სახელმწიფო დეპარტამენტის წარმომადგენელმა განაცხადა, რომ ქართველებს უფლება აქვთ, მშვიდობიანად გამოხატონ თავიანთი კანონიერი უფლება“.

ჩვენი ვითარება ხელს აძლევდა ცხრა აპრილის სისხლისღვრაში დამნაშავე წრეებს, ცენტრალურ და ადგილობრივ ხელისუფლებას, უწინარესად, სამხედრო დამნაშავეებს. მთელი თავიანთი გიგანტური მანქანა მათ „ესტრემისტი მეთაურების“ გასანადგურებლად მომართეს და ექვიც არ ეპარებოდათ, რომ ახლოს იყვნენ მიზანთან. გენერალ-პოლკოვნიკ როდიონოვის ფიქრით, თბილისის მიტინგის შედეგებისთვის მთელი პასუხისმგებლობა პირადად გამსახურდიასა და მის მეგობრებს უნდა დაკისრებოდა. ექვიც არ ეპარებოდა, რომ თვითონ წესრიგს ამყარებდა საქართველოს „უდისციპლინო დედაქალაქში“.

როგორც იქნა, გახმაურდა ცხრა აპრილის მიზეზები, მასშტაბი და პოლიტიკური შინაარსი. „მოსკოვსკოე ნოვოსტიმ“ ობიექტური რეპორტაჟი დაბეჭდა ცენზურის ვიზის გარეშე.

ხალხმა საოცარი სიმტკიცე გამოიჩინა ამ საქმეში. ერთი ქართველი მოწმეც ვერ იპოვეს, მიტინგის ხელმძღვანელები რომ ექსტრემისტებად ეცნო და დასჯა მოეთხოვა. დაღუპულთა ჭირისუფლები გულწრფელი პატივისცემით იხსენიებდნენ მათ. დედები და მამები გმირებად სახავდნენ და ამაყობდნენ, რომ მათი შვილები ასეთ მეთაურებს გაჰყვნენ საქართველოს თავისუფლებისათვის ბრძოლაში.

ხალხი ხელისუფლებისაგან ახსნა-განმარტებას ითხოვდა. რა ბედი ელოდა დატუსაღებულებს.

შეშფოთება გამოიწვია იმ ფაქტმა, რომ საბჭოთა კავშირის უმაღლესი საბჭოს პრეზიდიუმის ბრძანებულება „სახელმწიფო დანაშაულისათვის სისხლის სამართლის პასუხისმგებლობის შესახებ“ კანონში ცვლილებათა და დამატებათა შეტანის თაობაზე და ზოგიერთი სხვა საკანონმდებლო აქტი ხელმოწერილი იქნა რვა აპრილს, შაბათს და, თითქოს, იმ მიზნით გაკეთდა, რომ ცხრა აპრილის ამბების შემდეგ გამოეყენებინათ დაკავებულ მეთაურთა მიმართ.



დაპატიმრებულთა ბედით შემფოთებულ საზოგადოებას ავტორიტეტული ორგანოების მიერ დამაჩერებლად გაეცა პასუხი, რომ ასეთი ბრძანებულება, კანონი თუ კოდექსი ძალაში შედის გამოქვეყნებიდან ათი დღის შემდეგ. აღნიშნული ბრძანებულება თერთმეტ აპრილს გამოქვეყნდა „იზვესტიაში“. მაშასადამე, ცხრა აპრილის მონაწილეებზე ვერ გავრცელდება. ამან ქართველი საზოგადოება ცოტა დაამშვიდა, თუმცა, დაკავებულთა განთავისუფლების მოთხოვნებმა უფრო ფართო ხასიათი მიიღო. უკანონოდ დატუსაღებულთა ბედზე ასეთმა ზრუნვამ სარგებლობა მოუტანა არა მარტო პირადად პატიმრებს, არამედ მთელ საქართველოს. შემოატრიალა მისი ბედის ბორბალი. ლახვარი ჩასცა სხვადასხვა ჯურის პროვოკატორებს.

ანალოგიური საკითხების რკვევაში, მთავრობის დაწესებულებებთან ერთად, ქმედითად მონაწილეობდნენ ახლად დაარსებული პარტიები. მტკიცდებოდა რწმენა, რომ იმ საბედისწერო ღამეს სისხლისღვრა აუცილებელი არ იყო სასახლის მოედანზე წესრიგის აღსადგენად. მთავრობის ვერსიების გამუქება არ მოხერხდა. ვერც ლოთობა და ნარკომანობა დაუმტკიცეს ჩვენს მომბიტინგებს. მოკოროილი გამოდგა მოედანზე ნაპოვნი შპრიცებისა და ამპულების ამბავი. პირიქით, დარბეულ მოედანზე იპოვეს ქალის ფეხსაცმელები და ჩანთები, ნოტები და წიგნები, სახელმძღვანელოები და „ლოცვანი“, ლექსთა კრებულები და ხელნაწერები.

სიმართლის დადგენაში განუზომელ როლს ასრულებდა ყველა ქვეყნის პატიოსანი პრესა. გაკვირვებას იწვევს ზნეობრივ ადამიანთა ერთსულოვანი თანადგომა. უსაფუძვლო გამოდგა ეჭვი, რომ ქართველ ხალხს მეგობრები არ ჰყავს. მართალ საქმეს გულშემატკივარი არ გამოელევა.

\* \* \*

ციხე ადამიანის უბედურების მწვერვალია. ისიც საბჭოური ციხე. განსაკუთრებით, თუ უპატრონო ხარ და ჯალათებს ხელი გახსნილი აქვს.

ბადრი უჯარმელს ცხოვრება დევნასა და პატიმრობაში გაუტარებია. შეიძლება ითქვას, ნებაყოფლობით, მოხალისესავეით.

არათფერი ხელს არ უშლიდა მშვიდად, ნებიერად გაევილო წუთისოფელი. მე თითქმის არ ვიცნობ მას. მაგრამ გულში მოკრძალებით ვეპყრობი, რადგან დარწმუნებული ვარ, მისი სიცოცხლის მიზანი საქართველოა. ამაზე წმინდა საფიქრალი და სატანჯველი არასოდეს ჰქონია. მულამ ეძებდა და პოულობდა მამულის სამსახურის გზებს. არ უშინდებოდა არავითარ განსაცდელს. არ წუწუნებდა. ღმერთს მადლობას სწირავდა, რომ სამშობლოსათვის თავდადება არგუნა წილად.

ერთხელ, ძლიერ სიმპტომატური შეკითხვა დაუსვამთ: „არ დაიღალეთ?“

„არა, არ დავლილვარ. მე უთქმელობა და უმოქმედობა მღლის. მთელი ჩემი შეგნებული ცხოვრება თითქმის პატიმრობაში გავატარე“. იყო ნამდვილი პატიმრობა. შინაპატიმრობა. გადასახლება. ციხე. იყო პერიოდი, ლუქმაპური მიჭირდა.

ამას წინათ, კიდევ ერთხელ გაგვაოცა უღარესად საჭირობოროტო, სამკვდრო-სასიცოცხლო მნიშვნელობის ამოცანით. ეროვნული და სოციალური სამართლიანობის გამთლიანებით, რამაც სამუდამოდ უნდა გააერთიანოს უკანონო პრივილეგიებითა და ქონებრივი უთანასწორობით გათიშული ჩვენი ერი.

„დღეს ჩვენს წინაშე იგივე პრობლემა დგას, რაც ებრაელი ერის წინაშე იდგა ორმოციან წლებში. ჩვენ არა მხოლოდ უნდა ვიხსნათ და გავათავისუფლოთ ჩვენი სამშობლო, არამედ უნდა ვიყიდოთ იგი. ხელახლა უნდა ვიყიდოთ კორუმპირებული კომუნისტების მიერ გაყიდული ჩვენი სამშობლო. კომუნისტებმა ერისა და სამშობლოს ღალატი შემოიღეს წესად. ჩვენ ნორმად უნდა ვაქციოთ მისი ერთგულება, მისთვის თავდადება“.

ეს ახალი საქართველოს დასაწყისია. ჭეშმარიტად თავისუფალი, პატიოსანი საქართველოს დასაწყისი. სადაც იბატონებს არა თანამემამულისგან მიტაცებული ოქროს კერპი, არამედ ხალასი სინდისი, ვაჟკაცობა და თანასწორობა.

პირქუშად გამოიყურებოდა ბადრი უჯარმელი. დარდით დაყურსული, მძიმე და მოუქნელი ჩანდა. მოქმედებაში იცვლებოდა. ენერგიითა და ხალისით ივსებოდა. თავი არ ენანებოდა, უფლისა მონას შიში და მერყეობა არ სჩვეოდა. სხვა ბედი და ცხოვრება არასოდეს უნატრია. ბევრჯერ სასოწარკვეთილებმა-

შიც ჩავარდნილა, მაგრამ მიზნის უარყოფამდე არასოდეს მისულა.

„ქართული ფენომენია!“ ტყვიისთვის მკერდშიშვერილი. „წინამებრძოლი“. მტრისთვის თავზარდამცემი. თავისუფლების გზა გრძელი და ნარეკლიანია. ბევრი ვერ უძლებს. ზოგი მოქანცული ფენს ითრევს. ზოგი თავლაფიანი შორდება. ის ბოლომდე მისდევს. ბოლო სადგურამდე. გამარჯვების ფინიშამდე.

ახლაც, დატუსალება ერთბაშად არ უგრძენია. მუჭლუგუნები, ლანძღვა-გინება, მუქარა. გამთანგავი შთაბეჭდილებებისთვის თავი ვერ დაედწია. საოცნებო საქართველო. ნანატრი. განუმეორებელი სურათები. ღვთაებრივი სახეები. უბედნიერესი. თავისუფლების სასწაული. ნეტარება. ადამიანები საკუთარ თავს ვერ სცნობდნენ. ვერ წარმოიდგენდნენ თუ ასეთი სიხარული შეეძლოთ. ერთ არსებად ქცეული ზღვა ხალხი. პატიოსნების ზეიმი. დატყვევებული სულის განთავისუფლება.

საოცარი პლაკატები ხელისუფლების თვალწინ აქამდე გაუგონარი! „ძირს კომუნისტური რეჟიმი!“ „ძირს ლენინიზმი!“ „მოვითხოვთ საქართველოს დამოუკიდებლობას!“ მუშტებამართული ათასები. ლოცვად დაჩოქილი ერი!

შენი დიდებული მამული. მებრძოლი და მავედრებელი. სიმართლის მოსმენის ბედნიერება. თავისუფლებისკენ მოწოდების საღბუნი. ამაღლებული სულის ღხენა.

ბიუროკრატია მსახალხო ზეიმი „ემოციად“ მონათლა“. ერის მისწრაფებათა მესიტყვეობა — ამბიციად.

საოცარ სურათებს თან მოჰყვებოდა ზეციური ჰანგი და სიტყვები: „ჩემო კარგო ქვეყანავ, რაზედ მოგიწყენია, აწმყო თუ არა გწყალობს, მომავალი შენია“. ამ სიტყვებს ცა და დედამიწა ერთად აგუგუნებდა. თვალწინ გაიელვებდა ტანკების უკან სიბნელეში მომავალი მუზარადიანი, ჯავშანქილეთიანი „შინსახკომელების“ მწყობრი, გამჰვირვალე პლასტმასის ფარებითა და რეზინის ხელკეტებით. სახელდასერილი, სისხლით მოთხუპნული, თვალეზზე ხელაფარებული ქალები უკანასკნელ ღონეს იკრებენ, რათა თავი დააღწიონ ჯოჯოხეთს. უიარალო ჭაბუკები სალდათებს ჯოხებსა და ქვებს ესვრიან. სახელდახელო რაზმს გადაუწყვეტია გაარღვიოს წრე და ხალხს გზა გაუთავისუფლოს.

უსინათლო მომღერლები აგონდება. „დაუჯარი, რომ ძველ ხანჯალს ელდა ეცეს!“ არაამქვეყნიური ხმები!

„გადარჩენ?!“

განკარგულება არ დავიწყებია: „უსინათლოებს მიეშველეთ!“

„მოასწრეს?!“

ტანკები გრუხუნით შემოდიან. გაისმის ოფიცერთა მქისე შეძახილები. წინასწარ განიარაღებულ მილიციელთა გარემოცვაში, ტრიბუნაზე დგას. მოედანი ალყაშია.

„ღიაღია!“ „გრანდიოზულია!“

გარიერაჟზე გარს ერტყმიან, გაღერეასთან ცოცხალი ჯაჭვი შეუკრავთ. მანქანების საყვირებითა და ხელიხელ ჩაჭიდებულ იმაგრებენ მღვრიე ტალღებს.

ჩამტვრეული ვიტრინები. ნამტვრევებით მოფენილი პროსპექტი. სისხლი. ნანგრევები. ფიცრები, გიტარები, თერმოსები. საძილე ტომრები.

— ხედავთ, რა ჩაიდინეთ?! — ზიზღით ჩასძახის პოლკოვნიკი. — დაგზვრეთ. ცოლ-შვილიანად გაგუჟავთ!

უჯარმელის სტიქია ხელჩართული ბრძოლაა, მოუსვენარი სიტყვა და საქმე. ციხე მისთვის უქმად ყოფნაა. მისი სული ღმერთს მოქმედებისთვის გაეჩინა. ნაღდი საქმეების სამსახურისთვის. მახლობლებს კარგად ესმოდათ ეს. უწინარესად: ძმადნაფიც ამირან ლაშქარავას.

პრინციპული ხასიათის გამო, ბევრი მოშურნე და მოძულე ჰყავდა. თუმცა, ეს იყო წვეთი თაყვანისმცემლებთან შედარებით. არავის უთმობდა. არავის ეპირფერებოდა.

— შემოგიყვანთ ახლავე მოლაღატის ცოლ-შვილს და შენს თვალწინ დავთხრით თვალებს! — კბილები დაუხრჭიალა გამომძიებელმა.

უჯარმელს მაშინ გაახსენდა ცოლ-შვილი. შიშმა აიტანა. ცოლ-შვილის წამებით წინათაც დამუქრებიან და იცოდა, ცარიელი მუქარა არ იყო. იმთავითვე ჩვეულებრივ საშუალებად ითვლებოდა ამათ საგამომძიებლო პრაქტიკაში.

სამაგალითო მეუღლე და მამა ბრძანდებოდა. ეს მისი ღვთის მოშიშობისა და ქართველობის უპირველესი ჯავარი გახლდათ. ოჯახის სიწმინდეს ისევე უფრთხილდებოდა, როგორც

ღვთის საკურთხეველს. ამ მხრივაც მკაცრი, სიტყვაძვირი და საქმით მეტყველი იყო. ცდუნებათა რწმენით გადამლახველი. ბავშვებს ესმოდათ, ვისი გორისანი იყვნენ და ყველაფერში ამის შესაფერისად იქცეოდნენ. მეუღლე ხომ თავდადებული და გონიერი გამოერჩია მამაზეციერს. გაჭირვების ტალკვესი. — ვინ აწყობს შენი განთავისუფლების აქციებს?

ბადრიმ შეკითხვა ვერ გაიგო.

— არ გეყურება? ვინ მოითხოვს შენს განთავისუფლებას? ლაშქარავაზე უფრო სწუხდა, ვიდრე თავის თავზე. ლაშქარავაც დიდი ხანი არ იყო, რაც კატორღიდან დაბრუნდა. ნაჯიჯ-გნი. სასიკვდილოდ გადადებული.

რეზიდენტები, რომლებიც ცხრა აპრილის წინ მოავლინეს, ჯერ კიდევ თბილისში იმყოფებოდნენ და თვალს ადევნებდნენ დაპატიმრებულთა ძიებას, რათა ყველა დანაშაული მათთვის აეკიდებინათ.

საბჭოთა გამოძიება ინტრიგაა და სხვა არაფერი. პატიმრები ერთმანეთს უნდა წაჰკიდონ. ერთმანეთზე სისაძაგლე და ტყუილი ათქმევინონ.

უჯარმელს ცილს სწამებდნენ, რომ უსასაკო ბავშვებს ითრევდა დემონსტრაციებსა და მიტინგებში, შიმშილობებსა და გაფიცვებში. თუმცა, ყველამ იცოდა, რომ ის ისეთ ღონისძიებებში მოსწავლეთა მონაწილეობის წინააღმდეგი იყო. შეგირდებს ცოდნის დაუფლებას ურჩევდა.

გამომძიებლები ძალღონეს არ იშურებდნენ, რათა უჯარმელის მეგობრებისთვის საწინააღმდეგო ჩვენებები ჩამოერთმიათ და მათ შორის შუღლი ჩამოეგდოთ.

დღევანდელ თაობას ველურ გარემოში უხდება ბრძოლა და მოღვაწეობა, ახალ დროს კეთროვანები გადმოეცნენ წინათაობებიდან. ზნედაცემული სულიერებით შემოვედით გადახალისების ხანაში. კეთილი ინებე, და, თუ ბიჭი ხარ, გამოიცანი, ვინ რა კაცია ვის რა მორალი შემოპყოლია, ვის ენდო და ვის — არა. ამ სახელმწიფოში ადამიანები გათიშული არიან ერთმანეთისგან. აბა, გამოიცანი და ენდე! ქართველი კაცის პოლიტიკური მოღვაწეობა უაღრესად რთულია. ბევრი რამ უნდა იცოდეს და გაითვალისწინოს, რაც სხვაგან არ მოეთხოვებათ. ათას ხათაბალას უნდა დააღწიო თავი. ათას უკადრებელს

გაკადრებენ და უნდა მოითმინო. დამოუკიდებლობა შეინარჩუნო და არც კონფლიქტში გაეხვიო. პოზიირობა არ უნდა გემჩნეოდეს და საკუთარი თავდაჭერა გქონდეს. არავის გავლენაში არ უნდა მოექცე. ძალიან უანგარო უნდა იყო. ვითარების აწონ-დაწონა შეგეძლოს.

• • •

მან თავიდან ბოლომდე თვითონ შექმნა თავისთავი.

უსაქმურებმა მისგან ექსტრემისტის მოდელი შექმნეს.

ანგარებაში, რომელსაც სწამებდნენ, პიროვნული არაფერი ერია.

უჯარმელი მიზანსწრაფულია.

ბეჭდავდა და ავრცელებდა პერიოდულ ორგანოებს, რომელთა ხელში აღება ჩვენ შიშის ზარს გვცემდა.

რა ხანია, შეეჩვია, რომ ლანძღავდნენ, ლაფში სვრიდნენ. ცილს სწამებდნენ. ის, არათუ ითმენდა, ბედნიერებად, ღვთის წყალობად მიითვლიდა, რადგან დარწმუნებული იყო, რომ საქართველოს სიკეთე ითხოვდა ამას.

როგორ ეფერებოდნენ იმ მძიმე წლებში: „აყვავებულ ატმის სუნოქვით გერწოდა აკვანი... საქართველოს ყელზე უჭერს, ბიჭო, შენი საკანი!“

ისინი დააცალკევეს. ზოგჯერ, ასე მოითხოვს ძიების ტექნოლოგია. ზოგჯერ პირიქით, საერთო საქმეზე დაკავებულთა ერთ საკანში თავმოყრა სჯობს.

უჯარმელი და ლაშქარავა ბავშვობიდან მოსდევდნენ ერთმანეთს ბრძოლასა და ციხეში, ერთმანეთს ავსებენ და ამაგრებენ. მათი ერთიანობის ნაყოფია, რომ ცხრა აპრილს ჩვენი გოგო-ბიჭები მოიერიშე ტანკების წინ ცეკვავდნენ და მღეროდნენ.

იმ დღეს ეროვნულმა მოძრაობამ ვეფხის ნახტომი გააკეთა.

• • •

აპრილის დასაწყისი უბედნიერესი დღეები იყო ვიოლასა და დედამისის ცხოვრებაში. ისინი ისხდნენ მთავრობის სასახლის კიბეებზე, ტრიბუნის წინ. მილიციის მწკრივებს შორის.

ხუთი დღის ნაშიმშილებნი, ანთებულნი, ნეტარებით გასწი-  
ვოსნებულნი უსმენდნენ ორატორებს, კვერს უკრავდნენ მათ  
მოწოდებებს. ხედავდნენ ადამიანთა გულითად მხიარულებას,  
იმედიან ზეიმს და სამართლიანობისკენ საყოველთაო ლტოლ-  
ვას.

სულ ახლოს მუშტებშემართული ბადრი უჯარმელი და ამი-  
რან ლაშქარავა იდგნენ, რწმენაგადამდები იერით.

დედა-შვილი თვალს არ უჯერებდნენ, რომ ეს საყვარელ  
თბილისში ხდებოდა, მთავრობის სასახლისა და ცეკას ციტადე-  
ლის გვერდზე, საიდანაც არაერთხელ გამოუძევებიათ მათი სა-  
ჩივრებით შეწუხებულ მედროვეებს.

ზოგჯერ წამოდგებიან, ხალხით მოზიშიშიმე ქუჩებს გახედა-  
ვენ, რათა სული დაიტკბონ. შეეცდებიან, მომღერალ გოგო-  
ნებს ხმა შეუწყონ. საცეკვაოდ შეტოკდებიან. „თავისუფლება  
სულს ისე მოსწყურდა, ვით დაქრილ ირმების გუნდს წყარო  
ანკარა“. გამომეტყველება აქვთ და სჯერათ, რომ ამ ტალღებს  
ვერავითარი ძალა ვეღარ შეაჩერებს. ქართული დროშები!  
მოფრიალე ქართული დროშები! შინდისფერი. თეთრი. შავი.

არ წყდება განუმეორებელი მუსიკა: „გაუმარჯოს დამოუკი-  
დებელ საქართველოს!“ რასაც მოჰყვება არაამქვეყნიური, ექს-  
ტაზური ტაში და ნაბიჯების შრიალი.

დედა-შვილს არასოდეს ასეთი სახეები არ უნახავს.

„ჩვენ გავიმარჯვებთ“ „ალარ დაგვეკირდება თვეობით  
კრემლის კარებთან გდება!“ ოთარაანთ ქვრივის რკინის ქალამ-  
ნები!

შარშან ყელამდე სიმართლით სავსე ერთი ასეთი საჩივრის-  
თვის სამსახურიდან გააგდეს, ულუკმაპუროდ დატოვეს, საჯა-  
როდ გაათახსირეს და გიყებად გამოაცხადეს.

რატომ?! სიმართლის არსებობა რად გირწმუნებიათო! აქ  
'ცოტა სიმართლე გვაქვს, რომ ცხრამთას იქით გარბიხართო?  
აბა, ერთი ვუყუროთ, რა თავს მოიკლავენ თქვენი განცხადებე-  
ბისთვისო! კრემლთან ჩვენ ჩვენი საქმეები მოგვარებული  
გვაქვსო! თუ გიყები არ ხართ, ეს როგორ გირწმუნებიათო!

ვინ მოთვლის, რა ჯოჯოხეთი დააწიეს! სად არ ათრიეს!  
რამდენჯერ განხრიკეს და დაარბიეს. ჩაუტმელ-დაუხურავი გა-  
მოირეკეს. „შავ მანქანებში“, გამოახრჩვეს. ბაკებში აცოდვი-

ლეს. „როგორ თუ, გვიჩვილეთო?!“ „როგორ თუ სიმართლე გირწმუნებიათო?“ „ესეც თქვენ მილიცია და პროკურატურაო!“ „გამოიგუდეთ, და ის იქნებაო!“

გამოსწორებას არ აპირებდნენ. არ სჯეროდათ, რომ ქვეყანა ჩალითაა დახურული რომ გოგია უიშვილის ბედი სანატრელი გაუხდებოდათ, რომ გამკითხველი არავინ იქნებოდა.

„წერე და იკითხე!“

რა ენერგია, რა ნერვები, რა სიმტკიცე აღმოაჩნდა სიფრიფანა გოგოსი პოეტსა და რაინდს!

წარმოიდგინა, რომ იუბილეებს შემომქმედისადმი პატივისცემის ნიშნად იხდიან და არა თავის გამოჩენისა და გამორჩენისთვის. გამოვარდა თავგაცხელებული სიმართლის სათქმელად და იქიდან პირდაპირ მოშიშვლებულთან ამოჰყო თავი.

საკმარისია, უფროსმა ბრძანოს გიჟიო, და მერმე, იყვირე, რამდენიც გინდა. უფრო დარწმუნდებიან, რომ უფროსი მართალია.

ჰკვიან, ნიჭიერ, სინდის-ნამუსით დაყურსულ ქალს უპატიოსნო, გაყიდული ადამიანებისთვის როგორ დაემტკიცებინა, რომ ნორმალური, მართალი ადამიანი იყო.

„არ მეგონა თუ ადამიანში ამოდენა ბოროტება და ღვარძლი იქნებოდა“.

ათიოდე დღის წინ რამდენიმე კეთილშობილმა მკურნალმა, რომლებიც ეროვნულ მოძრაობას თანაუგრძნობენ, სიკვდილის პირას მიყვანილი დედა-შვილი ფსიქიატრიული კლინიკიდან გამოაპარა.

შემორჩენილია რვა აპრილის ერთი ფოტოსურათი, რომელზედაც დედა-შვილი მთავრობის სასახლის კიბეებზე ერთადაა გადაღებული. ეს ფოტოსურათი თოთხმეტ აპრილს გაზეთ „კომუნისტში“ დაიბეჭდა. დააკვირდით ვიოლასა და დედამისის სახეებს. წარმოიდგენთ, რომ ამ გაბადრულ ადამიანებს ცხოვრებაში რამე განსაცდელი დადგომიათ? რა ნეტარება, სიმშვიდე და თვითდაჯერება! რა მალე ურწმუნებიათ, რომ რაც იყო აღარ განმეორდება: სულ სხვა ადამიანები გეგონებათ! ჩვენ ჯერ კიდევ არ გვაქვს გაცნობიერებული, რას ნიშნავს თავისუფლება და რა ძალა აქვს მას. ერთ გულგრილ ადამიანს თუ დაინახავთ ამდენ ხალხში ჩვენს სახელმწიფოში არ გეგონება



თავი. ჩემო მამულს, რა ყოფილხარ და აქამდე არ გეცოდნია ქართველნი ხალხი გამოიფიტა ჯაჭგურით და ცრუ დაპირებებით, მაგრამ თუ დროზე ეღიროება შველა, ის ფენიქსივით აღსდგება, როგორც ჩვენს თვალწინ გაცოცხლდა ვიოლა და დედამისი.

როცა მოახლოებული ტანკების გრუხუნზე, კათალიკოს-პატრიარქმა მომიტინგეებს მოუწოდა, დაეტოვებინათ მოედანი და ქაშუეთში გადასულიყვნენ სალოცავად, ვიოლამ პირველთაგანმა შესძახა: „არა! არ წავალთ!“

ეს შეძახილი გამსკვალული იყო შიშით, რომ ხელიდან გლეჯდნენ ძლივს მოპოვებულ თავისუფლებას.

დედა-შვილი, ერთმანეთის გვერდით დაჩოქილნი, სასოებით იმეორებდნენ „მამაო ჩვენოს“ და საფრთხეს არად აგდებდნენ.

ტანკები წამით შეყოვნდნენ, თითქოს, მლოცველებს მოერიდნენო. მერმე, უცებ, ამაზრზენი ხრკილით მოშიმშილეებში შემოიჭრნენ. ერთმანეთში აირია უწმაწური ლანძღვა, მუქარა, ალესილი ნიჩბების ჩახაჩუხი და კეტების ლაწანი. გადმოცვივდნენ უიარაღო მილიციელები, რათა უილაჯო მოშიმშილეები ჰიჭინაძის ქუჩით სამშვიდობოზე გაეყვანათ. პლასტმასის ფარებიანი ხეაკები ბრიყვეული გამომეტყველებით ამხნენებდნენ ერთმანეთს და ხელჩართული შეტაკების წესდების მოთხოვნათა მიხედვით ცდილობდნენ, ხელიდან არავინ დასხლტომოდათ. ხელკეტის რამდენიმე ჩარტყმით ქალათმა მილიციის სერჟანტი გზიდან ჩამოიშორა და დორბლმორეული ვიროლას მისწვდა. ქალი ღონიერად ჩაეჭიდა ქალათს და უმუხარადოდ დარჩენილს გამწარებით ჩაასო კბილები. ამ დროს იხელთა მომენტით ქართველმა მილიციელმა და მუშტის დარტყმით გამოთიშა მოძალადე.

! ვიოლა წამით გამოერკვა. ძრწოლით მიმოატარა თვალი, რათა დაენახა, სად იყო დედა, რომელსაც დაუხმარებლად ნაპიჯის გადადგმა არ შეეძლო.

! ვერსად შეამჩნია. გააღმასებით ეკვეთა ერთ მასად შეკრულ ჯგროს, მაგრამ უძლურებისგან უკანასკნელი ძალა გამოეცალა. გადათელავდნენ, კაბუკების გუნდს რომ არ შემოეღწია. ხელი-ხელ გადაკედობილებს პროსპექტიდან შემოსასვლელი არ გადა-

ვეტათ და ღონედაკარგული თავისიანებისთვის გზა მიეცათ. დედას მთავრობის სახლის მარცხენა რკინის ჭიშკართან წააწყდა. არაქათგამოლეულს და ყველასგან მიტოვებულს. აქ ავტომატიანი შინსახკომლები არავის უშვებდნენ. შესასვლელი ჩაეხერგათ და შენიღბული ტყვიამფრქვევებით იცავდნენ. მთავარსარდალი გაფრთხილებული იყო, რომ აჯანყებულები დროებითი მთავრობის შექმნას და სასახლის დაკავებას აპირებდნენ.

სახეშეშლილი ვიოლა დედას მხრებში ჩააფრინდა. ფეხზე უნდა წამოეყენებინა.

გამოგიცდიათ სასოწარკვეთის სიგიჟე? გინახავთ განწირულებაში ჩავარდნილი ადამიანი?

„წადი, თავს უშველე!“ — ემუდარებოდნენ დედის თვალები.

ვიოლა ვერაფერს ხედავდა. გამწარებით ექაჩებოდა დედის უღონო სხეულს. გული ამოვარდნაზე ჰქონდა. მაგრამ მთელი არსება გაემსჭვალა უზენაეს ნებას: გაელწიათ, გადარჩენილიყვნენ! გვემა, დამცირება, სიკვდილი ველარ გააკვირვებდათ. ჯოჯოხეთი ბევრჯერ გამოევლოთ.

შუბლზე ჩამოფხატული ნაქსოვი ქუდის ქვეშ ინახავდა საგიჟეში ჩუმად ნაწერი დღიურის უქუნასკნელ ფურცლებს. „ნუთუ, სამშობლო ცოცხლად დაგვმარხავს თავის ერთგულ შვილებს? უკვალოდ გაქრება ჩვენი ოჯახის წმინდა პატრიოტული შეგნება? თუკი ბოროტ ძალებს შეუძლიათ გაერთიანდნენ თავიანთი მზაკვრული ინტერესების განსახორციელებლად. ქვეყნის საძარცვად და ასაოხრებლად. რატომ არ ძალუძს კეთილ ძალებს ერთმანეთს მიაყუდონ ზურგი მამულის გადასარჩენად!“

\* \* \*

— გააჭირეს საქმე! — უთხრა რენე ჭანიშვილს იმ დღით კიკეთიდან ჩამოსულმა ბეჟან სურამელმა. — ამათი ხელიდან სასიკეთო არაფერი გამოდის! ამათი დარდი მიტინგები და ლაზღანდარობაა. დღეს ერთ წუთს დაკარგავს საქმის გამკეთებელი კაცი?!

ევროპაში იმედის მომცემი მოგზაურობიდან შაბათს დაბრუნებულიყო. იმ ღამეს ჯოჯოხეთი დატრიალდა და ერთი კვირის შემდეგ ოჯახიდან პირველად გამოედგა ფენი. პარიზის ფირმებთან რამდენიმე ხელსაყრელი კონტრაქტი დაედო, რომლებზედაც დიდ იმედებს ამყარებდა. ამის თაობაზე აქაურმა პრესამ წინასწარ შთამბეჭდავი ინფორმაციები გამოაქვეყნა.

— ისეთი დრო დაგვიდგა, ჰკვიანმა კაცმა უმაქნისად არც ერთი წუთი არ უნდა დაკარგოს. — კვერი დაუკრა ჰანიშვილმა, რომელიც რომში წასასვლელად ემზადებოდა და შიშობდა მომიტინგეთა უდისციპლინობით ხელი არ შეშლოდა.

— ასეთ უტკუო გამოსვლებს, შეიძლება, გამოუსწორებელი წმედებები მოჰყვეს.

— დაგვლუპავს უპასუხისმგებლო ამბიციები. შიგნით თუ გარეთ ნდობა დაგვეკარგება. ვის სჭირდება დღეს ტანკებთან თამაში იმის მაგივრად, რომ შეიღობიანი ვითარება შევქმნათ, მოსკოვს ვალიზიანებთ. ქართველებს ყველაზე მეტად გვჭირდება სტაბილურობა.

— გუშინწინდელი ბრძანებულება „სახელმწიფო დანაშაულისათვის პასუხისმგებლობის გაძლიერების შესახებ“, იმედია, ბოლოს მოუღებს ანარქიულ მოვლენებს.

## ნ ა წ ი ლ ი მ ე ო რ ე

### 1.

საზოგადოების სხვადასხვა ფენამ პირველსავე დღეებში სცადა, აპრილის მოვლენებისთვის საკუთარი შეფასება მიეცა, თუმცა, ჯერ კიდევ უცნობი იყო, და, დღესაც (როცა ეს წიგნი იწერება!), ბურჟსითაა მოცული ბევრი არსებითი გარემოება.

სიმართლე მოითხოვს ითქვას, რომ დაკვირვებულმა მოწმეებმა შეამჩნიეს დიდი თანამდებობის პირთა დაინტერესება, არ გამოეჩინათ ამ არაადამიანური ხოცვა-ჟლეტის მიზეზები და ფაქტები. აღინიშნა, რომ რაც მოხდა, შეუთავსებელია ცივილი-

ზებული საზოგადოების მორალურ და უფლებრივ ნორმებთან, დაემეს ცენტრალური პრესა, და მასობრივი ინფორმაციის საშუალებანი იმის გამო, რომ ყალბად და ტენდენციურად აშუქებდნენ მოვლენებს. ვითომ, იმ საბედისწერო ღამეს მომიტინგეები მსხვერპლი გახდნენ გაუგებრობით გამოწვეული „ქყლეტისა“. რესპუბლიკის ხელმძღვანელობას რომ სწორი ნაბიჯები გადაედგა, ჰუმანურობა გამოეჩინა, ტრაგედიას თავიდან აიცილებდნენ. მათ მიერ თბილისში მოწვეულ შინსახკომის წაწილებთან შეხვედრაც ვერ მოისაზრეს.

საზოგადოებრიობის ჩარევით დადგინდა მსხვერპლის რაოდენობა. მომწამლავ ნივთიერებათა გამოყენება. ოპერაციის ბარბაროსული ხასიათი. გამოიყო საგამოძიებო კომისიები. შეიკვალა ინფორმაციის ტონი. „მოსკოვსკოე ნოვოსტიმ“ გამოაქვეყნა გამოჩენილ ავტორთა მიუკერძოებელი ნარკვევი.

იმხანად ჩვენთანაც არ იყო ერთმანეთისგან მკაფიოდ გამიჯნული საღი და კომპეტენტური აზრი. ერთი უმწიფარი ავტორი ნიშნს უგებდა სასოწარკვეთილებაში ჩავარდნილ თანატოლებს; ნუთუ, ახლაც ვერ შევიგნებთ, რომ ვცოდეთ? ცოდვას ცოდვა დავუმატეთ და სისხლს — სისხლი? ცხრა აპრილის სისხლი ჩვენ ყველას მოგვეკითხებაო.

მითქმა-მოთქმა გამოიწვია აკაკი გაიხარაშვილის სახელით დაბეჭდილმა გამოსმაურებამ, რომელშიც „ურჩი შვილებს“ ადანაშაულებს. თითქოს, ყველაფერი იმაზე იყო დამოკიდებული, ბოლომდე დარჩებოდნენ თუ არა „მამები“ სასახლის მოედანზე შვილებთან ერთად. იმ დღეებშივე უფრო სერიოზული მოსაზრებებიც გამოითქვა. განსაცდელმა ხალხი დარაზმა და შეაკავშირა. ასე ერთსულოვანი ჩვენი ერთი დიდი ხანია არ ყოფილა.

მასობრივი გლოვა გამოაცხადა ერმა. ხალხის გაუთავებელ ნაკადს დაღუპულთა საფლავებზე ყვავილები მიჰქონდა. სამგლოვიარო ტერემონია სიონის ეკლესიაში გადაიტანეს.

რესპუბლიკის ხელმძღვანელად დანიშნულ გუმბარიძეს თავმჯეკავებულო; მაგრამ იმ დღეებისთვის შინც საყურადღებო დასკვნა გამოჰქონდა: „ყველაზე ადვილია, თბილისის მსგავსი მოვლენები ეროვნული ემოციების მოზღვავეებით აქხნათ. განა, მათში გარკვეულად არ გამჟღავნდა სოციალიზმის დეფორმაციის შედეგები?“

საქართველოსადმი თანაგრძნობა საოცარი სისწრაფით იზრდებოდა და ღრმავდებოდა. ეტყობა, განგებით, თორემ, ჩვენ რა ისეთი პატრონი გვყავს. მოხდა რაღაც უჩვეულო, რომელიც ყველა ხალხს, მთელ ქვეყნიერებას შეეხებოდა. კანტიკუნტად დაიწყო. ჯერ, თითქოს, ვერ გაუგიათო. არ სჯერათო. მერმე, ნელ-ნელა იფანტებოდა ბურუსი. ადამიანებს, ხალხებს, კონტინენტებს თვალი ეხილებოდა. ბოლოს და ბოლოს, საქმე ისე განვითარდა, რომ საქართველოსთან ერთად, მსოფლიო აქვითინდა.

კაცობრიობას განა მსხვერპლის რიცხვი გაუკვირდებოდა? დამსჯელთა სისასტიკე და უსამართლობა გააოცებდა! მწუხარებას საკუთარი მოტივი და მიზეზი ჰქონდა. ლიტველთა სამგლოვიარო მსვლელობას წინ მიუძღვოდა თანაგრძნობის მშვენიერი სიტყვები: „როცა შენ იტანჯები, მეც მტკივა“. ვილნიუსის კათედრალურ ტაძარში სამგლოვიარო წირვა ჩატარდა.

საგლოვიარო დეპეშების, წერილების, სიტყვების, ცერემონიალების დასახელებას ვერავითარი აღწერილობა ვერ დაიტევს. რომელი ერთი დავასახელოთ? თური როსტის ფოტოკადრები, სახალხო დეპუტატების თანადგომა, სოლიდარობის მანიფესტაციის რეპორტაჟები, სომხეთიდან გამოგზავნილი ხაჩქარი, ანუ წმინდა ქვა, სულის ძლიერების სიმბოლო, მოსკოველ მწერალთა თანაგრძნობა ექვსასი ხელმოწერით, „გარდაქმნის მხარდამკერ მწერალთა“ დეპეშა.

„მოსკოვსკიე ნოვოსტიმ“ მსოფლიოს ასორმოდ ქვეყანას მოჰფინა მართალი სიტყვა. თბილისს ესტუმრნენ საბჭოთა კავშირში აკრედიტებულ ტელეკომპანიებისა და პრესის წარმომადგენლები. გავრცელდა ანდრეი რომანოვის რეპორტაჟი: „თბილისი. ტრაგიკული აპრილი“.

ანტიქართული პროპაგანდა მაინც არ წყდებოდა. ვრცელდებოდა ჭორი და ცილისწამება.

ცნობა, რომ სახელგანთქმულმა მეცნიერმა ანდრეი სახაროვმა თავსხმა წვიმაში არბატზე ხალხმრავალ მიტინგზე, დარბეულ, სასოწარკვეთაში ჩავარდნილ ერს სოლიდარობა გამოგვიცხადა, გულზე მალამოდ მოეცხოთ, რადგან ცხრა აპრილის

ტრაგედიაში, როგორც ჩერნობილის კატასტროფაში, თანამედროვე ცივილიზაცია ექვის ქვეშ დააყენა, სწავლული ჰუმანისტის პოზიციამ მხარდაჭერა გამოიწვია.

სამ მაისს, გვიან ღამით, სახაროვი მეუღლითურთ თბილისში ჩანოფრინდა. ჰუმანიზმისთვის დაუცხრომელმა მებრძოლმა აეროპორტში სახელდახელო პრესკონფერენციაზე ქართველ ხალხს ღრმა სიმპათია და თანაგრძნობა გამოუცხადა. დედაქალაქს ელვასავით მოედო ეს სანუგეშო ინფორმაცია. იმავე დღეს სტუმარი დაესწრო უმაღლეს საბჭოსთან შექმნილ საგამოძიებო კომისიის სხდომას, ინახულა დაკრილვები, გაზით მოწამლულები და მოშიმშილები, შეხვდა სრულიად საქართველოს კათალიკოს-პატრიარქს, უწმინდესსა და უნეტარესს ილია მეორეს.

არც იმის დავიწყება შეიძლება, რომ სახაროვის შუამდგომლობით, თბილისში მალე წითელი ჯვრის საზოგადოების კომისია ჩამოფრინდა გაზით მოწამლულთა მდგომარეობის შესასწავლად.

მიუხედავად ამისა, მეცნიერთა მიერ საგამოძიებო კომისიაში მონაწილეობაზე უარის თქმა ბინდითაა მოცული და შეიძლება აიხსნას, როგორც ოფიციალური მოტივებით, ისე პირადი სიმპათია-ანტიპათით. მით უფრო, თუ საქართველოს გარშემო მოვლენების შემდგომ განვითარებას გავითვალისწინებთ. იმ დღეებში ისე გვიჭირდა, რომ სახაროვის თანაგრძნობა სულის სალბუნად აღიქმებოდა. იგი იმის საწინდარად მიიჩნიეს, რომ ცხრა აპრილის სიმართლე არ დაიმალეებოდა. მსოფლიო გაიგებდა, რომ სისხლისღვრა პროვიცირებული იყო. „ანდრეი სახაროვის სახელი კეთილი ნების ადამიანებისთვის სიმართლისა და კეთილშობილების იდენტურია“.

ოთხ მაისს საგამოძიებო კომისიის სპეციალური ჯგუფის სხდომაზე, სადაც სახაროვს ქართველმა მეცნიერებმა საკმაო ინფორმაცია მიაწოდეს ტრაგედიის შესახებ, საპატიო სტუმარმა „თავი შეიკავა აზრის გამოთქმისაგან“.

გულმოკლულ ხალხში, რომელიც ნუგეშს და სრულ მხარდაჭერას ელოდა, ამან იმედგაცრუება და დაბნეულობა გამოიწვია. სხდომას სახაროვის მეუღლე, ქალბატონი ელენა ბონერიც ესწრებოდა. მაშინ პირველად გავრცელდა ხმა, რომ ის

თბილისელი ბრძანდებოდა და აქაურ სიტუაციებში შინაურულად ერკვეოდა, ხოლო თუ გულახდილად ვიტყვი, საძრახის მიკერძოებას იჩენდა.

სახაროვი დაინტერესდა მოწამლულთა მდგომარეობით. სურდა, მტკიცედ სცოდნოდა, მართლა გამოიყენეს თუ არა გაზებები.

— არსებობს სასამართლო-სამედიცინო დასკვნა? — იკითხა მან.

— ჩვენმა ექსპერტებმა ხელი მოაწერეს დასკვნას, სამხედრო ექსპერტებმა — არა.

ეს, ცხადია, საგონებელში აგდებდა მას და გარკვეულ სიფრთხილეს მოითხოვდა. ცხრა აპრილის ამბები პირველი წუთებიდანვე მჭიდროდ გადაეკვანძა სამხედრო უწყების, არმიის ავტორიტეტს, რაც იმ დროს ჯერ კიდევ გადაულახავ ჯებირს წარმოადგენდა.

მიუხედავად გაურკვეველობისა, იმავე დღეს ტელეფონით დაუკავშირდა შეერთებული შტატების საელჩოს, პირადად ელჩ მეტლოკს და სთხოვა ამერიკის შესაბამის უწყებაში გამოერკვიათ „სი-ეს“ გაზის მოწამვლის მკურნალობის მეთოდები.

ანდრეი სახაროვი ენერგიულად ცდილობდა შეხვედროდა ცხრა აპრილის სამხედრო ოპერაციის სარდალს, გენერალ-პოლკოვნიკ იგორ როდიონოვს, მაგრამ ის ყოველნაირად თავს არიდებდა მასთან კონტაქტს. ეტყობა, ასეთი მითითება ჰქონდა მოსკოველი ხელმძღვანელებისაგან, რომლებიც მდგომარეობიდან თავდახსნის საკუთარ გზებს ეძებდნენ.

„ზოგიერთი მასალის ტონი ხელს ვერ შეუწყობს ქართველი ხალხისა და რესპუბლიკის ტერიტორიაზე დისლოცირებული საბჭოთა არმიის ნაწილების ტრადიციული ძმური ურთიერთობის განმტკიცებას“, — თუ გავიხსენებთ, ქართველების მაშინდელ მდგომარეობას, გენერლის „მეგობრული გაფრთხილება“ დამაფიქრებლად უღერს. | —

სახაროვის თაობაზე სარდალი კიდევ უფრო მეტი რიხით იტყობინებოდა: „აკადემიკოსი რესპუბლიკაში ჩამოვიდა, როგორც კერძო პირი და წინასწარ არ შეუთანხმებია ჩემთან შესაძლო შეხვედრისა და საუბრის ვადები. ასეთი შეხვედრა ვერ

შედგა ჩემი უშუალო სამსახურებრივი მოვალეობების შესრულების უაღრესად დაძაბული რიტმის გამო... მანამ მასობრივი ინფორმაციის საშუალებებმა თავი უნდა შეიკავონ დასკვნებისაგან“.

საბჭოთა გენერლის პასუხი არაფრით განსხვავდება გენერალ ციციანოვის მუქარის წერილების სტილისგან, რომელთაც ის დაღესტინს ხანებს უგზავნიდა.

! სხვა რაღა დარჩენოდა, სახაროვი მეორე დღესვე გაემგზავრა თბილისიდან.

ამ ვითარებაში ქარაგმულად გაისმა აკადემიკოს საგდევეის ნათქვამი: „სახაროვის ნათქვამი ყოველთვის ჩვენთან იქნება. ნორმალურ ვითარებაში და ნორმალურ სახელმწიფოში პოლიტიკას პროფესიონალი პოლიტიკოსები ქმნიან. მეცნიერები, კულტურის მოღვაწენი თავიანთი საქმით არიან დაკავებული“.



არც ცენტრი, არც ადგილობრივი მთავრობა იმ პოლიტიკაზე ხელისაღებას არ აპირებდა, რომელმაც საქართველო ცხრა აპრილის სისხლისღვრამდე მიიყვანა. პირიქით, ყოველ ღონეს და ეშმაკობას მიმართავდა, რათა წყლიდან მშრალად გამოსულიყო; დანაშაული მიტინგის მეთაურებისთვის გადაებრალებინა.

! პატრიოტიზმს შეხორცებული ფუნქციონერები ვერ გრძნობდნენ, რომ ისტორიამ გეზი იცვალა და ჩარხის შემოტრიალება არავითარ ძალას აღარ ძალუძდა. ხელისუფლების სათავეში მყოფი „გარდაქმნის“ სულისჩამდგმელები და „არაფორმალები“, რომელთაც „უძრაობის პერიოდში“ „დისიდენტებს“ უწოდებდნენ, თავიანთი წინააღმდეგობის გამწვავებით, არსებითად, საერთო საქმეს ემსახურებოდნენ და საჭემოშლილ, დამყაყებულ ქვეყანას გრანდიოზული, საკაცობრიო მნიშვნელობის გარდატეხისკენ მიაქანებდნენ.

ამის შეგრძნებისა და გაგების უნარი წართმეული ჰქონდათ მხოლოდ ცრუ რევოლუციური დოგმებისა და პრიმიტიული ხერხებით გამდიდრების ჟინის სასიკვდილო მეტასტაზებით შეპყრობილ სულიერებს.



„ვინ არის დამნაშავე? — კითხულობდნენ ისინი. — ვინ უნდა აგოს პასუხი?“ „ექსტრემისტებმა, რომლებიც ციხეში მიაბრძანეს! „ცნობილი ამრევები“. არაფორმალთა ლიდერები. პირველი და მეორე შემთხვევა ხომ არაა! გამოძიება დავაჩქაროთ! პასუხი ვაგებინოთ!“

ნუთუ, წარმოსადგენია ისეთი სიყრუე, რომ ბოლოს და ბოლოს, ამათაც არ ეგრძნოთ, საით მიდიოდა ცხოვრება? ყოველდღიურად. ყოველწუთიერად. ქვეყნის შიგნით და საზღვარგარეთ. საით იხრებოდა ხალხთა სიმპათიები და მხარდაჭერა? ვის სასარგებლოდ მუშაობდა დრო? ვინ გამოიყენა ტანკები, ხელკეტები, პირბასრი ბარები და გაზები? ვინ ამოწყვიტა ქალები, უსააკო მოწაფეები? ვისგან ელის საშიშროება მსოფლიოს ჩაგრულ ხალხებს, ადამიანთა მოდგმას! მოშიშმილეებისა და ორატორებისგან, თუ საგანგებოდ გაწვრთნილი კაციჭამიებისგან! აქ იმდენად ნათელი და აშკარა იყო ყველაფერი, საერთაშორისო ასპარეზზე საბჭოთა არმიის პრესტიჟის გადასარჩენად უხვად დაფინანსებულმა პროპაგანდამაც კი ვერ დაამარცხა პატარა, უპატრონო ქვეყნის სიმართლე.

იგრძნო თუ არა საერთაშორისო თანაგრძნობა, ქართველმა ხალხმა გადაჭრით მოითხოვა უსამართლოდ დაპატიმრებულთა განთავისუფლება.

აკადემიკოს ანდრეი სახაროვთან შეხვედრისას მას უთხრეს: „ჩვენ მოვითხოვთ დაპატიმრებულ არაფორმალების განთავისუფლებას, იმ დრომდე მაინც, სანამ გამოძიება მათ დანაშაულს დაადგენდეს. თორემ, რა გამოდის! მკვლელები თავისუფლად დასეირნობენ, ხოლო ისინი, ვისაც არაფერი დაუშავებია, ციხეში იტანჯებიან“.

სახაროვისთვის ამის თქმა ბევრს ნიშნავდა და შედეგიც გამოიღო.



ჩვენი ცხოვრების ამ ტრაგიკულ პერიოდს დაემთხვა საბჭოთა კავშირის სახალხო დეპუტატთა არჩევნები.

მართალი ითქვას, საქართველოს მაშინ შავი დღე ადგა და არჩევნების თავი არ ჰქონდა. მით უფრო, რომ წარმოდგენა არ გააჩნდათ, რა არჩევნები უნდა ყოფილიყო ეს.

მაგრამ, როცა გამოჩენაზე და გამორჩენაზეა, მსურველი მუდამ მოიძებნება. გაჩაღდა საქმიან წრეებში „ჩაწყობები“ და გარიგებები. ძველ თამასუქების ფრიალი. საეჭვო დამსახურებებით თავმოწონება. დაიძრა დამრიგებლური ხმები, რომ ბედნიერებას მოგვიტანენ: იურისტები, ეკონომისტები, რუსულად მეტყველი ორატორები. ჩვეული წესით შედგა ჯგუფური სიები, ლიმიტები. მოეწყო არჩევნების რამდენიმე ტური. განმეორებითი კენჭისყრები. ზოგიერთი დეპუტატი ერთდროულად რამდენიმე ხმის მფლობელი გახდა. სრულიად საქართველოს კათალიკოს-პატრიარქი, უწმინდესი და უნეტარესი ილია მეორე პარლამენტის გარეშე დატოვეს. აპრილის ამბებში უღირსი საქციელისთვის საჭირო შეიქმნა ზოგის უკან გამოწვევა. განსაკუთრებით პროტესტს უცხადებდნენ როდიონოვს, ნიკოლსკის, სირაძესა და სხვებს, მაგრამ ბუზიკ ვერ აუფრინეს. ამომრჩეველთა პროტესტები და არგუმენტები მოხერხებულად მიაფუჩეჩეს.

## 2.

ზებედე ქარცივაძემ ვიოლა გაზეთის ფოტორეპროდუქციაზე აღმოაჩინა. გაზით მოწამლულთა პალატაში.

ბევრი არ უფიქრია. მარტოლეკი გაიყოლა და საავადმყოფოში გასწიეს.

ქალიშვილს სხივი მოეფინა.

დედა მეზობლებისთვის გაეყოლებინა თელავს. მას საავადმყოფოდან არ უშვებდნენ, თვითონაც ფრთხილად უნდა ყოფილიყო. ფსიქიატრიულში დაბრუნებას სიკვდილი სჯობდა. მომჩივანთათვის მაღალ ინსტანციებში, როგორც ვთქვით, გზების გადაკეტვა ჩვენში უმაღლეს ხელოვნებად ითვლებოდა, ხოლო, ვინც თავისას არ დაიშლიდა, იმის ცხოვრება ფსიქიატრიულ იზოლატორში მთავრდებოდა. ეს ჩვენი ცივილიზებული სამყაროს უდიდესი მონაპოვარი გახლდათ.

ვიოლა გაზით მოწამვლაზე იმდენს არ დარდობდა, რამდენსაც იმაზე, როგორ აეცილებინა თავიდან ეს მწარე ხვედრი. მის დღეში ჩავარდნილმა ადამიანმა თავისთავი თვითონ უნდა გადაირჩინოს.

პალატა, სადაც ვიოლა იწვა, სახაროვმა და ელენე ბონერმა ინახულეს. ფოტოზე სახალხო დემუტატებთან ერთად არიან გადაღებული. აკადემიკოსს მწუხარე და გოცებული გამომეტყველება აქვს, გაუგებარია, რომ გაზით მოწამლული ქალები შიმშილობას აცხადებენ. იმ დღეს ბავშვთა რესპუბლიკურ საავადმყოფოში რუსთაველის გამზირსა და პირველ საშუალო სკოლაში მოწამლულთა ახალი პარტია მიიყვანეს. მომწამლავ გაზს გვიანი მოქმედების უნარი აღმოაჩნდა.

სამხედრო ხელისუფლება ირონიულად უყურებდა ამ ამბებს. მიუხედავად იმისა, რომ ანალიზებში მოსკოველი სპეციალისტებიც მონაწილეობდნენ, გენერლები გადაჭრით უარყოფდნენ გაზეზის გამოყენებას.

„ჩვენ აღარაფერი გვიშველის. — ამბობდნენ მოწამლული ახალგაზრდები. — არასრულფასოვნები დავრჩებით“.

„გუშინ „განთავისუფლებას“ მოვუსმინე, — ჰყვებოდა ამხანაგების სანახავად მისული ბიჭი. — გენოციდად გამოაცხადეს.“

„დავყაროთ მანდატები! რაღას უყურებენ, ნეტავ!“

მოსკოვის მედიკოსთა კომისიამ პრესაში ოფიციალური ცნობა გამოაქვეყნა, რომ „თბილისში დემონსტრანტთა წინააღმდეგ გამოყენებულ იქნა ნეიროტროპული და გამაღიზიანებელი მოქმედების მომწამლელი ნივთიერებანი. დამნაშავეებმა პასუხი უნდა აგონ“.

„წარმატებით რომ ვუძეკურნალოთ, სიმართლე უნდა ვიცოდეთ!“

მეტრო „ლენინის მოედანთან“ ქალთა მრავალრიცხოვანმა მიტინგმა დაგმო მშვიდობიანი დემონსტრანტების წინააღმდეგ ქიმიური იარაღის გამოყენება და მოითხოვა დამნაშავეების დასჯა.

ვიოლა აღელვებული ისმენდა ახალ-ახალ ცნობებს; საავადმყოფოში გული არ უჩერდებოდა. იმაზელა ფიქრობდა, როგორ დაეღწია თავი და შეერთებოდა იმ თანამემამულეებს, რომლებიც ბრძოლის გაგრძელებაზე ოცნებობდნენ.

როგორც სამედიცინო კონსილიუმმა დაადგინა, დაღუპულთა შორის აღმოჩნდნენ ქიმიური ნივთიერებებით მოწამლულნი.

თბილისს. საერთაშორისო წითელი ჯვრის ექიმები ესტუმრნენ.

ხალხი კვლავ ნერვიულად დაიძაბა. „რას იტყვიან!? ვის მხარეს დაიჭერენ?!“

1 „საკუთარი თვალით დავინახეთ, რა გადაიტანა ქართველმა ხალხმა და ახლაც როგორ იტანჯება. — თქვა პროფესორმა მუმენტალერმა. — ზოგს სერიოზული მკურნალობა სჭირდება. ჩვენი კომიტეტი კერძო ორგანიზაციას იურიდიული დასკვნების უფლება არ გვაქვს. ჩვენი დასკვნები არ ქვეყნდება და არც არავის მოხსენდება“.

ამანაც დააეჭვა და გააღიზიანა ქართველები.

„ხომ არ გვატყუებენ!?“

აღარავის ენდობოდნენ; საშიშარ მოწინააღმდეგეს შეეძლო ყველაზე მოეხდინა ზეგავლენა.



აპრილის ბოლოდან გვიან შემოდგომამდე ვერის დაღმართზე, „სამაიას“ სკვერში და იქიდან რესპუბლიკის მოედანზე გამავალ ქუჩებში წუთით არ წყდებოდა ქალიშვილებისა და ჭაბუკების საქმიანი ფუსფუსი.

წერდნენ, ხატავდნენ, ასწორებდნენ. კედლებზე, კიბეებსა და ხეებზე აკრავდნენ სახელდახელოდ შედგენილ ფურცლებს, კარიკატურულ ჩანახატებს და მოწოდებებს. მანქანაზე გადაწერილ სტატიებს და, წარმოიდგინეთ, სტამბურად დაბეჭდილ ნაირნაირი ფორმატის გაზეთებს.

ზებედეს დღეში ორჯერ მაინც უხდებოდა ამ ადგილზე ავლა-ჩამოვლა და, რაც არ უნდა საჩქარო საქმე ჰქონოდა, წაუკითხავს არაფერს უშვებდა. ასეთ საჭირბოროტო წერილებს ცენტრალურ პრესაშიც იშვიათად წააწყდებოდა კაცი. რაც შეეხება ინფორმაციას, ის შეიძლებოდა უნიკალურად მიგვეჩინია, სანდო წყაროებს ემყარებოდა და დიდი პასუხისმგებლობით იყო შერჩეული.

„საჰაიას“ ფოტოატელიესა და მის ახლომახლო კიბეებსა და სასადილოებში რამდენიმე პოლიტიკურ პარტიას დაედო შტაბბინა და, გადაუჭარბებლად შეიძლება ითქვას, ინტენსიურ პოლიტიკურ მოღვაწეობას ეწეოდნენ.

1 უკეთეს სანახაობას ვერ ინატრებდი. სულს ნეტარებით ავ-

სებდა მზის გულზე გამოსული ყმაწვილკაცობის შთაგონება. ისინი პატრიოტულ პარტიებს აარსებდნენ. რამდენიმე თვის წინ ამაზე რცხებაც არ შეიძლებოდა. ზვიად გამსახურდია ცხრაკლიტულში ბეჭდავდა „ოქროს საწმისს“, „საქართველოს მრანმებს“ და „დროებას“. ეს თავისუფლება ცხრა აპრილის მონაპოვარი იყო. თავიანთი ვაჟკაცობით იმტკიცებდნენ ამ უფლებას.

— გვეღირსება, ნეტავ, ქართული პარტიონებით სავსე გაზეთი?! — ამოიოხრა ზებედეშ.

— რატომ გაგტეხია, ძია კაცო, გული?!

— იგუებს დღევანდელი ხალხი? ისიც არ დაჯკარგოთ, რაც „პერესტროიკამ“ მოგვცა.

— ტყუილი შიშია. მხოლოდ ამ გზით შეიძლება ვიაროთ. ახალი საქართველოს პოლიტიკურ ცხოვრებას მყარი საფუძველი ეყრებოდა.

პირველად ხელისუფლებამ სცადა პარალელური პოლიტიკური პარტიის შექმნა.

ამ პარტიას კომუნისტურმა ცეკამ „რუსთაველის საზოგადოება“ უწოდა. დამფუძნებელი ყრილობა რუსთაველის თეატრში ჩაატარეს. მეთაურებად ნაცადი, შემოწმებული პირები დაუნიშნეს. ფასადი მიმზიდველად გააფორმეს. სათავეში აკადემიკოსები და ლაურეატები. რუსთაველი ჯადოქრული სახელი. გარანტირებული დაპირებები.

ქვეყანაში მოახლოებული ძვრების პირველ ნიშნად ამ მოქროვილი სატყუარის კრახი უნდა ჩაითვალოს. დაარსება ძლივს მოასწრეს, რომ დაფუშვა დაიწყო. ვერც ღმერთკაცის სახელმა უშველა, ვერც მოზიმზიმე მედროვეებმა.

სულ სხვა ეპოქა რეკდა თავის ზარებს. გაცვეთილი მეთოდებით ხალხის მოტყუება შეუძლებელი გამხდარიყო. ცხრა აპრილს უღმობლად გაეშიშვლებინა ქვეყნისთვის თვალისაბმისა და გასულელების, ცეკას მდივნების კაბინეტებში გამოქყლეთილი ქრზაცების შეტყუების ხერხები.

გზა დაელოცა იმ არსებულ თუ გასაფორმებლად გამზადებულ პარტიებს; რომლებმაც საქვეყნოდ დაამტკიცეს თავიანთი სიცოცხლისუნარიანობა, ცოცხალ ოკეანედ აქციეს თბილისის პროსპექტები და მრეღწეები.

1. დღეს ცეცხლით შერუჯული ახალგაზრდები აარსებდნენ თავიანთ მებრძოლ პარტიებს. მათ პოლიტიკური ლაზღანდარობით ველარ შეაცდნენ.

ამ გავარვარებულ პოლიტიკურ ატმოსფეროში ჩვენთან ვერც „სახალხო ფრონტმა“ მოიღვა ფეხი. ხანში შესულ ადამიანებს, რომლებიც იმთავითვე გამოჩნდნენ ამ ორგანიზაციის სათავეში, საქართველოში დიდი ხანია გატეხილი ჰქონდათ სახელი. ისინი მლიქვნელ, კარიერისტ, ცეკაში თრევით წელში გატეხილ „მამებს“ განასახიერებდნენ. უსასოო გლოვის დღეებში ისინი სასოწარკვეთილ ხალხს „წესიერებისა და სიმშვიდისაკენ მოუწოდებდნენ“. ეს თავისთავად გონიერული წინადადება, სისხლამღვრეულ მემამბოხეებს ბებრულ ჰკუის დამრიგებლობით აღიზიანებდა. ისინი „ახალი აქციებისთვის“ მზად მყოფ პარტიებს ჰმნიდნენ. ეს იყო მიზეზი, რომ მათ რიგებში ვერ მოხვდნენ ასაკოვანი, მაგრამ თავისუფლების სულით მათსავით გამსჭვალული, ცეცხლში გამოვლილი ადამიანები, რამაც კვალი დააჩნია მათ საქმიანობას.

სამწუხაროდ, როგორც რუსთაველის საზოგადოება, სახალხო ფრონტიც მრავალმხრივ ჰრელ ორგანიზმად ჩამოყალიბდა. ამან გააღრმავა და დააჩქარა ერთსულოვნების მოშლა ეროვნულ მოძრაობაში, რის მწარე ნაყოფსაც ვიმკით.

სახალხო ფრონტის დამფუძნებელ ყრილობაზე სამართლიანად ითქვა: „სახალხო ფრონტის მთავარი პრობლემა მარად ძველი და მარად ახალი პრობლემაა. მას სამშობლოს გადარჩენა ჰქვია. აქ ძლიერ მოკრძალებულად განისაზღვრა მისი როლი... ყველას თავისი ადგილი აქვს ბრძოლის ველზე; ერთი ადგილი სახალხო ფრონტს ეკუთვნის“.

1 აქ უნდა თქმულიყო გამაერთიანებელ როლზე.

1 იქვე, მერაბ კოსტავამ ჰკუის სასწავლი პასუხი გასცა შეკითხვაზე: „რას უსურვებთ საქართველოს სახალხო ფრონტის ყრილობის მონაწილეებს?“

— მიბაძონ არაფორმალური ორგანიზაციების საქმიანობას!

ნაშუალამევს ლაფაროში შეყუყულ ჯგუფს თეთრ კოსტუმში გამოკვალთული ქალი შეუერთდა.

ორმოციოდე წლისა. ჯიშინი. მკაცრი გამომეტყველებისა და სასიამოვნო შესახედაობის.

წითელი თავსაბური ეხვია.

ამხანაგები მორიდებით შეხვდნენ, რაც, შეიძლებოდა, რამდენიმე მიზეზით აგვეხსნა. ცხრა წლის წინ ის შიომღვიმის ტაძარში დაეპატიმრებინათ მილიციელებთან შეტაკების გამო. მაშინ ბევრი გაურკვეველი რამ დაიბეჭდა ამის თაობაზე და ამერიკის რადიოს გადმოცემებშიც ითქვა. შეუპოვარი ქალი გამოდგა. გატეხილი. გამოძიებასა და სასამართლოზე გამომწვევად ეჭირა თავი. სამი წლის პატიმრობა მიუსაჯეს მკაცრი რეჟიმის შრომა-გასწორების ბანაკში. ვერც ამან დააკლო ვერაფერი იმდენი იომა, სანამ ძველ ადგილზე არ აღადგინეს და არც იქ იჩენდა მორჩილებას. რასაც გარშემო ხედავდა, ყველაფერი ჩხუბის ღირსი იყო და ისიც სულ ჩხუბობდა.

სიყვარული არ შეარგეს. საქმრომ, პირველი შემთხვევისთანავე უღალატა. მომავალმა მამამთილმა, როცა გაიგო მის ვაჟს ახალმოვლენილი მდივნის ქალიშვილის შერთვა შეეძლო, „გარყვნილ, „ქუჩის ქალს“ მილიცია დაასხა თავს და ხელწერილი დაადებინა, უარი ეთქვა საქმროზე.

რაინდს არავითარი უხერხულობა არ უგრძენია. რაკი მამის კარიერა ამას მოითხოვს, წინ ხომ არ გადაუდგება. „სულ არ მინდა შენთან ჩხუბი, — უტიფრად უთხრა საცოლეს. — მოდი, დავშორდეთ და მეგობრებად დავრჩეთ!“

არაფერი უპასუხნია. საითაც გული მიუწევდა, იქით გასწია. ყველაფერი ნახა და გადაიტანა. ცხრა აპრილს ტრიბუნლიდან არ ჩამოსულა. მისი ხმა სხვაგვარად ქუხდა და მოუწოდებდა.

ორლესულიც აგემეს, ტვინის შერყევა და გულის რევა გამოჰყვა. მეგობრებმა საიმედოდ გადამაღეს. ციხეც ააცილეს და საავადმყოფოს რეგისტრაციაც. მესამე დღეა, რაც მზის სინათლეზე გამოსულა. ამათთან ყოფნა და ტრიალი ყველაზე უებარი წამალია.

მავეწყდებოდა: ეს ქალი შუშანა ლიჩელი გახლავთა !

ცხრა აპრილს სატუსალოში ერთად მიიყვანეს. სხვადასხვა თაობის, განსხვავებული დანაშაულებრივი კატეგორიის პატიმარი. ბაღრი უჭარმელი და ამირან ლაშქარავა ორმოცდათექვსმეტის ცხრა მარტის მოვლენებს შემოეტაცნა სახალხო მოძრაობაში. დროს ესენი ერთსულ და ერთხორც ექცია. დანარჩენები ჭაშინ დაბადებულები არ იყვნენ, მაგრამ გზა ამათაც მძიმე და ჩინებული გამოეველოთ.

ბაღრი უჭარმელი ცხრა აპრილს აფასებდა, როგორც ტრავმას, რომლითაც ახალი ეტაპი იწყებოდა. ქართული ეროვნული მოძრაობა აქამდე, ძირითადად, ინტელიგენციასა და ახალგაზრდობას ემყარებოდა, ამიერიდან საერთო სახალხო მოძრაობის ხასიათს იღებდა.

მათ უკუაგდეს ხელისუფლების მიერ გავრცელებული ვერსია, თითქოს, ისინი ხალხს ძალადობისკენ მოუწოდებდნენ.

„ეროვნული ხსნის კომიტეტმა“ შეიმუშავა „მიმართვა ქართველი ხალხისადმი“, რომელშიც ნათქვამია:

„ძვირფასო თანამემამულენო! საქართველოს ეროვნული მოძრაობა შედის ფრიალ მნიშვნელოვან და საპასუხისმგებლო ფაზაში. ცხრა აპრილის ტრაგედიამ, მოწამეთა უმანკო სისხლმა არნახულად დარაზმა ჩვენი ერი. დღეს მთელი ქართველი ხალხი გაერთიანდა თავისუფლების დროშის ქვეშ, გვიერთდებიან არაქართველნიც, გვიცხადებენ სოლიდარობას.

ჩვენი მოძრაობა არასოდეს ყოფილა ესოდენ მძლავრი, მასობრივი და ყოვლისმომცველი, მაგრამ, ამავე დროს, აუცილებელია, შევინარჩუნოთ ვს დონე. ყოველი დღე ჩვენგან მოითხოვს მაღალ შეგნებას და პასუხისმგებლობას, რათა არავის მივცეთ ახალი სისხლიანი პროვოკაციის მოწყობის საბაბი.

უწინარეს ყოვლისა, უნდა გავითვალისწინოთ, რომ ჩვენი ბრძოლა მშვიდობიანი ბრძოლაა. ჩვენ ვგმობთ ძალადობისა და ტერორის ყოველგვარ ფორმას. მეოცე საუკუნის გამოცდილებამ ცხადყო, რომ პოლიტიკური ბრძოლის მშვიდობიანი ფორმები გაცილებით დიდ და სტაბილურ შედეგებს იძლევიან, ვიდრე შეიარაღებული გამოსვლები, რომელთაც შეიძლება კატასტროფამდე მიიყვანონ ეროვნული მოძრაობა, როგორც



ეს მოხდა, მაგალითოდ, უნგრეთში 1956 წელს. მშვიდობიანი ბრძოლის უპირატესობას ადასტურებს პოლონეთის და ბალტიისპირეთის გამოცდილება, რომელნიც, აგრეთვე, უარპყოფენ შეიარაღებული აჯანყების გზას.

მას შემდეგ, რაც 9 აპრილის ხოცვა-ჟლეტის ინიციატორებს და შემსრულებლებს ნიღაბი აეხადათ მთელი კაცობრიობის წინაშე, ისინი მიმართავენ პროვოკაციებს, რათა „დაასაბუთონ“ თავიანთი ჯალათური აქციის მართლზომიერება და ამ მიზნით თავადვე აწყობენ დივერსიებს, რათა შემდეგ ქართველებს გადააბრალონ.

ყოველივე ამის გამო გაასკეცებული სიფხიზლე და სიღინჯე გვმართებს, რათა არ წამოვეგოთ მსგავს პროვოკაციებზე და ძალადობას ძალადობითვე არ ვუპასუხოთ... არ დავუშვათ არავითარი პროვოკაცია, არავითარი გადახრა ჩვენს მიერ ერთობლივად შემუშავებული კურსიდან, რომელსაც უნდა გაჰყვეს ჩვენი ეროვნული მოძრაობა და რომელიც უთუოდ მიგვიყვანს საბოლოო გამარჯვებამდე!“.

კითხვაზე: „როგორ გესახებათ ჩვენი ეროვნული მოძრაობის ხვალინდელი დღე“? გამსახურდიამ მიუგო: „ეს დამოკიდებულია ჩვენს ერთიანობაზე, კონსოლიდაციაზე და მსოფლიო საზოგადოებრიობაში მხარდაჭერაზე. აქ რუსეთის საზოგადოების ჯანსაღ ნაწილსაც ვგულისხმობ“.

ეს სიტყვა წინასწარმეტყველური გამოდგება.

თუ კონსოლიდაცია გასურთ, — ჰკითხეს საკნიდან ახლადგამოსულ ზვიადს, — მაშინ რაღა საჭიროა ამდენი პარტიისა და საზოგადოების არსებობა?

დროის შესაფერისად მოაზრებულია ამ კითხვის პასუხი: „ეროვნულ მოძრაობაში ახლა ისეთი ეტაპია, რომ ყველას სურს მასში რაღაც ინდივიდუალური შეიტანოს. მაგრამ, განსხვავებული ნიუანსების მიუხედავად, გეზი და ტაქტიკა საერთოა.“.

ეს იყო გონივრული და კეთილი სურვილი, რომელსაც ყოველთვის არ უწერია ახდენა.

საკვირველ ამბებს ჰყვებოდნენ მილიციელთა თავდადებაზე. ქართველი მილიციელები რომ არა, მსხვერპლი გაცილებით მეტი იქნებოდაო. იმ დღეებში ისინი მხარში ედგნენ თბილისის მოსახლეობას. საკუთარ თავზე იღებდნენ ხელკეტებისა და მოპირული ბარების დარტყმებს. წინასწარ განიარაღებულნი პირისპირ შეტაკებებში ჯალათებს ხელიდან გლეჯდნენ სასიკვდილოდ განწირულ ქალებსა და ბავშვებს. იცავდნენ კინოთეატრ „რუსთაველში“, თეატრალურ ინსტიტუტსა, ქაშუეთის ტაძარში, მიწისქვეშა გასასვლელებსა და ჩიხებში მომწყვდეულ, ნაცემ-დარბეულ ხალხს.

მილიციის განყოფილებები იღებდა დეპეშებს: „ძვირფასო მილიციის მუშაკებო! უღრმეს მადლობას გიძღვნით დიდსულოვნებისათვის, თანადგომისა და პატრიოტიზმისათვის“.

არასოდეს ასე მკვიდრო და ერთსულოვანი არ ყოფილა მილიციისა და ხალხის ერთიანობა, — იუწყებოდა შინაგან საქმეთა სამინისტრო. მილიციამ ხალხთან ერთად მიიღო დარტყმა. მათთან ერთად დაიჭრნენ და დასახიჩრდნენ. გვახარებს, რომ ხალხი თავის მილიციაში კვლავ ხედავს იმედსა და მოსარჩლეს.

პრესამ ალალმართალი ნარკვევები უძღვნა მილიციელთა გმირობას. დაჭრილ მილიციელთა სანახავად საავადმყოფოში მიდიოდნენ მომიტინგეები და მოშიშმილეები, რომლებიც მათი წყალობით გადაურჩნენ დაღუპვას. მიჰქონდათ საჩუქრები, ყვავილები.

თბილისის შინაგან საქმეთა ლაზარეთს არასოდეს ჰყოლია ამდენი მნახველი.

მმართველ წრეებს გადაწყვეტილი ჰქონდათ, მსოფლიო საზოგადოებრიობისათვის დაემალნათ, და ამ გზით ქართველებისთვის გადაებრალეზინათ ცხრა აპრილის ტრაგედია.

პატრიოტებმა ამ ვერაგულ განზრახვას დაუპირისპირეს უბრალო და კანონიერი მოთხოვნები: „გამოვარკვიოთ სიმარ-

თლე! გამოვიძიოთ მიზეზი ეს დაგვეხმარება თავი დავაღწიოთ კრიზისს. მრმხდარ ტრაგედიას გამართლება არ აქვს. დატრიალებულმა ამბებმა ლახვარი ჩასცა ჩვენს იმედებს! გასამართლდეს, ვინც ეს შემზარავი ბრძანება გასცა. დამნაშავეებმა პასუხი აგონ. აღიკვეთოს საკავშირო პრესის ცრუ ინფორმაცია. მოვითხოვთ, გავეიმხილონ გამოყენებული გაზეთის საიდუმლო. დაიწყოს ყოველმხრივი გამოძიება! მოვითხოვთ ავტორიტეტულ კომისიას!”

საზოგადოებრივმა, სამეცნიერო ორგანიზაციებმა თუ კერძო პირებმა ამ მხრივაც პირველი ღრეებიდანვე გასაოცარი ოპერატიულობა, სიფხიზლე და კომპეტენტურობა გამოიჩინეს, გაეკაცურად და გონივრულად წარმართეს ეს რთული საქმე. არაფრით ტოლი არ დაუდეს მოწინააღმდეგე ძალებს.

გრძელდებოდა შიმშილობები, გაფიცვები, საჩივრები, დემონსტრაციები. ფართო, ყოველმხრივი გამოძიების მოთხოვნით: აპრილშივე უმაღლესი საბჭოს პრეზიდიუმთან შეიქმნა ავტორიტეტული კომისია ქვეკომისიებით. თვის ბოლოს კომისია უკვე შეუდგა ინტენსიურ კვლევა-ძიებას. დაიწყოს სრული და მართალი ინფორმაციის მიწოდება უცხოელი ჟურნალისტებისათვის. გადაეცათ ნივთიერი მტკიცებანი, დოკუმენტები.

არც მტრები ცხრებიან. ცილისწამებებს წერენ „პრავდაში“, რომელიც მილიონობით ეგზემპლარად ვრცელდება მთელ მსოფლიოში. როგორ აპირებ თავი დაიცვა?! გულზე სკდები, ლამისაა, თავი ახალო კედელს. აღარ იცი, ვის შესჩივლო, ვინ გვიშველის!

ამ ცოტა ხნის წინ ჩვენმა კინოხელოვანებმა მოახერხეს მოსკოვში ეჩვენებინათ იური როსტის მიერ ცხრა აპრილს გადაღებული შემზარავი ქრონიკა. რა გამოვიდა?! თუ ერთნი ქვითინებდნენ და გვითანაგრძნობდნენ, მეორენი — ხითხითებდნენ და დასცინოდნენ ჩვენს თავგაჩეხილ ჩვიდმეტ-თვრამეტი წლის ქალიშვილებს. დაუნდობელი ბრძოლა გაჩაღდა ბნელსა და ნათელს, ბოროტსა და კეთილს შუა. ერთმა მინისტრმა საჯაროდ განაცხადა: „ამ ფილმში აღმაშფოთებელს ვერაფერს ეხედავ, გარდა დიქტორის ტონისა და სიტყვებისა“.

მტრისთვის აბუჩად აგდების საშუალება არ უნდა მიგვეცა.

ცოდვა-მადლი მისხალ-მისხალ აგვეწონა, ჩვენი სიმართლე დაგვემტკიცებინა. არ უნდა შევპუებოდით, ჭეშმარიტება, რაც შეიძლება, შორს გავვეტანა. არაფერი შეგვერჩინა. ვაჟაკობასთან ერთად, კომპეტენცურობაც გვეჩვენებინა.

ჯერ ის რად ღირდა, რომ პირველსავე დღეებში დაიწყო მასობრივი ლაშქრობა იმ სახალხო დეპუტატთა გამოწვევისათვის, რომელთაც ქართველობა პირად პასუხისმგებლობას აკისრებდნენ ცხრა აპრილის ტრაგედიისათვის.

სიმახინჯის ვითარებაში ჩატარდა ეს ვითომ არჩევნები საქართველოში. არავითარი შეჯიბრი და ბუნებრივი შერჩევა. თანამდებობრივი ნომენკლატურა და „ჩაწყობები“. გამოგონილი ღირსებები და „პარტდახასიათებები“.

აღშფოთებულმა მოსახლეობამ დაუყოვნებლივ მოითხოვა როდიონოვის, ნიკოლსკის და სხვა მათ მსგავს „ხალხის რჩეულთა“ დაუყოვნებლივ გამოწვევა. საბუთებიც შედგა. გაიგზავნა. მაგრამ საქმეში ხართ?

ერთი „რჩეული“ მანდილოსანი იქამდეც მივიდა, რომ ყველაფერში მსხვერპლად შეწირულ ახალგაზრდობას დასდობრალი. „თუ ისინი პატიოსანი გოგონები იყვნენ, დილის ოთხ საათზე მთავრობის სახლთან რა უნდოდათ?“ მე მრცხვენია, ისეთი დაბალი დონის ახალგაზრდობა გვყავს“. „არაფორმალური გაერთიანებები კოოპერატივის დონეზეც კი არ არიან“

ამგვარი თუჯისთავი და მორალი უნდა ჰქონოდა, დეპუტატად რომ აერჩიათ, იქიდან კი, ქვეყანა რომ დაექცია, უბატონოდ ხმას ვერ გასცემდი!

იმის ნაცვლად, რომ დამნაშავეები გამოეწვიათ და საქართველოს საგამომძიებლო კომისიის მუშაობა დაეჩქარებინათ, სამხედრო პროკურორ კატუსევს საგანგებო გამოძიების ჩატარება დაევალა.

პასუხად, საქართველოს ჯანმრთელობის სამინისტრომ სპექსპერტო კომისია შექმნა, რომელიც კომპლექსურად იკვლევდა და ასაბუთებდა მომწამლავი გაზების გამოყენებას, რაც მთელ მსოფლიოში ამხელდა დამრბევთა ბარბაროსობას.

გამოძიებუ ძალას იკრებდა. უწინარეს ყოვლისა, ქართული პრესისა და საზოგადოებრიობის განუწყვეტელი მოქმედებისა და ენერგიულობის წყალობით. ცენტრალურ ხელისუფლებას

საქმის მიძინებისა და მიფუჩეჩების საშუალებას არ აძლევდა. დაუშრეტელ წყაროებს პოულობდა ამ მიზნისთვის. ქმნიდა საერთაშორისო საზოგადოებრივ აზრს.

საკავშირო აკადემიის წინასაარჩევნო კომისიაზე მკაცრი მამხილებელი სიტყვით გამოვიდა თამაზ გამყრელიძე, რომელმაც დაგმო ბარბაროსული მეთოდები, მოითხოვა ძიების დაჩქარება და ობიექტურობა, ცხრა აპრილის გამოცხადება „დანაშაულად საკუთარი ხალხის წინაშე“, დამნაშავეთა პასუხისგებაში მიცემა.

გახმაურებული ფილმის „მონანიების“ ავტორმა, კინორეჟისორმა თენგიზ აბულაძემ, ნიშნად პროტესტისა, უარი თქვა კანის ტრადიციულ კინოფესტივალში მონაწილეობაზე და მიწვევის პასუხად გაგზავნილ წერილში მიუთითა, რომ თბილისში დატრიალებული ტრაგედიის შემდეგ „ფიზიკური და მორალური მდგომარეობა საშუალებას არ აძლევს მონაწილეობა მიიღოს ზეიმში“.

ავტორიტეტული ქართველების ხმას ემატებოდა სახაროვის, საგდევეის, ლიხაჩოვის, სხვა გამოჩენილ ადამიანთა გამოსხმაურებანი და პროტესტები.

ცხრა აპრილის შეფასებაში მკაფიოდ გამოიკვეთა ამიერკავკასიის სამხედრო გამოცემების უკიდურესად არაადამიანური, ანტიჰუმანური და შოვინისტური პოზიცია, რასაც ქართველმა ჟურნალისტებმა დაუპირისპირეს მამხილებელი ფაქტები, ჭეშმარიტებაზე დამყარებული პოლემიკა. ეს იყო სამკვდრო-სასიცოცხლო შეტაკება გათავებდებულ, წაქეზებულ მტრებთან, რომლებიც ყველაფერს კადრულობდნენ ჩვენი სახელის გასატეხად.

ქართულ პრესას არცერთი ცრუ ბრალდება უპასუხოდ არ დაუტოვებია. მკითხველი გულისძგერით კითხულობდა ამ წერილებს და თანაუგრძნობდა ჩვენს ხალხს.

აპრილის ბოლოდან თბილისის ამბებმა ღირსეული ადგილი დაიკავა საერთაშორისო პრესასა და ტელეხედვაში. არ დარჩენილა არცერთი ქვეყანა, სადაც არ ეცადათ ცხრა აპრილის მოვლენებში გარკვევა. საკუთარი წყაროების გამოყენება და დამოუკიდებელი ანალიზით სამართლიანი დასკვნების გამოტანა. დაბეჭითებით შეგვიძლია ვთქვათ, რომ ცხრა აპრილი

მაშინდელი საერთაშორისო ცხოვრების ერთ უმნიშვნელოვანეს მოვლენად იქცა და თავისი კვალი დააჩნია მის განვითარებას.

თუ სტატისტიკას ვენდობით, სამი თვის განმავლობაში ამ ამბავს რვა ქვეყნის ორმოცდაათი პერიოდული გამოცემა გამოეხმაურა, ორასამდე წერილი და ნარკვევი გამოქვეყნდა. ინტერესი კი არ ცხრებოდა, არამედ, თითქოს, ახლა გაიგესო, — სიმწვავეს იძენდა. უპირისპირებდა რა ერთმანეთს აპრილის მოვლენებსა და „სახალხო დემუტატთა“ არჩევნებს, ზოგიერთი საქართველოს ვანდუად აცხადებდა, „ტოტალიტარიზმისა და ავტორიტარიზმის მუზეუმად“ მიიჩნევდა. ასეთი ზედაპირული ახსნის მიზეზს წარმოადგენდა დაინტერესებულ წრეებში გავრცელებული აზრი, თითქოს, საქართველო, როგორც „სტალინისა და ბერიას სამშობლო“ მხარს უჭერდა კონსერვატიზმს. საბედნიეროდ, ამ ცრუ თვალსაზრისმა დიდხანს ვერ იბოგინა. ყველასთვის ნათელი შეიქმნა, რომ საქართველო ეპოქის გამათავისუფლებელი მოძრაობის ბარიკადებზე ღვრიდა სისხლს და მისი ხმა მთელ მსოფლიოს მებრძოლ ხალხთა ხმას უერთდებოდა. იგი სწორედ სტალინიზმის სიძულვილით იყო ნასაზრდოები.

უცხოურ პრესაში ცხრა აპრილმა ყურადღება მიიპყრო გაუგონარი ვანდალიზმით, რაც ყველა ხალხს აფიქრებდა თავის საკუთარ მომავალზე, საკაცობრიო ღირებულებებზე. თუმცა დასავლეთს წუთითაც არ ავიწყდებოდა გორბაჩოვის ინტერესები, რომელთანაც, მათი წარმოდგენით, „პერესტროიკის“ ბედიღბალი, მაშასადამე, „ახალი მსოფლიოს“ მოწყობა იყო დაკავშირებული.

თავის მხრივ, სამხედრო წრეებიც (უფრო სწორი იქნება, ვთქვათ: პარტია და მთავრობა) ყველაფერს აკეთებდა იმისთვის, რათა მომხდარისთვის მთელი პასუხისმგებლობა ხალხისთვის („არაფორმალური ექსტრემისტებისთვის“) გადაებრალებინა. არ ნელდებოდა ამ ორ ძალას შორის გააფთრებული შეხლა-შემოხლა. მცირერიცხოვანი ერისთვის შეუდარებლად უფრო ძნელია ამ კრიზისის გადატანა, ვიდრე გაბატონებული ხალხისა და სახელმწიფოსთვის. ზღაპრულად დიდი განსხვავებაა მათ შესაძლებლობებს შორის. კრიტიკულ მომენტში ქარ-

თველობას ბრალად დასდეს ეროვნული მღელვარება, სხვა ხალხთა "მეუწყხაობლობა, რუსების დევნა, მათი ოჯახების დაწიოკება. თუ გავითვალისწინებთ, რომ ამგვარი სიძულვილი ჩვენთვის ორგანულად მიუღებელია და ბრალდებები საგანგებოდ იყო შეთითხნილი, იოლად მივხვდებით, რა დეპრესიას იწვევდა ამგვარი ცილისწამებები: „მოხულიგნო ახალგაზრდების ჯგუფმა ქვა დაუშინა რუს ბავშვებს!“ „თბილისის პეტრე-პაველეს სასაფლაოზე შეუბილწავთ რუს სამხედრო მოსამსახურეთა საფლავები“. როგორ გინდა, თავი იმართლო ასეთი ბრალდებებისაგან?! არავინ კითხულობდა, რომ ეს შეიძლება პროვოკატორის ნამოქმედარი ყოფილიყო. პრესის და ტელეხედვის გამოყენებით ამ სიცრუეებს მთელ მსოფლიოში ავრცელებდნენ ქართველი ხალხის სახელის გასატეხად.

არც ეს იმედი გაუმართლდათ ავის მსურველებს. არაქართველთა ბევრი მიმართვა გამოქვეყნდა პრესაში იმის შესახებ, რომ ისინი ძალიან კარგად გრძნობენ თავს საქართველოში. აპრილის მიტინგებში, რომელიც ასე ტრაგიკულად დასრულდა, ქართველების მხარდამხარ აქტიურად მონაწილეობდნენ სხვა ერის "შვილებიც. საქართველოში მათ არასოდეს უგრძნიათ თავი უცხოოდ.

ისიც თქვეს, თითქოს, სანამ რუსთაველზე ტანკები შეშოვიდოდნენ, ქართველმა ახალგაზრდებმა დაჭრეს რუსის ჯარისკაცებიო. მომწამლავი ნივთიერებები ჯარს კი არ გამოუყებებია, არამედ ქართველებმა გამოიყენესო.

ჩვენი პრესის და საზოგადოებრიობის ყოველ გამოსვლას "ისინი ერთი მეორეზე უარესი ცილისწამებით ჰასუხობდნენ.

გენერალ კოროტკინს საქმე ისე გამოჰყავდა, უიარალო თბილისელ გოგონებს ლამის, შეიარაღებულ ომში დაემარცხებინოთ საბჭოთა არმია.

თბილისის მილიციის უფროსი გვენცაძე აღშფოთებული წერდა პროგრამა „ვრემიას“ პროვოკაციული გამოხდომის გამო: „ქალაქის მოსახლეობის მხრივ სამხედრო პირებზე თავდასხმის შემთხვევებს ადგილი არ ჰქონია. ეს ტელევიზიის მონაწილეობით ჩვენი მისამართით. ასეთი გადაცემები ეროვნულ მუდლს აღვივებს და ძნელი გასაგები არაა, ვის აძლივს ხელს ასეთი სიცრუე. ერთი ოფიცრის მტკიცება, რომ მას სცემეს,

არ დადასტურდა. როგორც გამოირკვა, იგი გალახა მისივე მძღოლმა. დღეს დედაქალაქში, თუ ქართველი კაცის მღუმარე და გულისმომკვლელ გლოვას არ ჩავთვლით, არავითარი დაძაბული ვითარება არ არის. შემცირდა ყველა სახის სისხლის სამართლის დანაშაული“.



ორი სამკვდრო-სასიცოცხლოდ შეჯახებული ძალის დაძაბულ ჭიდილში ზაფხულმაც მოატანა. ჯერ კიდევ ძნელი სათქმელი იყო, ვინ ვის დაამარცხებდა: სიმართლე იზეიმებდა თუ ბოროტების ღრეობა გაიმართებოდა.

მტრის შემოტევებსა და ჩვენს კონტრიერიშებს დასასრული არ უჩანდა.

ეს იყო ნერვების ბრძოლა, რომელსაც მართლისა და სუსტის მფარველი ღვთაებრივი ძალა წარმართავდა.

ერთ-ერთ საგამოძიებო დასკვნაში ნათქვამია: „მიტინგის მონაწილეებს არა მარტო არ გამოუყენებიათ ძალადობა, არამედ ყოველნაირად ცდილობდნენ თვითონვე აღეკვეთათ ყოველგვარი ისეთი ქცევა, რომელიც პირდაპირ თუ არაპირდაპირ ძალადობის გამოყენების მიმნიშნებელი იქნებოდა. როგორც საქართველოს შინაგან საქმეთა ორგანოების თანამშრომლები ადასტურებენ, მიტინგის მონაწილეებში არ ყოფილა შემჩნეული არავითარი ექსცესები. შიმშილობა შეხამებული იყო მიტინგებთან, ამიტომ, მოშიმშილეებს გარდა, აქ იყვნენ მოქალაქეები, რომლებიც, მართალია, არ შიმშილობდნენ, მაგრამ დროდადრო მართავდნენ მიტინგებს წამოყენებული მოთხოვნის მხარდასაქერად.“

იმის გამო, რომ საქართველოს რესპუბლიკის ხელმძღვანელობა მოშიმშილეებისა და მომიტინგეების მოთხოვნას არავითარ პასუხს არ აძლევდა, ქალაქში დაიწყო საგაფიცვო მოძრაობა“.

კაცობრიობის განვითარება და, კერძოდ, საბჭოთა კავშირის ისტორია გვასწავლის, რომ უბედურება იწყება იქ, სადაც სამართლიანობის პრინციპები არ მუშაობენ, სადაც საზოგადოებრივი ურთიერთობები ვითარდება არა სამართლით განსაზღვრული მიმართულებებით, არამედ თვითნებობით.



ჯერ კიდევ ძლიერადაა გამჭდარი აზროვნების სტალინური რვევა, როცა ანტისაბჭოური მოწოდება ან სიტყვა უფრო დიდ დანაშაულად ითვლება, ვიდრე პიროვნების წინააღმდეგ მიმართული ყოველგვარი დანაშაული. არსებული რეჟიმის ნებისმიერ ფასად შენარჩუნების იდეოლოგია ფაქტობრივად უგულვებელყოფს კონსტიტუციით დამკვიდრებულ დებულებას იმის შესახებ, რომ საბჭოთა კავშირი თავისუფალ რესპუბლიკათა ნებაყოფლობითი კავშირია. ასეთი იდეოლოგიის მიმდევარნი უმძიმეს სახელმწიფოებრივ დანაშაულად თვლიან იმ აზრსაც კი, რომ რომელიმე მოკავშირე რესპუბლიკამ გამოიყენოს კონსტიტუციის სათანადო მუხლი და გავიდეს სსრ კავშირის ფარგლებიდან. ისინი თვლიან, რომ მოქალაქე შეიძლება სიკვდილით დაისაჯოს ამგვარი აზრის გამოთქმისათვის, ხოლო თუ ასეთ აზრს მასა გამოთქვამს — მიმართოს მასობრივ ხოცვა-ჟლეტას, რაც კიდევ განხორციელდა თბილისში.

სწორედ ეს არის 9 აპრილის „დანაშაულის“ მთავარი მოტივი.

სახალხო დემუტატთა პირველ საკავშირო ყრილობაზე მძიმე საიდუმლოებებს აეხადა ფარდა. ანატოლი ლუკიანოვმა გამოაქვეყნა თბილისიდან საკავშირო ცეკაში გაგზავნილ დეპეშათა დედნები, რომლებსაც ხელს აწერდა პირველი მდივანი, რომლებშიც ის ხალხის წინააღმდეგ დამსჯელი ჯარების გაგზავნას მოითხოვდა.

მას პასუხის გაცემის საშუალება არ მისცეს, მაგრამ ფარდამ მაინც იმ სიმაღლეზე აიწია, რომ ბევრი რამ იღუმალეებით პოცული გამოჩნდა.

რამდენიმე დღის შემდეგ გორბაჩოვის წინადადებით, გამოიყო სახალხო დემუტატთა საგამომძიებლო კომისია ცხრა აპრილის გარემოებათა შესასწავლად, რომლის თავმჯდომარედ აირჩიეს ლენინგრადის უნივერსიტეტის თურიდიული ფაკულტეტის პროფესორი ანატოლი სობჩაკი.

საქმე სულ უფრო რთულდებოდა და ბევრისთვის საშიშ ხასიათს იღებდა. ეს ამგვარი კომისიის შექმნის პირველი შემთხვევა იყო ამ ქვეყნის ისტორიაში, სადაც თვითნებობას კანონთა კოდექსზე მეტი ძალა ჰქონდა.

აღნიშნული საგამოძიებო კომისიის შექმნასთან დაკავშირებით, საქართველოში დიდი გამოცოცხლება და მითქმა-მოთქმა შეიქნა. ვინ რას ამბობდა. დაიძრა მოსკოვისკენ კერძო საჩივრებისა, ანონიმური წერილებისა და ჯგუფური განცხადებების ოკეანე.

ქართველების არც ერთ არგუმენტს უპასუხოდ არ ტოვებდნენ. „პასუხები“ მიზნად ისახავდა ფეხქვეშ გათელილი ერის დამცირებას, აბუჩად აგდებას, დეპრესიების გზით წინააღმდეგობის უნარის წართმევას. საღისტურის ხასიათი მიიღო ინფორმაციის მიჩქმალვამ და ფაქტების გაუკუღმართებამ. პრესამ და ტელევიზიამ ამ საქმეში მსოფლიო რეკორდები დაამყარა. არცერთი ცილისწამების წინაშე უკან აღარ იხევდნენ. პირბასრი ნიჩბებით დაჩეხილ უმანკო გოგონებზე მგლოვიარე, უსამართლოდ გალანძღული, შეგინებული ერი მკვლელთა უტიფარი მუქარისა და ზიზლის საგნად უნდოდათ ექციათ.

რადას არ წაიკითხავდით და გაიგონებდით! „ხულიგნები“, „ფაშისტები“, „თავაწყვეტილი შოვინისტები“, „შურისმაძიებელი ვანდალები“, ქართველების ჩვეულებრივ ეპითეტებად გაეხადათ.

უკიდურეს განწირულებაში ჩვენს ხალხს, როგორც არა ერთხელ და ორხელ მის მრავალტანჯულ ისტორიაში განმაკურნებელ ძალად მოვევლინა გაცოცხლებული ღვთის რწმენა. ხან ძალმომრეობით, ხან სტალინის ცდუნებით ჩვენგან წაგლეჯილი და დავიწყებული ღმერთი. მოგვევლინა მთელი თავისი ძლევამოსილებით, უსაყვედუროდ, უზენაესი მფარველობით.

ჩვენ უხსოვარი დროიდან მოგვეყვება მტკიცე რწმენა, რომ საქართველო ღვთიშობლის წილხვდომილი ქვეყანაა. ეს არის ყოვლისმომცველი, ეჭვშეუტანელი, ისტორიის გამოცდილებით დადასტურებული იმედი. ერმა სასოებით აღაპყრო მზერა დავიწყებული ზეცისკენ. იმანაც ლმობითა და სასოებით მოგვხედა. მოგვიტევა და გადაგვაფარა კალთა. გერმანელი მისანი, პროფესორი დინა რიზი იმ ზაფხულს ამბობდა: „კავკასია არამართო უძველესი მთებია, არამედ წმინდა მხარეცაა. ქართვე-

ლების სიძლიერე ისიცაა, რომ ისინი ღრმად რელიგიური ხალხია“.

დიდებულ გრძნობას იწვევს იმაზე ფიქრი, რომ ჩვენს ერს ვერავითარმა რეპრესიებმა ვერ ჩაუქრო გულის სიღრმეში ის, რის დავიწყებაც არ შეიძლება. გაცოცხლდა სიონი და სვეტიცხოველი, ქაშუეთი და გელათი. ფერფლიდან აღდგნენ ეშმაკისაგან დანგრეულ-გადაბუგული ეკლესია-მონასტრები.

იმ ჯოჯოხეთური ღამის მოწმეთ არც იმის დავიწყება შეუძლიათ, რომ კათალიკოსის მიწვევით ქაშუეთის ტაძარში თავშეფარებულ ბავშვებსა და ქალებს გააფთრებული სიძულვილით თავს ესხმოდნენ არაერთ გაღეშილი მკვლელები. ის ყიზილბაშური მორალიც კი ყველას დავიწყებოდა, რომლის მიხედვითაც ეკლესია-მონასტრს შეფარებული ქრისტიანი გადაარჩენილად ითვლებოდა. თერთმეტი აპრილის სახალხო გლოვის დღიდან გაზით მოწამლული „მთავრობის სახლის“ ტერიტორიიდან დაუსრულებელმა მსვლელობამ სამღვდელთა მოწოდებით, სიონის ტაძარში გადაინაცვლა.

საქართველოს ეკლესიამ დროზე უჭირისუფლა დამეწყარიფ მთიან აჭარას.

უწმინდესი და უნეტარესი ილია მეორე უბედურების ადგილზე გამოცხადდა. სტიქიით დაზარალებულ სოფლებში მივიდა. სხალთის ისტორიულ ეკლესიაში ღვთის მსახურება გადაიხადა. მოსახლეობა ანუგეშა. დაზარალებულთა ფონდში საპატრიარქომ, ქუთაის-გელათის, ცხუმ-აფხაზეთის ეპარქიებმა მნიშვნელოვანი თანხები გადაარიცხეს. პატრიარქმა ბათუმში ღვთისმშობლის ეკლესია აკურთხა და წირვა აღასრულა. ხალხი ითხოვდა საყოველთაო ნდობა და სიყვარულ მოხვეჭილი კათალიკოსის საბჭოთა კავშირის სახალხო დეპუტატად არჩევას.

სარწმუნოების ჰეშმარიტი აღორძინებისა და ავტორიტეტის ნიშნად იქნა აღიარებული ის ფაქტი, რომ საქართველოს ეკლესიის ავტოკეფალიის ათასხუთასი წლისთავის აღსანიშნავად გადაწყდა თბილისის საკათედრო ტაძრის აშენება, რისთვისაც გამოცხადდა კონკურსი.



საქართველო დარდასა და ურვას არ ნებდებოდა. მოქმედებაზე ხელს არ იღებდა. საკუთარ ღონისძიებებს ახორციელებდა. მაგრამ გველეშაპთან კიდელი იოლი ხომ არაა. თბილისის მსოფლიოში ყველაზე პირქუშ, კუშტ ქალაქად გამოიყურებოდა. ვერსად ამდენ მოღრუბლულ, გულჩაყანგებულ, წვერ-მოშვებულ ქაბუკსა და ძაძებში ჩაძირულ ქალს ვერ იპოვიდით. ახლა უპატრონო, ნაღვლიანი, ნერვიული ბავშვები იკითხეთ..



ხუთ მაისს მეტროსადგურ „თავისუფლების მოედანზე“ ქალთა მასობრივი მიტინგის მონაწილეები გამოდიოდნენ. მათ ერთი უცნაური პლაკატიც მოჰქონდათ: „ჩამოვიდეს დედა ტერეზა“.

დებრესიაში ჩავარდნილი, ყველასაგან და ყოველმხრივ დევნილი ქართველი სასწაულს ელოდა. „დედა ტერეზაც“ ერთ ასეთ ნუგეშად გამოუჩნდა ქართველებს. ორიოდ დღეში მთელმა საქართველომ გაიგო, რომ „დედა ტერეზა“ „მოწყალების ორდენის“ დამაარსებელი ბრძანდებოდა. ნობელის ბრემიის ლაურეატი, ოთხმოც წელს მიწვენილი კალკუტაში მოღვაწე მონაზონი. მის მიერ დაარსებული ორდენის დევიზს წარმოადგენდა: „ვემსახუროთ გაჭირვებულთა შორის ყველაზე გაჭირვებულს“. „დედა ტერეზას“ მსოფლიოს ასამდე ქვეყანაში საკუთარი „მოწყალების სახლები“ ჰქონდა, რომლებშიც ორდენის დები თავდადებით, უანგაროდ ემსახურებოდნენ უსახლკარობით, შიმშილით, დევნით, სნეულებით სასომიხდილ ადამიანებს.

პროდიუსერმა და რეჟისორმა ჯანეტ პიტრიმ თბილისში ჩამოიტანა დედა ტერეზას სამძიმრისა და ნუგეშის ბარათი:

„უდიდესი მწუხარებით შევიტყვე საქართველოში მომხდარი ტრაგიკული ამბები.“

ჩემს სიყვარულსა და ლოცვას ვუგზავნი ყველას, ვინც მისა მსხვერპლი გახდა. .

ღმერთმა გაკურთხოთ!

„დედა ტერეზა“.

ძალა არ შემწევს, გაგრძნობინოთ, რა სიხარული მოუტანა საქართველოს ამ რამდენიმე სტრიქონმა. ბევრი ამით მიხვდა, რომ ღვთისგან მიტოვებული არ ვიყავით და უნათესავო ერს არ წარმოვადგენდით. არსებობდა ქრისტიანული თანალმობა და თანადგომა.

მალე მთელ საქართველოს მოეფინა სანუგეშო ხმა, დედა ტერეზა ჩამოდისო.

• • •

— ეს ხომ დიდებულია! სასოწარკვეთილის დანუგეშება, თანაგრძნობის გამოცხადება! — აღტაცებით შესძახა ვიოლამ, როცა დედა ტერეზას თავგადასავალი გაიგო. — ჩვენში ეს წარმოუდგენელია ასეთი აზრი თუ ვინმეს დაეხადა, საგოყეში. ამოხდიან სულს.

— აზვიადებთ, ქალბატონო! — შეაწყვეტინა სამაიას ბაღში გამვლელმა.

— მაშინ არაფერი გცოდნიათ იმ ქვეყნისა, სადაც ცხოვრობთ! — წამოენთო ვიოლა.

— არც მასეა საქმე. — თავი გამოიღო სამაიას ბაღში შემთხვევით გამვლელმა.

— ნუთუ, თქვენ თვითონ გჯერათ, რასაც ამბობთ?

— არ ვამტკიცებ, რომ სამოთხეში ვცხოვრობთ, მაგრამ არც დედა ტერეზას სანუგეშოდ გვაქვს საქმე.

— რა ბედნიერი ყოფილხართ! მე კი აღარაფერი მჯერა. უბრალო რამისთვის შეუძლიათ გაგაქრონ. ციხესაც არ გაღირსებენ. ფსიქიატრიულ კლინიკაში მოგაშთობენ.

— სხვის ნათქვამს იმეორებთ, ქალბატონო. ვინ დაიჯერებს, რომ შეიძლება, ჯანსაღი ადამიანი გიჟად გამოაცხადონ. განა, გონიერთ თავისი ნორმალურობის დამტკიცება ვიუქირდებათ?

— გაჩუბდით, თუ ღმერთი გწამთ! — შეჰკვივლა გამწარებულიმა ქალმა. — ერთი თუ გამოგიტანეს დასკვნა, მერმე ილაპარაკე. რამდენიც გინდა. დასკვნას რაიკომი, მილიცრა და

პროკურატურა აკეთებს, ექიმი კი ვალდებულია, დაადასტუროს.

— რას არ გაიგონებ! — ხელები გაასავსავა შემთხვევივ გამვლელმა.

— ოოხ! — განწირულად ამოიოხრა ვიოლამ. — რა საშინელებაა, როცა ადამიანებს ერთმანეთის. ამბავი არ აინტერესებთ.

„ვინ დაიჭერებს, რომ გიჟად შენი სიმართლისათვის გამოგაცხადეს. მხოლოდ იმის გამო, რომ მეტისმეტად მართალი იყავი. იმიტომ გკლავდნენ (ექიმები!), რომ შენი სიმართლე ხალხში არ გაგეტანა. ასობით ფოტომამხილებელი მასალა არ გამქლავნებულებოდა. ამისთვის გმარხავდნენ ცოცხლად მართალსა და პატიოსანს, რათა ათასობით უნამუსოს არხეინად ეპარპაშა. შენი კვალი, შენი ოჯახის პატიოსნება გამქრალიყო. უფსკრულში დანთქმულიყო!“

— თქვენ არ იცით, რა სუსტი არსებაა ადამიანი! — ამოიოხრა შემთხვევით გამვლელის გასაგონად. — ნაძირალებს შეუძლიათ სამშობლოდან მოგკვეთონ. მიმიყვანეს ფსიქიატრიულში — ჩამავლო ექიმმა ხელი და ისე, უთქმელად დამიწყო ცემა, როგორც ძაღლს. ხომ უნდა დამყარდეს ადამიანის წამების რეკორდი! სად უნდა დამყარდეს ის, თუ არა სტახანოვიური შრომის სამოთხეში!

ზებედე ამჩნევდა, რომ ქალიშვილი მეტისმეტად აღელვებული იყო და თავის მოქმედებას კონტროლს ვეღარ უწევდა. აღდგომის წინ ავადმყოფობებმა იფეთქა. სახაროვი თბილისში იმყოფებოდა. გაფიცულთა პალატებში დადიოდა. დაპატიმრებულთა მდგომარეობას არკვევდა.

სრულიად საქართველოს კათალიკოს-პატრიარქმა მოშიშვლებებს სააღდგომო ეპისტოლე გაუგზავნა: „ქრისტე აღსდგა! აღდგომის სიხარული დღეს ჩვენთვის მწუხარებებთან არის დაკავშირებული. ცხრა აპრილის ტრაგედია მუდმივ ტკივილად დარჩება ჩვენი ხალხის ხსოვნაში. ამ ტკივილმა გააერთიანა ქართველი ერი. ის ჩვენი განსაცდელი, რომელსაც რწმენით, სიყვარულითა და სასიკეთით ვძლევთ.

გისურვებთ მალე გამოჩანმრთელებას. ღმერთმა დაგლოცოთ და გაგახაროთ!

ღრმა პატივისცემით თქვენთვის მლოცველი ილია II".  
ჯერ, წითელი ჯვრის დელეგაცია გვესტუმრა. დედა ტერე-  
ზასაც დღედღეზე ველოდით. ახალი გულშემატკივრები გვიჩნ-  
დებოდნენ. უცხოეთიდან დაბრუნებულ ქართველებსაც სანუ-  
გეშო ცნობები ჩამოჰქონდათ; მთელი მსოფლიო ინფორმირე-  
ბული ჩანდა ჩვენს უბედურებაზე; თვალეში ცრემლი უკია-  
ფებდათო.

„ვაშინგტონ ჰოსტი“ იუწყებოდა: „ამერიკელ მედიკოს-  
ექსპერტთა ჯგუფმა, რომელიც საქართველოდან დაბრუნდა,  
დაასკვნა, რომ ცხრა აპრილს, ქიმიური და ტოქსიკოლოგიური  
მონაცემებით, ორ ცრემლსადენ გაზთან ერთად, გამოიყენეს  
მესამეც — ძლიერი ქიმიური აგენტიც. ოცი მსხვერპლიდაა  
ოთხი ადგილზე გარდაიცვალა მას შემდეგ, რაც ჯარისკაცებმა  
ხალხს პირდაპირ ცხვირის ნესტოებში შეასხურეს „სი-ესით“  
ცნობილი გაზით“.

— რა სულელები ვიყავით! რა მიაჩნებოდა — ჩურჩულებს  
ვიოლა.

— წადი, ქალო, გაიქე! მყუდრო კუთხე მოძებნე! — ჩაი-  
ლაპარაკა შემთხვევითმა გამვლელმა.

— მყუდრო კუთხე?! სად იპოვი მყუდრო კუთხეს!? განა,  
მთელი ცხოვრება მის ძებნაში არ გეწამე?! დღეს დედა ტე-  
რეზა ჩამოდის, წამყევით, აეროდრონიზე შევხედეთ.

ნეტავ, დედაჩემიც აქ მყავდეს!



ცხრა აპრილი ისტორიის წყალგამყოფი მიჯნა გახდა. არა-  
მარტო საქართველოსა და იმპერიის სხვა ხალხებისთვის, არა-  
მედ უფრო გლობალური მასშტაბით. მანამდე და მას შემდეგ  
თითქოს, ყველაფერი მზადდებოდა იმისათვის, რომ აქ, სწო-  
რედ ამ წერტილში, სწორედ ამ დროს უნდა მომხდარიყო  
ჩარხის შემობრუნება. ამის დამტკიცება ფაქტობრივად შეიძ-  
ლება, მაგრამ უფრო მეტის მთქმელია, მთელი არსებით  
გრძნობდნენ და განიცდიდნენ ამას: ეს რომ გაიგო, საქირთა, გაიხ-  
სენო როგორც ის, რაც წინ უსწრებდა მას, ისე მომენტისეუ-  
ლი მოვლენები და უშუალო შედეგები.

მე ყოველივე ეს არაამქვეყნიური ძალის გამოვლინებად მეჩვენება. თითქოს, მენახა, დამსიზმრებოდა და მთელი ცხოვრება ველოდი. გაგონილიც მქონდა. ჩვენი პლანეტის ერთმანეთისგან ძლიერ დაშორებულ კუთხეებში. განსაკუთრებით, იმიერპოლარეთში, სადაც სასიკვდილოდ ვიყავი გადაგდებული. ოღონდ, გარჩევა მიჭირდა: სიზმარში ვიყავი თუ ცხადში. არაერთხელ მომისმენია ბიბლიური წინასწარმეტყველებანი, რომელთა თანახმად, რომელიღაც ქორონიკონს, რომელიღაც სატანის დამხობის შემდეგ, რამდენიმე ძველ სამეფოში მეფობა აღდგებოდა. მათ შორის პირველად ივერია იხსენიებოდა.

რამდენიმე წლის წინ ვის შეეძლო წარმოედგინა, რომ კომუნისტური ხელისუფლება ქართველ ერს ოცდაექვსი მაისის, საქართველოს თავისუფლების დღის საზეიმოდ აღნიშვნის ნებას დართავდა:

ჩემს მეხსიერებაში ამ თარიღს ტაბუ ჰქონდა დადებული. „გეპუ“, პარტიული, კომკავშირული, პროფკავშირული და სხვა ორგანიზაციები ორი-სამი თვით ადრე იწყებდნენ მის აღმკვეთ ღონისძიებებს.

წელს კი, ცხრა აპრილიდან თვენახევრის შემდეგ, საქართველოს კომუნისტური ხელისუფლების დადგენილებით მთელი საქართველო სახალხო ზემოთ აღნიშნავდა ოცდაექვსი მაისის ეროვნულ დღესასწაულს.

ფანტასტიკაა! სხვა რა სახელი შეიძლება უწოდო. ისტორიული მონაპოვარი. დიდრ გამარჯვება.

ოც მაისს, ტელევიზიით გამოსვლისას კომპარტიის ცეკას მდივანმა გუმბარიძემ თქვა: უსამართლოა დაყოფა არა ფორმალებად და ფორმალებად. ჩვენ ერთი საზოგადოება ვართ... ქართველი ერის განვითარების ყველა ეტაპის უმთავრესი ამოცანა მთელი სისრულით გაცხადებულია 1918 წლის 26 მაისს მიღებულ დამოუკიდებლობის აქტში, სადაც ნათქვამია: „ქართველი ერის დღევანდელი მდგომარეობა აუცილებლად მოითხოვს, რომ საქართველომ საკუთარი სახელმწიფოებრივი ორგანიზაცია შექმნას; მისი საშუალებით გარეშე ძალის მიერ დაპყრობისაგან თავი გადაირჩინოს; დამოუკიდებელი განვითარების მტკიცე საფუძველი ააგოს“.

საქართველოს-არასოდეს-ისეთი-გზნებით და ენთუზიაზმით



ბრ აღუნიშნავს 26 მაისის დღესასწაული, როგორც იმ ცხრა აბრილის შემდეგ. მოეწყო გრანდიოზული მიტინგი. ვაკის პარკში ასიათასობით კაცმა მოიყარა თავი. დააგუგუნეს „ჩემო კარგო ქვეყანავ!“ დემონსტრაცია გაგრძელდა რუსთაველის გამზირზე, მთავრობის სახლთან. მიტინგის შემდეგ, ასიათასამდე კაცი ეროვნული დროშებით, წმინდა ილია მართლის ხატებით სიონის საკათედრო ტაძრისკენ დაიძრა, სადაც საქართველოს პატრიარქმა ილია მეორემ პარაკლისი გადაიხადა.

საქვეო აღარ იყო, რომ ერის არა მარტო ზნეობრივი მეთაურობა, არამედ პოლიტიკური წინამძღოლობაც ეროვნული ოპოზიციის ხელში გადადიოდა. ედუარდ შევარდნაძემ ამ მოვლენას თავისებური შეფასება მისცა თბილისში ჩამოსვლისთანავე: „რესპუბლიკის პარტიულმა ხელმძღვანელობამ ყველაფერი გააკეთა იმისთვის, რომ საზოგადოებრივ აზრს ოპოზიციის ყველაზე რადიკალური ფრთა დაპატრონებოდა“.

\* \* \*

ოცდაექვსი მაისის გზაჯვარედინი იწყებოდა.

საით წავიდოდა საქართველო? დაკმაყოფილდებოდა აღებული ბასტიონების გამაგრებითა და შენარჩუნებით თუ გასწევდა წინ, საბოლოო გამარჯვებისკენ? ეს დილემა ყოველი რევოლუციისა და გამათავისუფლებელი მოძრაობის კრიტიკული წერტილია. მერყევი, პასიური, მეშჩანური წრეები დაინტერესებული არიან შეაჩერონ მოძრაობა. სული მოიბრუნონ. სარგებლობა ნახონ. ქირქილებენ, „ხალხი დაიღალაო“, „ამდენს აღარ მოვითმენთო!“ ცდილობენ, შეარყიონ ხალხის რწმენა. შიშობენ, შენაძენი არ დაკარგონ.

საქართველოში ეს ხანა თვითგამორკვევის ახალი გამოცოცხლებით აღინიშნა. ზომიერი წრეები ამ ინტერვალს პოლიტიკაში „წესრიგის დასამყარებლად“ იყენებენ. სიმშვიდეს, თავშეკავებას, ჰუმანიტარიზმს ქადაგებენ. „ტემპის დაგდებას“ ესწრაფვიან.

ეს ბიზნესის გაფურჩქვნის ნიადაგია. საქველმოქმედო საზოგადოებების, ნახევრად პარტიული გაერთიანებების, აკადე-

მიურო „ფირნიშების“, სოლიდურ პარლამენტარიზმზე ოცნების, „ექსტრემიზმის“ დისკრედიტირების პაუზა.

ჩვენში ის აზრი მკვიდრდება, რომ ქართული არაფორმალური გაერთიანებები ილია ჭავჭავაძის საზოგადოების დაყოფა-დანაწილების ნიადაგზე აღმოცენდა. ეს თვალსაზრისი ანგარიშს არ უწევს მანამდე არსებულ ლეგალური თუ არალეგალური პარტიული ჯგუფების არსებობას.

ილია ჭავჭავაძისა და რუსთაველის საზოგადოებებს, სახალხო ფრონტს, რომელიც ცოტა მოგვიანებით იქმნებოდა, თან დაჰყვა ოფიციალურ-აკადემიური იერი, პოლიტიკური უხერხემლობა, პოზიციის გამოუკვეთაობა, რასაც ბოლომდე ვერ დააღწიეს თავი და ვერც ხალხის აღიარება მოიხვეჭეს.

პოლიტიკური ძიების ამოცანა არანაკლები სიმწვავეით წამოიჭრა პატიმრობიდან ახალგამოშვებულ, ცხრა აპრილის აღიარებულ ლიდერთა შორისაც. მათ ციხეშიც არ განელეზბიათ ბრძოლის ცეცხლი, სრული გამარჯვებისკენ სწრაფვა, ჭაბუკური იდეალები. საგულისხმოა, რომ ისინი სხვადასხვა პარტიებს ქმნიდნენ, თუმცა სახელწოდებებისა და მიზნების ერთმანეთისგან გამიჯვნა არც თუ ისე იოლი იყო და დროთა ვითარებაში შეიძლებოდა, გაუგებრობის მიზეზი გამხდარიყო. მათ გარშემო ირაზმებოდა უწვევრულვაშო, მხურვალე სისხლის, გულწრფელი, მაძიებელი ყმაწვილკაცობა. დაისაკუთრეს ძვირფასი სახელები, უკეთესს რომ ვერ ინატრებ! მაგრამ ეს იყო ფასადი, დადგებოდა მომენტი, როცა ხალხი დაინტერესდებოდა, რა ხდებოდა შიგნით?

ახალი პარტიები და საზოგადოებები არალეგალურ თუ ლეგალურ სხდომებს მართავდნენ სამიას სკვერში, ვაკის პარკში, ალპინისტების კლუბში.

თავის პოზიციას დაუბრუნდა ქართული ეროვნულ-გამათავისუფლებელი მოძრაობის ნაცადი გვარდია — ზვიად გამსახურდია და მერაბ კოსტავას მეთაურობით. ისინი ახალი პარტიების ჩამოყალიბებას არ ჩქარობდნენ. საკმარისად მიაჩნდათ განვლილ ბრძოლებში გამოწრთობილი წყობა და პროგრამა. ახალ საზოგადოებებს, რომლებსაც მხარს უჭერდნენ, ისინი მიმართავდნენ პოპულარობის, მასობრიობის მიზნით და მკაცრი პარტიულობის დონეზე არ აჰყავდათ; ცდილობდნენ, მოძრაობა ყოველგვარი პოლიტიკანობისგან დაეზღვიათ.

ქველმოქმედ „ჰუმანიტარებს“ გულწრფელად სჯეროდათ, რომ ბრძოლა დასრულდა და ახლა უმთავრესი იყო უმანკო მსხვერპლთა ხსოვნის უკვდავყოფა. პრესაში ცხარე დებატები იმართებოდა იმის თაობაზე: „როგორ წარმოგიდგენიათ ცხრა აპრილის მსხვერპლთა მემორიალი?“ „სად აღიმართოს ძეგლი?“ „სად უნდა ენთოს ნაკურთხი სანთელი?“ იბეჭდებოდა ისობით და ათასობით გამონამუშრება. „რა წარწერა გავუკეთოთ მემორიალს?“ „იქნებ, ეკლესიის აგება სჯობდეს?“ „აუცილებლად უნდა გიზგიზებდეს მარადიული ცეცხლი!“ ყოველივე ეს მკაფიოდ გამოხატავდა გულმოკლული ერის განწყობილებას.

მაგრამ „ცხრა აპრილის პოლიტიკურ წრეებში“ წუთითაც არ წყდებოდა საქართველოს დამოუკიდებლობის მოთხოვნა.

• • •

25 მაისს კრემლის ყრილობათა სასახლეში შეიკრიბა საბჭოთა კავშირის სახალხო დეპუტატთა პირველი ყრილობა. არავინ იცოდა, რა გზით და რა ნიშნით შექუჩებულ ადამიანთა მასა ვინ, როდის, რატომ აირჩიეს. იმ დროს საქართველოს არავითარი არჩევნების თავი არ ჰქონდა. ეტყობა, ყველაფერი ინდივიდუალური თაოსნობით და იმ ინსტანციის მეთვალყურეობით ხდებოდა, რომლის გარეშეც ასეთი რამეები არ ხდება.

საქართველოს დელეგაციამ გულისამაჩუყებელი დეპეშა გამოგზავნა თბილისიში: „ქართველი სახალხო დეპუტატები ჩვენს ხალხს ველოცავთ ღირსშესანიშნავ თარიღს ჩვენი სამშობლოს დამოუკიდებლობის დღეს 26 მაისს, ვუსურვებთ ჩვენი იდეალების განხორციელებას!“

ვერაფერს იტყვი, ნაცადი ხალხია — იციან, როდის, სად, რა თქვან! ბრწყინვალედ ფლობენ ჩვენი „ძღვევამოსილი სამშობლოს“ პოლიტიკურ ტექნიკას.

2.

მომდევნო დღის ამბებმა ყველაფერი ერთბაშად დაჩრდილდა. ცხრა აპრილის სისხლიანი ჭრილობებიც.

— თათრები შემოგვესიენ — ელვისებურად მოედო ღებ-  
დაქალაქს, თითქოს, მეთვრამეტე საუკუნის ოთხმოცდაათიან  
წლებში გამოგვეღვიძა.

ეს დაძახილი დროთა სიახლოვის შეგრძნებითაც მოულოდ-  
ნელად და შემაშფოთებლად გაისმა.

თურმე, რა ახლოს ვყოფილვართ იმ საუკუნეებთან, ჩვენ  
კი, ვინ იცის, სად გვეგონა ჩვენი თავი!

მოვლენები ყურისძირში, თითქმის, სატახტო ქალაქის გა-  
რეუბნებში ხდებოდა და სულ მალე დაწვრილებით გავიგეთ  
რა უბედურებაც გვჭირდა.

ოცდაოთხ ივნისს მარნეულის ცენტრალურ მოედანზე და-  
გეშილ მსტოვრებს უსაწყიო მიტინგი მოეწვიათ და საქართვე-  
ლოს ხელისუფლებისთვის გაუგონარი ულტიმატუმით „ბორ-  
ჩალოს ავტონომიური რესპუბლიკის“ შექმნა მოეთხოვათ, რომ-  
ლის დედაქალაქად რუსთავი უნდა გამოცხადებულიყო.

დმერთო, რას არ მოესწრები კაცი! რუსთავზე, გარდაბანზე,  
მარნეულზე, ბოლნისზე, დმანისზე საქართველოს ხელი უნდა  
აედო. ყოველგვარი კანონისა და ბრძოლის გარეშე. „თეორიუ-  
ლად“ კარგახანია, თადარიგიც დაეჭირათ. აზერბაიჯანის უნი-  
ვერსიტეტის კათედრის გამგეს პროფესორ ალისკეროვს მოს-  
კოვშიც ნიადაგი შეემზადებინა: ბოროტთა და უმეცართა  
მხარდაჭერით, „იზვესტიაშიც“ მიამიტური სტატიაც გამოექ-  
ვეყენებინათ, თათბირიც მოეწვიათ, და სხვა რაღა უნდოდა  
უპატრონო ხალხისთვის რამდენიმე ქალაქისა და რაიონის წარ-  
თმევას. ჯერ „ავტონომიას“ გამოგიცხადებდნენ, ორი-სამი  
წლის შემდეგ კი, ნებაყოფლობით შეუერთდებოდნენ „დედა  
სამშობლოს“. ასე იოლად წყვეტდნენ ერის ბედობალს სტა-  
ლინისმზე აღზრდილი ვაიმეცნიერები.

ჩვენს ინტელიგენციას ეს დივერსია მხედველობიდან არ  
გამოპარვია; „ლიტერატურულ საქართველოში“ საფუძვლიანი  
კრიტიკა გამოქვეყნდა. ისტორიულად უნიადაგო გამოდგა მტრე-  
ბის პრეტენზია; იურიდიულად — აბსურდული, ზნეობრივად —  
სამარცხვინო, ხერხებით — მზაკვრული. აი, სადამდე მივყა-  
ვართ სტალინურ ინტერნაციონალიზმს! |

როგორც გამოირკვა, ჩვენს გარდა, ყველა ფხიზლობდა.  
ჩვენ ვრჩებოდით ორთოდოქს ინტერნაციონალისტებად. ქარა-

1  
თველებს გვეთვლებოდა მშობელი ერის ინტერესების დაცვა მომაკვდინებელ ცოდვად. ჩვენ გვახრჩობდნენ ამისთვის. მხოლოდ ჩვენთან არსებობდა „ხალხთა მეგობრობის მუზეუმი“ და არ არსებობდა რუსთაველის მუზეუმი. სხვა ეროვნების ინტერნაციონალისტები კი მუხანათურად ეუფლებიან შენს მიწებს. ითვისებენ, ყიდულობენ, ყიდიან და მერმე ამ გზით მიტაცებულზე თავიანთი სახელმწიფოების შექმნისათვის იბრძვიან. კონსტიტუციებს იმოწმებენ. კანონის სახეს აძლევენ. იყიდება საქართველო: დაწესებულებები სოფლები. ქალაქები. თბილისი... და უცბად ირკვევა, რომ თითქმის შენს ქვეყანაში აღარც კი ცხოვრობ... ხვალ-ზეგ მთელ მამაპაპეულს მოგთხოვენ.

ჩვენი კარიერისტები თავს არიდებდნენ გართულებებს, ეწინოდათ, ნაციონალისტებად არ ჩაეთვალათ, და ყოველგვარ ღათობაზე მიდიოდნენ.

მუსულმან ფუნდამენტალისტებს, გათამამებულ მომხვეჭელებს, ქართულ მიწებს დახარბებულ ეგოისტებს ყოველგვარი თავშეკავება დააკარგვინა ქართული ენის სახელმწიფო პროგრამის გამოქვეყნებამ, ქვემო ქართლში სტიქიით დაზარალებული სვანებისა და აჭარლების ჩამოსახლებაში, მიწის რეჟიმის მოწესრიგების ღონისძიებებში, დემოგრაფიული მოწესრიგების პატრიოტულმა პოლიტიკამ ხელი ააღებინა კეთილმეზობლური ურთიერთობის ელემენტარულ ნორმებზე. გადაავიწყდათ, ვინ იყვენ, საიდან და როდის მოვიდნენ აქ, რა ეკისრებოდათ.

მეჩვიდმეტე საუკუნეში შემოსევებით გაპარტახებულ ქვემო ქართლში ავადსახსენებელმა შაჰ-აბასმა იძულებით ჩამოასახლა თურქისტანული „ბორჩაღუს“ ტომი და სიმართლე უნდა ითქვას, ისინი ერთგულად ემსახურებოდნენ ქართველ მეფეებს. არასოდეს ღალატში შემჩნეული არ ყოფილან. შრომობდნენ და პატიოსნად იბრძოდნენ. რუსების შემოსვლის შემდეგაც, არ გადასულან მტრის მხარეზე. ოცდათორმეტი წლის შეთქმულებაში ალექსანდრე ბატონიშვილს ერთგულებდნენ; თავი სასიკვდილოდ ჰქონდათ გადადებულნი. ბევრმაც ციმბიტის მიწაში ჩაყარა თავისი ძვლები.

ახალ საბჭოურ რეჟიმს სხვა ვინ გადაურჩა ტრადიციების

ერთგული, რომ ესენი გადარჩენოდნენ. მალე გამოეთხოვენ  
ძამა-პაპურ სინდის-ნამუსს.

ცხრა აპრილის შემდეგ ექვი აღარ ეპარებოდათ, რომ მათმა  
ზარმა დაჰკრა. განსაცდელში ჩავარდნილი საქართველოს წამო-  
ჩოქება აღარ გაუჭირდებოდათ.

„ფრონტიდან“ საგანგაშო ცნობები მოდიოდა. მტრისგან  
წაქეზებულები ახალ-ახალ მოთხოვნებს აყენებდნენ: რესპუბ-  
ლიკის გარეთ სოფლის პროდუქტების გატანის აკრძალვის გა-  
უქმებას, თბილისის ბაზრებში პრივილეგიებს, ათასგვარ შეღა-  
ვათებს, ქართველი მოსახლეობის ხარჯზე დაფინანსების გაზრ-  
დას.

გავიხსენოთ, რომ ამ რეგიონში, კარგა ხანია, სისხლის-  
მღვრელი შეხლა-შემოხლა მიმდინარეობს აზერბაიჯანელებსა  
და სომხებს შორის. ყარაბაღში ხოცვა-ჟლეტაა. სუმგაითში ნა-  
დირშაჰისდროინდელი მუსრი დატრიალდა. მთავრობას, ეტყო-  
ბა, ხელს აძლევს მეზობელთა შფოთი. სამი ერის გასაყრისზე  
ხანძარი გამოუსწორებელ ვითარებას შექმნის.

რაც უფრო აირევა, მით უკეთესი! დაჰკამონ ერთმანეთი  
არც მეომარ მხარეებს შერჩენიათ განსჯის უნარი. გონება  
სისხლის სუნს დაუბნელებია.

ძნელი წარმოსადგენი არაა, რას ნიშნავს ამისთანა კონ-  
ფლიქტში ჩათრევა. ცეცხლზე ნავთი! ახალი დესტაბილიზაცია!  
რა ძალებისგან მოდის? რა მიზნით?

გადაბრუნდა ქვეყანა. გაცოცხლდნენ აბღულებეგები და აჯი-  
ჩელებები. დაიძრნენ თბილისისკენ. ერეკლე და ლევან ბატო-  
ნიშვილი კი აღარსად გვეგულვება. ვისი იმედი უნდა გქონდეს  
ამ მეორედ მოსვლისას! საქართველოს ამასწინანდელმა პრე-  
ზიდენტმა გილაშვილმა, რომელსაც შეწუხებულმა ქართველებ-  
მა შველა თხოვეს, ქართულ ენას არაფრად აგდებენო, ჭეშმა-  
რიტი ინტერნაციონალისტური გულმტივნეულობით თავისი-  
ანები დატუქსა. „თქვენ ისწავლეთ აზერბაიჯანული ენა, ისინი  
აქ უმრავლესობას შეადგენენო!“

„ბორჩალოელთა“ შემოსევის მთავარი წამქეზებლისა და  
ორგანიზატორის გამოცნობა განსაკუთრებულ სიძნელეს არ  
წარმოადგენდა. „ხუნტა“ საჭიროდ არ თვლიდა დაემალა, რომ  
ახალ-ახალი შურისძიებისთვის ემზადებოდა, რაკი საქართვე-

ლომ საქვეყნოდ ამხილა მისი ველურობა ცხრა აპრილის ამბებში. მთელ მსოფლიოს მიაწვდინა სიმართლის ხმა. ნილაბი ჩამოხადა ცრუ ვერსიებს, გაზების გამოყენების ფაქტებს და ბოროტმოქმედთა სასტიკად დასჯას ითხოვდა. ახლა ეს ბრძოლა უკვე „სახალხო დემუტატთა“ ყრილობის ტრიბუნებსა და კულისებში გადასულიყო. საკავშირო ინფორმაციის საშუალებები უკან დახევას არ აპირებდნენ. ადგილობრივი სამხედრო ხელმძღვანელობა და მათი პრესა, კერძოდ, გაზეთი „ლენინსკოე ზნამია“ აშკარა ცილისმწამებლურ, პროვოკაციულ ღონისძიებებს ატარებდა ქართველი ხალხის წინააღმდეგ, დღითიდღე დაბაედა ვითარებას.

გააფთრება გამოიწვია საქართველოს განთავისუფლების დღის, 26 მაისის ზეიმმა. ჯერ, „პარტისტორიის მოკლე კურსით“ შეიარაღებულებმა ვითომ თეორიული ბრძოლა გაგვიჩაღეს. ფაქტების დომხალით სულელური კამათი წამოიწყეს და ბუნებრივია, თავსლაფი დაესხათ. დამტკიცდა, რომ „საქართველოში საბჭოთა ხელისუფლების დამყარება“ ოკუპაცია და ანექსია იყო და მეტი არაფერი. პოლემიკას ისინი სასურველ შედეგებამდე ვერ მიჰყავდა. არმიის ნაწილებში გაავებულ ანტიქართულ პროპაგანდას ეწეოდნენ. ვინმე პოლკოვნიკი ბახში აბუჩად იგდებდა ცხრა აპრილის მსხვერპლთ, ბინძურ ბრალდებებს უყენებდა ქართველ ხალხს და ყოველგვარი ბოროტების წყაროდ აცხადებდა მას. ბახშის მსგავსი ლექტორები და ჟურნალისტები მოშხამულ ნიადაგს ქმნიდნენ ანტიქართული გამოსვლებისთვის.



გაიგო თუ არა მარნეულის ამბები, ზებედე იმ წამს კინოსახლის მოედნისკენ გაეშურა, სადაც აპრილის დასაწყისიდან უამრავი ხალხი იყრიდა თავს. მეტროდან ამოსვლისთანავე აღამიანთა ზღვას შეერთო. რუსთაველის გამზირი, კინოსახლის, მეცნიერებათა აკადემიის, რესპუბლიკის მოედნები ხალხით გადაჭედლილიყო.

„ქუდზე კაცი“ გაუელვა და შვებით ამოისუნთქა. ერეკლეს „მორიგი ლაშქარი“ მოელანდა. თავის დროზე და თავის

ადგილზე გამოცხადებული. არც სამხედრო კომისარიატები დასჭირვებიათ, არც რაიკომები, არც ახალი პარტიები. ეს თავისით მომხდარიყო. ინსტინქტით. თაობათა ისტორიული მეხსიერებით. ეროვნული თვითდაცვისა და გადარჩენის გულისხმისყოფით.

მთელი საქართველო აქ გაჩენილა. საიერიშოდ მზადყოფი. ერთ მუშტად შეკრული.

„გვიბრძანე ჩვენ მზად ვართ!“

არსებობს ერთ არსებად ქცევა. ერთი გრძნობით და ერთი აზრით გამსჭვალვა. თავისთავის დავიწყება. დიდებული სანახაობა არ მომხდარა, ღღემღე ამ მიწას გინმე შეგვდავებოდეს და მხრებზე თავი შერჩენოდეს.

ღღეს აქ მგლოვიარეს ვეღარ ნახავდით.

კუშტი სახეები ნებისყოფით დამუხტული გამოხედვა თავისთავის რწმენა მღუმარე ფიცის ძლივს შეკავებული მოუთმენლობა.

მოდინ და, თუ ბიჭი ხარ, წუ დახვდები ასე მოდიოდნენ საუკუნეები და ვხვდებოდით. ამით გამაყობთ.

უნებლიეთ, გონების თვალს ავლებ შენს ბატარა და დიად საქართველოს. ერთდროულად განიცდი თავისი სივრცეებით, გმირებით და ისტორიით. გრძნობ, რომ მზად ხარ თავდადებისთვის.

„შენი ადგილი აქაა ამისთვის დაბადებულხარ სწორედ ამ წუთისთვის!“

სახალხო ფრონტის უწყებაში ენერგიული მოძრაობით შედიან-გამოდიან საქმიანი ახალგაზრდები. სასწრაფო დავალებებს იღებენ და მიკროფონით გადასცემენ თავშეყრილ ხალხს.

— სიჩუმე, სიჩუმე! უკანასკნელი ცნობები მარნეულიდან მოუსმინეთ ამ წუთს ჩამოსულ მეკავშირეს!

სამარისებურ სიჩუმეში მიკროფონთან მიღის ჩია ტანის ახალგაზრდა.

— ღღეს, თერთმეტ საათზე მარნეულის ცენტრში, უსანქციო მიტინგზე შეიკრიბნენ აზერბაიჯანელები, რომლებიც ავტონომიას აცხადებენ. რაიცენტრსა და ახლო-მახლო სოფლებში ადგილი აქვს ექსცესებს. სასტუმროს, სადაც ღროებით შესახლებული არიან სტიქიით დაზარალებული სვანები, ადგი-



ლობრივ მაცხოვრებელთა ჯგუფებმა ალყა შემოარტყეს და მოითხოვეს დაკავებული ნომრების განთავისუფლებას. ცალკეული დასტები ცდილობენ შეაღწიონ ახალ სახლში, რომელიც ჩამოსახლებულებს აქვთ დათმობილი. დაქრილია რამდენიმე კაცი. ცალკეულ უბნებზე ისმის სროლა. ქალაქში შესასვლელებს ხერგავენ. ქართული მოსახლეობა თავდაცვისთვის ემზადება. სოფელ წერეთელში დავაკავეთ რამდენიმე კერძო მანქანა. მილიციის განრიგმა დააკავა რუსთავიდან მომავალი შეიარაღებული რაზმი.

„ხედავთ, რა დღეში ჩაგვყარეს ჩვენმა ჭირსუფლებმა!“ — ჩურჩულებს ლანდივით კაცი.

კედლებზე ახალ-ახალ მოწოდებებს, განცხადებებს, პროკლამაციებს აკრავენ.

რუსთაველის ძეგლთან ეროვნული ხსნის კომიტეტის მორიგ განკარგულებას კითხულობენ, რომელსაც ხელს აწერს ამ კომიტეტის თავმჯდომარე ზვიად გამსახურდია.

სახალხო ფრონტის გამგეობიდან ჭაღარა კაცი გამოდის და ხალხს მიმართავს:

— სამი კაცი გვინდა თავიანთი მანქანებით, ბოლნისში გასაგზავნად! მოხალისეები გამოცხადდნენ შესასვლელში.

სიტყვის დასრულებას ვერ ასწრებს, რომ ათობით ახალგაზრდა გამოდის სადარბაზო კარებთან.

— პროფესორი ნათაძე! სახალხო ფრონტის თავმჯდომარე! — ჩურჩულებენ ხალხში.

ზებედე შორიდან იცნობს ამ კაცს. ძლიერი მეცნიერია. კარგი მოლაპარაკე. დინჯი და პატიოსანი. მაგრამ თუ ასეთი ოპერატიული და ენერგიული იყო, არ მოელოდა.

— რა მდგომარეობაა? — მოირბინა მარტოლუკმა.

— ჯერ რას მიხვდები!

— მიდიხარ?

— სად?

— ბორჩალოში, მაგათი ჯილაგი გაწყდა!

— ცალ-ცალკე ხომ არ გამოვეკიდებით! საქმეს, ეტყობა, პატრონი ჰყავს! პირველად მეც ასე მეგონა, ახლავე უნდა ვუშველოთ-მეთქი, აქ დავრწმუნდი, რომ უპატრონო არ ვყოფილვართ. ეროვნული ხსნის კომიტეტიც არსებულა. რალაც შტაბე-

ბიუ. თავდაცვის ტვინი და გული. რაც მოხდა, მათთვის არც ისე მოულოდნელი ყოფილა, როგორც გვეგონა.

— ეროვნულ საკითხზე მსჯელობა ჩვენში აქამდე პოლიტიკურ დანაშაულად ითვლებოდა. ნაციონალისტობის ბრალდება შიშის ზარს სცემდა ქართველებს. არა ერთსა და ორს სული ამოხადეს ამისთვის.

— მაგრამ, როგორც ხედავ, მამულის სიყვარულზე ხელი ვერ აგვალეზინეს. აბა, ერთი ამ სახეებს შეხედე! იფიქრებდი, ასე ერთსულოვნად აღდგებოდა ჩვენი ხალხი?! აღარ მეშინია.

\* \* \*

ქ ზ

რუსთაველის მოედანზე ხალხში ნემსი არ ჩავარდებოდა. აქედან გაბრუნებას არავინ აპირებდა. სულმოუბრუნებლად ელოდნენ ინფორმაციას საგანგებო შემთხვევის ადგილებიდან. ქალი თუ კაცი, მოხუცი თუ ახალგაზრდა მზად იყო თავის მოვალეობის შესასრულებლად. კინოსახლის სადარბაზოს კარები ჭრიალითა და გრუხუნით იღებოდა და იხურებოდა. მიკროფონით აცხადებდნენ რა სჭირდებოდათ. თვალის დახამხამებაში იკრიბებოდა მოხალისეთა რაზმები და დაუყოვნებლივ მიეშურებოდნენ მიღებული დავალების შესასრულებლად.

ერთ-ერთი „გამოცხადებისას“ ზებედე და მარტოლეკი მიკროფონთან ახლოს აღმოჩნდნენ და უყოყმანოდ დაუდგნენ მხარში წასასვლელად გამზადებულ ჭაბუკებს.

— თქვენ საით? — გოცებით იკითხა ინფორმატორმა.

— წინა ხაზზე, — ამაყად მიუგო მარტოლეკმა.

— დარჩით, არაა საჭირო!

— რატომ? არ გამოვდგებით, ვითომ?

— როგორ გეკადრებათ! მაგრამ სამაგისო რა გავგვირვებითა!

— რატომ! ას ახალგაზრდას ორი-სამი მსცოვანიც გამოადგება. — მიუგო მარტოლეკმა.

— ბებერი ხარისა რქებიცა ხნავენო. ამ ორმოცი წლის წინ სად არ უტრიალია ჩვენს ხმალსა! — ჩაილაპარაკა ზებედე და მანქანაზე ავიდნენ.

ქარგად იცნობდნენ ამ ადგილებს. ისიც მოეხსენებოდათ, რა დღეში ჩააგდეს მტერ-მოყვრებმა უპატრონოდ დაგდებულ!

ვემო ქართლი, ეს ყოველმხრივ მდიდარი, სასიქადულო და  
ღიდებით მოსილი სადროშო.

გზები უჩვეულოდ გამოცოცხლებულიყო. დაძაბულობა იგ-  
რძნობოდა, მაგრამ მოძრაობა წუთით არ ბრკოლდებოდა. მოქ-  
მედებდა რაღაც უხმაურო, თავისთავადი დისციპლინა. თუმცა,  
ორთაქალიდან დაწყებული, მცირე ინტერვალებით მილიციის  
პატრულებიც შეიმჩნეოდა. ყველაფერი, რაც მოხდა, და რაც  
ჩაიდინეს, მაქსიმალურ სიფრთხილესა და სიფხიზლეს მოით-  
ხოვდა.

შავნაბადას რომ გასცდნენ, გზა მანქანებით, მორებით, ლო-  
დებით, რკინის ნამტვრევებით ჩახერგილი აღმოჩნდა. ექვიც  
აღარ იყო, რომ ბოროტი საქმის მოთავეებს სამხედრო ღონის-  
ძიებებზეც ეზრუნათ.

უბედურო საქართველოვ! შერე სად ხდებოდა ეს! ცხვირ-  
წინ! თითქმის, შიგ დედაქალაქში. მუხანათი მტრების ხიმან-  
კლობით და მოლალატე შვილების უბადრუკობითა და ღორმუ-  
ცელობით.

არ გვიანტერესებდა, თუ ვინ ცხოვრობდა, რით სუნთქავდა  
და რას გვიპირებდა ხიზანი.

ქარგა ხანია, რაც ამ კუთხის პატრონს აქ კაცად არ აგდებ-  
დნენ, გადამთიელად თვლიდნენ. რამდენჯერმე მოინდომეს და-  
ენგრიათ სკულპტურული კომპოზიცია: „ისევაც დაიზრდებიან  
აღგეთს ლეკვები მგლისანი“.

ვითომ არც იცოდნენ, რას გამოხატავდა ეს ქანდაკება.  
ჩვენ საქართველოდან მოსულებად გვთვლიდნენ. თავიანთ თავს  
სხვა ქვეყნად ასახელებდნენ.

ხალხთა მეგობრობა რომ აუცილებელია, ეს ყველა ნორმა-  
ლურმა ადამიანმა იცის, მაგრამ ხიზნის ყურმოჭრილ მონად  
რომ ვერ გადაიქცევი, ესეც ცხადია.

ჩვენი თავითა გვჭირს, რაცა გვჭირს. ბევრი თანამემამულე  
მოხერხებულად შეფარებია ჩრდილს და სოროში უნამუსოდ  
მჩქუჩებულ სასუსნავს შეექცევა. სხვა კი, თუნდაც ყველაფე-  
რი დაქცეულა და ამოვარდნილა. იმისთანა შიშსა და ხათრს  
რა ვუთხრა, მეწისქვილეს რომ ვერ შებედო, მსხვილად ფქვა-  
სო. რას გაუგებ, ეს ქვეყანა სავსეა უკულმა მოლაპარაკებით.

აბა, ერთი ჰკითხეთ ქალბატონ ვიოლას, პატიოსან ჟურნა-

ლისტ ქალს, რა დღე დააყენეს სიმართლის ძებნისთვის!  
უსინდისობა არავის უნდა ეპატიოს.

„ვინ არ იცის, რომ დღეს ჩვენი ხალხი დაზაფრულია ცხრა აპრილის ტრაგედიით. ამოდენა იმპერია და მისი არმია კრიჭაში ჩაგვედგომია. თქვენ კი, ჩვენს მეზობლებს, გადაგიწყვეტიათ, დრო გვიხელთოთ. შეთქმულებრივად შემოგვესიოთ. რაკი დავიწყებიათ, გაგახსენებთ, ვინა ვართ და ვისი გორისანი. ჩვენი თავის დაცვას ყოველთვის შევძლებთ, ზოლო სხვისი დამონება და დამცირება არასოდეს მოგვისურვებია. ღმერთი ხედავს ჩვენს ალაღმართალ გულს და არ გაგვწირავს“.

მარნეულის შესასვლელთან მანქანები მილიციის ნაწილებმა შეაჩერეს, ბოლნისისა და დმანისის გზები გადაეკეტათ.

„მე ვარ მშიშარა? — განაგრძობდა ფიქრს ზებედე. — თანამებრძოლებს ბრესტის ციხე-სიმაგრეში, საფრანგეთსა და პოლონეთში ხომ ბოლომდე მივსდევდი! უკან არ დამიხვევია! დღესაც ცოცხალი ვარ და ვიბრძვი ათი ათასობით დევკაცს შევაგროვებთ! ლომგულეებს! შეგუტევეთ! ვანანებთ! არავის ვერაგობას არ შევარჩენთ!“

| \* \* \*

რუსთაველის მოედანზე, დროდადრო, მცირე მიტინგები იმართებოდა. ჩარიტას უემოციო, ხრინწიანი შეძახილები ისმოდა: „გაუმარჯოს დამოუკიდებელ საქართველოს!“

ირველივ ახალნერგი ერისკაცები ეხვივნენ. ჩარიტა აშკარად ლიდერობდა. კაბუეკებთან ყოფნა სიხარულს ანიჭებდა. არასოდეს თავისთავი ესოდენ ქალად არ უგრძენია. თვალები ებლანტებოდა და მსუბუქი თავისტიკივილი ჰქონდა.

ამ წრეში ზებედემ რამდენჯერმე მოჰკრა თვალი ახლო მეზობელს, ცოტა არ იყო ს უცნაურ, პრეტენზიულ ქალიშვილს, რომელსაც ჟღერტულას სახელით იცნობდნენ. გასულ წელს უწივერსიტეტი დაემთავრებინა და ჯერ არსად მსახურობდა. ერთ-ერთ ეკლესიაში სულიერ მამებს ეხმარებოდა და მოკლე ხანში სასოებით სახელი გაეთქვა. შეძლებული ოჯახის შვილს შეწირულება არ ენანებოდა.

რესპუბლიკის მოედნის დაბალ სართულებზე სხვადასხვა

საზოგადოებებსა და პოლიტიკურ თუ საქველმოქმედო ორგანიზაციებს დაედოთ ბინა. ერთგან მიულოდნელი მოწოდება გამოეკრათ: „უარყავით საბჭოთა მოქალაქეობა!“ რამდენიმე ნაბიჯს იქით, შავად გალაქული ყუთი დაედგათ წარწერით: „აქ ჩაყარეთ პასპორტები!“

მოედანზე გრძელჩანთებგადაკიდებული გოგო-ბიჭები მოქალაქეებს მოუწოდებდნენ, „გადაეყარათ სისხლის სამართლის დამნაშავე კომუნისტური პარტიის მანდატები!“

ზებედე გაოგნებული დარჩა, როცა მის თვალწინ რამდენიმე ჩანთა დააცარიელეს და პარტიილები კოცონებს მისცეს.

„ეს ხომ ანარქიზმია!“ — გაუელვა მას.

„რას ბრძანებ! — გაჩნდა საწინააღმდეგო აზრი. — მოაბეზრეს თავი ქვეყანას!“

— პასპორტი ხომ ყოველ წუთს სჭირდება ადამიანს? — ხმამალა წამოაბოდა მას.

— გავძლებთ რამენაირად! — დამცინავად შეაგება უწვერულვაშო ყრმამ.

გვერდზე გამწივანი სიმღერა ხვრეტს ყურის ბარაბანს: გამომწვევი. ისტერიული: „გავუცინოთ ერთმანეთს!“

თუ არ გამიცინებთ?! რა თქმა უნდა, გიტირებ ყოფას!

მომხიბვლელი უმწიფარობაა! თავბრუდამხვევი ანარქიზმი!

რუსთაველის ძეგლთან ქღურტულას ბოლმიანი მუქარა მისწვდა: „ვიცი, არ გაგინარდება ეს ამბავი და იმიტომ გეუბნები, რომ მოგშხამო!“

გაოცებულმა მიიხედა და ღონივრად გაიქნია თავი.

„ღმერთო, რა მკრეხელობაა! მორწმუნე ქალიშვილი და ასეთი ღვარძლი! რა გვეშველება!“

„აჰ, ესა?“ — ჩაესმა უცნობის წამოძახილი.

„არიან ანარქისტები, რომლებსაც წარმოდგენა არ აქვთ, რომ ანარქისტები არიან!“

• • •

— ფილარმონიის საკონცერტო დარბაზში ორი ბილეთი მაქვს. — შესთავაზა ზებედემ ვიოლას.

— წავიდეთ! რამდენიმე თავისუფალი საათი მრჩება.

მსინი ესწრებოდნენ გალა კონცერტს: „ღამის წყვდიაღში ერთო სანთლები“, რომლის შემოსავალი ცხრა აპრილს დალუბულთა ფონდში ირიცხებოდა.

ვიოლამ წინა დღეს დედა მოინახულა და წინანდელზე დამშვიდებული ჩანდა. იმხანად არაფერი ისე არ აწყენარებდა ადამიანებს, როგორც ანთებული თაფლის სანთლები. დედა-შვილს ის ღამე თაფლის სანთლების საუფლოში გაეტარებინათ, თითქმის უხმოდ. დუმილსა და უსიტყვო ვედრებაში. ხმა გავერცელებინათ, რამდენჯერმე ფსიქიატრიული საავადმყოფოდან მოაკითხესო; ფრთხილად უნდა ყოფილიყვნენ.

წასვლის წინ დიდებულ მუსიკალურ სანახაობას დაესწრნენ: „ვაჩუქოთ ერთმანეთს თვალები“, რომელმაც ვიოლაზე დიდი შთაბეჭდილება მოახდინა. არასოდეს იმდენი კეთილი ადამიანი ერთად არ უნახავს და იმდენი სულის ღებნა არ განუცდია. იხილა მგალობელი ბავშვები, რომლებმაც ცხრა აპრილის განთიადი მოაგონეს.

„დედაო ღვთისავე, დაიფარე საქართველო!“

განსაცდელს დასასრული არ უჩანს და ჩვენი მხნეობაც უსასრულო უნდა იყოს.

ფილარმონიდან რომ გამოდიოდნენ, მთაწმინდის ფერდობებს ბადრი მთვარე დაჰნათოდა და ყველაფერი ხელისგულივით მოჩანდა. ზებედეს, უცებ, ბნელი აჩრდილები მოელანდა; შეშფოთება იგრძნო, ვიოლას წინ გაუსწრო და რუსთაველის მოედნისკენ ნაბიჯს აუჩქარა. იქ შეიძლება, მარნეულის მიმართულებით მოხალისეებს უხმობდნენ და თავის ადგილზე უნდა ყოფილიყო.



ივნისის ბოლოს საშიშარ ზოლში მოქმედება ჩაკვდა. საქართველოს ხელისუფლება, როგორც ჩანს, პასიურობას ამჯობინებდა. ქართველი „არაფორმალებისა“ უფრო ეშინოდა, ვიდრე არაქართველი მეზობლებისა და საბჭოთა არმიის სარდლებისა. „ფრონტზე“ საეჭვო მყუდროება ისადგურებდა ეროვნულ-გამათავისუფლებელი მოძრაობის ხელმძღვანელობა ამ უმოქმედობაში მზაკვრულ საფრთხეს ხედავდა. „შემოგიტევენ, დაი-

კავებენ ქართულ მიწაწყალს, და, თუ ბიჭი ხარ, დაიბრუნე ისინი გადაჭრით მოითხოვდნენ კომუნისტური ხელმძღვანელობისგან, გადამწყვეტი წინააღმდეგობა გაეწიათ აგრესორებისთვის. წინააღმდეგ შემთხვევაში, ბრძოლას თვითონ ჩაუდგებოდნენ სათავეში.

დღეები ზოზინით გადიოდა. კომუნისტური ხელისუფლება ილუზიას ქმნიდა, თითქოს, ძალას იკრებდა კონტრრევრისათვის. მოსახლვრე რაიონებიდან მილიციის რაზმები გამოიძახეს. მერვე პოლკის დანაყოფებით გააძლიერეს. ორიოდე ჯავშანტრანსპორტიორიც მიაშველეს. სარდლობა მილიციის გენერალ შადურს დაავალეს. მზადყოფნის შთაბეჭდილება შექმნეს.

„ეროვნული ხსნის კომიტეტის“ მონაცემებით, საშიშროება კი არ იხსნებოდა, არამედ უფრო და უფრო რთულდებოდა და მწვეავდებოდა. მოძალადეები ანტიქართულ ცოფს აღვივებდნენ და „საგანგებო წესების“ გამოცხადებისთვის ემზადებოდნენ, რათა ცხრა აპრილისა და შემდგომი აქტივობის სამაგიერო მიეზღოთ.

ქართული ეროვნული მოძრაობა აქაც მოწოდების სიმალლეზე აღმოჩნდა. მილიციის ნაწილების რამდენიმე ენერგიული აქციით, მარნეულისა და გარდაბნის უბნებზე მოწინააღმდეგის დაწოლა შესუსტდა. შეტაკებებმა ბოლნის-დმანისის მხარეს გადაინაცვლა, სადაც რამდენიმე თავბედურ გამოსვლას პქონდა ადგილი. ეზოებში ცეცხლგამჩენ ყუმბარებს ისროდნენ. თავს ესხმოდნენ ახალჩამოსახლებულ სვანებს. ამ ასპარეზზე იმთავითვე შეუპოვარ წინააღმდეგობას წააწყდნენ. ხელი მოეცა და გული გაუტყდათ. არ მოელოდნენ თუ შეუჩვენებელ გარემოში მოხვედრილი ახალმოსულები ასეთი გააფთრებით დაიცავდნენ მშობლიურ მიწას.

საქართველოს შინაგან საქმეთა სამინისტროს პრესცენტრი იუწყებოდა: „განვლილი დღეღამის მანძილზე მარნეულის, ბოლნისისა და დმანისის რაიონებში საქართველოს შინაგან საქმეთა სამინისტრო თავისი ძალებით, ადგილობრივ პარტიულ და საბჭოთა ორგანოებთან ერთად ახორციელებდა პრაქტიკულ გამაფრთხილებელ-პროფილაქტიკურ ღონისძიებებს. ამის შედეგად აღნიშნულ რეგიონში რაიმე სერიოზული დარღვევა არ მომხდარა. ოპერატიული ვითარება სტაბილიზებული ხდება და თანდათან დგება კალაპოტში.“

ადგილობრივი მოსახლეობა გაგებით ეკიდება და მხარს უჭერს ყველა ამ ღონისძიებას. სამინისტროს ხელმძღვანელობა მადლობას მოახსენებს რეგიონში მცხოვრებ ყველა ეროვნების წარმომადგენლებს, რომლებიც არ იშურებენ ძალღონეს იმისთვის, რომ აღადგინონ ნორმალური ცხოვრების პირობები. ოპერატიულ ვითარებას რეგიონში კონტროლს უწევს რესპუბლიკის შინაგან საქმეთა სამინისტრო“.

1. მაგრამ სიმშვიდე მოჩვენებითი გამოდგა. ანტიქართული ინტრიგის სულისჩამდგმელებს არ ეძინათ. ახალ ხვანჭებს ქსოვდნენ და გაერთიანებული ძალით ამზადებდნენ შემოტევას.

შვიდ ივლისს მარნეულში ყველაზე ხალხმრავალი და აგრესიული მიტინგი გაიმართა, რომელსაც თან ახლდა იარაღის ქდარუნი, შეტაკებები და ექსცესები. აზერბაიჯანული მოსახლეობა დაერწმუნებინათ, რომ თბილისიდან დიდი ექსტრემისტული ლაშქრობა მზადდებოდა, რომელიც მიზნად ისახავდა არაქართველი მაცხოვრებლების დარბევასა და საქართველოდან გადარეკვას. ამავე დროს სომხებიც წაეჭეზებინათ და ჯავახეთზე თავდასხმისთვის მომზადებულიყვნენ. თავს იმართლებდნენ, ქართველები დამარცხდნენ, მათ მიწებს აზერბაიჯანელები ეპატრონებიან და ახალქალაქის დაკავება უნდა დავასწროთო. პარალელურად აფხაზმა და ოსმა ექსტრემისტებმაც წამოაწყვეს თავი.

1. ბანიკური ვითარება შეიქმნა. ხელისუფლება კვლავ დროს გაყვანის ტაქტიკაზე გადავიდა. თავდაცვის სიმძიმე ეროვნულ-გამათავისუფლებელ მოძრაობას დააწვა მხრებზე, როგორც სამხედრო, ისე დიპლომატიური მხრივ.

• • •

ქვემო ქართლში ვითარება მოწესრიგების გზას დაადგა. ჯავახეთში იქაური ქართველები აჭარელთა ჩასახლებას ითხოვდნენ. სამცხეში ეროვნულმა მოძრაობამ საფილტრაციო პუნქტები დააწესა. როგორც აწყურის საყარაულოდან იუწყებოდნენ, „თურქმა მესხებმა“ ენერგიულად სცადეს ესარგებლათ აზერბაიჯანელ ექსტრემისტთა მიერ პროვიცირებული არეულობით, შემოჭრილიყვნენ და მონიშნული ადგილები დაეკავები.



ნათ. აწყურში რეგულარულად მორიგეობდნენ რჩეული ასალ-გაზრდები; აჩერებდნენ საექვო პირებს, უსინჯავდნენ საბუ-თებსა და ტვირთს. სამასზე მეტი უკანონოდ შემოღწეული გა-აბრუნეს უკან. უმრავლესობამ ქართული ენა არ იცოდა. ერთმა ნაწილმა აჭარის მხრიდანაც სცადა შემოსვლა. აშკარა გახდა, რომ მარნეულის ინციდენტი ფართო მასშტაბის ოპერაციად იყო ჩაფიქრებული.

აღმოსავლეთ რეგიონში ვითარების გამწვავებას ანტიქარ-თული ძალები მუხანათურად უხამებდნენ კრიზისული სიტუ-აციების პროვიცირებას აფხაზეთსა და ოსებით დასახლებულ სამაჩაბლოსა და ქსნის ხეობაში. შთაბეჭდილება იქმნებოდა, რომ ყოველმხრივ გარემოცულ, თავდაცვისთვის მოუმზადებელ საქართველოს მთელ ქვეყნიერებასთან უხდებოდა არსებობის შესანარჩუნებლად ჭიდილი.



ამ კრიტიკულ ვითარებაში ერთი ხელის დაქნევით დაიწყო საომარ გაანგარიშებებთან გადახლართული ეურნალისტურ-„მეცნიერული“ ანტიქართული ლაშქრობა, რომელიც თითქმის ორი წელიწადი გრძელდებოდა, საერთაშორისო მასშტაბი ჰქონდა და კარგად დაფინანსებული ჩანდა.

ეს, უწინარეს ყოვლისა, უშუალო გაგრძელება იყო ლიხნის 18 მარტის ყრილობის უსამართლო პრეტენზიებისა და დადგე-ნილებებისა „აფხაზეთის საბჭოთა სოციალისტური რესპუბლი-კის“ სტატუსის აღდგენის“ შესახებ, რის გამოც „აფხაზეთის სახალხო ფრონტმა“ წერილობით მიმართა გორბაჩოვს.

ამჯერად, ქართველების გასალიზიანებლად და შეიარაღებუ-ლი შეხლა-შემოხლის გამოსაწვევად რამდენიმე ახალი კონ-ფლიქტი იქნა პროვოცირებული.

მოულოდნელი იყო ინგლისელი ქართველოლოგის, პრო-ფესორ ჯორჯ ჰიუტის „ღია წერილი ქართველებს, უცხოელის დაკვირვებანი აფხაზეთისა და ქართველების დაძაბულ ურთი-ერთ დამოკიდებულებაზე“.

მოგვმართავდა, ერთი შეხედვით, მეგობარი, ქართული ენის მცოდნე, სინამდვილეში, ჩვენს ცხოვრებასა და ისტორიაში

სრულიად ჩაუხედავი, პრეტენციოზული, სამტროდ დაპროგრამებული კაცი, რომელსაც გადაეწყვიტა, შავი თეთრად გაესაღებინა და კკუა ესწავლებინა ჩვენი ერისთვის.

ეს იყო გაუგონარი უტიფრობა, არაკომპეტენტურობა და ცინიზმი. ამისთანა შემთხვევებზე იტყვიან, რამდენი სიტყუაცაა, იმდენი სიცრუეაო. ყველაფერი, რაც ჩვენთვის დაძმა უორდროპებს და მათ მსგავს ინგლისელებს სიკეთე უქნიათ, ამ ახალგამომცხვარმა ქართველოლოგმა ერთი ხელისმოსმით წყალში ჩაყარა. წერილში ბევრი რამაა შეურაცხმყოფელი და აბსურდული, მაგრამ ყველაზე აღმაშფოთებელი და ქუჩური ის არის, რომ ჰიუტი სტალინის ავი საქმეებისთვის ქართველებს სთხოვს პასუხს და გვიჩვენებს, ამისთვის ბოდიში მოვუხადოთ აფხაზებს. ისიც არ იცის, ან არ სურს იცოდეს, რომ სტალინს არცერთ სხვა ერისთვის ისეთი და იმდენი უბედურება არ დაუტეხნია თავს, რამდენიც ქართველებისთვის. წაგვართვა დამოუკიდებლობა, გაგვთიშა, ჩამოარიგა ჩვენი მიწა-წყალი, გაუღიტა გონიერი საქართველო. მერე, როგორ გგონიათ, რატომ? უწინარეს ყოვლისა, სწორედ იმიტომ, რომ საქართველო მას ქართველად არ სცნობდა.

განსაკუთრებით აღმაშფოთებლად გაისმა ქართველი ტომების დაპირისპირებისა და ქართველების გათიშვის ბოროტი განზრახვა; რასაც ქართველი ხალხი არავის აპატიებს.

ჰიუტის შიხედვით, აყვავებული, ბედნიერი, ყოველმხრივ დაღბინებული საქართველო ჩაგრაგს, სისხლს სწოვს დამონებულ, დატანჯულ აფხაზებს.

ასეთ სიცრუეს, ცილისწამებას, აბუჩად ავდებას ვინ მოითმენს? ისიც ცხრა აპრილის სისხლისღვრის შემდეგ.

ჰიუტი დაუფარავად იცავს „საბჭოეთის ხალხთა კავშირს“, იმპერიულ ხელისუფლებას. დიახ, ასეთი პუბლიკაციების მიზანი „სიძულვილის ცეცხლის გაღვივებაა“.

ძმათა სისხლისღვრის გასაჩაღებლად იყენებდნენ „ეროვნებადაკარგულ“ ქართველებს, „საბჭოთა ინტერნაციონალისტებს“, ორთოდოქს ლენინელებს. აფხაზური გაზეთი „ბზიფი“ სისტემატურად აქვეყნებდა ვინმე ბოკუჩივას ანტიქართულ ბოდვას. ეს „სახალხო მასწავლებელი“ ამყობდა, რომ ქართული ენა არ იცოდა. ხელს უწყობდა შვილების გადაგვარებას.

აქებ-ადიდებდა ჩვენს ავის მოსურნეებს და მომაკვდინებელ ცოდვებს სწამებდა ვითომ თავის მშობლიურ ქართველ ერს.

ჯადოქრულ ძალას არცერთი შანსი გამოუყენებელი არ ჩება. ბოროტების სრული კონსოლიდაციაა. საბრძოლო სინქრონულობა.

ლიხნის სულისჩამდგმელებს ოსების სახელით საბრძოლო მზადყოფნას უცხადებს „ადამონ ნიხასის“ ფანატიკოსი ალან ჩოჩიევი. უწინარეს ყოვლისა, ეს ორგანიზაცია თავისთავს აცხადებს „გარდაქმნის მხარდამჭერ მოძრაობად“, რომელიც მტკიცედ იცავს საბჭოთა ხელისუფლების ლენინურ პრინციპებს. აფხაზეთის მაგალითი მასში საზეიმო განწყობილებას იწვევს. „მოდმე ქართველი ხალხი“, ცხადია, ბრჭყალებშია ჩასმული.

„ადამონ ნიხასის“ წევრები, მთელი ოსი ხალხი დაძაბული თანაგრძნობით ადევნებს თვალყურს აფხაზეთის მოვლენებს. ჩვენ ამაყი, დამოუკიდებელი სულის მთიელი ხალხები ვართ. ამ სულის გატეხვა კი ჩვენს გმირობითა და ტანჯვით აღსავსე ისტორიაში მრავალრიცხოვან „სტუმართაგან“ ვერავინ შეძლო. „მით უფრო დღეს ვერ შეძლებს“.

ასე აქეზებენ ერთმანეთს სხვის მიერ წაქეზებული „ჩაგრული ერები!“

ქართველები თურმე მოქმედებენ იმპერიალისტური პრინციპით: „დაჰყავი და იბატონე!“ აი, რა პათოლოგიურ ხასიათს იღებს ხალხთა ურთიერთობა.

იმავე „ბზიფში“ ვინმე ვოზბა ქართველ დემონსტრანტებს ბრალს სდებს, რომ არ აფრიალებენ საბჭოთა დროშებს.

არავითარ ეჭვს არ იწვევდა, რომ აფხაზ ექსტრემისტთა მოძრაობის შტაბი აქედან შორს, მოსკოვში, იმყოფებოდა და, როგორც ამბობდნენ, მას ანგარებით აქეზებდნენ და აიძულებდნენ საკავშირო გავლენიანი ბირები, რომელთაც შეთქმულთა წრეში მეგობრები ჰყავდათ და საკუთარი ინტერესებიც ჰქონდათ.

სამწუხაროდ, ინიციატივა მოწინააღმდეგის ხელში იმყოფებოდა. ჩვენ დიდი დაგვიანებით ვიგებდით, რა ხდებოდა ჩვენს თავს.

ვის უნდა ეთქვა ვის უნდა გავეფრთხილებინეთ ჩვენ ისიც

არ ვიცოდით, რომ რა ხანია ამ ეგრეთწოდებული ეთნოკრიზისების თეორია, სტრატეგია და ტაქტიკა კარგად დამუშავებული ჰქონოდათ.

ჩვენ მაშინ გავიგეთ ეს უბედურება, როცა „ოგონიოკმა“, აპრილის ტრაგედიის შემდეგ, სახაროვის ინტერვიუ გამოაქვეყნა. ერთი საოცარი დებულება, რომელიც წყალბადის ბომბის მამამ წამოაყენა, ის გახლავთ, რომ საქართველო მცირე იმპერიად გამოაცხადა. ამის მთქმელი ან ძალიან უსამართლო და უსინდისო კაცი უნდა იყოს, ან უკიდურესად უმეცარი.

ღიახ, თავად გამწარებული კოლონია თურმე კოლონიებს დაპატრონებია.

პათოლოგიურად უნდა აღიქვამდე სინამდვილეს, რომ საქართველოს განუყოფელი ნაწილები აფხაზეთი და შიდა ქართლი, სამხრეთ ოსეთად წოდებული, დაპყრობილ და დამონებულ კოლონიებად გამოაცხადო, ხოლო უზარმაზარ სივრცეებზე გადაჭიმული, მრავალმილიონიანი გაძარცვული იაკუტეთი, თათრეთი, ჩუვაშეთი, ბაშკირეთი და ათობით სხვა კოლონია ვერ შეამჩნიო, რომლებიც რუსეთის ფედერაციაშია შეყრილი.

ახლა იმაზედაც დავფიქრდეთ, რუსეთის კოლონიებს რომ დამოუკიდებლობა მიეცეთ, სად უნდა წავიდნენ? არსად, ისევ და ისევ რუსეთში უნდა დარჩნენ. ამით არაფერი იცვლება.

საქართველოს „კოლონიებს“ რომ დამოუკიდებლობა მიეცეთ, ისინი სადღა უნდა წავიდნენ? ისევ რუსეთში, დიდი იმპერიის ოკეანეში. სხვა გზა არ არსებობს. ეს ყველას კარგად მოეხსენება. მაშასადამე, აქ აფხაზეთის ან აგრეთწოდებული სამხრეთ ოსეთის დამოუკიდებლობაზე კი არაა ლაპარაკი, არამედ რუსეთის მიერ მათ მიტაცებაზე.

— შენი აზრით, ეს ბრალდება სახაროვის გამოგონილია? — შეაჩერა მარტოლეკმა.

— აბა? — შეკრთა ზებედე.

— სახაროვი დაბადებულიც არ იყო, როცა საქართველოს „იმპერიობას“ აბრალებდნენ.

— ვინ აბრალებდა?

— როგორ იოლად ივიწყებენ ადამიანები თავიანთ წარსულს და როგორ სარგებლობენ ამით ვერაგი მეზობლები. შინაური აშლილობის გამოსაწვევად ტომებისა და მცირე ერების

ერთმანეთზე მისევა ძველისძველი ხერხია. შენი სისხლი რატომ უნდა დაღვარო იქ, სადაც შეგიძლია, სხვისი სისხლით შენი საქმე გააკეთო? ჩემი რწმენით, სახაროვს ეს იდეა გამოცდილმა შინაურებმა ჩააგონეს, რომლებსაც კარგად აქვთ შესწავლილი ჩვენი სისუსტეები და თვალს არ გვაშორებენ. სახაროვის ეროვნული კონცეფცია, რომელიც თითქოს, კეთილი სურვილებით იყო შთაგონებული, სინამდვილეში, ეროვნული ჩაგვრის, კონფლიქტების, ეთნოკრიზისებისა და ხალხთა დამონების სამსახურში ჩადგა. ამბობენ: პური მეპურეს გამოაცხობინეო. ფიზიკოსის ექსპურსებმა პოლიტიკაში შეიძლება წყალბადის ბომბზე არანაკლები უბედურება დაგვატეხოს თავს.



ივნის-ივლისში კონფლიქტებმა მთელი საქართველო მოიცვა. აქა-იქ აფეთქებებს ხელოვნურად აკავებდნენ ოპერატიული თანმიმდევრობის დასაცავად, ამას ფსიქოლოგიური მნიშვნელობაც ჰქონდა.

ვითარებაზე წარმოდგენას იძლევა არაოფიციალური პრესა, რომლის მიხედვით, ეროვნული მოძრაობა ყოველნაირად ცდილობს აიძულოს ხელისუფლება, რათა ჩააბას იგი აგრესიის მოგერიებაში. ეს დოკუმენტები იმის მუქარასაც შეიცავს, რომ თუ მარიონეტული მთავრობა გადამწყვეტ ღონისძიებებს არ მიიღებს მამულის დასაცავად, მაშინ სახალხო ლაშქარი აიღებს ძალაუფლებას, ან დაუმორჩილებლობის სხვა მეთოდებს გამოიყენებს.

ეროვნული მოძრაობის რადიკალური ფრთა უნდობლად ეკიდებოდა ხელისუფლების ლიბერალურ ღონისძიებებს; ხალხის მოსადუნებელ ეშმაკობად თვლიდა სახალხო დეპუტატთა ყრილობაზე საქართველოს ანექსიის აღიარების განსახილველად გამოტანას; სახალხო ფრონტის დაშვებას; კომუნისტური პარტიის მიერ საქართველოს ეროვნული განვითარების კონცეფციის შემუშავებას. მოწინააღმდეგე პოლიტიკურმა პარტიებმა და წრეებმა გადაწყვიტეს ჩაეშალათ უმაღლესი საბჭოს მომავალი არჩევნები და მის ნაცვლად შეექმნათ ოპოზიციური ეროვნული სათათბირო, რომელიც უფლებამოსილი იქნებოდა

საერთაშორისო ასპარეზზე ხალხის სახელით ემოქმედა. ეს უკვე კონგრესის იდეა იყო.

ვინ იცის, რამდენად სწორი იყო მდგომარეობის ეს გართულება. იქნებ აჯობებდა, ცალკეული ფაზების მიხედვით, კონკრეტული ამოცანების დასახვა და მთელი ძალების შესაბამისად მობილიზება. არა დანაწევრება, არამედ გაერთიანება. პარტიათა პროგრამების გამარტივება, რაც გაადვილებდა მიმდინარე ამოცანების გადასაწყვეტად შემჭიდროებას და თავიდან აგვაცილებდა წვრილმან თუ შორეული ამოცანების გამო უსაგნო პოლემიკას და დაქსაქსვას.

ამ დროს წააწყდა ზებედე „სახალხო ფრონტის“ კედლებზე გამოკრულ ამერიკის შეერთებული შტატების სენატის № 110 რეზოლუციას, რომელიც მხარს უჭერდა საქართველოს თვითგამორკვევას.

ამ დოკუმენტმა სენსაცია გამოიწვია. ხალხი ბუზივით თავს ეხვეოდა გამოკრულ აფიშებს, თუმცა გარკვეული არ იყო, რა ძალა და მნიშვნელობა ჰქონდა მას. ამ დოკუმენტს საგულისხმოდ სათაური აქვს: „სენატის რეზოლუცია საბჭოეთის მიერ ანექსირებული საქართველოს შესახებ“.

იგი შთამბეჭდავად იწყება: „ვინაიდან ქართველების თვითმყოფობა ჯერ კიდევ ჩვენს წელთაღრიცხვამდე იღებს სათავეს“, ამას რამდენიმე ძლიერი დებულება მოსდევს და მთავრდება იმედის მომცემი გადაწყვეტილებით: „მოუწოდებს საბჭოთა მთავრობას, ყურად იღოს ქართველი ხალხის ხმა — დააკმაყოფილოს ქართველი ხალხის მიერ თვითგამორკვევისა და ადამიანის უფლებათა კანონიერი მოთხოვნები“.

ტექსტი გამოქვეყნებულია აპრილშივე, მთავრობის ბიულეტენში „კონგრესენალ რეკორდში“, სენატორ ჰელმსის წარდგინებით: „ბატონო პრეზიდენტო, ქართველმა ხალხმა უნდა იცოდეს, რომ თავისუფალი მსოფლიო გულგრილი არაა მისი ხვედრისადმი“.

მწარე მითქმა-მოთქმა გავრცელდა საქართველოში „შინაგან საქმეთა ჯარების“ შემოყვანაზე. სამხედრო წრეები, ალბათ, ამ თვალსაზრისზე იდგნენ, მაგრამ, როგორც ჩანს, თავიანთი ვერ გაიტანეს.

აქაურმა ხელისუფლებმა პირობა დადეს, რომ საკუთარი

ძალებით მოაწესრიგებდნენ ქვემო ქართლის კონფლიქტს და სხვა რაიონებშიც აღადგენდნენ სტაბილურობას.

მილიციას ზურგს უმაგრებდნენ მერაბ კოსტავას მოხალისეთა ნაწილები. პარალელურად მოლაპარაკებები იმართებოდა აზერბაიჯანის მთავრობის წარმომადგენელთან, იქაური მილიციის მუშაკებთან. ისინიც დაინტერესებული იყვნენ ვითარების დარეგულირებით; აცხადებდნენ, რომ საქართველოსთან ტერიტორიული პრეტენზიები არ გააჩნდათ და „ბორჩალოს“ ხალხს უცხო ქვეყნიდან მოსულებად თვლიდნენ, ისიც დავსძინოთ, რომ ამ რაიონების მოსახლეობას თბილისის ბაზრების გარეშე არსებობა ერთ დღესაც არ შეუძლია. მოსავალი მიწებში ელუპებოდათ.

არ უნდა დავივიწყოთ, რომ გარდაბნის მოსაზღვრე ყაზახის რაიონში ფერღანის სისხლისღვრის დროს გამოდევნილი ათასობით „თურქი მესხი“ ელოდა საქართველოში შემოჭრის სიგნალს. ოპერაცია ფართო მასშტაბით გაანგარიშებული ყოფილა და მცირეოდენი მოდუნების შემთხვევაში, შეიძლებოდა, საბედისწერო შედეგებით დამთავრებულიყო.

იმ დროს აქ, საზღვარზე, სტიქიით დაზარალებული სვანები სახლდებოდნენ. სამშობლოს წინაშე დიდი პასუხისმგებლობით. შემართებით. მკვიდრად და საშვილიშვილოდ.

თათარს უთქვამს: ღმერთო, ქართველებს ერთ პირს ნუ მისცემ, თორემ, მაგათ ვინ მოერევაო.

სწორედ ეს ერთი პირი იგრძნობოდა მაშინ მთელ საქართველოში. საყოველთაო საპროტესტო გაფიცვის გამოცხადებას კეთილი ნაყოფი გამოჰქონდა. ის იმ შემთხვევაში შეწყდებოდა თუ „კრემლი აღკვეთავდა სისხლიან ტერორს და საქართველოს წინააღმდეგ ეთნოპროვოკაციულ გამონდომებს“.

არაოფიციალურ პრესაში გახშირდა განცხადებები: „ძვირფასო თანამემამულენო! სამშობლო გასაჭირშია. მიიღეთ მონაწილეობა საყოველთაო გაფიცვაში“

„ყველას გიწვევთ მიტინგზე, რომელიც ეწყობა ყოველდღე, სალამოს 7 საათზე, აკადემიის წინ (რუსთაველის გამზირზე)“.

იქვეა ინფორმაცია: „ღამის სამ საათზე დაუდგენელმა პი-

რებმა ხელყუმბარა ააფეთქეს ბატონ ზ. გამსახურდიას სახლთან. მსხვერპლი არ არის. მომხდარი ფაქტი შეშფოთებას იწვევს ქართველ პატრიოტებში“.

• • •

რუსთაველის მოედანზე ხალხის თავშეყრა, მიტინგები და რადიოგამოცხადებები არ წყდება. ძალიან ბევრი მთელ ღამეებს აქ, ან ახლომახლო საკრებულოებსა, სარდაფებსა და სკვერებში ატარებს. „წინა ხაზზე გამოძახებას“ უცდიან. გაზეთის მომდევნო ნომრებს ამზადებენ, წერენ და ხატავენ, წყვილდებიან და მეტოქეობენ.

იენისის დასაწყისიდან ქღურტულა ყველაზე პოპულარული შეიქნა სამაიას სკვერის შტაბბინაში. იმ წელს იურიდიული ფაკულტეტი დაესრულებინა. არსად მსახურობდა. მატერიალურ სიდუხჭირეს არ განიცდიდა. „კეთილდღეობა“ გარანტირებული ჰქონდა და ცხოვრების დიდ ნაწილს „ლურჯ მონასტერში“ ატარებდა. არ ვიცი, რამდენად მტკიცედ სწამდა. ეს ჩვენი საქმე არაა. უფლებაც არა გვაქვს, მოყვასის სულის საიდუმლოებას ჩავეძიოთ. თუ ფაქტებით ვიხელმძღვანელებთ, არჩევანის ერთგული ჩანდა. დღეს არ გამოტოვებდა, ღვთის სახლში არ მისულიყო. ნებაყოფლობით და გატაცებით საქმიანობდა — რეცხავდა, ხეხავდა, ასუფთავებდა. რაც მთავარია, დამხობილი ლოცულობდა და რელიგიურ ექსტაზს ეძლეოდა. გარეგნულად ღვთისმოსავი ადამიანის შთაბეჭდილებას სტოვებდა.

სტუდენტობისას ახალგაზრდულ მოძრაობაში არ გარეულა. არც ნოემბრის გაფიცვა-შიმშილობაში მიუღია მონაწილეობა, არც ცხრა აპრილს გამოსულა მთავრობის სახლთან. ბუნებრივია, მომწამლავ გაზებსაც გადაურჩა, სამაგიეროდ, როგორც კი თამარ მეფის პროსპექტზე „ჰუმანიტარული სახლი“ გაჩნდა, ერთერთი პირველთაგანი გამოცხადდა იქ და ამით ადამიანთა უფლების დაცვის მოძრაობას შეუერთდა. მოეწონა ამ „სახლის“ დევიზი: „ნუ გაუკეთებ მოყვასს იმას, რასაც საკუთარ თავს არ უსურვებ!“

მერე სამაიას სკვერს მიაშურა. იქ სულ ყმაწვილკაცობას



მოეყარა თავი. სტუდენტობასა და მოსწავლეებს. სახე გამკაცრებოდათ. სერიოზულ საქმეებზე მსჯელობდნენ. ცხოვრება დაუჭერებელი სისწრაფით იცვლებოდა. დღევანდელი დღე გუშინდელს არ ჰგავდა. კომკავშირის ახალგამოჩენილი ლიდერები თავს იკლავდნენ სავარძლების გადასარჩენად.

! უამრავი პარტია და საზოგადოება იქმნებოდა, სხვადასხვა განზრახვითა და იმედით. ზოგი ბობოქარი, ზოგიც იმთავითვე უღიმღამო და უსუსური. ზოგი დამაარსებლებსაც კი დარბაზიდან გასვლისთანავე ავიწყდებოდათ. ბულვარული პრესის მარგალიტებიც ჩნდებოდა. ვილაყამ სტატიაც გამოაქვეყნა: „ჩქებისა და ჩლიქების ასოციაცია?!“ სულ მოკლე ხანში მათ რიცხვს ასამდე მიუღწევია.

! რა თქმა უნდა, ასეთ ფაცხა-ფუცხში ვერც საკუთარ უნარს და შესაძლებლობას გაზომავ, არც პარტიების და ასოციაციების ტაციობა გამოიღებს კეთილ ნაყოფს. რაკი ყოველ მათგანს თავისი პრეზიდენტი სჭირდება, ეს საპატიო ტიტულიც გახშირდა და არავინ არ ფიქრობდა, რომ ასეთ „პრეზიდენტობას“ გრძელი სიცოცხლე არ ექნებოდა.

! ჟღერტულა დააბნია ნანახმა და გაგონილმა. აღარ იცოდა, ვისთვის დაეგლო ყური და ვის გაპყლოდა. ერთი ფერმკრთალი ბიჭი „ამტკიცებდა“ ახალ საზოგადოებაში კულტურა მხოლოდ სამ ენაზე განვითარდებო: ებრაულად, ბერძნულად და ლათინურად. იქვე მიმდევართა სიაც შეადგინა და ჟღერტულა, რომელიც „სამაიას“ სკვერის კიბეზე ჩამომჯდარიყო, ცენტრალური კომიტეტის თუ, აღარ მახსოვს, „დარბაზის“ წევრად ჩაწერა.

! ცოტა მოშორებით, საკავშირო ცეკას მდივნის ეგორ კუზმიჩ ლიგაჩოვისადმი მიწერილ წერილს კითხულობდნენ, რომელშიც აბუჩად იგდებდნენ „მტკიცე ბოლშევიკის“ ორთოდოქსულ შეხედულებებს.

! რამდენიმე ახალგაზრდა ბოლნისელი თათრების სიას ადგენდა, თბილისის მისამართების მითითებით და მათ გასახლებას მოითხოვდა. უცნაური ის იყო, რომ ეს ბოლნისელი აზერბაიჯანელები თბილისში ცხოვრობდნენ, საუკეთესო ბინები ეკავათ და აქედან უტევენდნენ „ქართველ დამპყრობლებს“.

! ქვემო ქართლის სასაზღვრო რაიონებში ივლისის დასაწყის-

სიღან ვითარება ისევ გამწვავდა. გახშირდა ყაჩაღური თავდასხმები და ხულიგნური გამოხდომები. მილიციის მიერ ამოღებული იქნა ასობით ცივი და ცეცხლსასროლი იარაღი. აღიკვეთა ერთაშორისი შუღლის პროვოკაციული აქციები.

არეულობის ამ სტადიაშიც შეინიშნებოდა „თურქი მესხების“ გააქტიურება. სარგებლობდნენ რა შექმნილი ვითარებით, ისინი ცდილობდნენ, ბორჯომის ხეობით შემოედწიათ მესხეთის რაიონებში.

გაკეთდა ხერგილი ხაშურის რაიონის სოფელ ცხრამუხაში, სადაც ცხოვრობენ ხუთი წლის წინ ჩამოსახლებული ეგრეთწოდებული თურქი მესხები. სოფელში ჩატარდა ორი მიტინგი. მოსახლეობას განუმარტეს დაძაბულობის მიზეზები. მოუწოდეს სიმშვიდისა და გონიერებისაკენ.

ხაშურში და სხვა რაიონებში ჩატარდა მიტინგები ორდღიანი გაფიცვის მხარდასაქვერად. ხალხი ხელისუფლებისაგან მოითხოვდა გადამჭრელი ღონისძიებები მიეღო მარნეულ-დმანისის ხაზზე წესრიგის დასამყარებლად, ან გადამდგარიყო.

„ქართველებს ვერ დააშინებს ვერავითარი რეპრესია, ვერც ცხრა აპრილი, ვერც სხვა მუქარა“.

ასეთი პასუხი გასცა საქართველოს მოსახლეობამ ცენტრის მიერ ქვემო ქართლში ინსპირირებულ ეთნიკურ გამოსვლებს.

„საზოგადოებრიობა მზადაა იბრძოლოს სამშობლოს თავისუფლებისათვის!“ — ამ დევიზით შეეგება ქართველი ხალხი უმძიმეს განსაცდელს, რომელიც უღმობელმა მტრებმა განუმზადეს მას.

იმავე დღეებში გაცხადდა საყოველთაოდ: „ჩვენ დღეს უფლება არ გვაქვს შორიდან ვუყუროთ მოვლენებს. საქართველოს ნებისმიერი კუთხის ტკივილი ჩვენი ტკივილია. ჩვენს სამომავლო გზასაც სწორედ გათიშულობის მცდელობასთან შეურიგებლობა გადაწყვეტს“.

მთელ საქართველოში ეს სულისკვეთება სუფევდა. ხალხი ყველგან ფეხზე დადგა. რეალური ძალაუფლება არსებითად პატრიოტების ხელში გადადიოდა. დამყაყებულ ხელისუფლებას იარაღიად იყენებდნენ.

მოფიქრებული ღონისძიებების წყალობით, „ბორჩალოს“ ექსტრემისტები თანდათან დაიჩუტნენ და დატყბნენ. ბოლოს

და ბოლოს, მათ არავითარი არგუმენტები არ აღმოაჩნდათ. ლოზუნგებზე გაჩნდა გონივრული აზრი: „ჩვენ საქართველოს აზერბაიჯანელები ვართ!“ ის სწორ ეროვნულ ზნეობრივ გზას უსახავდა გაბრიყვებულ კუთხეს. შეახსენებდა, რომ საქართველოს ყველა მაცხოვრებელმა ქართული ენა უნდა იცოდეს. აზერბაიჯანელი ავტორები ამალელებლად წერდნენ ცხრა აპრილზე; თანაგრძნობას უცხადებდნენ ქართველ ხალხს. ტოფიკ ყურბანოვი ალტაცებით ჰყვებოდა მოშიშშლილებზე, მიტინგებზე, მოძრაობის თავკაცებზე.

ი ბედნიერია ყველა, ვინც ამ დღეს მოესწრო. მქვერმეტყველებითა და სიბრძნით გამოირჩეოდნენ ზვიად გამსახურდია და მერაბ კოსტავა. მათი სიტყვა თავმოყრილთ აღაფრთოვანებდა. „გაუმარჯოს ერთიან, დამოუკიდებელ საქართველოს!“ — გაიძახოდნენ ისინი. მოდიოდნენ სამეგრელოდან, სვანეთიდან, კახეთიდან, ქართლიდან დროშებით, საბრძოლო შეძახილით.

აზერბაიჯანული საკირე მხურვალეებას ჰკარგავდა. ვისაც კატურ-კაცობა არ დაეკარგა, გონს მოდიოდა, მშვიდ ცხოვრებას უბრუნდებოდა.

„თურქი მესხებიც“ ხვდებოდნენ, რომ ერთხელ კიდეე გაასულელეს და ქართველებთან ასეთი ძალმომრეობით ვერაფერს გახდებოდნენ.



მაისიდან მოკიდებული თბილისის ვერტმფრინავების გრუხუნი აღვიძებდა. ისინი დედაქალაქის არცერთ უბანს არ ტოვებდნენ უმეთვალყუროდ, მაგრამ საგანგებოდ სამხრეთ-აღმოსავლეთ რაიონებს დასტრიალებდნენ თავს.

პატრიოტული რაზმები ხელისუფლების ღონისძიებებს უნდობლად ეკიდებოდნენ, იმედს საკუთარ ძალებზე ამყარებდნენ.

კინოსახლის წინ მომიტინგეთა რიცხვმა იკლო. ინფორმაციები შემცირდა. სულ უფრო იშვიათად მოუხმობდნენ მარნეულ-დმანისის ხაზზე გასაგზავნ მოხალისეებს. სამაგიეროდ, ივლისის დასაწყისში რამდენიმე ისეთი ცნობა გადმოიქცა, რომელიც უფრო შორეულ არეალში ვითარების გამწვავებაზე მეტყველებდა.

„კინოსახლის“ საინფორმაციო გადაცემებში აფხაზეთის ამ-  
ნები უფრო და უფრო მეტ ადგილს იკავებდა და განგაშის  
გრძნობას აძლიერებდა. აქ ეროვნულ შუღლს შეიძლებოდა  
უფრო საშიში ხასიათი მიეღო. საამისოდ ნიადაგი მზად იყო  
ლიხნის ყრილობის გამო ატეხილი შეხლა-შემოხლით, ჰიუტის  
შეურაცხყოფელი ოპუსებით, გაგულია-ბოკუჩავას მსგავსი  
კეთილისმყოფლების დარიგებებით, პრესაში გაჩაღებული ტენ-  
დენციური პოდემიკით, დაბოლოს, საბჭოთა კავშირის სახალ-  
ხრ დეპუტატთა ყრილობაზე ხელოვნურად შექმნილი ანტიქარ-  
თული კონფრონტაციით. სოხუმიდან ჩამოსული მეკავშირეები  
დღუჯყარებელ ამბებს ჰყვებოდნენ იქაურ ექსცესებზე, ჯერ ერ-  
თი რეგიონი არ ჩაწყნარებულიყო, რომ სხვა მხრიდან აძლიე-  
რებდნენ დაძაბულობას, რათა კოცონს ჩინჩხვარი არ მოჰკლე-  
ბოდა. უბან-უბან კომბლებით შეიარაღებული ბრბოები დაძრ-  
წოდნენ. ტყვიებით ცხრილავდნენ ქართველთა კარმიდამოებს.

განცხადება გუდაუთის რაიონის ახალსოფლიდან:

აქ ლიდერობენ ოზგანი — პარტიის რაიკომის პირველი  
მდივანი. ხიშბა — გაზეთ „ბზიფის“ რედაქტორი. ხაზარია —  
სახჭოს თავმჯდომარე.

აფხაზები გამუდმებით გვემუქრებიან. ცხადდება გვარები,  
ვისი სახლიც უნდა გადაწვან. არ გვაძლევენ დაქრილებისა და  
დარბეულების საავადმყოფოში გაგზავნის საშუალებას. მძიმე  
დღეში არიან ბავშვები და ქალები. არ მოაქვთ პური“;

სამსახურში ან შინ რაღა გაგაჩერებს, როცა ხედავ, რა  
მდგომარეობაა ქვეყანაში. ოფიციალური წყაროებით ვერ გა-  
იგებ, რა ხდება, როგორ ვითარდება მოვლენები.

ამბობენ, ბადრი უჯარმელი, ამირან ლაშქარავა, ეროვნული  
მოდრაობის სხვა ლიდერები უკვე აფხაზეთში იმყოფებიანო.

ეს ნაღდი იმედია. ხალხს სჯერა მათი. იციან, რომ არაფერს  
დათმობენ. კინოსახლის მოედანზე ხალხი კვლავ მატულობს.  
ათასობით მოდიან ახლო-მახლო რაიონებიდან. ჯგუფ-ჯგუფად  
დკრიბებიან. კამათობენ. სიტუაციას იხილავენ.

აფხაზეთიდან დაბრუნებულნი ლაპარაკობენ ვითარების  
გამწვავებაზე. ზოგს ძლივს დაუღწევია თავი. მოსახლეობა გა-  
ღიზიანებული, წაქეზებულიაო.

აფხაზი ფუნქციონერები ხელოვნურად ამწვავებენ მდგომარეობას უნივერსიტეტის გამო.

თბილისის უნივერსიტეტმა ფილიალი გახსნა, სოხუმში ქართველი აბიტურიენტების უფლებათა დასაცავად, დაძაბულობის განსამუხტავად. სეპარატისტებს გადაეწყვიტათ თავიანთ სასარგებლოდ გამოეყენებინათ კონფლიქტური სიტუაცია. ისინი საქართველოში საკავშირო „შინაგანი ჯარების“ შემოყვანით იმედოვნებენ თავიანთი მიზნების განხორციელებას, რის პირობასაც „უფროსი ძმები“ აძლევდნენ. ამიტომ დაინტერესებული არიან ანარქიით, ვითარების დესტაბილიზაციით. ქართველებს კი სხვა გზა არა აქვთ, სანამდე შესაძლებელია, უნდა მოითმინონ.

თექვსმეტ ივლისს, კინოსახლთან, ხალხის უზარმაზარი მასა მთელი ღამე არ აპირებდა დაშლას. ავი მოლოდინი ჰქონდათ.

მზე ამოიწვერა. როცა დაღლილ-დაქანცულმა ბიჭებმა თბილისს ჩამოაღწიეს. კრიკა შეეკროდათ, თავზარი დასცემოდათ. ცხრა აპრილზე უარესს შესწრებოდნენ და განეცადათ. ძმათა სისხლისღვრას. ძმად მიჩნეულ აფხაზთა მიერ ქართველების სასიკვდილოდ გამეტებას.

გაიმარჯვა სატანამ, რამეთუ უგულოა და მეხსიერება დაკარგული აქვს.

ოჩამჩირის რაიონის მშრომელები იტყობინებოდნენ: „მეოთხე დღეა რაც აფხაზეთში უკიდურესად დაძაბული მდგომარეობაა და ქართული სოფლები მიტოვებულია ბედის ანაბრად. მათ არ ჰყავთ ხელმძღვანელობა. მოკლებული არიან რჩევა-დარიგებას და ინფორმაციას, აფხაზთა და ქართველთა შორის მდგომარეობის გამწვავების შემდეგ ავტორტრასაზე შეიქმნა უკიდურესად დაძაბული მდგომარეობა. აფხაზურ სოფლებთან გზის პირას თავს იყრიდნენ შეიარაღებულ აფხაზთა დიდი ჯგუფები, რომლებიც ჩხრეკდნენ ავტომობილებს, მგზავრებს შეურაცხყოფას აყენებდნენ, სცემდნენ, ამცირებდნენ. ჩვენ იძულებული გავხდით, ასევე მოვქცეოდით მათ. მით უფრო, რომ ცნობილი გახდა, აფხაზებს შენიღბულად იარაღი გადაჰქონდათ.

ორი თვით აღრე, სანამ ეს ამბები დაიწყებოდა, ჩვენი სოფ-

ლის მოსახლეობას მასობრივად ჩამოართვეს იარაღები. რაი-პროკურორის განკარგულებით ეს იარაღი აფხაზებს დაურიგეს. ჩვენ ასეთ ჟამს „ცარიელ-ტარიელი“ დაგვტოვეს. არადა, საფრთხე რეალურია. კვიტოულის სასოფლო საბჭოში ორი სოფელია: აფხაზური და ქართული. ქართველების სოფლიდან რაიონში მიმავალი გზა აფხაზურ სოფელში გადის. აფხაზები არავის არ უშვებდნენ, ქართულ სოფელში აშკარად კრიტიკული მდგომარეობა შეიქნა სურსათით მომარაგების მხრივ. აფხაზებმა სპეციალური საშვი დააწესეს, რომელსაც მხოლოდ განსაკუთრებულ შემთხვევაში იძლეოდნენ. ცხადია, საშვი აქ მხოლოდ ქართველებს სჭირდებოდათ.“

იმ დღეებში აფხაზეთიდან და ეგრეთწოდებულ „სამხრეთ ოსეთიდან“ ასობით ასეთი წერილი მოდიოდა ეროვნული მოძრაობის ორგანიზაციებში. თბილისში მათ კითხულობდნენ ხალხმრავალ მიტინგებზე.

„შაბათს სოჭში გავემგზავრეთ ექსკურსიაზე. კვირას გავიგეთ, რომ სოხუმში სისხლისღვრა დატრიალებულა. სასწრაფოდ გამოვბრუნდით ზუგდიდში. ლესელიძეში დაგვხვდნენ აფხაზებით შეიარაღებული ბანდები. გაგვჩერეს. ჩამოგვყარეს ავტობუსიდან. გაგვჩხრიკეს. იარაღი არ აღმოგვაჩნდა. ყვიროდნენ: ავტობუსი ხალხიანად დაეწვათო!“ ზოგი ურჩევდა: „ქალები და ბავშვებიც არიან, ყველას ნუ გავიმეტებთო! ეს არაფერს მოგვითმისო!“ ბედმა გაგვიღიმა და განვაგრძეთ გზა ზუგდიდისკენ. დაგვხვდნენ ისევ ბზიფზე. კეტებით, დანებით, ნაჯახებით შეიარაღებულნი. გადაგვარჩინეს ისევ ქალებმა და ბავშვებმა.

ეს მეტყველებს, რომ ადამიანები აფხაზებშიც ურევიათ.

მტრული გამოსვლები ყოველნაირად მომზადებული და კოორდინირებული ჩანდა. კბილებამდე შეიარაღებული, გაალმასებული, ზურგამაგრებული, სიძულვილით კბილმობრჭიალე კაციჭამიებივით მიესივნენ გამოცდების ჩასაბრაებლად მისულ ქართველ ახალგაზრდებს და სისხლის გუბეები დააყენეს.

თავზარდაცემული იდგნენ ჩვენიანები. ვერ გაერკვიათ, რა ხდებოდა. რამ გააგოათ მეზობლები და მოყვრები. რა დაეშავებინათ ასეთი, თავდასაცავად ხელის აღმართვა ვერ გადაეწყვიტათ. ძმად ნაგულველნი სასიკვდილოდ ვერ გაემეტებინათ.

თორემ, თავს როგორ ვერ დაიცავდნენ! სოხუმი ხომ ქართული ქალაქია! მართალია, ყალბი იხტერნაციონალიზმის ქადაგებით გული მორბილებული გვაქვს, მაგრამ თავისთავი, ოჯახი და მამული როგორ შეიძლება, ადამიანთა საჩიჯგნად გაიმეტო.

თავისიანის უმანკო სისხლმა გაგვაყოფა. შეუძლებელია ამ დროს ქართველების გადათელვა. მათ ვერაფერი გადაურჩება დაუძლეველი.

— გაიხადეთ პერანგები! — გაისმა ფოლადიანი, გამყინავი ხმა.

ჩადგნენ მოიერიშეთა რიგებში აუთრთოლველი ვაჟაკები, შურისძიებით აღვისილნი. მოლაღატეთა დასასჯელად ამხედრებულნი.

ეს მილიონების შეჯახება არ ყოფილა. არც „ფერდინანდებისა“ და ნალმოსნების პირისპირ დგომა. მაგრამ გააფთრება არ ჰკლებია. უნამუსობისადმი, სიხარბისადმი, ვერაგობისადმი ზიზღი. მიაწვნენ, იფრინეს და გაირეკეს ერთგულმა ძმებმა. მეგრელებმა, სვანებმა, საქართველოსთვის შეფიცულმა შვილებმა, რომელთაც გულში არ გაუვლიათ დედის ღალატი. დაადასტურეს, რომ საქართველო ცოცხალია. მარადიულად იცოცხლებს. არ აპატიებს ძმის მკვლელს, „ვეფხისტყაოსნის“ გამთელველს. გაზულუქებულს. მოყვრის მტერს და მტრის მეგობარს.

ქარიშხალმა გადაუარა საქართველოს. ერთსულოვნების, ათასწლეული ძმობის და ერთგულების. ქუდზე კაცი დადგა. „აბჯარი თუნდა ხისაო!“ ლაშქარს გმირული სული აქცევს და უმარცხებლად. იმ დღეებში აშკარა გახდა, რომ საქართველოს სხვისი არაფერი უნდა და თავისას არავის დაუთმობს.

დაპირებისამებრ, იმპერიის პოლკებმა ზურგი გაუმაგრეს გაბრიყვებულ გამცემებს და მდინარე ღალიძგაზე საიმედო პოზიცია დაიკავეს. უმსხვერპლოდ არც აქ გადარჩენილა.

ნათლად ვიგრძენით, რომ სიმართლის დაცვა აღმოსავლეთშიც შეგვძლებია და დასავლეთშიც. მით უფრო, როცა თვითონ არავის ვერჩით და მკერდში პატიოსანი გული გვიცემს.

ეს მერამდნე ომი დატრიალდა იმ ავბედით თვეებში. შინაგან საქმეთა სამინისტრო იუწყებოდა: დასავლეთ საქართველოში დამნაშავეთა ჯგუფები ბანდიტურად ესხმიან

თავს შიხაგახ საქმეთა რაიგახყოფილებებსა და სხვა სახელმწიფო ობიექტებს. განვლილი დღელამის განმავლობაში ცხრა ასეთი თავდასხმაა. მათ შორის — ოთხი მილიციის რაიგახყოფილებებზე.

იარაღდებოდა მოსახლეობა თავისი ეროვნული ინტერესების დასაცავად.

„ეროვნული ხსნის მთავარი კომიტეტის სახელით“ გამოქვეყნებულ მიმართვაში ქართველი ხალხისადმი, რომელსაც ხელს აწერდა ზვიად გამსახურდია, ნათქვამია: „აფხაზეთში შექმნილი საგანგაშო მდგომარეობა სამართლიან აღშფოთებას იწვევს მთელს საქართველოში. ყველა ქართველი მზად არის მამულის დასაცავად. ზუგდიდში შექმნილია თავდაცვის შტაბი, რომელიც მოქმედებს, რათა მიაღწიოს მდგომარეობის სტაბილიზაციას. ჩვენ მივმართავთ ყველა ქართველს, ყველა მოქმედება შეუთანხმოს თავდაცვის შტაბს. არ გადადგას არცერთი მოუფიქრებელი ნაბიჯი, რათა თავიდან ავიცილოთ კატასტროფული შედეგები, რომლებიც დამლუპველი იქნება ჩვენი ხალხისათვის. განსაკუთრებით ვერიდოთ არმიასთან შეიარაღებულ შეტაკებას. ჩვენ უნდა ვიმოქმედოთ ბრძნულად. გეგმის მიხედვით. ინსტრუქციებს მიიღებთ თავდაცვის შტაბისგან“.

ამ დოკუმენტმა დაამშვიდა ზებედე ქარცივაძე. ქვეყნის ბედილბალი საიმედო აღამიანებს ებარა. ერთი არაზუსტი ნაბიჯი და... საქმე შეიძლება, უკულმა დატრიალებულიყო.

ამავე მიზანს ემსახურებოდა საქართველოს ეროვნული დამოუკიდებლობის პარტიის, წმინდა ილია მართლის საზოგადოებისა და ჰელსინკის კავშირის ერთობლივი გამაფრთხილებელი მიმართვა საქართველოს კომუნისტური პარტიის ცენტრალური კომიტეტის, უმაღლესი საბჭოს პრეზიდიუმისა და მინისტრთა საბჭოსადმი.

„უაღრესად კრიტიკული ვითარება, რაც გამოიწვია თხუთმეტ ივლისს აფხაზი ტერორისტების შეიარაღებულმა თავდასხმამ ქართულ მოსახლეობაზე, შედეგია კრემლის წამქეზებლური, ერთაშორისი შუღლის გამღვივებელი პოლიტიკისა, რომლის საბოლოო მიზანია საშუალება მისცეს კომუნისტურ რეჟიმს საქართველოში (ან, მისი ტერიტორიის ნაწილ-



ზე) შემოიღოს კომენდანტის საათი და ამ გზით მოახდინოს ეროვნულ-გამათავისუფლებელი მოძრაობის პარალიზება.

ჩვენ, საქართველოს პოლიტიკურ-ოპოზიციური გაერთიანებები... ვაცხადებთ:

ვინაიდან კრემლის იმპერიალისტური პოლიტიკა, რომლის პრინციპია „გათიშე და იბატონე“, დღეს ფიზიკური განადგურების რეალური საშიშროების წინაშე აყენებს ქართველ ერს.

ვინაიდან ქართველი ერის ბუნებისათვის უცხოა მტრობა და სისხლისღვრა საქართველოს ტერიტორიაზე მცხოვრები სხვა ერების წარმომადგენლებთან.

ვინაიდან აფხაზეთში შექმნილი ვითარება აშკარად ხელოვნურია და წარმოადგენს კრემლის ანტიქართული პოლიტიკის ნაწილს;

ვინაიდან 15 ივლისს აფხაზეთში მომხდარი სისხლისღვრა არის არა შეტაკება აფხაზთა და ქართველთა შორის, არამედ აფხაზთა შეიარაღებული თავდასხმა ქართველებზე, რამაც შეიწირა ადამიანთა სიცოცხლე;

ვინაიდან ვითარების განმუხტვისათვის საკმარისია ელემენტარული სამართლებრივი ღონისძიებების გატარება რაც ხელეწიფება საქართველოს საბჭოთა მთავრობას.

ჩვენ მოვითხოვთ დაუყოვნებლივ შემდეგი ღონისძიებების გატარებას:

1. აფხაზეთში მოწყობილი სისხლისღვრის აქტიურ მონაწილეთა დაუყოვნებლივ დაპატიმრებას;

2. აფხაზი მოსახლეობისაგან იარაღის მასობრივ ამოღებას (განსაკუთრებით გუდაუთა-ბზიფში).

2. თანამდებობიდან განთავისუფლებას და სისხლის სამართლის საქმის აღძვრას აფხაზეთის ეგრეთწოდებულ ავტონომიური რესპუბლიკის იმ ხელმძღვანელთა მიმართ, რომლებიც უშუალოდ ხელმძღვანელობდნენ ან ხელს უწყობდნენ 15 ივლისის სისხლიან აქციას.

4. მოვლენების ობიექტურ გაშუქებას პრესითა და რადიოთი.

თუ ორი დღის განმავლობაში აღნიშნული ღონისძიებები არ იქნება გატარებული, ჩვენ იძულებული გავხდებით ბრალი

დავდოთ კრემლს გენოციდში, გაუქმებულად ჩავთვალოთ საქართველოს საბჭოთა მთავრობა, როგორც ეროვნული ინტერესებიდან გამომდინარე პრობლემების გადასაჭრელად დამოუკიდებელი მოქმედების ყოველგვარ უფლებას მოკლებული მარიონეტი და გამოვაცხადოთ საყოველთაო ეროვნული დაუმორჩილებლობა საქართველოს მთელს ტერიტორიაზე საქართველოს სახელმწიფოებრივი დამოუკიდებლობის აღდგენის მოთხოვნით.

16 ივლისი, 1989 წელი“.

იმავე დღეს სოხუმიდან ჩამოსულმა მეკავშირემ კინოსახლთან შეკრებილ ხალხს აცნობა, რომ მტრისგან წაქეზებულმა ფანატიკოსებმა მოწამებრივად მოკლეს ვოვა ვეკუა. ჰეშმარიტი ქრისტიანი და მამულიშვილი.

„...სული ჩემი ღმერთს! გული ჩემი სამშობლოს! მძორი ჩემი თქვენ, ჯალათებო!“

სატელეფონო ხაზზეა სოხუმი. ინფორმაცია.

ქართველებს, ამ კუთხის ძირძველ, აბორიგენი მოსახლეობის დაჩაგრულ უმრავლესობას, ფრთა შეასხა და რწმენა ჩაუნერგა პრივილეგირებული უმცირესობის თავხედური შემოსევების მოგერიებამ. მძიმე მსხვერპლის მიუხედავად, თავისი თავი მშობლიური აფხაზეთის ბატონ-პატრონად იგრძნო და ვერავითარი ძალა უკან ველარ დაახევიანებს.

ამ განწყობილებას აორმაგებდა „მიმართვა აფხაზეთის ქართველი მოსახლეობისადმი“.

„მოსკოვის მიერ ინსპირირებულმა აფხაზ ტერორისტთა მადფისის სისხლიანმა დანაშაულებმა სამართლიანად აღაშფოთა ქართველი ერი და ყველა კეთილი ნების ადამიანი.“

საქართველოს ყველა კუთხე დაიძრა თქვენს დასახმარებლად. ეროვნული ხსნის მთავარი კომიტეტი რაზმავს ხალხს, რათა საკადრისი პასუხი გაეცეს აფსუა სეპარატისტთა ბანდებს, რათა სამაგალითოდ დაისაჯოს ყველა მომწყობი და ინსპირატორი ამ სისხლიანი აქციებისა. ჩვენ მოვუწოდებთ ქართველ ერს საყოველთაო გაფიცებისაკენ, ყოველგვარი საპროტესტო აქციებისაკენ, სანამ ხელისუფლების მიერ ზომები არ იქნება მიღებული, სანამ გარანტირებული არ იქნება ქართველი ადამიანების უსაფრთხოება. ხელისუფლებაზე დაწოლამ, გაფიცებმა და პროტესტებმა ნაწილობრივ უკვე

გამოიღო შედეგები. ტერორისტთა რამდენიმე ინსპირატორი და ხელმძღვანელი მოხსნილია თანამდებობიდან, რამდენიმე ტერორისტი დაპატიმრებულია. ხელისუფლება იღებს გარკვეულ ზომებს, მაგრამ ჩვენ ეს არ გვაკმაყოფილებს. ამჯერად ჩვენ ვემზადებით უფრო დიდი აქციებისათვის და იმ შემთხვევაში, თუ ყველა ჩვენი მოთხოვნა აფხაზეთთან დაკავშირებით არ იქნება დაკმაყოფილებული, დავიწყებთ უფრო ფართო მასშტაბიან გამოსვლებსა და გაფიცვებს, რასაც გადაზრდით ეროვნულ დაუმორჩილებლობაში. ჩვენ ვიღებთ ყველა ზომებს, რათა თქვენი უსაფრთხოება ყოველმხრივ იყოს დაცული, რათა ვერცერთმა ტერორისტმა ველარ შეძლოს დაუსჯელად თქვენი ხელყოფა!

სიმართლე ჩვენს მხარეზეა!

ღმერთი არს ჩვენთან!

ჩვენ გავიმარჯვებთ!

ვაუმარჯოს დამოუკიდებელ საქართველოს!

ეროვნული ხსნის მთავარი კომიტეტის სახელით

ზვიად გამსახურდია.

29.07.89 წ.“

პროკლამაციებში, განცხადებებსა და მიმართვებში, რომლებიც იმ დღეებში ვრცელდებოდა და ბუზივით ეხვეოდა ხალხი, ქართველი ერი ნუგეშს, გამხნევებას, ბრძნულ დარჩებასა და მოქმედების პროგრამას პოულობდა.

\* \* \*

„ბორჩალოს“ თათრებისა და აფსუების გაერთიანებული შემოტევის კრიტიკულ მომენტში, რომელთაც სხვა ავისმოსურნეებიც უჭერდნენ მხარს, „სამხრეთ ოსეთიდანაც“ გახშირდა უსიამოვნო ინფორმაციები. ჩოჩიევის წერილის შემდეგ ჩვენ აღარც მათგან გავგიკვირდებოდა ვერაგობა, უსირცხვილო პრეტენზიები და „მარქსისტულ-ლენინური“ არგუმენტები, მაგრამ ვითარება მაქსიმალურ მოთმინებას ითხოვდა ჩვენგან. წაყრუებასაც კი.

ძველად ასე არ ყოფილა, მაგრამ ეს ქართველებზე გადიდ-

გულებული თაობა გახლდათ, ქართველი „აზნაურების“ დახვრეტაში გაწაფული. ძერკინსკის სულით მოწამლული. გამომძიებლების, ციხის მეთვალყურეებისა და არმიელთა საკავშირო პენსიონერების „არისტოკრატია“.

ზებედე ქარცივაძეს ახსოვდა, გორიდან ცხინვალში მატარებლით მიმავალი რომ ვარიანში ვაგონიდან ჩამოაბრძანეს, „აქ ქართულად ლაპარაკს როგორ ბედავ, საქართველო ხომ არ გგონიაო!“

დიდი შიში ჭამა მაშინ ზებედემ: ნაციონალისტობა რომ დაებრალეზინათ, ვინ დაიფარავდა!? იქაური ეთნოგრაფიული მუზეუმი უნდა შეემოწმებინა, სადაც ნაცარგორას არქეოლოგიური გათხრის მასალები „ქრისტეს წინათ მეორე ათასწლეულის“ ოსური კულტურის“ ნიმუშებად იყო გამოფენილი! თუ ბიჭი იყავი, ხმა ამოგელო!

დიღხანს ვხრწნილით ერთმანეთს — ისინი თავიანთი აგრესიულობით, ჩვენ — ჩვენი კაკუტიობით, ვაითუ, „იქ“ დამაბეზლონო.

თუ ვაჟაკი იყავი, „ოლქის“ აღმასკომში ან, „საოლქო კომიტეტში“ ქართულად სიტყვა დაგეძრა! ჩრდილოეთიდან მოვლინებული მათი თანამემამულენი დასახვრეტად გაგიმეტებდნენ, ხოლო „ჩვენებური ოსები“, შიშით ცახცახებდნენ, ქართული არ წამომცდესო.

საქმეში გაუცნობიერებელ ერთ ქართველ ხელმძღვანელს, ადგილობრივი მოსახლეობის თხოვნით, თამარაშენში ჩვენი დიდი მწერლის ვანო მაჩაბლის მშობლიურ სახლში მემორიალური მუზეუმის გახსნა დაედგინა. ხარჯი ბევრი არ სჭირდებოდა და ასეთ მუზეუმებს მაშინ ყოველ ნაბიჯზე აარსებდნენ. გულშემატკივრებმა ზებედეს ურჩიეს, მაჩაბელზე ხმა არ ამოელო. როცა მოვალეობის შესასრულებლად გაბედა და საქართველოს „მთავრობის“ დადგენილება გამოაჩინა, თვალეები გადმოუტრიალეს და მოსკოვის განკარგულება მოსთხოვეს. გავიდა ათი, ოცი, ოცდაათი წელი, ნახევარი საუკუნე, მაგრამ ამ საქმეს ტაბუ არ ეხსნებოდა. მაჩაბლის სახლ-მუზეუმზე ხმის ამოღება „მძიმე პოლიტიკურ შეცდომად ითვლებოდა“.

როცა „ხალხთა მეგობრობის განსამტკიცებლად“ ეგრეთწოდებულ სამხრეთ ოსეთზე მიმაგრებულ ერთ დიდ გავლენიან

მგოსანს სთხოვეს, ორიოდ სიტყვით შესწოდა ამ კეთილ და მართალ საქმეს, ქვა ააგლო და თავი შეუშვირა:

— არა, ძმაო! მაჩაბლისთვის ოსებთან ურთიერთობას ვერ გავიფუჭებ. კაი გამარჯობას მეუბნებიანს ხაბიზინებით და ეპიტაურიტ მიმასპინძლებიან!

ომის დროს შორეულ ქვეყანაში ზებედე ქარცივაძე პარტიზანულ შენაერთს მეთაურობდა. ერთხელ ვილაც წელში მოკაკული ნაცარქექია შემოუყვანეს. შეიწყნარა და პარიზში გაგზავნა. შეხვედრია იქ „თავისიანებს“. დაუნიშნავთ „დაცვის უფროსად“.

ფიქრად არ მოსვლია ზებედეს, ქართველი რომ არ იქნებოდა. გვარი ქართული, ენა ქართული. გვიან აეხილა თვალი. დარევიან საწყალ ქართველ ემიგრანტებს და შავი დღე დაუწევიათ.

საქართველოში რომ ჩამოაღწიეს, ქართველმა პარტიზანებმა, მათი „დახასიათებები“ გამზადებული დახვდათ. დიდ ამბებს მას ეკითხებოდნენ. სხვისი არაფერი სჯეროდათ. ჩამოიკიდა ჩინ-მედლები. აშენდა და დასახლდა. თქვენ წარმოიდგინეთ, დაპატმრებაც მოუნდომა. დააპატმრა კიდევც აღარც მერე მოეშვა. ეტყობა, ხელს აღარ აძლევდა მათი ნაცნობობა.

მერე, აღარ იკითხავთ, ვინ აღმოჩნდა, რა რჯულისა და სინდის-ნამუსის სულიერი?!

მართალი გითხრათ, ზებედე ქარცივაძეს დიდხანს მაინც არ სჯეროდა, რომ მოსალოდნელი იქნებოდა „სამხრეთ ოსეთის“ საქმის გართულება.

უწინარეს ყოვლისა, იმიტომ, რომ საქართველოში არსებობს არა ოსების პოლიტიკური ავტონომიის პრობლემა, არამედ „ოსობის“ ეთნიკური კულტურული მოწესრიგების საკითხები.

საკუთრივ „სამხრეთ ოსეთში“ ოსების შედარებით უმნიშვნელო ნაწილი ცხოვრობს, დიდი ნაწილი კი მიმოფანტულია მთელ საქართველოში. არაკომპაქტურად, ქართულ მოსახლეობასთან განუყოფლობაში.

„სამხრეთ ოსეთის“ პოლიტიკური ავტონომია „ოსობის“ პრობლემის გადაწყვეტას ხელს კი არ შეუწყობს, არამედ ხე-

ლევნურად ართულებს და ამწვავებს ურთიერთობას, როგორც საკუთრივ ავტონომიურ ოლქში, ისე მთელ საქართველოში. მით უფრო, რომ არსებობს „ჩრდილოეთ ოსეთის ავტონომიური რესპუბლიკა“. ოლქი იმთავითვე შეიქმნა, არა პრობლემის მოწესრიგებისთვის, არამედ ქაოსის გამოსაწვევად. განუწყვეტელი დესტაბილიზაციის წყაროდ.

„ოსობა“ საქართველოში აღიქმებოდა არა ეთნიკურ მოვლენად, არამედ ბუნების სტიქიად. მათი განსახლება ხდებოდა ყოველგვარი კანონზომიერებისა და სისტემის გარეშე. არ ჩანდა თვითმყოფლობის შენარჩუნების არავითარი ინტერესი და პერსპექტივა. როგორც „ავტონომიური ოლქის“ ტერიტორიაზე, ისე საქართველოს სხვა რაიონებში ოსების განსახლებამ მტაცებლური ხასიათი მიიღო. ამ გზით ჩვენს თვალწინ ქრებოდა ქართული სოფლები, გაჩაღებული იყო მიწის ყიდვა-გაყიდვა, ქართული ისტორიული ძეგლების გაქრობა, ლანდშაფტისა და ეთნოგრაფიული სურათის შეცვლა. მოიშალა მიწის ყოველგვარი კანონმდებლობა. ერთი და იგივე პირი (ოსი) საქართველოს რამდენიმე ადგილას ფლობდა მიწის ნაკვეთს. მდინარეთა ნაპირებზე უნებართვოდ კერძო საკუთრებად ილობავდნენ მიწას.



თორმეტ აგვისტოს ცხინვალში გაიმართა ანტიქართული მიტინგი. მოჰყავდათ მოგონილი მაგალითები, ვითომ, ქართველების მიერ ოსების ჩაგვრაზე. მიტინგმა მოითხოვა საბჭოთა კავშირის უმაღლესი საბჭოს კომისიის ჩამოსვლა და „სამხრეთ ოსეთის“ უშუალოდ მოსკოვისთვის დაქვემდებარება, სანამ გადაწყდებოდეს ჩრდილოეთ ოსეთთან მისი შეერთება და საქართველოდან გამოყოფა.

ვრცელდებოდა ცილისწამებები და დეზინფორმაცია ქართველების გასაღიზიანებლად და მოთმინებიდან გამოსაყვანად.

ცხინვალის პოლიკლინიკაში ცალკე განიხილეს „ეროვნული საკითხი“ და სამუშაოდან მოხსნა დაუპირეს მთავარი ექიმის მოადგილეს, იმის გამო, რომ საბუთებს ქართულ ენაზე ადგენდა.

არც „ავტონომიური ოლქის“ გარეშე იყო უკეთესი მდგომარეობა. ბორჯომის რაისაავადმყოფოში მოკალათებული ოსი ექიმები ქართველებს სამსახურში მიღებაზე ყოველმხრივ ხელს უშლიდნენ.

ბორჯომის სამხედრო კომისარი გაგლოევი ქართველებს მხოლოდ ავღანეთში აგზავნიდა, ხოლო, როცა ბაზრის დირექტორად გადაიყვანეს, ქართველების ექსპლოატაციით, მილიონებს აგროვებდა.

ზაფხულის თვეებში ერთდროულად გიზგიზებდა ცენტრის მიერ ეთნიკურ კრიზისებად“ მონათლული ცივი და ცხელი ომის ხანძარი ქვემო ქართლის აზერბაიჯანულ ზოლში, აფხაზეთსა, „სამხრეთ ოსეთსა“, სამცხე-ჯავახეთსა და სხვა რეგიონების შერეულ მოსახლეობაში. ყველა საქმეში, ყოველ წუთს, თითოეულ უბანზე უკიდურესი დაძაბულობა იგრძნობოდა. ცენტრი საჭიროდ არ თვლიდა თავისი განზრახვების დაფარვას. არავითარ ანგარიშს არ უწევდა ვინ, სად, რას იტყოდა. ხალხის დაუკითხავად, პარტიულ-კომკავშირულ კრებებზე წყვეტდნენ საქართველოში ჯარის შემოყვანისა და „საგანგებო წესების“ შემოღების საკითხებს.

დღეს საქართველოში ფაქტიურად „ცხელი წერტილების“ ამოქმედების წრიული ჯაჭვია შეკრული. პრობლემები ნაწილობრივ ან სულ არ წყდება, რაც დაძაბულობის ბოლომდე განმუხტვის საშუალებას არანაირად არ იძლევა. დამთავრდება „მარნეული“, დაიწყება „აფხაზეთი“, დამთავრდება „აფხაზეთი“, დაიწყება „ოსეთი“. დამთავრდება „ოსეთი“ და კვლავ დაიძაბება საქართველოს რომელიმე კუთხეში მდგომარეობა. რაც მთავარია „ჯაჭვური რეაქცია“ უკვე დაპროგრამებულია და მიმდინარეობს.

ოფიციალური პრესა ცინიკური გულგრილობით იტყობინება:

„ვითარება აფხაზეთის ასს რესპუბლიკასა და დასავლეთ საქართველოს მთელ რიგ რაიონებში კვლავ უალრესად სერიოზულია. ექსტრემისტულად განწყობილი ელემენტები განაგრძობენ მოსახლეობის წაქეზებას სამართალსაწინააღმდეგო მოქმედებისათვის. როგორც უკვე ვიუწყებოდით, ამა წლის 15 და 16 ივლისს მასობრივი უწყესრიგობის დროს ცივი და

ცეცხლსასროლი იარაღით მოკლეს 14 კაცი. 187 მოქალაქე დაიჭრა, მათ შორის მილიციის 4 თანამშრომელი, რომლებიც მძიმე მდგომარეობაში არიან.

საქართველოს სსრ შინაგან საქმეთა სამინისტროს ორგანოების და სსრ კავშირის შინაგან საქმეთა სამინისტროს შინაგანი ჯარების ძალებით ხორციელდება ვითარების სტაბილიზაციის გადამჭრელი ღონისძიებები. ჩამოდის შინაგანი ჯარების დამატებითი ძალები, გაგზავნილია სპეციალური ოპერატიულ-საგამოძიებო ბრიგადები უწყსრიგობის მოთავეებისა და წამქეზებლების დასადგენად და სისხლის სამართლის პასუხისგებაში მისაცემად. სამართალსაწინააღმდეგო მოქმედების ყოველი ფაქტი კანონის მთელი სიმკაცრით შეფასდება.

მდგომარეობას ართულებს ის, რომ 16 ივლისს დასავლეთ საქართველოს მთელ რიგ რაიონებში იარაღის ხელში ჩაგდების მიზნით მოხდა თავდასხმები მცველებზე, შინაგან საქმეთა განყოფილებების შენობებზე, იარაღის შესანახ სხვა ადგილებზე. შინაგან საქმეთა ზოგიერთ განყოფილებაში ძალის გამოყენებით ხელთ იგდეს როგორც წინათ მოსახლეობისათვის ჩამორთმეული სანადირო იარაღი, ისე შინაგან საქმეთა ორგანოების კუთვნილი იარაღი. ქალაქ ზუგდიდში ექსტრემისტულად განწყობილმა პირებმა ხელთ იგდეს საგამოძიებო იზოლატორი, რის შედეგად გაიქცა გამოძიებაში მყოფთა ნაწილი, მათ შორის არაერთგზის ნასამართლევნი პირები, გატაცებულია ბევრი იარაღი....

უკიდურესად დაძაბულ ვითარებასთან დაკავშირებით, საქართველოს სსრ შინაგან საქმეთა სამინისტრო მოსახლეობას მოუწოდებს გამოიჩინოს თავშეკავება და სიმშვიდე, მოქალაქეობრივი შეგნებულობა, ნებაყოფლობით ჩააბაროს გატაცებული იარაღი, დაუყოვნებლივ მიაწოდოს მილიციის ორგანოებს ყოველგვარი ინფორმაცია იარაღის ადგილსამყოფელის შესახებ“.

ასევე ცინიკურად გაისმის ხელისუფლების სამძიმარი:

„საქართველოს კომპარტიის ცენტრალური კომიტეტი, საქართველოს სსრ უმაღლესი საბჭოს პრეზიდიუმი და მინისტრთა საბჭო ღრმა მწუხარებით იუწყებიან, რომ ამა წლის 15 ივლისსა და 16 ივლისის დამდეგს ქალაქ სოხუმში მოსახლე-



ობის აფხაზ და ქართულ ნაწილს შორის მოხდა შეტაკება, რის შედეგად არის მსხვერპლი, დაშავებულები.

საქართველოს კომპარტიის ცენტრალური კომიტეტი, საქართველოს სსრ უმაღლესი საბჭოს პრეზიდიუმი და მინისტრთა საბჭო გულწრფელ სამძიმარს უცხადებენ დალუპულთა ოჯახებსა და ახლობლებს.

გამოვთქვამთ რწმენას, რომ ამ რთულ ვითარებაში აფხაზეთის ასს რესპუბლიკის, მთელი საქართველოს მშრომელები გამოიჩინენ კეთილგონიერებას, საღ აზრსა და დიდ პასუხისმგებლობას. ყველას ზნეობრივი ვალია, ვისთვისაც ძვირფასია წინაპართა ხსოვნა, ვისთვისაც ყველაზე მალა დგას მშვიდობა და თანხმობა მშობლიურ მიწაზე, ვინც ფიქრობს თავის ხალხსა და მის მომავალზე, ხელი შეუწყოს პარტიულ, საბჭოთა, სამართალდაცვით ორგანოებს წესრიგის აღდგენასა და ვითარების სტაბილიზაციაში.



დილით ზებედე ვერის ბაღში შეხვდა მარტოლუკს. შესასვლელთან ხალხს წითელ არმიასი სამსახურის წინააღმდეგ მოწოდებები გამოეტანათ: „კრემლო, დაგვიბრუნე ჩვენი შვილები, ძმები, მამები და მეუღლეები!“ გუნდ-გუნდად გამოქცეული ჯარისკაცები ჩამომსხდარიყვნენ. დატანჯული სახეებით, აღელვებულნი და დამფრთხალნი. თუ ტრიბუნალს გადასცემდნენ, დეზერტირობისთვის მძიმე სასჯელი ელოდათ, საზარელ ამბებს ჰყვებოდნენ ქართველი ჯარისკაცების მდგომარეობაზე. ცემა-ტყეპა, მისიკვდილება, წამება.

— რა მოგვლით ამისთვის, ნაწილში რომ დაბრუნდებით?

— არც ვაპირებთ! თუ სასიკვდილო ვართ, ბარემ, აქ დავიხოცებით!

— გადაბრუნდა ქვეყანა! — ამბობს მარტოლუკი. — ცხრა აპრილიდან ისე მოიძრვა, რომ ველარაფერი შეაჩერებს.

— ღმერთო, დაგვიხსენი! არმიასი რომ ეს ამბავია, სხვაგან რა იქნება.

— დაიღალა ყველა! გაწყდა ქვეყანა წელში. ერთი და ორი დღე ხომ არაა? სანამდე შეიძლება ატყუო და აბუჩად აიგდო ხალხი?

თბილისში ადგილს ვერ იპოვი, რალაც სიახლეს არ წა-  
აწყდე, რამე ახალი არ გაიგონო და ნახო. ყველგან მიტინ-  
გები და დემონსტრაციებია. ამ ბოლოს საბურთალოზეც გად-  
მოინაცვლეს. აქ სულის საოხად ორჯონიკიძის ძეგლია. ბუ-  
ზივით ახვევია ცნობისმოყვარეები. შემზარავი დანაშაული  
მიუძღვის ამ კაცს ერის წინაშე. ტალახს ესვრიან, საღებავე-  
ბით თხუპნიან. არაფერი შველის, არც ის, რომ ხარაჩობებშია  
„დატუსაღებული“. არც ის, რომ რამდენიმე მილიციელი უდგას  
საპატიო ყარაულში. ვინაა! რისთვის მოთრეულა? რა გაუ-  
კეთებია, რომ ძეგლად ქცეულიყო?! როგორ შეუძლებია  
თავისთავი ადამიანებისთვის! პატრონი არ ჩანს, ვერ გადაუ-  
წყვეტიათ, რა უყონ. კერპების მსხვერვეა გრძელდება. კარგა  
ხანია, „მსოფლიო პროლეტარიატის ბელადსაც“ შებედეს. ჭერ-  
ჭერობით, ისევ იქ დგას. მაგრამ არავინ იცის, სანამდე!

\* \* \*

საქართველოს სამხედრო გზით, პოლიტექნიკური ინსტი-  
ტუტის მოედნიდან, ასობით მსუბუქი მანქანა, სხვადასხვა  
მარკის ავტობუსი დაიძრა ცხინვალის მიმართულებით. ცნო-  
ბისმოყვარეობით თუ მამულიშვილური ალტკინებით უამრავ  
ხალხს მოესურვებინა წასვლა.

ალმურიანი დღეები იდგა. სამხედრო ელიტის მიერ სა-  
ქართველოს დასასჯელად დანთებულ ხანძარს ადვილად ააღე-  
ბადი სითხის ახალ-ახალ ნაკადებს უსხამდნენ ცეცხლის გამ-  
ჩაღებლები. ქვემო ქართლის აზერბაიჯანული რაიონებიდან და  
აფხაზეთიდან ცოფმა შიდა ქართლის ოსებით დასახლებულ  
ხეობებში გადმოინაცვლა და გაალმასებული ხასიათი მიიღო.

სიმართლე გითხრათ, ამას არავინ ელოდა; მიუხედავად  
ბოლო ათწლეულების მწარე გამოცდილებისა, არ ეგონათ,  
თუ ძველი მეზობლები ასე ვერაგულად იხელთებდნენ დროს  
და სხვის უბედურებაზე საკუთარი ბედნიერების აგებას გა-  
ნიზრახავდნენ. იმპერიული ძალები მოხერხებულად აღვივებდ-  
ნენ შულღს; ათასგვარი დაპირებებით ამხნევებდნენ ოსებს.  
გულს უბოროტებდნენ.

გზადახლართულთ იოლად სჯეროდათ; მოსკოვში უტიფარ

მიმართვებს გზავნიდნენ საქართველოდან გამოყოფაზე, ავტონომიურ რესპუბლიკად გადაკეთებაზე, ქართული ენის სახელმწიფოებრივი სტატუსის გაუქმებაზე; ჩრდილო და სამხრეთ ოსეთის გაერთიანებაზე. ქართველები მოაშინებდნენ გამოპყავდა უმადურობას; დღისით-მზისით შარაგზის ყაბაღობას; სხეულის ღვიძლი ნაწილის ჩამოკვეთის განზრახვას. საქართველოს გასაჭირს რომ უყურებდნენ, ოსებიც მზად იყვნენ, დაეჭვებინათ „აღამონ ნიხასის“ შიზოფრენიული გეგმები.

ქართველების სახელის გასატეხად, დემორალიზაციისა და ანარქიის გამოსაწვევად აძლიერებდნენ იმ მხურვალე დღეებში საქართველოს „მცირე იმპერიალ“ გამოცხადების კამპანიას, რომელსაც მსოფლიო ავტორიტეტად აღიარებულ ანდრეი სახაროვს მიაწერდნენ, თუმცა ეს „თეორია“ სულ სხვა ეგოცენტრისტულ სამყაროში შეიქმნა და სახაროვმაც იქიდან შეითვისა.

უპრიანი იქნებოდა, ჯერ, უკიდვანო იმპერიას ეჩვენებინა მაგალითი ერთი ციდა „იმპერიისთვის“, რომელსაც ძირძველი ნაწილების წაგლეჯას უპირებდა.

ქართველობას ჯერ კიდევ არ დავიწყებოდა, როდის, რა ვითარებაში, ვისი წყალობით და რა დამსახურებისთვის გაჩნდა ეს „ავტონომიური ოლქი“ დედაქალაქის ცხვირწინ. ლენინ-სტალინის შთაგონებით დიდი აჯანყებაც წამოიწყეს, მაგრამ ჩვენს მტერს, რაც იმათ ღლე დააწიეს.

თვით რიგიან ოსებსაც ეუხერხულათ თანამემამულეთა პრეტენზიები. ისინი ხომ უნებართვოდ ჩამოდიოდნენ ჩრდილოეთის თოვლიანი მთებიდან და სახლდებოდნენ, საცა მოესურვებოდათ. არავინ ეკითხებოდა, არავინ ედავებოდა. მთელ საქართველოში სახლდებოდნენ გაფანტულად, ქართველების გვერდით, კეთილმეზობლურად. რა ავტონომიაზე შეიძლება ლაპარაკი ასეთ ვითარებაში. ყველაფერს, რაც ჩრდილოეთითაა, სამხრეთ ნაწილიც შეიძლება გაუჩნდეს.

პატროსანი ოსების უმრავლესობას შეუმიჩნეველი არ დარჩენია ეს ხრიკები. ამ მიწაზე უნდა იცხოვრონ, ჩვენთან ერთად. ძმურად და სიყვარულთ. მიხვდნენ, კეთილის მოსურნეები არ იყვნენ, ვინც ამისთანა რჩევას აძლევდა. ვერ ვიტყვით, მტრისა და მოყვრის გარჩევა გაუჭირდათო. ცალკე პარ-

ტია შეადგინეს. მიტინგი მოიწვიეს. ქართველებს ძმობა დაუ-  
დასტურეს. საერთო ბრძოლაში ძმური მხარდაჭერა შესთავა-  
ზეს. ამ ორგანიზაციის მეთაურს ბორის დუდაროვს ეკუთვ-  
ნის ამაღელვებელი სიტყვები: ჩვენ მიზნად ვისახავთ "შევი-  
ნარჩუნოთ და განვაავითაროთ ის ურთიერთობა, რომელიც  
დღემდე არსებობს ქართველ და ოს ხალხებს შორის. დადგა  
ჩვენი რიგი, რათა დავაფასოთ ის კეთილშობილება, რაც ქარ-  
თველებს დღენიადაგ გამოუჩენიათ, სიკეთით გადაეუხადოთ.  
ოსი ერი ნათესაური კავშირით შეერწყო ქართველობას და  
თავს არ იზოგავდა, ყველა სახის ბრძოლაში, ქართველ ერთან  
ერთად ღვრიდა სისხლს.

„ადამონ ნიხასი“ ყოვლად გაუმართლებელ მოთხოვნებს  
აყენებს, რითაც ჩირქს სცნებს ქართველი ხალხის ეროვნულ  
ღირსებას, — წერენ ოსები კოლექტიურ წერილებში. — ჩვენ-  
თვით ძვირფასია ოსი და ქართველი ხალხების მეგობრობა.

დიდებული აზრებია, მაგრამ ბოროტებას არ სძინავს. ბო-  
როტება ვერაგი და უღმობელია. უნდა ჰქუა გადაუბრუნოს  
ადამიანებს. გააბრიყვოს იოლად დამჭერნი. უხამიანი კალამი  
მიაჩნოს ხელში. ისტორია და გეოგრაფია დაამახინჯონ. რას  
არ გაიგონებთ და წაიკითხავთ. დახედავთ ერთ მშვენიერ დღეს  
და საქართველო საქართველო აღარაა. რუკა რუკას აღარა  
ჰგავს, ნაცნობი ადგილები გამქრალა. უცნობი დაბა-ქალაქები  
გაჩენილა.

ამ მეგობრულ სტრიქონებს ჯერ მელანი არ შეშრობოდა,  
რომ დაბოღმულმა სეპარატისტებმა სასაცილოდ აიგდეს ქარ-  
თველებთან კეთილდამოკიდებულება.

აი ფრამენტები ერთერთი ოსის წერილიდან: „ჩვენო ძვირ-  
ფასო აღან ჩოჩითი! ადამონ ნიხასის ძვირფასო წევრებო!  
ჩვენ, თბილისელი ოსების ერთი ჯგუფი, რომელიც არ ეთან-  
ხმება „სამართლიანი ოსების“ ასოციაციას, ძალიან ვაფასებთ  
თქვენს იდეებს, ... იმიტომ, რომ თქვენ გამოადვიძეთ ოსი ხალ-  
ხი! დე, წყალივით დაიღვაროს ჩემი სისხლი, გაუმარჯოს ოსურ  
ენას და ოსეთს!“

ვერაფერს იტყვი. უზომო თავდადება ჩანს. მაგრამ სრუ-  
ლებით არ ივრძნობა იმ ხალხის ინტერესების გაგება, ვისაც  
სადავოდ უხდი უდავოს.

ეს ხდება მას შემდეგ, რაც გენერალ როდონოვისა და არძინბას დემაგოგიურ სიტყვებზე სახალხო ყრილობის დელეგატებმა მქუხარე აპლოდისმენტებით დაანგრიეს კრემლი. მოდი და ამდენი გენერლისა და სხვა მფარველის იმედით ნუ გათამამდები და ბუხად ნუ მოგეჩვენება „მცირე იმპერია“! ნუ ირწმუნებ, რომ მასთან სამკედრო-სასიცოცხლო ბრძოლაში მარტო არ დაგტოვებენ.

სეპარატიზმისთვის უფრო მეტი გარანტიების მიცემა წარმოუდგენელია.

„მიდი! თქვენ იცით და თქვენმა ბიჭობამი საქართველოს სხვა ჩაგრული ერებიც თქვენთანაა!“

ვერც სამხედრო ოლქის შტაბს დაივიწყებ. ვერც მათ გაზეთ „ლენინსკოე ზნამიას“, რომელიც მუდამ უყოყმანოდ იზიარებს „ავტონომიური ოლქის“ პოზიციას რესპუბლიკის საზოგადოებრიობის მიმართ. რას უნდა ელოდე ასეთი ქვეყნის დამრიგებლებისგან, რომლებიც ასე თავხედურად ერევიან ჩვენი ხალხის საშინაო საქმეებში და ბატალიონების პარტიულ კრებებზე წყვეტენ ხალხთა ბედობას.

ცხინვალში სამხედრო ნაწილები დგას. მოსკოვისა და თბილისის სამხედრო კორესპონდენტები ჩადიან დაპირებებით, გამამხნეველი დევიზებით. მათთვის საქართველოსა და სამხრეთ ოსეთის საზღვარი ორი სახელმწიფოს საზღვარია. მთიანი ყარაბაღის სუნი სცემთ და ბრძოლის სურათები ელანდებათ. რუსეთის „შინაგან ჯარებზე“ ოცნებობენ. ჯავშანტრანსპორტიორებზე. ამ გზით თქვენი თავდაცვა უზრუნველყოფილია, შეუტრეით! გამსახურდია ყველაფერში დამნაშავეა.

დარბაისლურად მსჯელობს მაიორი კუშნირი ოსური და ქართული ენის უფლებებზე. ქართული ენა არ უნდა აიკრძალოს, ილაპარაკოს, ვისაც სურს. მაგრამ სკოლასა და დაწესებულებებში მხოლოდ რუსული და ოსური უნდა იყოს. მაიორის დასკვნით, ამ საქმესაც ხელს უშლის ზვიად გამსახურდია. მაიორ კუშნირს „ადამონ ნიხასის“ ყველა მოთხოვნა კანონიერად მიაჩნია. „ოსეთი თავის მომავალს რუს ხალხთან კავშირში ხელდავს“.

სამხედრო კორესპონდენტი ნასიამოვნებია იმ მეგობრული

ურთიერთობით, რომელიც ცხინვალელ ოსებსა და არმიის ნაწილებს შორის დამყარებულა.

ამ ფონზე გაუგებრობას იწვევდა ქართული გაზეთის გულსამაჩუყებელი ჩიჩინი: «ქართველ და ოს ხალხს შორის არ მომხდარა არავითარი უთანხმოება. ყურით მოთრეულია ინფორმაცია, თითქოს ვითარება სულ უფრო იძაბება. არაფერი მსგავსა არ ხდება».

სინამდვილეში, მთელი წლის მანძილზე დაძაბულობა მატულობდა.

ცხინვალის ლენინურად განსწავლულმა მესვეურებმა კონტრდემონსტრაცია დაახვედრეს თბილისიდან ჩამოსულ სტუმრებს. გზები გადაკეტეს. მისადგომები გაამაგრეს. წინ წითელ-ყელსახვევიანი ყმაწვილები დააყენეს.

ვანდეა!

უფრო მეგობრული დახვედრა წარმოუდგენელია!

მობრძანდით და ვნახოთ, რისი შემძლე ხართ!

ვინ დაგპატიყათ? თქვენისთანა „მოკავშირე რესპუბლიკის“ არ გვეშინია! საკავშირო დეპუტატთა ყრილობა ჩვენია და ზურგში ძლევამოსილი არმია გვიდგას!

კარგა ჩამობნელებული იყო, როცა პირველი მანქანები თბილისში დაბრუნდნენ. ბრძოლის ველიდან გამოქცეულის<sup>1</sup> შთაბეჭდილებას სტოვებდა ეს დაბოღმილი ლაშქარი. ციოდა. გვარიანი შემოდგომის ქარი სახეში გვიშხაპუნებდა ყინულოვან თოვლჭყაპს.

ზებედე მეტრო „რუსთაველთან“ იმყოფებოდა, როცა ცხინვალიდან დაბრუნებული რამდენიმე ავტობუსი გაჩერდა. უხმოდ ჩამოვიდნენ და თავჩაღუნული წალასლასდნენ.

„რა მოხდა?!“

გარეშე ძალების „უპარდონო“ ჩარევა დღითიდღე ძაბავდა ურთიერთობას. გახშირდა გამომწვევი საქციელი, პროტესტები და თავდასხმები. ზაფხულში ხმა გავრცელდა, ოსებმა მეოთხე საუკუნის ტაძარი ააფეთქესო. შემოდგომის პირზე ოსებმა გაფიცვა გამოაცხადეს. ანტიქართული მოთხოვნები წამოაყენეს. ქართველებთან აღარ ვიმუშავებთო. ლოზუნგები გამოფინეს: ქართული ენა არ გვსურსო. „კარგი ქართველი, მკვდარი ქართველი“. „მთავრობის სახლის“ კიბეებზე ჩამ-

წკრივდნენ. ყველაფერში შარობდნენ, მშვიდობიანი ლაპარაკიც არ სურდათ. ღვთისშობლის ეკლესიასთან სიტინგი ჩაშალეს. ტელევიზიის მუშაკებს ვიდეოკამერა დაუმტერიეს. ჩაწერილი კასეტა გაიტაცეს. ეკლესიიდან გამოსულ მამა ზოსიმეს შეურაცხყოფა მიაყენეს. ქართველები არ შეეპუნენ. ლოზუნგებით, გაშლილი საეკლესიო დროშებითა და „შავლეგოს“ სიმღერით ქალაქის ქუჩებით სოფელ თამარაშენში გასწიეს.

ამ ვითარებაში ირონიულად ისმოდა მოწოდებები ხალხთა მეგობრობის განმტკიცებაზე, „ძმობის ხიდზე“. აბროლაურის, ონისა და ჭავის რაიონების მშრომელთა სოლიდარობაზე. არც „ქართველი ექსტრემისტების“ ლანძღვა-გინებას მოჰქონდა სასურველი ნაყოფი.

იმ დროს, როცა ოფიციალურ პირთა მონაწილეობით ასეთი „მეგობრობის შეხვედრები“ ეწყობოდა, „ოსეთის მშრომელები და „ადამონ ნიხასი“ საკავშირო უმაღლეს საბჭოს, მინისტრთა საბჭოს და კომუნისტური პარტიის ცეკას უგზავნიდა „ოსი მშრომელების“ მიმართვას“, რომელშიც ეწერა:

1989 წლის 15 აგვისტოს საქართველოს კომუნისტური პარტიის ცენტრალური კომიტეტის, საქ. სსრ უმაღლესი საბჭოს პრეზიდიუმისა და საქ. სსრ მინისტრთა საბჭოს მიერ მიღებულია დადგენილება ქართული ენის სახელმწიფო პროგრამის შესახებ.

ჩვენ მივესალმებით ქართველი ხალხის სწრაფვას ეროვნული კულტურის, ტრადიციისა და ენის ყოველმხრივი განვითარებისაკენ. ვთვლით რა ამას ნებისმიერი ხალხის, ერის განუყოფელ უფლებად.

საქართველოს მთავრობის ზემოაღნიშნული დადგენილება თავისი შინაარსით, რესპუბლიკის არაქართული მოსახლეობის, კერძოდ, სამხრეთ ოსეთის ავტონომიური ოლქის ხალხთან მიმართებაში ანტიდემოკრატიული და დისკრიმინაციულია. ქართული ენის სახელმწიფო პროგრამაში არაფერია ნათქვამი ერთაშორის ურთიერთობის ენის სტატუსისა და მცირე ერების ენის შესახებ.

ჩრდილო-ოსეთის ავტონომიური რესპუბლიკისა და სამხრეთ-ოსეთის ავტონომიური ოლქის ისტორია ისე აიწყო, რომ საქმის წარმოებისა და ერთაშორისი ურთიერთობის ენად

გვევლინება რუსული, ოსურთან ერთად. საქართველოს მთავრობის ახალმა დადგენილებამ დასაბამი მისცა ოლქის სამხრეთ ნაწილში მცხოვრები ოსების ხელოვნურ ასიმილაციას ქართველების მიერ, ვინაიდან დაუშვებელია ჩრდილოეთ და სამხრეთ ოსეთში განსხვავებული ენობრივი პოლიტიკის გატარება.

ჩვენ პოლიტიკურ და ეკონომიკურ აბსურდად მიგვაჩნია — ერთი დემოკრატიული სახელმწიფოს ფარგლებში ოსეთის მცირერიცხოვანი ხალხის ორ ადმინისტრაციულ ერთეულად გაყოფა და ვითხოვთ, რომ ჩრდილო და სამხრეთ ოსეთის შეერთების საკითხი განხილულ იქნას საბჭოთა კავშირის კვ ცეროვნული საკითხებისადმი მიძღვნილ პლენუმზე და ჩვენ ვიმედოვნებთ, რომ ყველა ოსის საუკუნებრივი ოცნება — გაერთიანების შესახებ, საბოლოოდ განხორციელდეს.

დღეს კი, მიღებული დადგენილების დისკრიმინაციული და ანტიდემოკრატიული ხასიათი, ოსეთის არაქართველი მოსახლეობის მძაფრ გულისწყრომას იწვევს. ჩატარდა რიგი გამაფრთხილებელი გაფიცვები და მიტინგები. საერთო აზრით, ეს ფასდება, როგორც კიდევ ერთი რგოლი — რესპუბლიკის და სამხრეთ ოსეთის არაქართველი მოსახლეობის დამცირებისა და შეურაცხყოფის იმ ჯაჭვისა, რომელიც უწყვეტ ნაკადად მოედინება საქართველოს ტელევიზიის, რადიოსა და პრესის ფურცლებიდან.

გ ა მ ო მ დ ი ნ ა რ ე — ლენინური ნაციონალური პოლიტიკის პრინციპებიდან, ეროვნულ საკითხებზე სკკპ პლატფორმის დებულებიდან და საქ. სსრ-ში ოსი მშრომელებისათვის შექმნილი საზოგადოებრივ-პოლიტიკური სიტუაციიდან,

### მ ო ვ ი თ ხ ო ვ თ :

1. სკკპ ცვ პლენუმზე ეროვნული საკითხების შესახებ განხილულ იქნას და გადაწყდეს სამხრეთ და ჩრდილო ოსეთის გაერთიანების პრობლემა, რითაც შესრულდება ყველა ოსის საუკუნეობრივი ოცნება. ვთვლით, რომ ორი ნაწილის გაერთიანება გახდება იმ ისტორიული, პოლიტიკური და ეკონომიკური აბსურდისაგან თავის არიდების აქტი, როდესაც საერთო ტერიტორიის მქონე ერთი ერი, ორ ადმინისტრაციულ



ერთეულადაა გამოყოფილი ერთი დემოკრატიული სახელმწიფოს ფარგლებში და სხვადასხვა სახელმწიფოებრივ გაერთიანებებში იმყოფება. ვითვალისწინებთ რა ქვეყნის დღევანდელ პოლიტიკურ სიტუაციას, ჩვენ ვუშვებთ, რომ ჩრდილო და სამხრეთ ოსეთის გაერთიანების პირველ საფეხურად სამხრეთ ოსეთისათვის (ოლქისათვის) ავტონომიური რესპუბლიკის სტატუსის მინიჭება უნდა იქცეს.

2. კონსტიტუციურად განმტკიცდეს ყველა ავტონომიური წარმონაქმნის უფლება თავისი ბედის თვითგანმგებლობის შესახებ (მოკავშირე რესპუბლიკის შემადგენლობიდან გასვლის უფლება).

3. გადაწყდეს საკითხი ყველა ტიპის ავტონომიური ფორმირების — საერთო, ერთობლივი ფედერალური ცენტრისადმი დაქვემდებარების შესახებ...

4. ყველა კანონი, დადგენილება, გადაწყვეტილება, სსრკ და მოკავშირე რესპუბლიკის კონსტიტუციების შესწორება, რომელიც ეხება — სსრკ ან მოკავშირე რესპუბლიკის ავტონომიურ ფორმირებათა ინტერესებს, გამოტანილ იქნას საერთო სახალხო განხილვაზე ავტონომიური წარმონაქმნის მოსახლეობისა.

5. კანონში ენის შესახებ შეტანილ იქნას შემდეგი პუნქტი: „სამხრეთ-ოსეთის მთელს ტერიტორიაზე — ყველა პარტიულ, საბჭოთა, ადმინისტრაციულ, სამეცნიერო-სასწავლო, სამეურნეო დაწესებულებებში, საწარმოებში, საზოგადოებრივ ორგანიზაციებში — სახელმწიფო ენად ოსური ენა გამოცხადდეს. საქმისწარმოება, ასევე სწავლება, სამხრეთ ოსეთის ყველა ტიპის სასწავლო და სამეცნიერო დაწესებულებებში წარმოებულ იქნას ოსურ და რუსულ ენებზე, ნაციონალურ-რუსული ეროვნების პრინციპის დაცვით. ქართული ენა ფუნქციონირებს — ქართული ეროვნების პირთა კომპაქტური დასახლების ადგილებში — თანაბარი უფლებებით ოსურ და რუსულ ენებთან ერთად“.

პასუხად ეროვნული ხსნის კომიტეტმა გამოაქვეყნა „მომართვა ქართველი ხალხისადმი“:

უკანასკნელ ხანებში შიდა ქართლში — ისტორიულ სამაჩაბლოში, რომელიც საქართველოს სოვეტიზაციის შემდეგ

ე. წ. „სამხრეთ ოსეთად“ იქნა გამოცხადებული დამპყრობელი ბოლშევიკების მიერ, გაძლიერდა ანტიქართული გამოხდომები, რომელთაც გეგმავს და ახორციელებს ე. წ. ოსეთის სახალხო ფრონტი — „ადამონ ნიხასი“. ძირძველ ქართულ მიწას, სადაც კულტურისა და ისტორიის ყველა ძეგლი, ყველა ტოპონიმი ქართულია, სადაც ოსების ჩამოსახლება თვით საბჭოთა ენციკლოპედიის აღიარებით XIII საუკუნიდან დაიწყო (თუმცა, ეს უფრო მთიანეთს ეხება, ვიდრე ცხინვალის მხარეს, სადაც ოსები XX საუკუნიდან სახლდებიან), აცხადებენ „ალანთა უძველეს ქვეყნად“ — ავრცელებენ მოსკოვში გამოცემულ ფანტასტიურ რუკებს, სადაც მტკვრის მთელი მარცხენა სანაპირო ალანთა კუნთვნილებად არის გამოცხადებული, ცხინვალში გამოკრულია ლოზუნგები — „ქართველებო, დასტოვეთ ოსეთის მიწა“, ვრცელდება პროკლამაციები და მიმართვები, სადაც მოითხოვენ ე. წ. სამხრეთ ოსეთის შეერთებას ჩრდილოეთ ოსეთთან, ახალი ოსური რესპუბლიკის შექმნას და მის გამოყოფას საქართველოდან. მოითხოვენ აგრეთვე ოსური ენის სახელმწიფო ენად დაკანონებას, ქართული ენის უკუგდებას, ოსეთის რუსიფიკაციას — „ადამონ ნიხასი“ უკვე აგროვებს სახსრებს და იარაღს ქართველთა მომავალი ხოცვა-ჟლეტისათვის.

დღესავით ნათელია, რომ ყოველივე ეს არის კრემლის მორიგი პროვოკაცია, რომლის მიზანია ახალი სისხლისღვრა და ქართველთა გენოციდი. ყოველივე ამის გამო საქართველოს ეროვნული ხსნის მთავარი კომიტეტი მოუწოდებს ქართველებს:

1. საქართველოს მთელს ტერიტორიაზე ჩატარდეს მასობრივი მიტინგები, გამოსვლები და გამაფრთხილებელი გაფიცვები ე. წ. სამხრეთ ოსეთის უკანონოდ შექმნილი ავტონომიის გაუქმების მოთხოვნით.

2. საქართველოს ხელისუფლებამ მიიღოს უსწრაფესი ზომები პროვოკატორთა ასალაგმავად, რათა ცხინვალში არ განმეორდეს სოხუმის ტრაგედიის მსგავსი მოვლენები.

3. ქ. ცხინვალში ჩატარდეს ქართველთა მასობრივი, მრავალათასიანი მიტინგი, რომელიც წამოაყენებს ყველა ზემოხსენებულ მოთხოვნას და ზღვარს დაუდებს ქართველთა უფ.

ლებების დარღვევას, ქართული ენის დისკრიმინაციას ამ უძველეს ქართულ მიწაზე:

გადამთიელებმა უნდა დასტოვონ ეს მიწა, თუ მათ აღარ სურთ ჩვენთან მშვიდობიანი ცხოვრება. სამაჩაბლო საქართველოა!

ჩვენი ბრძოლა სამართლიანია!

ღმერთი არს ჩვენთან!

გაუმარჯოს დამოუკიდებელ საქართველოს!“

ამ ვითარებაში გაურკვეველობა დაბადა ილია ჭავჭავაძის საზოგადოებისა და „ადამონ ნიხასის“ ერთობლივმა მიმართვამ ქართველი და ოსი ხალხებისადმი:

აფხაზეთში დატრიალებული ტრაგედიის შემდეგ ერთაშორისი ურთიერთობა რესპუბლიკაში უაღრესად დაიძაბა. გარკვეული წრეები დაინტერესებული არიან შექმნან დაძაბულობა ჩვენს ხალხებს შორის. ისინი ავრცელებენ ჭორებს შეიარაღებული ჯგუფების შექმნის შესახებ, ასახელებენ ცალკეულ დასახლებულ პუნქტებს, რომლებზეც თითქოსდა უნდა მოხდეს თავდასხმა და ა. შ. ყველაფერი ეს კეთდება იმისათვის, რომ ჩვენს ხალხებს შორის დაბნეულობა და უნდობლობა დაითესოს. მოსახლეობის გარკვეული ნაწილი უკვე იმდენად აღელვებულია, რომ, შეიძლება ითქვას, ჩვენ ფსიქოზის მიჯნაზე ვდგავართ, რომელიც შეიძლება მხოლოდ გონივრული და ერთობლივი მოქმედებით ავიცილოთ.

ჩვენ მოვუწოდებთ ჩვენს მოძმე ხალხებს: ნუ აპყვებით პროვოკატორთა ლიტონ განცხადებებს, ყოველ ცალკეულ შემთხვევაში მოსთხოვეთ ჭორების გამავრცელებლებს კონკრეტული დასაბუთება. დღეს, როდესაც შიშის დათესვის მეშვეობით ცდილობენ ჩვენს ურთიერთიზოლაციას, კი არ უნდა გავუცხოვდეთ, კი არ უნდა გვეშინოდეს ერთმანეთის, არამედ პირიქით — უნდა დავამყაროთ ერთმანეთთან უშუალო კონტაქტები და ვეძებოთ ის, რაც გვაერთიანებს და არა ის, რაც გვანსხვავებს ერთმანეთისგან. მაღლი უფალს, ჩვენ გვაქვს ძმური კეთილმეზობლობის მრავალსაუკუნოვანი გამოცდილება. ჩვენ ვამაყობთ ჩვენი დიდი წინაპრებით, რომელნიც ყოველთვის პოულობდნენ გზას ერთმანეთის გულებისაკენ. ჩვენი ვალაია შთამომავლობას შევეუნახოთ ეს ტრადიცია. ჩვენ

კმაყოფილებით აღვნიშნავთ იმ ფაქტს, რომ დღესაც მთელ საქართველოში ჩვენი ერების წარმომადგენლები სრული თანხმობით და კეთილმეზობლური ურთიერთპატივისცემით ცხოვრობენ.

ჩვენ ვაცხადებთ, რომ არავის მივეცემთ ნებას ხელყოს ჩვენი ეს ფასდაუდებელი მონაპოვარი, რამეთუ კარგად ვუწყით: ჩვენი ურთიერთობის გაუარესებით დაინტერესულია მხოლოდ ორივე ჩვენი ხალხის მტერი.

ილია ჭავჭავაძის საზოგადოება;  
ადამონ ნიხასი.

ცხინვალე.

1989 წლის 21 ივლისი.

ასეთი ურთიერთდაპირებები საქმეს აღარ შევლოდა. ვითარებას ჩრდილოეთ ოსეთის ემისრები ამწვევებდნენ, რომელთაგან იმ ხანად ყურადღება მიიქცია პროფესორმა და გენერალმა ცოგოლოვმა, მოსკოვის სამხედრო ელიტასთან დაახლოებულმა ინტელიგენტურმა კაცმა. იგი ნაირნაირ ღონისძიებებს იგონებდა საქმის მოსაწესრიგებლად, სინამდვილეში, ნებით თუ უნებლიეთ, აღრმავებდა გაუგებრობას. არ წყდებოდა ხან ოსური, ხან ქართული მოსახლეობის აქციები. შიდა ქართლის შეწუხებული ქართველობა თბილისის ხშირი სტუმარი გახდა.

ნოემბრის დასაწყისში მათ მჯდომარე გაფიცვა მოაწყვეს მთავრობის სახლის წინ. დღის სამ საათზე ცხინვალიდან თხუთმეტკაციანი ჯგუფი ჩამოვიდა, რომელიც შეუერთდა აქციის მონაწილეებს. „ისინი სოლიდარობას უცხადებდნენ აფხაზეთის ქართულ მოსახლეობას. მათი მთავარი მოთხოვნაა — ეგრეთ წოდებული სამხრეთ-ოსეთის ავტონომიური ოლქი გადაკეთდეს „ცხინვალის ოლქად“. საღამომობით, რუსთაველის გამზირი გადაკეტილია, მიმდინარეობს მრავალათასიანი მიტინგი. გაფიცულებს თანადგომას უცხადებენ როგორც თბილისის, ასევე საქართველოს სხვა რაიონების მოსახლეობა“.

ამერიკული რადიოსადგური „განთავისუფლება“ იუწყება, რომ საქართველოს ეროვნულ-დემოკრატიული პარტიის თავმჯდომარემ გიორგი ჭანტურიაშვილმა ინტერვიუ ჩამოართვა არაფორ-

მალური ორგანიზაციის — „სამართლიან ოსთა ასოციაციის“ ლიდერებს.

ჩვენ წარმოვადგენთ საქართველოს ტერიტორიაზე არსებულ ოსთა ორგანიზაციას „სამართლეს“. — განუცხადებია მის მეთაურს ბორის დუდაროვს. — ჩვენი მიზანია, კვლავ აღორძინდეს ის ძმური ურთიერთობა, რომელიც მუდამ იყო ქართველთა და ოსთა შორის. ასე ფიქრობს ოსების უმრავლესობა. დაპირისპირება ხელოვნურადაა შექმნილი. ეს დაპირისპირება ნამდვილად მოიხსნება დემოკრატიული დიალოგით. რაც ხდება, ინსპირირებულია მესამე ძალის მიერ“.

ამ ვითარებაში გასაკვირი არ უნდა იყოს, რომ არც სამხრეთ ოსეთის ოფიციალური ხელისუფლება, არც „ადამონ ნიხასი“ და მისი თანამგრძნობები, არც ქართული არაფორმალურ გაერთიანებათა უმრავლესობა თანახმა არ იყო 23 ნოემბრის „მეგობრობის მარშისა“ ცხინვალში. ამას დაეინებით ითხოვდნენ ოსი თავკაცები, რომლებიც წინა დღეს ტელევიზიით გამოვიდნენ.

როგორც ვთქვით, მშვიდობიანი მსვლელობა მაინც შედგა. თბილისიდან ცხინვალისკენ ავტომანქანათა ქარავანი დაიძრა და ამას სერიოზული უსიამოვნებანი მოჰყვა.

მიუხედავად იმისა, რომ ეს საქმე ისტორიის კუთვნილებაა, დღემდე ნათელი არ არის, რა იყო ეს — შეცდომა თუ გარდუვალი აუცილებლობა?

თუ წასვლისას მოწინააღმდეგეთა არგუმენტები გარკვეულია, არც იმის დავიწყება შეიძლება, რომ ბოლოს და ბოლოს, სანამდე უნდა დაისაპყრო თავი, რა მიზეზითაც არ უნდა იყოს, ვილაცის დიქტატით, უარი თქვა შენი ხალხის ძველისძველ ქალაქში წასვლაზე. ასეთ დროს აწონილი უნდა იქნეს, როგორც ლოგიკური, ისე ემოციური მოტივები.

წაუსვლელობა ხომ შენს კანონიერ უფლებებზე ხელისაღების ნიშანია და არავის ეპატიება.

ზებედეს აზრით, პრობლემა ადგილობრივი ქართველობის მომავალზე ზრუნვამ გადაწყვიტა. ისინი უკიდურეს შექირვებასა და შევიწროვებას განიცდიდნენ. გაუგონარი ტერორის მიზეზით ამოწყვეტის პირას იმყოფებოდნენ. თუ ამ შემთხვევასაც ხელიდან გაუშვებდნენ, უძველესი საცხოვრისიდან ფეხი უნდა ამოეკვეთათ.

ბადრი უჯარმელის რწმენით, უკანდახევა საშვილიშვილო დანაშაული იქნებოდა.

ერთი იქაური ქართველი იმ დღეებში წერდა: „ცხინვალელო ძმებო, არ დაგავიწყდეთ ძველი სამაჩაბლო, ძველი ზემო ქართლი, ძველი სიყვარული და მამაპაპური ადათ-წესები. არ დაგავიწყდეთ, რომ ქართველების მამა-პაპათა საფლავებზე ცხოვრობთ. მათ საფლავებზე, ვინც ჩვენზე უკეთესად იცოდა სტუმართმასპინძლობის, მტერ-მოყვრობის, ძმობის, მეზობლობის და ნათესაობის ფასი“.

ძნელი მოსათმენია, როცა საკუთარ ოჯახში სტუმრად გადაგაქცევენ. იქიდანაც გაგრეკავენ და ამის მოგონების უფლებასაც მოგისპობენ.

სწორედ იმ დროს ცხინვალის ინსტიტუტში ქართული კონტიგენტი შეემცივრებინათ. ქართული სკოლა ყოფნა-არყოფნის წინაშე დამდგარიყო. პატრონი არსად ჩანდა. ოსები ორენოვნებას იცავდნენ. ქართულს რუსულით ცვლიდნენ, ქართული ენის გამოხრჩობით სრულ რუსიფიკაციას ანხორციელებდნენ. ეს იყო ცინიკური პასუხი ქართული ენის სახელმწიფო პროგრამაზე. პროფესორ ჯუსოითის მტკიცებით, ოსური ენის განვითარებაზე ზრუნვა შესაძლებელია მხოლოდ სამხრეთ ოსეთში. თითქოს, არ არსებობდეს ჩრდილოეთ ოსეთი. ასეთი მეთოდებით ცდილობდნენ მიეღწიათ ორი ოსეთის შეერთებას საქართველოს ხარჯზე და ფაქტიური ცენტრის ქართულ მიწაწყალზე გადმონაცვლებას.

ეს მეტი იყო, ვიდრე ქართველების აბუჩად აგდება. ყველასთვის ნათელი გახდა, სანამდღე შეიძლება მიგვიყვანოს წაყრუებამ და „მშვიდობიან მეზობლობაზე“ ლაყბობამ.

ოცდასამი ნოემბრის მშვიდობიან აქციას მხარეები მომზადებული შეხვდნენ. ეროვნულ-დემოკრატიულმა და ეროვნული დამოუკიდებლობის პარტიებმა აქტიურ მონაწილეობაზე უარი თქვეს. მიტინგის ჩატარება განზრახული იყო ცხინვალის სადგურის დიდ მოედანზე. მშვიდობიანად, ოსებისა და ქართველების მონაწილეობით, დიალოგში ორივე მხარეს საკუთარი პოზიცია უნდა გამოეხატა. აირჩევდნენ დელეგატებს. ჩამოაყალიბებდნენ თავიანთ თვალსაზრისს. განაცხადებდნენ, რომ არავითარ შემთხვევაში არ დაუშვებდნენ, საქართველოს.

დაქუცმაცებას. საქართველოს ხელისუფლებამ უარი თქვა მიტიინგის დაცვის გარანტიებზე. „ეროვნული ხსნის კომიტეტი-სა“ და გივი გუმბარიძის შეთანხმების საფუძველზე, გადაწყდა მიტიინგი ქალაქის მისადგომებთან გამართულიყო.

იმ დროს, როცა კორდონი მოიხსნა და დემონსტრანტები ცხინვალში უნდა შესულიყვნენ, ჯარისკაცებმა გზა ჩახერგეს, ხოლო ქალაქიდან კორდონს მოსახლეობა მოადგა, რომელიც დემონსტრანტების პირისპირ აღმოჩნდა. წარმოიშვა რთული სიტუაცია, რომლის მოწესრიგება აღარავის შეეძლო. შეხლა-შემოხლას შეიძლება მწარე შედეგები მოჰყოლოდა. მიტიინგი ჩაიშალა. დარჩა დამშეული, არეულ-დარეული, უძილობით, სიცივით გამწარებული ხალხი. არც დელეგატების არჩევა და დიალოგი გამოდიოდა.

თბილისელმა ორგანიზატორებმა დემონსტრანტებს ზღუდერის ტყესთან მოუწოდეს, სადაც უამრავმა ხალხმა მოიყარა თავი. აქ ვითარების შესაფასებლად დაუვიწყარი სიტყვა წარმოთქვა ბადრი უჯარმელმა. დააშოშმინა და გზაზე დააყენა ჩამოსულეები.

ამ მომენტიდან ვითარების მიუკერძოებლად შეფასება იოლი აღარაა. უდავოა მხოლოდ ის, რომ აქცია გაითიშა, ერთი ნაწილი თბილისში გაემგზავრა, ხოლო „მხედრონი“, რომელსაც დასაწყისში დემონსტრაციის ბადრაგი ევალეობოდა, „ქართული მოსახლეობის დასაცავად გაემართა“.

აქედან მოკიდებული დღემდე, როცა ეს წიგნი იწერება, ოლქის ტერიტორიაზე დაძაბულობა აღარ შენელებულა. დაინტერესებული წრეები, როგორც შიგნით, ისე გარედან შეთოდურად ამწვავებენ ურთიერთობას და საქმე იქითკენ მიჰყავთ, ისეთი რამ მოახდინონ, რომლის შემდეგაც, ერთმანეთის მეზობლად ცხოვრება ყოვლად შეუძლებელი გახდესო. რაღაც რიცხვს ასახელებდნენ, ამდენი და ამდენი კაცი უნდა შეაკლან ქართველებს, რათა გენოციდში ბრალი დასდონო.

იოლი სათქმელია ოსებსა და ქართველებს ისტორიული მეგობრობა აკავშირებს. ნათესაობა, მოყვრობა, სიყვარული, ახლა, ისე უნდა ეომო, არ შემოგაკედეს, გენოციდი არ დაგწამონ, საკუთარი სიცოცხლე განსაცდელში უნდა ჩაიგდო.

ნომბრიდან ცხინვალის ქუჩებში სამარცხვინო ლოზუნგები გამოჩნდა. „ქართველებო, წაეთრიეთ ოსეთიდან!“

საკუთარ თვალს ვერ დაუჭერებ, რომ ასეთი რამ შეიძლება მოხდეს.

არა, ამას აქაურები არ ჩაიდენენ! არც „ადამონ ნიხსი“!

მეგობარი, მოყვარე თბილისელი ოსებისათვის, რომლებსაც ყოველდღე ვხვდები, თვალში ველარ შეგიხედავს.

გამწარება რას არ აფიქრებინებს და ათქმევინებს ადამიანს.

„მოვხვიოთ ხელი და გადავრეკოთ, საიდანაც ჩამოხეტებულანო!“ — გაისმოდა აქეთ-იქიდან.

ჩვენს ერთგულებას იარაღს უტარტარებდნენ: „თუ მართლა ოსი ხარ, რატომ გვერდით არ გვიდგებარ ქართველებთან ომშიო!“

„სოვეტონ ირისთონი“ წერდა: „ვის აძლევს ხელს ასეთი წერილები? ჩოჩიევის ნათქვამი ოსი ხალხის აზრს არ გამოხატავს. ეს სჭირდებათ მათ, ვისაც სწადია ერთა შორის შუღლის გაღვივება, ქართველთა და ოსთა ძმური ურთიერთობის მოშლა!“

\* \* \*

აურაცხელი მასალა გროვდებოდა, რომ ოს-ქართველთა ურთიერთობას გარეშე ძალები ამღვრევდნენ. აკოწიწებდნენ „მეხუთე კოლონას“. ქედს გადაღმიდან გზავნიდნენ თავიანთ ემისრებს. იყენებდნენ საკავშირო ინფორმაციის საშუალებებს. მოსახლეობას აბრიყვებდნენ ცრუ დაპირებებით. ეპატრონებოდნენ როკის უღელტეხილს; იყენებდნენ მას იარაღის შემოსაზიდლად.

იანვარში ცნობილი გახდა მოსკოვიდან საქართველოში მოვლინებული პოლკოვნიკ ძიოვევის ერთა შორის შუღლის გამომწვევი პროვოკაციები.

„სარანგმა“ მის მიერ საკავშირო შინსახკომში ცხინვალის რაიონის გაგზავნილი რამდენიმე დეპეშა გამოაქვეყნა.

„დეპეშა ცხინვალიდან: მოსკოვში, სსრკ შინაგან საქმეთა



სამინისტრო: თქვენს სიტყვიერ შეკითხვაზე გაცნობებით, რომ 1989 წლის 23 ნოემბრიდან დღემდე ადგილი ჰქონდა მოსახლეობის წამების ოთხ შემთხვევას: 16 დეკემბერს ცხინვალის რაიონის სოფელ კეხვში რესპუბლიკის სხვა რაიონებიდან მოვლინებული თანამშრომლები აჩერებდნენ ტრანსპორტის საშუალებებს, გადმოჰყავდათ და ქართული ეროვნების შეიარაღებულ ექსტრემისტებს გადასცემდნენ მგზავრებს. ოსი ეროვნების თექვსმეტი მოქალაქე მიიყვანეს შტაბში, ცხინვალის რაიონის სოფელ ქემერტაში, სადაც ისინი არაადამიანურად აწამეს: ცემეს თოფის კონდახებით, დაწნული რკინის მათრახებით, აიძულებდნენ საბანაოდ შესულიყვნენ მდინარე ლიახვში, მოპარსეს და ჩააყლაპვინეს ულვაშები. სამი მათგანი მოთავსებულია საავადმყოფოში.

იმავე წლის 26 დეკემბერს ქართველი ეროვნების შეიარაღებულმა რაზმმა და ჩამოსულმა არაფორმალეზმა ცხინვალის რაიონის სოფელ თამარაშენში შეიპყრეს ამავე სოფლის ოსი ეროვნების ოცი მაცხოვრებელი, მიიყვანეს ისინი შტაბში და არაადამიანურად აწამეს. რამდენიმე დღელამის შემდეგ ჩააბარეს სამხრეთ-ოსეთის საავადმყოფოს, სადაც ერთი მათგანი — 1938 წელს დაბადებული გოთირ ნიკოლოზის ძე ტაგიევი მიყენებული სხეულის დაზიანებისგან ოცდარვა დეკემბერს გარდაიცვალა.

პირველ იანვარს ცხინვალი-ჯავის გზით მიმავალი ქალაქ ცხინვალის მცხოვრებნი ვ. კ. ხუბეევი და გ. ა. თედეევი დააკავა ქართველი ეროვნების შეიარაღებულმა ჯგუფმა, მიიყვანა შტაბში, სადაც მიაყენეს სხეულის მძიმე დაზიანებები.

1989 წლის 30 ნოემბერს ქართველი ეროვნების ათამდე კაცისგან შემდგარი შეიარაღებული ჯგუფი შეიჭრა ცხინვალის რაიონის სოფელ ერედვის მცხოვრებ ვ. კ. კასაივის სახლში, ტყვიით დაცხრილეს, გაჩხრიკეს, გადავიდნენ იმავე რაიონის სოფელ ოტრეევი, 30-დე გასროლა მოახდინეს გარაეში, რის შედეგად დაიჭრა ოთხი ოსი, რომელთაგან ორი მძიმე მდგომარეობაშია.

ექვს დეკემბერს ქართველი ეროვნების შეიარაღებული ჯგუფი თავს დაესხა სოფლებს: ვალების, პრინეს, ზოვლეთს ზნაურის რაიონში, ექსტრემისტებმა დაცხრილეს სახლები, გაჩხრიკეს სამი სახლი.

ქართველი ეროვნების შეიარაღებულმა რაზმმა „საკუთარი სახლიდან გაიტაცა ვ. მ. ბოლოთაევი, რომელსაც სხეულის მძიმე დასახიჩრება მიაყენეს.

თორმეტ დეკემბერს ზნაურის რაიონის სოფელ უბიათაში ქართველი ეროვნების შეიარაღებული ჯგუფი თავს დაესხა ო. გ. ვალიევის სახლს, წაართვეს ათასი მანეთი, ოჭახის ნივთები, წაიყვანეს შტაბში, გორის რაიონის სოფ. მერეთში, საიდანაც რამდენიმე ხნის შემდეგ გამოუშვეს, მაგრამ ფული და ნივთები არ დაუბრუნებიათ.

სოფელ ავნევში შეამტერიეს „ავტოვაზის“ ფილიალი და გაიტაცეს სათადარიგო ნაწილები.

14 დეკემბერს ღამით თავს დაესხნენ ცხინვალის რაიონის სოფელ ანდისს, დაცხრილეს სახლები, დაარბიეს და სცემეს მცხოვრებნი. ასი კაცი. საავადმყოფოში ღაფავს სულს. საპასპორტო მონაცემებით, ოლქიდან ჩრდილოეთ ოსეთის ავტონომიურ რესპუბლიკაში გახიზნულია ორასამდე ასაკოვანი და ათასორასი ბავშვი.

ოლქი რძისა და რძის პროდუქტების მწვავე ნაკლებობას განიცდის.

გრძელდება ოლქის გზებზე თავდასხმები, ჩხრეკა და ძარცვა.

გაფიცვების თაობაზე მონაცემები არ მოგვეპოვება“.

ხელს აწერს სსრკ შინაგან საქმეთა სამინისტროს „გუჟურის“ სამქართველოს უფროსის მოადგილე: მილიციის პოლკოვნიკი ბ. ბ. ძიოევი.

ამ დასმენებში, რა თქმა უნდა, ერთი სიტყვაც არაა ნათქვამი, რა ღლეში აგდებდნენ ქართველებს დამსმენთა მიერ წაქეზებული სეპარატისტები.

თმა ყალყზე დაგიდგებათ!

რაც სამაჩაბლოში იმ შემოდგომასა და ზამთარში მოხდა, სამარცხვინო ლაქად დარჩება ორი ხალხის ურთიერთობაში, სიფხიზლისა და მზადყოფნისაკენ მოგვიწოდებს.

ამასვე შეგვახსენებს № 145 ჯავშანტრანსპორტიორი, რომელიც „მედგრად იცავდა“ სოფელ ერგნეთის მისადგომებს. შემდეგ ქალაქ ცხინვალის მილიციის მუშაკების, ბითაროვისა და თეკაევის მეთაურობით აწიოკებდა ზნაურის რაიონის ქარ-

თველუ მოსახლეობას. ჯავშანტრანსპორტიორს თან დაჰყვებო-  
და სეპარატისტების რაზმი, რასაც მოწმობს მათ მიერ დატო-  
ვებული თვითნაკეთი ყუმბარები და ვაზნები.

\* \* \*

თბილისში გამაყრუებელი სიგნალით მიმოჰქრიან მანქანე-  
ბი. ტრანსპორტი დრო და დრო ისევ იფიცება. მოშიმშილე-  
ები ადგილიდან ადგილზე გადადიან. ბოძებზე წებოშეუშრო-  
ბელი ლოზუნგები მოუწოდებდა: „გაუმარჯოს დამოუკიდე-  
ბელ საქართველოს!“ მეგაფონები საგანგაშო ცნობებს ავრ-  
ცელებდნენ. მიყუჩებულ „ცხელ წერტილებში“ კვლავ წამო-  
უყვიათ თავი. „ბორჩალოს თათრები სამგორის მეტროს შე-  
მოდგომიანო“. „აფხაზებისთვის იარაღი დაურიგებიათო!“

გრილა. შიგადაშიგ წვიმს. გორის რაიონის ოსურ სოფ-  
ლებშიც შემოულწევიათ. „ცენტრის“ უხილავი შტაბი მოსვე-  
ნებას არ გვაძლევს.

რა გარდაქმნაზე, დემოგრაფიაზე, ეკოლოგიასა და ეკონო-  
მიკაზე შეიძლება ლაპარაკი.

ბნელი ძალები წუთით არ წყვეტენ მითქმა-მოთქმას, რომ  
თბილისის გარშემო ციმბირიდან ჩამოყვანილი ჯარებია გან-  
ლაგებული და საცაა შემოვლენ. ხელისუფლება იძულებულია  
ორჭოფული უარყოფით გამოვიდეს: „უმალღესი საბჭოს პრე-  
ზიდიუმი კატეგორიულად აცხადებს, რომ მას არავითარი გა-  
დაწყვეტილება არ მიუღია თბილისში ჯარის შემოყვანის შე-  
სახებ“.

საკავშირო დეპუტატთა ყრილობა და სესიები, საიდანაც  
„სახელმძღვანელო ჭორები“ და პროკლამაციები ვრცელდე-  
ბა, დაძაბულობის ბუდედ ქცეულა.

— ჩვენებიც ახლა დაერივნენ ერთმანეთს! — წუხს მარ-  
ტოლეკი.

— ეს არ გვლუპავს!? მაგათ რომ ცხინვალში თანხმობა  
ჰქონოდათ, დამთავრებული იყო.

— თანხმობა! — გაწიფინდა ყმაწვილი პოლიტიკოსი, რო-  
მელიც თავის თავს ერთ-ერთი მიმართულების ლიდერად  
თვლიდა.

— თანხმობა გასაკიცხია? — მიაჩერდა ზებედე. — შინაგანი შუღლი და გათიშულობა გვლუპავდა მუდამ.

— პოლიტიკური პრინციპები? — აღელდა ჭაბუკი.

— მომენტი სრულ შეკავშირებას ითხოვს. ამ ეტაპზე ყველა პარტიას ერთი პროგრამა უნდა ჰქონდეს, ორი-სამი მუხლისგან შედგენილი.

— ესკიმოსები ხომ არ ვართ! პოლიტიკური ცხოვრების ათასწლოვანი ისტორია გვაქვს.

— არ მწამს ყმაწვილების პოლიტიკა! დრო იყო, ორმოცდაათ წლამდე ადამიანს ეკრძალებოდა პოლიტიკაში ჩარევა. ამას დიდი სიბრძნე, გამოცდილება და აწონ-დაწონა სჭირდება. ჩვენთან ერთ-ორ მიტინგს დაესწრო, ერთი-ორი პროკლამაცია გააკრა და წინასწარმეტყველია.

— ჩვენში პოლიტიკა სულაც არ არსებობდა, მაგრამ თავი არ მოგიკლავთ, — გაცხარდა ჭაბუკი.

— იმ პოლიტიკაზე არ მოგახსენებ, რომელიც არ არსებობდა. ის მაგონდება, ფილოსოფოსები რომ გვირგვინად სახედნენ. როცა თავიანთ კლასიფიკაციებში ღირსების მიხედვით დაალაგებდნენ ცოდნისა და ხელოვნების დარგებს, ყველაზე მაღლა, ფილოსოფიისა და პოეზიის ზემოთ, პოლიტიკას ათავსებდნენ. სიბრძნესაც განასახიერებდა და ხელოვნებასაც. მაშ, ეს არის კარგი, რომ წელს, ჩემს თვალწინ, რამდენი სკვერიცაა თბილისში, იმდენი პოლიტიკური პარტია შეიქმნა!? რა მოარიგებს ამ პარტიებს!? ზოგს სახელიც ვერ გამოუძებნია და ჩხუბი მოსდით; მე შენზე ადრე დავაარსეო. განსხვავებას კი ვერ აგიხსნიან.

— თქვენ რას გიშლიან: ბინას გთხოვენ თუ ჯამაგირს?!

— მეშინია, ეს ჩვენი პოლიტიკა პოლიტიკანობად არ გადაგვექცეს. როგორც ვხედავ, უკვე იწყება „მემარჯვენე“ და „მემარცხენე“ გადახრები. მალე ჩვენი „ტროცკისტ-უკლონისტებიც“ გამოჩნდებიან. სახელწოდებებისა და ტიტულების დატაცებასთან ერთად, აზრის მონოპოლიზებაც დაწყებულია.

ნიუანსები თანამოაზრეთა შორისაც არსებობს. იგი ცხრა აპრილსაც შეიმჩნეოდა. მერმე უფრო და უფრო გაღრმავდა. ინდივიდუალური თვისებებისა და მისწრაფებების მიხედვით.

განსხვავებათა დაპირისპირება დაძაბულობის გაღრმავებებს იწვევს. შეიძლება, უსაგნო „პრინციპულობასა“ და ფანატრიზმშიც გადაიზარდოს.



სამაჩაბლოს ამბებში დაპირისპირებამ შავი ნაყოფი გამოიღო და უკიდურესად დაძაბა ურთიერთობა.

ერთნი ეთნიკური ურთიერთობების ლიბერალიზაციას მოითხოვდნენ. „თურქი-მესხებისადმი“, როგორც თანამემამულეებისადმი, მეტ შემწყნარებლობას. ლეკების მიმართ — კავკასიურ სტუმარ-მასპინძლურ დამოკიდებულებას.

„პარტიულ პრესაში“ უამრავი მასალა ქვეყნდებოდა საკუთარი პოზიციის დასაცავად. ეს შეერიგებას კი არ უწყობდა ხელს, არამედ ესკალაციას და პოლარიზაციას. ზოგნი მწვავე, ხანგრძლივი გაფიცვების წინააღმდეგ გამოდიოდნენ. ისინი მკაცრად გმობდნენ და „ნეობოლშევიზმად“ აცხადებდნენ რადიკალიზმს ამ საკითხებში. ძნელი სათქმელია, რა იყო ეს, რეფორმიზმი და უკანდახევა თუ პროგრამისადმი ერთგულება. ვერ გაიგებდი, პრობლემის ანალიზს მიჰყავდა ისინი განსხვავებულ პოზიციამდე თუ დაპირისპირების აკვიატებულ სურვილს.

კონსოლიდაციაზე ლაღადისმა, რომელიც ცხინვალის ამბებს რამდენიმე თვით წინ უსწრებდა, ანტაგონიზმი თითქმის უიმედოდ გაამწვავა.

უსიამოვნო გრძნობას ბადებს ზოგიერთი ოპონენტის გაწიწმაცება, რაც აკარგვინებს ეროვნულ ინტერესებს და მიუტევებულ დანაშაულს სჩადის.

ამავე დროს „ერთიანობა“, „კონსოლიდაცია“ და „შეკავშირება“ პირზე აკერიათ, თუმცა დაქსაქსულობისთვის ყველაფერს აკეთებენ, ერთიანობისთვის კი — არაფერს.

ზოგიერთის გარჯილობაში ზიზღისა და გაბოროტების მეტს ვერაფერს იპოვით. კარგის დანახვა არ სურს და არ ძალუძს. ზიზღისა და ბრმა სიძულვილზე აგებულ პოლიტიკას და პრობაგანდას არავითარი წარმატების იმედი არ უნდა ჰქონდეს.

თვითმკვლელობაა, როცა საწინააღმდეგო ეფექტს მოელო,

მაგრამ ტონი, შენიღბული გულის ნადები, გესლი ბოროტ ზრახვებში გამხელს. როცა ვერ ფარავ, ვინ ხარ და რას აპირებ. „ისტორიის წინაშე მართალი ვეღარ იქნები“, რადგან ისტორიას სიალალმართლე უყვარს და მისი გამოცნობაც შეუძლია.



ზამთარმა ცხარე შეხლა-შემოხლაში ჩაიარა. არც ერთ რეგიონში გარდატეხა არ მომხდარა. ოცდახუთი მარტისთვის საქართველოს უზენაესი საბჭოს არჩევნებისთვის ემზადებოდნენ, რომელსაც ეროვნულმა ძალებმა ბოიკოტი გამოუტყბადეს, როგორც „საბჭოთა არჩევნებს“, რაც იმას ნიშნავდა, რომ განწირული იყო.

მიუხედავად ამისა, ის წრეები, რომლებიც აზრზე არ იყვნენ, რა ხდებოდა მათ გარშემო, „პარლამენტირიზმით“ ირთობდნენ თავს. მეცნიერებათა აკადემიამ უარი თქვა 25 მარტის არჩევნებში ბოიკოტისგან. „მეცნიერებმა ერთხმად გადაწყვიტეს, აქტიური მონაწილეობა მიიღონ არჩევნებში“.

არაფორმალურ ორგანიზაციათა ლიდერებმა ფორუმი შეაღვეს.

იანვარში სამაჩაბლოში გაჩაღებული ტერორის პასუხად, თბილისში, მთავრობის სახლთან, მასობრივი შიმშილობა დაიწყო, რომელშიც ყველა ძირითადი პარტია მონაწილეობდა. მოითხოვდნენ თბილისში პოლიტიუროს წევრების ჩამოსვლას. საქართველოს დამოუკიდებლობის აღდგენას. დიალოგს ეროვნული ხსნის კომიტეტთან.

### 3.

ადამიანის შესაძლებლობები მკაცრად არის განსაზღვრული. 1989 წელს თავს დატეხილ უბედურებებს შეეძლო წელში გაეტეხა ქვეყანა, ფიზიკურად, მორალურად, ფსიქიკურად დაესაპყრებინა; მტრების იოლ ნადავლად ექცია. თუ ეს არ მოხდა, თუ უთანასწორო ბრძოლიდან უფრო გაკაჟებული გამოვედით, ჩვენს ხასიათს უნდა ვუმადლოდეთ.

განსაცდელს გვერდით მაინც არ ჩაუვლია. მერაბ კოსტა-

ვა შეიწირა და საშიში შინაპოლიტიკური მემკვიდრეობა დაგვიტოვა.

ყველაფერი ღეთისგანაა. ასეთ მოვლენებში ბრალს ვერავის დასდებ. საერთო 'მენდობისა და მიტევებისთვის უნდა ილოცო. ღმერთმა ყველა მონანიების მადლით აღაესოს და ახალ ცოდვათაგან იხსნას.

აფხაზეთის, ქვემო და შიდა ქართლის, მესხეთ-ჯავახეთის კრიზისების პროცესში ახალი სიმწვავეით წამოიჭრა შუა აზიაში სტალინის მიერ გასახლებული მესხეთის მოსახლეობის პრობლემა, რასაც ახლა ტრაგიკულ ხასიათს აძლევდა ფერგანის რბევა და ხოცვა-ჟლეტა. ვინც რა უნდა თქვას, ძნელი წარმოსადგენია ისეთი ქართველი, რომელიც სისხლხორცეულად არ განიცდიდეს ამ უბედურ ადამიანთა ბედს.

მთელი ტრაგიზმი ის არის, რომ მის სასარგებლოდ და საწინააღმდეგოდ თანაბარი ძალის არგუმენტები მოიპოვება.

ისტორიიდან ვიცით, რომ საქართველოს ნგრევა სამცხე-საათაბაგოდან დაიწყო. შემდეგ, რუსუ ი ორიენტაცია იმის ნაყოფად მოგვევლინა.

ჩვენმა ავისმოსურნეებმა იცოდნენ ეს საიდუმლო და ვერაგულად სარგებლობდნენ ამით.

ბოლოს და ბოლოს, ყველა წინააღმდეგობამ ამ ფოკუსში მოიყარა თავი და უღმობელი ხასიათი მიიღო. წერდნენ სპეციალისტებიც და დილეტანტებიც.

ისედაც მტკივნეულ პრობლემას აც კუთხე და იარები გაუშიშვლეს, ამას მჭიდროდ გადაეკვანძა სამხრეთ საქართველოში სტიქიით ბუდეაშლილი სვანებისა და აჭარლების ჩამოსახლება.

ბრეთის ინციდენტს გავიხსენებთ. იქაური მოსახლეობა ნათესაური გრძნობით მიეგება გადასახლებიდან დაბრუნებულ დვალიძეების ოჯახს, მაგრამ სხვადასხვა პოზიციაზე მყოფი მხარეების ჩარევით ურთიერთობა უკიდურესად გამწვავდა და ხელჩართულ შეტაკებამდე მივიდა...

ეროვნული მოძრაობის მეთაურებს, უპირველესად, მერაბ კოსტავას, იმ ზაფხულს განუწყვეტლივ უხდებოდათ რაიონებში მოგზაურობა.

ქართველ საზოგადოებას, რომელიც გულისძგერით აღევ-

ნებდა თვალს მის გამოსვლებს, ერთ დღეს მოულოდნელმა ამბავმა დასცა თავზარი: მერაბ კოსტავა დაიღუპა, ზურაბ ჭავჭავაძე მძიმე მდგომარეობაში მიიყვანეს საავადმყოფოში. თამარ ჩხეიძეც დაშავდაო.

ორი დღის წინ მისი ხმა ზარივით რეკავდა ტრიბუნიდან: „სიკვდილი ან გამარჯვება!“

ადამიანი მაშინ აღიქვამს პიროვნების მნიშვნელობას, როცა მას ჰკარგავს. აქამდე მერაბ კოსტავას ხალხი იცნობდა როგორც ტანჯულ მამულიშვილს და ფანატიკურად ერთგულ მეგობარს. ახლა კი, ერთბაშად, ეროვნული გმირობის მაგალითად იქცა. ასეთი მაგალითი კი საქართველოს რა ხანია, აღარ ჰქონია.

ქართველს წმინდა ცრემლი დაუგორდა ღაწვებზე.

ახლა მიხედნენ, რას ნიშნავდა ამ ნატანჯი, უდროოდ გათეთრებული ვაჟკაცის თუნდ ერთი გამოჩენაც აღმოდებულ ტრიბუნაზე, საბრძოლოდ შემართული მისი მარჯვენა. მოახლოებულ საფრთხეში სიმშვიდით გამამხსნევებელი მისი გამოხედვა. სიამაყე, რომ ის შენი სისხლში და ხორცია.

რა სანახავია თანამებრძოლთა შორის! კუშტი, შეუპოვარი და ალაღმართალი.

ის დაიღუპა ბორითთან, 13 ოქტომბერს.

მეჩხერი ტყე. ჩამტვრეული კარები. მწირი, უღიმღამო პეიზაჟი. არარაობის განცდა. წარმავალობის ელდა. გზატკეცილზე სისხლის ლაქები. მიყრილ-მოყრილი ქვები.

დაგრეხილი რკინა.

ელვის სისწრაფით მიჰქროდაო მანქანა. აღელვებულ სახეებს მოვკარით თვალი. ვილაც კაპასობდა და კიოდა.

რას არ იტყვიან! ტრაგიკული ამბები მუდამ იღუმალებითაა მოცული.

„მერაბ, არ მოკვდე! არ მოკვდე, მერაბ!“

ახლა ის მანქანა დამსხვრეულია და მასთან ერთად, ბევრი რამ.

ორი დღე-ღამე სიონში ესვენა. როგორც პირველმოწამე და ასკეტი. მოციებს მერაბის დედის სიტყვები: „ბავშვობაში ზვიადს არასოდეს უთამაშნია. სულ პატარაც კი, როდესაც ჩვენთან მოვიდოდა, სულ პოლიტიკაზე ლაპარაკობდა“.



19 ოქტომბერი. ხუთბაშათი. პირველ საათზე მგლჯოვიარე ხალხი გუნების აღმართზე ავიდა. ეზოში სამგლოვიარო მიტინგია. წაბლისფერი თმაგაშლილი გოგონა, წითელი მიხაკების ვეება ჯვრით. წითელი ჯვრები. ჯვრები. ნინოს ჯვარი (ალბათ, ზვიადისგან!). წითელი მიხაკების დაფაზე თეთრი მიხაკების ნინოს ჯვარი. თეთრი მიხაკების დაფაზე ქართული საეკლესიო დროშების ფორმის წითელი მიხაკების ჯვრები. ვარდისფერი მიხაკების ჯვარი. ბევრი, უთვალავი ჯვარი ყვავილებისა.

შაეჩოხიანი ჭაბუკები ხევისურულად აღკაზმული. დახრილი ქართული დროშებით.

შავი, ყურყუმა ცხენი, შავნაბადგადაფენილი. მის უკან შავნაბადში გახვეული ჭაბუკი.

მერმე, მანქანაზე, ქართულ დროშებში მერაბი ასვენია. ნეტარად გაბრწყინებული და მდუმარე. მჭიდროდ შეკრული ხალხი მოჰყვება. მეორე რიგში ბადრი უჯარმელი თანამებრძოლთა შორის.

შინ არავინ დარჩენილა. თბილისი ქუჩებსა და მოედნებზეა გამოსული. გიორგობისთვის ქარი ქრის, მზე კი ალერსიანად ემშვიდობება მიმავალს.

უჯარმელს გვერდით ზღვისფერი ჟიგული მიჰყვება. იქ ლაშქარავას ჭირისუფლები სხედან.

მძიმე, მდუმარე პროცესიაა.

ხანგრძლივი პაუზებით, წყნარი, წყვეტილი სამგლოვიარო ჰანგები თავისით, შეუმჩნეველად იღვრება საიდანაც.

მთელი საქართველო ავიდა მთაწმინდაზე. მთელი საქართველო ღვრიდა ცრემლს. სამფეროვანი დროშები მიჰქონდათ. შავარშიანი. ეს დაბადებას ნიშნავდა და არა დაკრძალვას. საითაც გაჰხედავ, ცრემლით სავსე თვალებია.

რა სიყვარული ვიცი!

გუგუნებს სვანური ზარი.

ლალი, ნაღვლიანი „შავლეგო“.

ზებედეს დაამახსოვრდა შავი ცხენი, წინ რომ მიჰყვებოდა პროცესიას. მწუხარე, დაოკებული სიშმაგით და თვინიერი თვალებით.

„ისტორიამ კიდევ ერთი „საშვილიშვილო სამარე“ შესძინა მთაწმინდის მიწას“.

ბევრს ვკამათობდით იმის შესახებ, თუ რა არის საქართველოს უბედურების მიზეზთა მიზეზი, საიდან უნდა დაიწყოს აღორძინება? რა გადაგვარჩენს? რას მივხედოთ უწინარეს ყოვლისა.

ზოგი ეკონომიკური ქაოსით ხსნიდა ქვეყნის დაქცევას. ზოგს ტექნიკური ჩამორჩენილობა აწუხებდა. უმრავლესობის აზრით, საქართველოს დამოგრაფიული კატასტროფა ემუქრებოდა.

— თუ ზნეობას არ მივხედეთ, ვერაფერი გადაგვარჩენს. — ამოიკენესა ვიოლამ. — სინდის-ნამუსია გაწყვეტილი. ადამიანს თავის თავის მეტი აღარავინ და აღარაფერი ახსოვს.

— გეთანხმებით! — სახე გაუბრწყინდა ზებედეს. — ქართველების უპირველესი მტერი ეგოიზმია.

— ეგოცენტრიზმი! — დააზუსტა ვიოლამ.

— სამოცდაათმა წელმა მთლიანად გადაარცხა მორალი?

— ეს იოლად გამოსწორდება! — დამცინავად წარმოთქვა სტეპკო სვირინგიამ. — შეიცვლება ცხოვრება, შეიცვლება ზნეობაც.

— ვითომ?! თუ ჩვენ არ ვიზრუნეთ, შეიძლება უარესი მოჰყვეს.

— შემოვა უცხოეთის კაპიტალი. გვეყოლება ჩვენი ბიზნესმენები; დავდებთ ხელშეკრულებებს და უზნეობაც აღმოიფხვრება.

— მე მაგის მეშინია. თუ კვაჭობა და „მარიფათი“ არ მოვიშალებთ, მსოფლიოში მოგვეჭრება თავი.

— მართალი ხარ. ბიზნესი პატიოსნებას ითხოვს, ჩვენ კი, სხვანაირად გვესმოდა.

— არაპროფესიონალიზმი და არაკომპეტენტურობა გვლუპავს! — ჩაეცინა სვირინგიას.

— ესეც უზნეობითაა. არაპროფესიონალიზმი და არაკომპეტენტურობა უმეცრების, გაუნათლებლობის, პროტექციონიზმის პირმოა.

— სწორია! — მიეშველა მარტოლეკი. — დღეს დაღბინებული ისაა, ვინც სხვისი ძარცვა-გლეჯის მეტს არაფერს აკე-

თებს! გაუძაძღრობის ჭია უნდა გაქრეს ჩვენი ხასიათი-  
დან.

— ყოჩაღ შენს ქართველობას! — შესძახა სვირინგიამ. —  
ფულის კეთებას მარტო ჩვენში მისდევენ?

— ყველამ თავის საქმეს მიხედოს! — წაიჩურჩულა ვიო-  
ლამ. — ქართველებმა ზნეობრივი კავშირი უნდა შევკრათ.  
ტრადიციები გამოვაცოცხლოთ. ქართული პატიოსნება მთელ  
ქვეყნიერებაზე განთქმული იყო. საქართველო საქმოსნებს,  
თვალთმაქცებს, ქურდებს აღარ დავანებოთ. ჩემს ჟურნალის-  
ტურ მოღვაწეობაში ამისთვის ვიკლავდი თავს. ამიტომ ამომ-  
ხადეს სული ხორციჭამია ფსიქიატრებმა.

— უნდა დაიგმოს! — სახე აელეწა მარტოლექს. — ველარ  
გაიგებ, რისთვის და რითი ნებიერობენ ჩვენი ბობოლები. ევ-  
როპაში თუ ვინმე მდიდრდება, ცოდნით, შრომით, ტვინით და  
კაცურკაცობით. ღორობა სამარცხვინია.

— გეთანხმები! — ჩაერია უცნობი. — არაფერს ქმნი, ხალხს  
არაფერს აძლევ და ყველაფერი შენია.

— მიეჩვივნენ, რომ დამნაშავეს არაფერს სჯის. ციხეები უდა-  
ნაშაულყო და უპატრონო ხალხითაა გატენილი. მდიდარი ყვე-  
ლასთან მართალია. ამან გარყვნა ყველაფერი. არსად ასე არ  
ეზიზღებათ სიმართლე.

— უკან-უკან მივდივართ. მაფია არსად ასე არხეინად არ  
გრძნობს თავს.

ამ სიტყვაზე ელდა ეცათ. საქართველოში „მაფიას“ ტაბუ  
ჰქონდა დადებული. იგი სხვა ქვეყნებში, სხვა მოკავშირე რეს-  
პუბლიკებში ბოგინობდა. აქ ვინ გაბედავდა ამის გაფიქრებას.  
ყველა თავისებურად პატრიოტობდა და მამულიშვილთა სიებ-  
შიც სულ ზემოთა სტრიქონი ეკავათ.

ეგოცენტრიზმს პირბადე აუფარებია. მომხვეჭელობა უზ-  
რუნველად შლიდა ფრთებს. ცოტა, ამ ორმოციოდე წლის წინ,  
ისიც კარიერისთვის, უშიშროების გენერალმა რუხაძემ და-  
აფრთხო, თორემ, სხვა ვინ გამოიდებდა თავს.

უკანონობა კანონად იქცა. „შეაჩერეთ საქვეყნო გარყვნი-  
ლება!“ — დავიხოცეთ, აღარ შეგვიძლია. გმინავს ხალხი გულ-  
ში. ხმამაღლა ვინ გაბედავს.

მძარცველებს „კონცერნი“ დაუარსებიათ.

— აქ ხომ ხეირი დაგვაყარეს, ახლა საზღვარგარეთაც ნახეთ!

— ნუთუ, ხმას არავინ ამოიღებს?!

— გაგყდნი?! ხომ დაჭამეს!

— ნახეთ, რა ტიტულებით ბრძანდებიან შემკობილი! მეცნიერის ხელოვანის ლაურეატი! აკადემიკოსი! დაეჭიდე თუ ვაჟკაცი ხარ! ყური უგდე მაგათ ქაჭურ პატრიოტიზმს! შეფარულ მუქარებს! „ჩუმაღ, თორემ, შეიძლება ყველაფერი უფსკრულში გადაიჩეხოს!“ „უცხოეთის რადიოსადგურები გვლანძღვენო!“ თითქოს, თუ ხმას ჩავიწყვეტთ, აღარ გაგვლანძღვენ.

— ჩვენი მილიონერები აღარ გვჭირდება! — ქედმაღლურად მიაჩერდა სვირინგია.

— გვჭირდება, პატიოსნად გამდიდრებულნი და ზნეობრივი მილიონერები.

— ნაღდი და მართალი ყველაფერი გვინდა! — ჭიუტად თქვა ვიოლამ.

აგონდებოდა პანაშვიდი, სადაც ბაზარში სახელდახელოდ ნაყიდი ყვავილებით მივიდა. ჰირისუფალმა რისხვით შეათვალიერა და ბრძანა, შეუმჩნეველად გაეტანათ ეზოში. წაიღეს და აღარ გამოუჩენიათ. ნაგვის ყუთში გადაუძახეს. თვითონ მცხეთაში, წყნეთსა და ბეთანიაში არჩევდნენ ყვავილებს. განსვენებულს ზამბახისფერი აბრეშუმის ებურა და მასზე თეთრი ვარდებით არშიაშოვლებული იის ჯვარი ელვარებდა, ბროლის ჭაღით გაბზინებული. მისაღები ოთახი, ვეება შავტყავიანი სავარძლებით, მალაქიტის მაგიდებითა და ანტიკვარის სამშვენისებით... კედლებზე გამოფენილი ლაურეატთა მიერ ნახატი განსვენებულის სურათები.

იცოდა, რომ ამ კომუნისტური დინასტია-მადიის სათავეში იმყოფებოდა, ოდესმე მოჯამაგირე-კომკავშირელი, რომელიც მინისტრის სავარძელში ჩაესვათ და გარდა დახვრეტის ორდერზე ხელის მოწერისა, არაფერი იცოდა და ევალებოდა. დღეს ოჯახის შემოსავალი მილიონამდე აღწევდა. უსიკვდილოდ არ დათმობდნენ ასეთი „მძიმე გზით“ მოპოვებულ ბედნიერებას.

— ხალხი წელში წყდება! — ბოღმა ამოატანა ვიოლამ.

— ამათ არც სამშობლო სწამთ, არც ადამიანი.

— კორუფციას ახალ-ახალი შეესება ემატება.

— ქრთამით გამდიდრებულ-გადიდეალებზე გზიდან რომ ურეკავდნენ პირად მდივნებს: „ხომ არავის ვუკითხი-ვარ?“ „დატოვა რამე?“

— ამას რომ ვხედავ, სასოწარკვეთა მიპყრობს. გვეშვე-ლება რამე? გადავარჩინთ საქართველოს დაღუპვისაგან? ვინ განწირავს თავს! ვინ დაუპირისპირდება სატანურ ქაოსს?! რომელი ერთი ოპერაცია გაგახსენოთ? „ტარხუნა“, „მსხალი“, „მაყვლის ღვინო“ თუ „ვარაზის ხევი“!

— ქართული ხასიათი იოლად ემორჩილება ზნედაცემუ-ლობას!

— ცილისწამებაა! — შეჰკივლა სვირინგიამ და თვალები გადმოქაჩა.

— სინამდვილე, რომელიც მემკვიდრეობად გვეძლევა, სავსეა სიბინძურით, კოშმარული უსამართლობებით, ეგოცენტრიზმის სულით.

— რას უნდა ველოდეთ ამ გაბლენძილი მედროვეებისგან?

— ამას არაფერი ეშველება. უქრთამოდ ჩვენში ვერაფერს იცხოვრებს.

— დავლუბულვართ და ისაა. საცა ქრთამია, იქ წესიერი არც სკოლა იქნება, არც უმაღლესი განათლება, არც რამე წეს-რიგი და პატიოსნება. მასწავლებელს ჭამა-სმა არ უნდა?! რით იცხოვროს? როგორ უპატრონოს ცოლ-შვილს?

— მე არ მითქვამს, დღესვე მოისპობა ქრთამი-მეთქი.

— არც დღეს, არც არასოდეს. რამდენიმე წლის წინ მე-გობრის შვილი აბარებდა მისაღებ გამოცდებს. სამ საგანში უმაღლესი ნიშანი მიეღო. ბოლოს, ლიტერატურაში წერით გამოცდაზე ორიანი დაეწერათ და ინსტიტუტის გარეთ რჩე-ბოდა. მეგობარს საკონფლიქტო კომისიაში გაესაჩივრებინა და მთხოვა, გავყოლოდი ნაწერის შესაფასებლად. ნაშრომი წი-თელი მელნით იყო აჭრელებული და უიმედოდ ჩავიქნიე ხე-ლი, მაგრამ წავიკითხე და გაცემული დავრჩი! არც ერთი შეცდომა! „ხუთი“ თუ არა, „ოთხი“ ხომ ნაღდად ეკუთვნის. მას კი „სამიანიც“ ჰყოფნის. საკონფლიქტო კომისიაში სულ ჩემი ნაცნობ-მეგობრები არიან. იმედინად მივედი ერთ-ერთ-

თან და მივუთითე, რომ წითელი ხაზები შეცდომითაა გასმული და ნაშრომი მაღალ შეფასებას იმსახურებს. როგორ გგონიათ, დავაჯერე და შევაცვლევი რამე? უტიფრად შემომყურებდა თვალეში და მიმტკიცებდა, რომ გახაზული ადგილები შეცდომით იყო დაწერილი.

— შენ მასწავლებელს ამტყუნებ ამ შემთხვევაში თუ სახელმწიფოს უბადრუკობას?

— ვერც მასწავლებელს გაამართლებ! სკოლაში ნოლკლასიდან ითხოვენ „პატივისცემას“! თავს აარიდებ? კარგ დღეს არ დააყრიან თქვენ ნორჩს. სიცოცხლეს გაუმწარებენ და ბოლოს შეუძლიათ მკაცრი მოთხოვნაც წამოგიყენონ: „გადაიყვანეთ ამ სკოლიდან!“

— ჩხუბით და სიმართლით რას გაიტან! უნდა „ჩააწყო“!

— თქვენ წარმოდგენა არ გაქვთ, რა გაჭირვებაშია, რას ითმენს ხალხი!

— მაფიამ სამშობლო არ იცის მაფია საქართველოს ახრჩობს. ვინ გაბედავს ამის თქმას! ვის აბია ცხრა თავი?!

— თვალი გაახილეთ, რას სჩადის მაფია დღეს! ფაბრიკა-ქარხნების, კოლმეურნეობების, სამინისტროებისა და რაიკომების ყიდვა-გაყიდვით აღარ კმაყოფილდებიან. უცხოურ ფირმებს ეპატრონებიან, ეროვნული აბრებითა და ქველმოქმედების სახელით სპეკულანტურ საზოგადოებებს აარსებენ ხალხისთვის უკანასკნელი სისხლის გამოსაწოვად და ნაციონალური სიმდიდრის გასაზიდავად. უსინდისოდ სარგებლობენ იმით, რომ მაგათთვის დღეს არავის სცალია. ძარცვა-გლეჯის სინდიკატებია ამოქმედებული. ისიც იციან, როგორ დააბრმავონ გაჭირვებული და გულუბრყვილო ხალხი. ქურდს რა უნდა, ბნელი ღამეო. უნამუსოდ ნთქავენ უძრავ-მოძრავ საქართველოს.

— სანამ ეს ძარცვა-გლეჯა, ყაჩაღობა, ძმობიობა, სიხარბე არ მოისპობა, საქართველოს არაფერი ეშველება.

— ნუ განიკითხავთ, რაითა არა განიკითხნეთ! მაფიასთან ჭიდილი ხეირს არ დაგვაყრის. უფრო აირევა ეს პატარა საქართველო!

— დღეს ყველაფერი გაუფასურებული და გაყალბებული

ლია. ადგილშენაცვლებული. ერთი ძმა რომ საკონსერვო ქარხნის დირექტორია, მეორე პროკურორის სავარძელში მოკალათებულა.

• • •

1990 წელი მდულარე პოლიტიკური მოვლენებით დაიწყო. თუ ასე გავრძელდა, დიდი ამბებია მოსალოდნელი. მთავარი მიზეზი მაინც უზენაესი საბჭოს არჩევნებია.

— თქვენც ბოიკოტის გამოცხადებას ხომ არ აპირებთ?

— რა თქმა უნდა: ამგვარი არჩევნებით თავის თავსაც ვიტყუებთ და ხალხსაც.

— რატომ, ფარული არაა?!

— კი, ბატონო, ფარულია, მაგრამ დასამალავი რომ არაფერია!

ეროვნულ-ოპოზიციური პარტიები მრავალპარტიულ არჩევნებს ითხოვდნენ. წინააღმდეგ შემთხვევაში, ბოიკოტით იმუქრებოდნენ. კომუნისტები, ფაქტობრივად, შერიგებული იყვნენ იმ აზრს, რომ არჩევნები ჩაიშლებოდა.

შემოდგომის მიწურულიდან თბილისში საპროტესტო აქციები გრძელდებოდა. შიდა ქართლის კონფლიქტი მოუგვარებელი რჩებოდა. მერაბ კოსტავას დაღუპვამ ახალი წინააღმდეგობები დაბადა.

ოცდარიდან ოცდახუთ იანვრამდე სახელმწიფო უნივერსიტეტში საქართველოს პოლიტიკურ პარტიათა და ორგანიზაციათა კონფერენციამ უსამართლოდ მიიჩნია არჩევნების ძველებურად ჩატარება. ნოდარ ნათაძემ, ზვიად გამსახურდიამ, აკაკი ბაქრაძემ საარჩევნო სისტემის გარდაქმნა მოითხოვეს.

ბოიკოტისგან თავის დასაღწევად, უზენაესი საბჭოს ოცი მარტის სესიამ იურიდიულად აღიარა მრავალპარტიულობა. ნება დაერთო პოლიტიკურ პარტიებს, საზოგადოებრივ ორგანიზაციებს, თანაბარ პირობებში მიეღოთ მონაწილეობა სახელმწიფო პოლიტიკის შემუშავებაში. ამავე პროცესში გამომუშავდა აზრი, რომ საქართველოს აერჩია ოპოზიციური ეროვნული სათათბირო. კომპარტია შეუდგა ეროვნული განვითარების კონცეფციის შედგენას. ეროვნულმა ოპოზიციამ

ისარგებლა ამით და ჩამოაყალიბა თვალსაზრისი სათათბიროს საერთაშორისო ასპარეზზე უფლებამოსილების შესახებ.

ოკდაერთ მარტს უნივერსიტეტის ეზოში „ურთიერთმიტევების“ მიტინგი გაიმართა.

ჯერ კიდევ არ ჩანს, რით დასრულდება ბოიკოტირება. ჟურნალ-გაზეთებიდან, აფიშებიდან, მოსაწვევი ბარათებიდან შემოგვეყურებენ დეპუტატობისთვის გაგიყებულ „გამოჩენილ აღამიანთა“ ყეყეჩი სახეები. ისინი მზად არიან ყოველგვარ არჩევნებში მიიღონ მონაწილეობა, ოღონდაც საზოგადოებას დაენახვონ. „საკუთარ პროგრამებს“ გვთავაზობენ, აყვავებისა და აღორძინების პროგრამებს. მოგვიწოდებენ, ხმა მივცეთ „საინიციატივო ჯგუფის“ რჩეულს. რახანია, ეწყობა „დეპუტატობის კანდიდატთა შეხვედრები ამომრჩევლებთან“.

ზებედე თვრამეტ მარტს დაესწრო ერთ ასეთ შეხვედრას კინო-თეატრ „კოსმოსში“.

სწორედ ამ დღეებში ფილარმონიის დარბაზში მიმდინარეობს საქართველოს ეროვნულ-გამათავისუფლებელი მოძრაობის საგანგებო კონფერენცია, რომელიც გახსნა და სხდომებს ხელმძღვანელობდა ზვიად გამსახურდია. ეროვნულ-დემოკრატიული პარტიის თავმჯდომარე გიორგი ჭანტურია კატეგორიულად აცხადებდა, რომ უზენაესი საბჭოს არჩევნები ჩაშლილია. ეს პირველი უპრეცედენტო შემთხვევაა საბჭოთა იმპერიაში. კონფერენციაზე საზოგადოების წინაშე თავისი პოზიციებით წარსდგა ყველა წამყვანი ეროვნული პარტია და ორგანიზაცია. მოხსენებით და სიტყვებით გამოვიდნენ: ირაკლი წერეთელი, გიორგი ჭანტურია, თემურ ქორიძე, ნოდარ ნათაძე, ნოდარ წულუისკირი, თენგიზ სიგუა, ჯაბა იოსელიანი, აკაკი ასათიანი და სხვანი.

მთავრობა ცდილობს, რაღაც რეცეპტები შესთავაზონ ქართულ ეროვნულ მოძრაობას.

კონფერენციამ აირჩია და შეადგინა ეროვნული ფორუმი. მონაწილე პარტიების სია იწყება პელსინკის კავშირით.

პრეზიდენტში ერთმანეთის გვერდით სხედან ზვიად გამსახურდია, ირაკლი წერეთელი, გიორგი ჭანტურია. გაღიმებულნი, გარდა ზვიადისა, რომელსაც ძლიერ სერიოზული გამობეტყველება აქვს.



გიორგი ჭანტურია დაასკვნინდა: „ეროვნული ფორუმი თავისთავზე აიღებს ეროვნული ხსნის კომიტეტისა და ეროვნული მოძრაობის ყველა ფუნქციას, ამასთან დაკავშირებით, ეროვნული ხსნის კომიტეტმა თვითლიკვიდაცია გამოაცხადა“.

ახალგაზრდა ორატორები პოლიტიკაში ვარჯიშობენ. ეროვნული დამოუკიდებლობის პარტიის თავმჯდომარე ირაკლი წერეთელი თვლის, რომ „კონფერენციის მიზანია, დაასახელოს ის იურიდიული პირი და ორგანო, რომელსაც ექნება უფლება ილაპარაკოს ქართველი ერისა და საქართველოს კანონიერი მოსახლეობის სახელით. ასეთი იურიდიული პირი იქნება გარდამავალი კოალიციური ხელისუფლება — ამჟამად არსებული ოფიციალური ხელისუფლების ოპოზიციური ძალა“. ორი დღის შემდეგ იგივე ლიდერი კმაყოფილებით ამბობდა: „კონფერენციის მიზანი მიღწეულია. არჩეულია ეროვნული ფორუმი. ფორუმში თავი მოიყარა პატიოსანმა და, რაც მთავარია, საქმის გამკეთებელმა ხალხმა“.

იმავე დღეს საქართველოს ერთიანობის, მთლიანობის იდეით გამსჭვალულმა ხალხმა „ერთმანეთის მიტევებისადმი“ მიძღვნილი მიტინგი მოაწყო, რომელიც უნივერსიტეტის ეზოში დაიწყო და სიონის საკათედრო ტაძარში დაგვირგვინდა.

მაშინ ძნელი წარმოსადგენი იყო, რომ ამ ურთიერთ მიტევების აღთქმას ასრულება არ ეწერა.

კონფერენციის რეზოლუციაში შეტანილია მუხლები: „უზენაესი საბჭოს დეპუტატობის ყოველ კანდიდატი მორალურად ვალდებულია მოხსნას საკუთარი კანდიდატურა“... „იმ შემთხვევაში, თუ 25 მარტს დანიშნულ არჩევნებს საქართველოს მარიონეტული ხელისუფლება გადაიტანს იმ არჩევნებსაც, ისევე როგორც ნებისმიერ საბჭოთა არჩევნებს, გამოეცხადება ბოიკოტი“.

ამით უზენაესი საბჭოს არჩევნებს ჯვარი დაესვა. ეს იყო იმედიანი თათბირებისა და კონფერენციების გაზაფხული. თითქმის ერთდროულად, კინო-სახლში სახალხო ფრონტის საგანგებო კონფერენციაც ჩატარდა.

ზოგი მაინც სკეპტიკურად უყურებდა მარტის შერიგებას და წინა წლის 29 ოქტომბერს იგონებდა, როცა სამხატვრო გალერეასა და მთავრობის სახლთან უკვე აშკარად გამოკვეთილი ორი ფრთის პარალელური მიტინგი ჩატარდა.

ვიოლამ საათს დახედა. ორ საათზე ტექნიკურ ბიბლიო-  
თეკასთან უნდა ყოფილიყო, სადაც თავისუფალ შემოქმედთა  
საძმო იკრიბებოდა.

რამდენიმე ვაჟაური ლექსი დაეტოვებინა. მეგობართა  
აზრს უცდიდა.

ეს „საძმოც“ იმ დროს გავრცელებული „სკვერების პარ-  
ტიებისა და საზოგადოებების“ რიცხვს ეკუთვნოდა და ხელ-  
ნაწერ ჟერნალს სცემდა.

გაძლიერებით მიმდინარეობდა სახელმწიფო, საზოგადო-  
ებრივი, სავაჭრო-სამრეწველო, შემოქმედებითი დაწესებუ-  
ლებების აშკარა თუ შენიღბული დატაცება-დაპატრონება. მა-  
კონტროლებელი სისტემა მთლიანად მოშლილიყო და მოქმე-  
დებდა მმართველი ძალა დაინტერესებული ქაოსით. იბეჭდებო-  
და აურაცხელი წიგნი და გაზეთი, ვისაც რა მოესურვებოდა, კი-  
თხვის მოცალეობა, გულისდადება და ინტერესი ჰქონდა. აკადე-  
მიის წინ, კინო სახლთან, პრესის ჯიხურებთან ხალხის ბრუნ-  
ვა არ წყდებოდა.

პარკებში ბელურებივით ჩამომსხდარიყვნენ ადამიანები,  
რომელთაც, სტალინის გარდა, არაფერი აღელვებდათ და კუ-  
ჭის გარდა, სხეულის არცერთ ორგანოს აღარ გრძნობდნენ.

ყმაწვილკაცობას პარტიები ჩამოერიგებინა და იერიშისთ-  
ვის ემზადებოდნენ. ბევრს პრეზიდენტობა ან თანაპრეზიდენ-  
ტობა გაეხერხებინა და ახლა ტვინს იჭყლეტდა, რა სარგებ-  
ლობა მიელო აქედან.

ზოგს მეტად მიმზიდველი სახელწოდება მიეთვისებინა.  
უკეთესს ვერ ინატრებდი. სარფიც მიეგნო, მაგრამ მაინც უკ-  
მაყოფილოდ წუწუნებდა, რომ ხალხი უგულოდ ეკიდებოდა.  
პირს იტკბარუნებდნენ „იმპერიის“, „სატრაპების“, „მოდერ-  
ნიზებული ბოლშევიზმის“ ლანძღვა-გინებით, თუმცა ორიოდ  
თვის წინ ჯერ კიდევ კომკავშირის ცეკაში ცდიდნენ ბედ-ილ-  
ბალს.

საშიში აზრთა პლურალიზმი და პოლემიკა კი არაა, არა-  
მედ ის, რომ ეს დაწესებულებები, პრესა და პარტიები აღ-  
მოცენდა შინაგანი მოწოდების გარეშე, დრომოკმულ ოფი-

ციალურ, თანამდებობრივ და ფიზიკურ ფესვებზე. მედრო-  
ვეებმა ახლა ამ გზით იგდეს ხელთ ძალაუფლება და კაპიტალი.  
დაიწყო ახალი მტაცებლური გადანაწილება, რასაც ოპოზი-  
ციურ შეფერილობას აძლევდნენ. არაფერს ზოგადვდნენ იმის-  
თვის, რომ გამაჯანსაღებელი სიახლე ბნელ კუთხეებში მიე-  
მწყვდიათ.

გრძელდება ცხოვრება დრომოქმული ხერხებით, მეთოდე-  
ბით და გამოცდილებით. ცუდად შევდივართ ჩვენთვის უცნობ  
სამყაროში.

არ უნდა დავუშვათ, რომ ამ მემკვიდრეობით შევუძღვეთ  
ჩვენს ხალხს აღთქმულ ქვეყანაში.



ქრელი შემადგენლობის, ლიდერთა იდეური და პიროვნუ-  
ლი შეუთავსებლობის გამო, ეროვნული ფორუმი მალე დაი-  
შალა.

იქნებ, იმიტომ, რომ ბუნებრივი მშობიარობით არ დაბა-  
დებულა.

თითქმის შექმნისთანავე, მარტში, „საქართველოს ეროვნული ფორუმის“ სახელით გამოქვეყნდა „მიმართვა ქართველი ერისა და მსოფლიო საზოგადოებრიობისადმი“, რომელშიც ჩამოყალიბებულია ეროვნულ-გამათავისუფლებელი მოძრაობის უახლოესი ამოცანები. მიზნის მიღწევის საშუალებად აღიარებულია „მშვიდობიანი სამოქალაქო დაუმორჩილებლობა“, სრულიად სახალხო, პირდაპირი და ფარული კენჭისყრით ეროვნული კონგრესის არჩევა, რომელიც უხელმძღვანელებს ეროვნულ მოძრაობას, კოორდინირებას გაუწევს მას, კონტროლს დაუქვემდებარებს ფაქტიურ ხელისუფლებას და აიძულებს, დაემორჩილოს ქართველი ხალხის ნებას, სანამ პოლიტიკური ბრძოლის საშუალებებით არ მიიღწევს საოკუპაციო ჯარების გაყვანას და დამოუკიდებლობის აღდგენას.

ბევრ მონაწილეზე ფორუმის იდეებმა მწიგნობრულობის შთაბეჭდილება დატოვა. პოლიტიკური რომანტიკის ილუზია იგრძნეს. ცოტა რთული პროცესი გაბმულ მოვლენად იგულისხმებოდა, თითქოს, ვიღაც „სამყაროს გამგებელი“ ვალ-

დებული იყო, ასე თანმიმდევრულად წარმართა მოვლენების განვითარება.

ზვიად გამსახურდიას, ეტყობა, უტოპიად და ძალების გამომფიტველად ეჩვენა ეს გეგმა. მისი სული ცოცხალ, ელასტიურ მოქმედებას ითხოვდა.

ორ მაისს დაიბეჭდა მისი თანამოაზრეების „მიმართვა ქართველი ერისადმი“:

გახეთ „ახალგაზრდა ივერიელის“ მაისის ნომერში გამოქვეყნებულია ეროვნული ფორუმის განცხადება, სადაც საუბარია ცალკეული პირებისა და ორგანიზაციების მიერ ფორუმის დატოვებაზე, რაც შეფასებულია „ეროვნული მოძრაობის ერთიანობის წინააღმდეგ მიმართულ ნაბიჯად“ და „მტრის წისქვილზე წყლის დასხმად“.

ამგვარი განცხადება და პრესაში მისი გამოქვეყნება მიგვაჩნია შეუწყნარებლად, ვინაიდან ასეთ შემთხვევაში აუცილებელი იყო განმარტება იმ მიზეზებისა, რამაც გამოიწვია ამ პირებისა და ორგანიზაციების ნაბიჯი, საჭირო იყო აგრეთვე პარალელურად გამოქვეყნება ჰელსინკის კავშირის განცხადებისა, სადაც ახსნილია ყოველივე ეს.

საქმე ის არის, რომ ფორუმის ყველა მონაწილე ვერ აღმოჩნდა სათანადო ზნეობრივ დონეზე და ეროვნულ მოძრაობას დისკრიდიტაციის საფრთხე შეექმნა. უმთავრესი მიზეზი ჩვენს მიერ ფორუმის დატოვებისა იყო სკანდალური ინციდენტი, სროლა ფორუმის მიმდინარეობის დროს, ტერორისტული აქცია, რომელიც მიმართული იყო ფორუმის ზოგიერთი წევრის წინააღმდეგ. მიუხედავად ჩვენი კატეგორიული მოთხოვნისა, ფორუმის წევრთა ერთი ნაწილი თავს იკავებს ამ აქციის პოლიტიკური შეფასებისაგან და მის მომწყობთა წერილობით, საჯაროდ მხილებსაგან, თუმცა კარგად უწყის მათი ვინაობა. ამასთან, უნდა აღინიშნოს, რომ იმავე დღეს, 24 აპრილს, ფორუმის სხდომაზე და მიტინგზეც ირაკლი წერეთლის მიერ ეს პიროვნებები სიტყვიერად დაგმობილ იქნენ და გამოცხადდნენ ეროვნული მოძრაობის მტრებად.

ყოველივე ამაში გამომქვეყნდა ეროვნული მოძრაობის განადგურების მცდელობა კორუმპირებული მაფიის მიერ, რომელსაც ფარულად წარმართავს ოფიციალური რაოდენ სავა-

ლალთა, რომ ამ მაფიამ ფორუმშიც მოახერხა შედწევა აქვე უნდა აღინიშნოს, რომ ეს ყოველივე საბოლოო მიზნად ისახავს საქართველოში სამოქალაქო ომის პროვოცირებას და საგანგებო მდგომარეობის შემოღებას, რასაც დიდი ხანია ამზადებს კრემლი, რათა ჩაახშოს ეროვნულ-გამათავისუფლებელი მოძრაობა.

ასე რომ, ეროვნული მოძრაობის ერთიანობას ფორუმიდან ჩვენი გასვლით კი არ ემუქრება, საფრთხე, არამედ ორგანიზებული ტერორიზმისაგან, რომელსაც ჩვენი ერის უბოროტესი მტრები უპირისპირებენ ეროვნულ მოძრაობას და მან წარმომადგენლებს.

ეროვნული ფორუმი არ უნდა იყოს თავშესაფარი ტერორისტებისა, იგი არ უნდა უწყობდეს ხელს მათ ბოროტოქმედებას თავისი წაყრუებით და არ უნდა ჰქონდეს ალიანსი მათთან. მხოლოდ ამგვარი საგანგაშო მოვლენების დაგმობით და სათანადო ზნეობრივი დონით შესძლებს იგი იმ მისიის აღსრულებას, რომელიც მან დააკისრა საკუთარ თავს.

უნდა განვაცხადოთ აგრეთვე, რომ ფორუმის განცხადებაში არასრულადაა ჩამოთვლილი ფორუმიდან გასული პირები, მიჩქმალულია აგრეთვე ის ფაქტი, რომ ფორუმის 13 წევრმა ხელი არ მოაწერა ხსენებულ განცხადებას. ამდენივე წევრი უკვე გასულია ფორუმიდან, ხოლო განცხადებას ხელს აწერს 20 წევრი, ე. ი. ფორუმის წევრთა პირვანდელი შემადგენლობის უმცირესობა. ხელმომწერთა შორის არიან აგრეთვე ამ ტერორისტული აქციის მომწყობნი.

ჩვენ მივმართავთ ქართველ ერს, ჩვენს საზოგადოებრიობას, ეროვნული მოძრაობის ყველა ჭეშმარიტ აქტივისტს, აღიმალლოს ხმა, რათა აღიკვეთოს ტერორისა და ძალადობის ახალი ფორმების გამოყენება ეროვნული მოძრაობის წარმომადგენელთა წინააღმდეგ.

ზვიად გამსახურდია, თეიმურაზ ქორიძე, ავთანდილ რცხილაძე, თეიმურაზ შორაშოლიანი, თენგიზ კიტოვანი, გიორგი ხონელიძე, გურამ პეტრიაშვილი, ვაჟა ადამია, შალვა წიქლაური, თედო პაატაშვილი, გიორგი ხოშტარია, არკადი მარკოზია, რევაზ კემულარია, ჭემალ გოლეთიანი, ერეკლე საღლიანი, ალექო მე-

ლაძე, თენგიზ კიკალეიშვილი, თენგიზ მანაგაძე, თენგიზ სიგუა, დათო ანდლულაძე, ამირან კალაძე, მირონ ხერგიანი, თემურ ლორთქიფანიძე, თენგიზ ღიზამინჯია.

ეს მეხის გავარდნას და ახალ საფეხურს ნიშნავდა საქართველოს ისტორიაში.

ავტორი თავის მოვალეობად თვლის, პირუთვნელ მემკვიდრეებს დაარჩეს. მხოლოდ იმას შეგახსენებთ, რომ პიროვნული ინტერესები და ხასიათებიც ამღვრევს ჩვენს საერთო საქმეებს.

ნურც ზოგიერთი მანდილოსნის ორკაპა ენის სავსავს დავივიწყებთ.

გული მიკვდება, ამის დაწერა რომ მჭირდება. მაგრამ ნუ გაიოცებთ, ეს მარტო თანამედროვეობის მანკი არაა. უარესიც შემხვედრია, 1832 წლის შეთქმულებაზე რომანს რომ ვწერდი. თუმცა, ისტორიას დიდი გადაადგილებების უნარიც შესწევს: დამნაშავეები გააპატიოსნეს, ხოლო რომანტიკული რაინდი, იასე ფალავანდიშვილი მარადიული მოლაღატის ჯვარს აცვეს.

24 აპრილს, დილის თერთმეტ საათზე, წიგნის მალაზიას რომ მიუახლოვდნენ, ზებედე და მარტოლეკი ავტომატების მქისე გასროლებმა დააფრთხო.

ტყვიების ჯერმა მოპირდაპირე მხარეს, ყოფილი მარქსიზმ-ლენინიზმის ინსტიტუტის კედლებს გადაუტყლაშუნა, სადაც იმ გაზაფხულზე ბინა დაიდო ფორუმში გაერთიანებულმა რამდენიმე პარტიამ.

პანიკა გამოიწვია ქალაქის ცენტრში, ხალხმრავალ გამზირზე ატეხილმა ბათქა-ბუთქმა. ალბათ, მოულოდნელობით და დაუცველობის შეგრძნებით უნდა ავხსნათ ის შიში და დაბნეულობა, რომელიც ყველას შეეტყო.

— რამდენი ქალაქი გადაპირბენია თავიდან ბოლომდე ინტენსიურ ცეცხლში, მაგრამ ამდენი ზაფრა არ მაგონდება! — აღიარა მარტოლეკმა.

— თბილისია, ძმაო, არ გვემეტება ტყვიის ზუზუნისთვის. ომი ხომ არაა.

— წამო, გავიგოთ, რა ხდება!

სროლა, მართალია, აღარ განმეორებულა, მაგრამ ხალხი მაგრად დამფრხალიყო.

ჯგუფ-ჯგუფად შეკრებილი ხალხის ლაპარაკში გაისმოდა:

მხედრონი“, „თეთრი გიორგი“. ახსენებდნენ ჩალაც თათბირს, რომელზედაც მწვავე კონფლიქტი მომხდარიყო. ვილაცას სხდომა მიეტოვებინა. ვილაცას სროლის განკარგულება გაეცა. რამდენიმე მეომარს მომარჯვებული ავტომატებით პროსპექტი გადაეკვეთა.

— დედაქალაქში რომ პარტიზანები ატეხავენ სროლას, ცუდადაა ქვეყნის საქმე! — ამოიხრა ზებედეშ.

— ბევრი არაფერი ეტყობა, „ფახს აძლევენ“ ერთმანეთს.

— თუ ახლავე არ მივხედეთ, შეიძლება, დაგვიანდეს.

— შურმან სახლისა ჩემისამან შემჰამა მე. არ უნდა დაგვაიწყდეს, რა ჰირი დაგვდგომია ერთმანეთის შურისგან.

რუსთაველის გამზირზე შეიარაღებული კონფლიქტის წაყრუებამ, რომელიც არავის სერიოზულად არ განუხილავს, ურთიერთობა უკიდურესად დაძაბა და შემარიგებლობის სულსკვეთება დაამკვიდრა.

უცხოეთის პრესა ამ დროსაც საკმაო ყურადღებას იჩენდა საქართველოს ეროვნულ-გამათავისუფლებელი მოძრაობისადმი.

„ფაინელ ტაიმსი“ ეროვნულ ფორუმზე წერდა:

„საქართველოს ახალგაზრდა ღრმადმორწმუნე ეროვნულ-დემოკრატიული პარტიის წევრები დარწმუნებული არიან, რომ ლიტვის პარლამენტის ნაბიჯი მცდარი იყო. მათი აზრით, დამოუკიდებლობის მისაღწევად პირველი ნაბიჯი უნდა იყოს საოკუპაციო ჯარებისაგან (საბჭოთა არმია) განთავისუფლება, რაც მიიღწევა ეროვნული დაუმორჩილებლობის გამოცხადებით და განხორციელებით. ისინი არ ეთანხმებიან ლიტვის მიერ გამოცხადებული საბჭოთა სახელმწიფოს ინსტიტუტების გამოყენების მცდელობას. ისინი ამ ინსტიტუტებს თვლიან არაკანონიერად.

ურყევი, უკომპრომისო ეროვნული მოძრაობის მომხრეების მიერ გამოცხადებულმა ბოიკოტმა ოქტომბრისათვის გადაატანინა საქართველოს მთავრობას მარტში დანიშნული არჩევნები. ამავე დროს ისინი აცხადებენ, რომ არ დაუშვებენ არჩევნების ჩატარებას, თუ საარჩევნო უფლებები შეეზღუდებათ. „საქმე ის როდია, კონსტიტუცია კარგია ან ცუდი, საქმე ისაა, რომ ეს კონსტიტუცია უცხოა“ — ამბობს ეროვნ-

ნულ-დემოკრატიული პარტიის პრეზიდენტი გიორგი ჭანტუ-  
რია. იგი ინტერვიუს აძლევდა ქალაქის ცენტრალურ შენო-  
ბაში, რომელიც მისმა პარტიამ ადგილობრივ კომუნისტურ  
პარტიას წაართვა. ბატონმა ჭანტურიამ, ბატონმა გამსახურ-  
დიამ და ბატონმა ირაკლი წერეთელმა გადადეს თავიანთი  
უთანხმოებები, რათა ჩამოეყალიბებინათ ეროვნული ფორუმი.  
ეროვნული ასამბლეის არჩევნებით, რომელიც შესაძლებელია  
საქართველოს სახელმწიფოებრიობას მოაპოვებინებს.

ლიტვისგან განსხვავებით, საქართველოში არსებობს სა-  
შუალო ფენა, რომელსაც მოსწონს ახლადბოძებული სიტყვის  
და საზღვარგარეთ გამგზავრების თავისუფლება და რომელ-  
საც არ აწუხებს სურსათის დეფიციტი. ამ ფენას ძალიან ეში-  
ნია, რომ ის ქვეყანა, რომელსაც აშენებდა მთელი თავისი  
ცხოვრება, ერთბაშად დაინგრევა ნაციონალისტების ზომიერ-  
დასული ენთუზიაზმით, ეს კი გამოიწვევს სამოქალაქო ომს  
და კრემლის რეაქციას „აზერბაიჯანულ სტილში“.

ამჟამად თბილისი ახლო აღმოსავლეთის ერთადერთი კოს-  
მოპოლიტური ქალაქია, ისეთი, როგორც თავის დროზე იყო  
ალექსანდრია, სტამბოლი, სალონიკი და ბაქო (იანიჩარების  
დარბევამდე), ქალაქები, სადაც ცხოვრება გამსჭვალულია  
სხვადასხვა ერის კულტურათა ურთიერთობით.

მაგრამ, როგორც გვიჩვენებს ამ ქალაქების გამოცდილება,  
ეს საუკუნოებით შექმნილი ურთიერთობა შეიძლება წაიშა-  
ლოს ერთ ღამეში, იმ შემთხვევაში, თუ თავი აიშვა რასის-  
ტულმა ატავისტურმა გრძნობებმა“.

ფორუმიდან გამოსვლის შემდეგ, არაჩანსალი აჟიოტაჟი  
შეიქმნა ერთიანობის აღდგენის მოტივით. მოდიოდა წერილე-  
ბი, რომ „ეროვნული მოძრაობის გათიშვა დამლუპველია“.  
„ეროვნულ ყრილობაში“ არ მონაწილეობს ეროვნული მოძ-  
რაობის პატრიარქი ზვიად გამსახურდია“. ითხოვდნენ „ცნო-  
ბილი მოღვაწეების“ შუამავლობას ამ საქმეში. „ეროვნულ-გა-  
მათავისუფლებელი მოძრაობა ჩიხში მოექცაო“. საქმე კური-  
ოზებამდე მიდიოდა:

რედაქციაში მოვიდნენ საქართველოს ეროვნული ფორუ-  
მის წარმომადგენლები. მათ მოიტანეს ეროვნული კონგრესის  
არჩევნების საკოორდინაციო ცენტრში გაერთიანებული პო-



ლიტიკური პარტიების ლიდერთა — გიორგი ჭანტურისა, ირაკლი წერეთლის, გურამ გოგბაიძის, თენგიზ შარმანაშვილის განცხადება, რომლებიც ტელედებატებში იწვევენ ზვიად გამსახურდიასა და „მრგვალი მაგილის“ კიდევ სამ წარმომადგენელს, რათა ბოლო მოეღოს მითქმა-მოთქმას, კორებს, ცილისწამებებს და ქართველმა ერმა თვითონ განსაჯოს, ვინ მტყუანია, ვინ მართალი.

განცხადებაში აგრეთვე აღნიშნულია, რომ დღეს, როცა ეროვნული მოძრაობის რადიკალური და ლიბერალური ფრთები გაერთიანდა და ქართველი ერი, სრულიად საქართველო ეროვნული კონგრესის არჩევნების კარიბჭესთან დგას, დროა ხალხმა გაარკვიოს, რა ხდება ეროვნულ მოძრაობაში და რა არის პოლიტიკურ ორგანიზაციათა შორის განხეთქილების მიზეზი.

ტელედებატებში მონაწილეობა, ეროვნული ფორუმის წარმომადგენელთა აზრით, უნდა შედგეს სამ იენისამდე, რადგან შემდეგ ზოგიერთი მათგანი შესაძლოა თბილისში არ იმყოფებოდეს.

ამ მოწოდებებს არავითარი წარმატება არ ჰქონია და არც შეიძლება ჰქონოდა. მორიგებას ყოველთვის სიკეთე არ მოსდევს.

სამშვიდობო მისიების პარალელურად, მწვავე აქციები ეწყობოდა ზვიად გამსახურდიას წინააღმდეგ.

ზაფხულში ფორუმიდან გასული პატრიოტები მძიმე მდგომარეობაში აღმოჩნდნენ.

22 მაისს ფორუმმა და საკოორდინაციო ცენტრმა შეურიგებლობის განცხადება გამოაქვეყნა.

ეროვნულ ყრილობაზე მონაწილეობდა ოთხმოცი პოლიტიკური პარტიისა და საზოგადოებრივი გაერთიანების ექვსასზე მეტი დელეგატი. საწარმო-ორგანიზაციათა წარმომადგენლები. მეცნიერები, სტუდენტები, შემოქმედებითი კავშირების წევრები, აფხაზეთის, ოსეთის წარმოგზავნილები. ამერიკის და საფრანგეთის ქართველი ემიგრანტები.

ყრილობამ გაუგონარი ზარზეიმით, ოპტიმისტურ ტალღებზე ჩაიარა და ჰეგემონიის სრული დამაჯერებლობა შექმნა.

მაისის ბოლოს ეროვნული მოძრაობის საკოორდინაციო

ცენტრი საზოგადოებას აუწყებდა: „ყრილობაზე მოხდა სხვადასხვა პოლიტიკურ პლატფორმაზე მდგარი ეროვნულ-პოლიტიკური პარტიების გაერთიანება. რამეთუ უზენაესი მიზანი ყველასთვის ერთია — საქართველოს სრული დამოუკიდებლობა... ირკვევა, რომ ბევრ რაიონში ეროვნული ძალები ჯერ კიდევ დაქსაქსული არიან. არც თუ იშვიათად, უპირისპირდებიან ერთმანეთს, რაც ძირითადად გამოწვეულია პიროვნული მოტივებით. დღეს, როცა საჭიროა ყველა ძალების მობილიზება, რათა ჩატარდეს კონგრესის არჩევნები, საკოორდინაციო ცენტრს ასეთი ვითარება შეუწყნარებლად მიაჩნია...“

„ეროვნულმა ყრილობამ“ 30 სექტემბრისთვის დანიშნა ეროვნული კონგრესის არჩევნები.



„ეროვნული ფორუმი“ და „მრგვალი მაგიდა“ გათიშვისთანავე ისე ანტაგონისტურად დაუპირისპირდა ერთმანეთს, რომ პირადი შეუთავსებლობის მომენტი არავითარ ექვს არ იწვევს. სხვა საბუთი რომ არ გვქონოდა, ამას პარალელური მიტინგები, დემონსტრაციები, პოლემიკა და ძალისმიერი მეთოდებიც ადასტურებს. მორიგების ცდა, კონსოლიდაციისკენ მოწოდება, ხვეწნა-მუდარა მხოლოდ ამძაფრებდა ურთიერთობას.

26 მაისის ზეიმი ფორუმმა საქართველოს ეროვნულ სტადიონზე გადაიხადა. „მრგვალ მაგიდაში“ გაერთიანებული პარტიები ლოკომოტივის სტადიონზე შეიკრიბნენ იმავე დღეს.

ასეთ ღონისძიებებს თან დაჰყვა გამაღიზიანებელი ტონი, ნიშნის მიგება, სიძულვილიც.

მაისის ბოლოს ჩატარდა ილია მართლის საზოგადოების პირველი ყრილობა, რომელსაც ზვიად გამსახურდია ხელმძღვანელობდა. დაამტკიცეს საზოგადოების წესდება. თავმჯდომარემ დაახასიათა ეროვნულ მოძრაობაში შექმნილი მდგომარეობა. სერიოზული სიძნელეები, რომლებიც ბოლო დროს წარმოიშვა. „უნდა დღენიდავ ვიფიქროთ ეროვნულ-გამათავისუფლებელი მოძრაობის მომავალზე“.

გამგეობის წევრმა გურამ გოგბაიძემ მიმდინარე მოღვაწე-

ობის ძირითად ამოცანებად გამოაცხადა ეროვნულ ყრილობაში მონაწილეობა და კონგრესის არჩევნები. ნიშნად უმრავლესობასთან კავშირის გაწყვეტისა, მან თანამოაზრეებთან ერთად, დატოვა ყრილობის დარბაზი.

ყრილობამ აირჩია გამგეობა, სათათბირო. თავისი რიგებიდან გარიცხა გოგბაიძე საზოგადოების ფორუმის მომსრეთა ფრაქციის შექმნით განხეთქილების შეტანისთვის.

ყრილობის გადაწყვეტილებებმა ცხადყო, რომ „მრგვალი მაგიდა“ სერიოზულად ემზადებოდა მომავალი მრავალპარტიული არჩევნებისათვის: ავსებდა და აახლებდა თავის რიგებს; ეძებდა გზებსა და ღონისძიებებს ქართველი ხალხის ნდობის მოსაპოვებლად. ერთგულ ბირთვად ჰკრავდა ეროვნულ-გამათვისუფლებელი მოძრაობის მებრძოლებს.

შეიმჩნეოდა მისწრაფება, თავი დაეღწიათ შემთხვევითი პირებისგან, სხვადასხვა გარემოებათა გამო რომ აჰკროლნენ ეროვნული მოძრაობის აგორებულ ზეაფებს. მასობრივობაც, მაგრამ, უწინარეს ყოვლისა, ხარისხი: ზნეობრიობა და დისციპლინა.

\* \* \*

ფორუმიდან გასვლის უმთავრეს მიზეზად ზვიად გამსახურდიამ გამოაცხადა მაფიასთან, კორუმპირებულ წრეებთან კავშირის გაწყვეტის აუცილებლობა. ეს არის საქართველოს ეროვნული მოძრაობის ყველაზე პრინციპული და რისკიანი ნაბიჯი. მანამდე იმის თქმაც ვერავის გაუბედნა, რომ არსებობს „ქართული მაფია“, რომელიც დამლუპველ გავლენას ახდენს ერის პოლიტიკურ, ეკონომიკურ, ზნეობრივ, სულიერ ცხოვრებაზე. უფსკრულში მიაქანებს საზოგადოებას. სცემს ეროვნული მოძრაობის ცხოველმყოფობას, საერთაშორისო ავტორიტეტს.

როგორ შეხვდება ამ ნაბიჯს საზოგადოება? რას იტყვიან კორუმპირებული წრეები? ხომ არ გადაჰყვება ამ რისკს ქართული ეროვნული მოძრაობა? თვით ზვიად გამსახურდიამ?!

„ქართულ მაფიას“ იმთავივე ტაბუ ჰქონდა დადებული: მისი ხსენებაც სამშობლოს ღალატად ჩაითვლებოდა და არავის

შერჩებოდა. ამა ქვეყნისა ძლიერნი არავითარ შემთხვევაში არ დაინდობდნენ „მოლაღატეს“.

— სულელი ყოფილა — თქვა ბეჟან სურამელმა. — დამთავრდა მაგისი ბოგინი და პოლიტიკური პარპაში. საქართველოში რა კორუფცია და მაფია აღმოაჩინა?

საქართველოს ჩრდილოვანმა ეკონომიკამ ათას საშიშროებას დააღწია თავი. ყველა განსაცდელს გაუძლო და არა მარტო ქონებრივად შეეზარდა ხელისუფლებას, არამედ ძალაუფლებრივად, ოჯახურად, პოლიტიკურად. ყველა გავლენიანი პირი ამ წრეებიდან ინიშნებოდა. ყველა მოკვდავის ბედ-იღბალი მათ ხელში იყო. ბევრი მართალი კაცი დაუღუპავთ და უგზოუკვლოდ გაუქრიათ.

„მრგვალი მაგიდა“ ორთა ბრძოლაში იწვევდა „მრავალფეხას“. რა იყო ეს? განწირული ნაბიჯი თუ აწონილ-დაწონილი აუცილებლობა?

ნუთუ არ იცის, რომ ეს „სუკზე“ ათასგზის უფრო საშიშია? რა ინტრიგებში არ გაგხვევენ! რას არ დაგაბრალებენ! რა ჭორს არ მოგიგონებენ! რა მახეს არ დაგიგებენ! ნუთუ ბადრი უჯარმელს წარმოდგენა არ აქვს, რა განსაცდელს უმზადებს თავისთავს!? ამათი სიტყვა ხომ ქვეყნიერებას სწვდება? ამათი უკადრებელი არაფერი არსებობს!?

განა ამ თავხედობას შეარჩენს სიყალბისა და გაუმაძღრობის სამყარო? ნუთუ არ უფიქრდება ცოლშვილის პატრონი კაცი?

„პატიოსნებამ უნდა გადაგვარჩინოს! ისე არაფერი გამოვა, არაფერი შეიცვლება! ქართული პატიოსნება უნდა აღდგეს! მამაპაპური სამართალი! უმწიკვლოება და პირდაპირობა!“

\* \* \*

გაზაფხული „ინტერფრონტის“ მუქარებში მიილია. ვერ მივმხვდარიყავით, ვინ, საიდან და როდის დაგვეცემოდა თავს. რას გვიპირებდნენ. დამკვრელ ძალად, ალბათ, არმიის ნაწილები გამოვიდოდნენ. მათთან ერთად, მეზობელ ხალხებს მოგვისევდნენ. მერე თბილისის მთელ არაქართულ მოსახლეობას. ეთნოკრიზისებიც წინანდებურად გიზგიზებდა. რა გვექნა, რით გადაგვერჩინა თავი?

პანიკა არ იგრძნობოდა. თითქოს შეთანხმებულიყვნენ: ამისთანა სიცოცხლეს სიკვდილი გვირჩევენიაო, დავხვდეთ, დავიხსოვნეთო.

ამბობდნენ: ცხრა მაისს ვაკის პარკში გვიპირებენ თავდასხმასო. „მოდრაობის კაცებს“ რა დაასვენებდათ. სანკედრო-სა-სიცოცხლოდ ემზადებოდნენ. სიმართლე ითქვას, არც უცხო-ტომელებს მიუუტოვებდნენ. ჭგუფურ წერილებს ბეჭდავდნენ ჩვენს მხარდასაჭერად, ერთგულებას გვეფიცებოდნენ. ვერც იმას დაემაღათ, რომ ზოგიერთნი „რუსულენოვან მოსახლეობას“ შეკავშირებისკენ მოუწოდებდნენ: „სხვა რეს-პუბლიკებში რუსულენოვანი მოსახლეობა ერთიანდება „ინ-ტერმოდრაობის“ სულისკვეთებით, თქვენ რას უყურებთო?! ზოგი ღალატობს წინაპრებსა და შვილებს, მეგობრულ მიმარ-თვებს უგზავნის ქართველ მოღალატეებსო.

ქართველობა არ შეეპუა „ინტერფრონტის“ მუქარას. ვაკის პარკში სამოციანთასკაციანი მიტინგი შეიკრიბა ავის მოსურნეთა დასახვედრად. გამოიტანეს მრისხანე ლოზუნგები: „ოკუპანტებო, გაეთრიეთ საქართველოდან!“ გაიმართა გაცხო-ველებული აზრთა გაცვლა-გამოცვლა. ხალხით გადაჭედვილმა ტრიბუნამ ოვაცია გაუმართა ლიტვის პარლამენტის წევრს ეგილიუს კლუნბისს.

თემურ ქორიძემ მისასალმებელ სიტყვაში თქვა: ქართველ ხალხს გულით სწადია ლიტველი ხალხის თავისუფლება. მაგრამ სანამ ლიტვაში საოკუპაციო ჯარი დგას, მის თავისუფ-ლებაზე ლაპარაკი ზედმეტია. ასევე საქართველოშიც. საქარ-თველო უნდა ჩაერთოს აღმოსავლეთ ევროპაში მიმდინარე პრო-ცესებში.

გიორგი ჭანტურია ისაუბრა იმის შესახებ, რომ საქარ-თველოში ინტერფრონტის შექმნის საშიშროებაა და მიტინგს გააცნო ქართველი ხალხის შეურაცხყოფელი განცხადება, რომელსაც ისინი ავრცელებენ.

„საქართველოში მცხოვრები სხვა ერები არიან და მომავალშიც იქნებიან საქართველოს ისეთივე მოქალაქეები, რო-გორც ქართველები, თუკი ისინი მხარს დაუჭერენ ქართველი ხალხის ბრძოლას თავისუფლებისა და დამოუკიდებლობისათ-ვის“.

„ქართველი, რომელიც იმსახურებს საოკუპაციო არმიაში, ჩაითვლება ეროვნულ-გამათავისუფლებელი მოძრაობის მოლა-  
ლატედ“. ამ სიტყვებს მიტინგი ოვაციებით შეხვდა.

ესტონეთის წარმომადგენელმა სანდერსისმა ქართულად დაიწყო თავისი სიტყვა: „ქართველო, ხელი ხმალს იკარ!“

მიტინგს მიესალმნენ აზერბაიჯანის, სომხეთის, ჩეჩენ-ინ-  
გუშეთის, ბელორუსიის შვილები.

ავანტიურა ჩაიშალა.

მანიფესტაცია დასრულდა ლოცვითა და ზეიმით.

\* \* \*

იმავე წლის მაისიდან ქართველობას ახალი სანერვიულო და სადარდებელი გამოუჩნდა, — სახალხო დეპუტატთა ყრი-  
ლობა, რომლის სხდომათა ანგარიშებს თითქმის ყოველდღე  
ტელევიზიით გადმოსცემდნენ.

ვნებათაღელვის, შეურაცხყოფისა და დამცირების უახლე-  
სი ფორმა. ვისაც როდის მოესურვება, საშუალება აქვს, გა-  
უფრთხილებლად თავს დაგესხას, ლაფში ამოგვანგლოს, მთე-  
ლი ქვეყნის გასაგონად გლანძლოს და ჯვარს გაგაკრას.

ქართველები მაშინ იმ დღეში ვიყავით, რომ ჩვენი გინება და აბუჩად აგდება ყველას მადლად ეთვლებოდა. ყველასთან ყველაფერში დამნაშავედ ვითვლებოდით. ამას არავითარი სა-  
ბუთი არ სჭირდებოდა. შარს რა გამოლევს! შეგიძლია, ყო-  
ველ ნაბიჯზე ცილი დასწამო და გაამწარო.

ქართველების საქმე ძიებაშია. ათობით კომისია იკვლევს. ასობით პროკურორი და მოწმე ყოფს ცხვირს. გამოგილან-  
ძღავს ჯალათი თხუთმეტი წლის წამებულ გოგონას. უხამსად მოიხსენიებს ანგელოსს და უნდა მოითმინო. სული კბილით გეჭიროს.

მარტო მთავარი სამხედრო პროკურორის კატუსევის სი-  
ტყვა კმარა ამის დასტურად. მომიტინგე მლოცველ გოგონებს ქვასროლია ხულიგნებს უწოდებს, მათ ხელთ ჩაუგდიათ სამ-  
ხედრო ავტოინსპექციის ავტომობილი და ჯოხებით დაუმსხვ-  
რევიათ. ნატოს ჯარები მოუწვევიათ. მესამე მსოფლიო ომის  
გამოწვევა განუზრახავთ.

— ნურც იმას დაივიწყებთ, რა შთაბეჭდილება მოახდინა ქართველებზე დეპუტატ სობჩაკის მოხსენებამ.

— ყველაზე მნიშვნელოვანი ფინალაა. ქართულმა დელეგაციამ სხდომათა დარბაზი რომ დატოვა და მას სოლიდარობა გამოუცხადეს მოსკოვის, ლენინგრადის, ბალტიისპირეთის, ბელორუსიის, უკრაინის, სომხეთის, აზერბაიჯანის დეპუტატებმა.

დარბაზი ერთი მესამედით დაცარიელდა. საქართველოს დელეგაციას შეუერთდნენ ცეკას მდივანი იაკოვლევი, საგარეო საქმეთა მინისტრი ედუარდ შევარდნაძე, მამა პიტირიმი.

ეს მორალური გამარჯვება სასიცოცხლო აუცილებლობა იყო ჩვენი ერისთვის.

თბილისში, მოედანზე, მიკროფონების წინ ვეებერთელა ყუთი იდგა წარწერით: „ისტორიის სანაგვე ყუთი“, რომელშიც მასობრივად ყრიდნენ პარტიულ და კომკავშირულ ბილეთებს.

რამდენიმე საათის შემდეგ ეს ყუთი ცეცხლს მისცეს.

პროლეტარიატის ბელადის ძეგლს მილიციის რაზმები იცავდნენ.

### 3.

გაზაფხულმა კერპების მსხვრევაში, მიტინგებსა, პოლიტიკური თვითგამორკვევისთვის შეურიგებელ აქციებში ჩაიარა. 24 აპრილს რუსთაველის პროსპექტზე მომხდარი შეიარაღებული ინციდენტის შემდეგ, მშვიდობიანი მოწესრიგების იმედი ბევრს აღარ ჰქონდა. ორივე მხარე ენერგიულად იბრძოდა ჰეგემონიისთვის და ამ მხრივ მაშინდელი თბილისი 1793 წლის პარიზს არ ჩამოუვარდებოდა. როგორც ვთქვით, საზოგადოებამ ვერ გაიგო, რა მოხდა იმ დღეს. იყო თუ არა მსხვერპლი და რის იმედი უნდა გვექონოდა.

მეორე დღეს მთავრობის სახლთან კონსტიტუციურ-მონარქიული პარტიის მიტინგი შედგა.

კრებამ საქართველოს ტახტის კანონიერ მემკვიდრედ აღიარა გიორგი XIV და საქართველოში მოიწვია სტუმრად. შეიქმნა სრულიად საქართველოს მონარქისტული ლიგა.

სათავე დაედო ეროვნული კონგრესის საარჩევნო კომპა-

ნას. გამოქვეყნდა ფორუმის მიერ დამტკიცებული კანონპროექტი. მიღებული იქნა რეზოლუცია, რომლითაც განისაზღვრა უზენაეს საბჭოსთან ურთიერთობის პრინციპი.

უნივერსიტეტი ეროვნული ფორუმის ბურჯად იქცა, ისევე, როგორც ილია ჭავჭავაძის საზოგადოება.

ოთხ მაისს წმ. ილია მართლის საზოგადოებამ დატოვა ფორუმი, რაც უკვე სრულ კონფრონტაციას ნიშნავდა.

სალამოს, კომკავშირის ცეკას შენობასთან, ჰელსინკის კავშირის თაოსნობით, განხორციელდა აქცია „ფორუმის“ გასაუქმებლად. ამიერიდან ეროვნული მოძრაობის ორ ფრთას შორის ურთიერთობა უფრო დაძაბულად წარიმართა.

ერთერთ კომენტარში ამბობდნენ: „დღეს უკვე ხშირად ლაპარაკობენ ეროვნულ-გამათავისუფლებელ ძალებს შორის არსებულ სერიოზულ წინააღმდეგობებზე და არა იშვიათად ამის მიზეზად პიროვნულ შეუთავსებლობასა და ამბიციებს ასახელებენ... ამ მოსაზრებას ბევრი არ ეთანხმება. მათი აზრით, ძირითადი მიზეზები პოლიტიკურ მოსაზრებათა და მიზნის მიღწევის საშუალებათა განსხვავებაშია, რაც ბუნებრივი თანამდევით პროცესია ყველა საარჩევნო კომპანიისა და პოლიტიკური ბრძოლისა. მიზანი ერთია — საქართველოს დამოუკიდებლობის აღდგენა. მისი მიღწევის ერთ-ერთი მთავარი პირობაც არავითარ ეჭვს არ იწვევს — ესაა იმ ოურიდიული პირის არჩევა, რომელსაც ექნება ერის ნდობის მანდატი, იმოქმედოს მისი სახელით“.

26 მაისს „გახლეჩილი შეხვდა“ ეროვნული მოძრაობა. „ფორუმის“ მომხრეებმა ეროვნულ სტადიონზე მოიყარეს თავი. „მრგვალი მაგიდისამ“ — ვაკეში.

„გაყოფილი ზეიმის“ მოულოდნელობა ის იყო, რომ „მრგვალ მაგიდას“ სამ-ოთხჯერ მეტმა დაუჭირა მხარი, რამაც თავიდანვე გაამწვავა ანტაგონიზმი და ზოგს ნაჩქარევი დასკვნები მიაღებინა.

ერთი, იქნებ, ისიც იყო: „ვეტერანი დისიდენტები“ „პენსიაზე“ გავიდნენ, გზა ახალგაზრდებს დაუთმონო.

ავიწყდებოდათ, რომ პოლიტიკას, ყველაფერთან ერთად, დიდი სიბრძნე, ცოდნა და გამოცდილება სჭირდება. ბევრ ქვეყანასა და ეპოქაში, კანონით იკრძალებოდა ახალგაზრდა ასაკ-



ში პოლიტიკურ ცხოვრებაში მონაწილეობა. ჩვენში მარქსისტებმა გააიოლეს და გააყმაწვილეს ეს სფერო გასული საუკუნის 90-იანი წლებიდან. აღარ აგონდებოდათ, რა მოგვიტანა ამ უმწიფარობამ. რა სიკეთე მოუტანეს ინგლისსა და დასავლეთ გერმანიას 90 წელს მიტანებულმა ჩერჩილმა და ადენაუერმა. რომელი ერთი უნდა დაასახელო.

თუმცა, არც იმის უარყოფა შეიძლება, რომ სიქაბუქესაც თავისი ადგილი და ღირსება აქვს.

ვიზუალური აქტივობით ფორუმი წინ უსწრებდა „მრგვალ მაგიდას“. რისკიან ნაბიჯებს დგამდა, რათა პირველი მისულიყო ფინიშთან. არ იშურებდა დაპირებებს, ენერგიას და თავსნობას.

საქართველოს ეროვნული კონგრესის არჩევნების საკოორდინაციო ცენტრი და საქართველოს ეროვნული ფორუმი ულოცავს სრულიად საქართველოს სახელმწიფოებრივი დამოუკიდებლობის აღდგენის 72-ე წლისთავს და უსურვებს გამარჯვებას ამ დიდ საქმეში, რასაც თავისუფლებისა და დამოუკიდებლობისათვის ბრძოლა ჰქვია. გამოთქვამს იმედს, რომ დღევანდელი ეროვნულ-განმათავისუფლებელი მოძრაობა მიიყვანს ქართველ ერს თავისუფლებამდე და საქართველოს სრულ და საბოლოო დამოუკიდებლობამდე.

საქართველოს ეროვნულმა ყრილობამ, გრანდიოზული ღონისძიებები ჩაატარა 30 სექტემბერს დანიშნული კონგრესის არჩევნებში წარმატებისათვის.

დოკუმენტებში დადასტურებულია მტკიცე რწმენა და იმედო.

„მრგვალი მაგიდას“ საქმიანობას უფრო მოკრძალებული ხასიათი ჰქონდა, მცირე აქციებად იყო დანაწილებული. ლენინის ძეგლის აღება, რომელიც ცხრა მაისს წამოიწყეს, ავვისტოს ბოლოს დასრულდა.

ამათ მთელი ყურადღება გაზულუქებულთა ამორალიზმის მხილებაზე გადაიტანეს. გაჭირვებულ, ფეხქვეშგათელილ, დამცირებულ ადამიანთათვის გამოიდეს თავი. გაუშაძრობა, თვითნებობა, უკანონობა გაიხადეს გმობის საგნად. „ხალხის მეგობრებად“ ევლინებოდნენ ქვეყანას, ეროვნულ და სოციალურ უსამართლობას თანაბრად კიცხავდნენ.

ივნისში ფორუმში შემავალმა პარტიებმა სამოცდაათი ათას კაცს მოაწერინეს ხელე, რომ უარს აცხადებდნენ საბჭოთა კავშირის მოქალაქეობაზე.

— თუ ძმა ხარ, გამაგებინე, რა მნიშვნელობა აქვს ამას?

— მნიშვნელობა როგორ არ აქვს, საპროტესტო აქციაა!

— მე თვითმიზნური მგონია.

— ჩემი რწმენით, ორ განსხვავებულ კონცეფციასთან გვაქვს საქმე.

— გეჩვენებათ. გაზვიადება და დაეჭვების არგუმენტირება ადამიანის ფსიქიკის ნიშანდობლივი თვისებაა.

— რუსთაველზე მომხდარი ინციდენტის მომიზეზება ზნეობრივ საბუთად არ გამოდგება. „მრგვალი მაგიდის“ ერთ-ერთი პარტიის თავკაცმა გმირთა მოედანზე რამდენიმე კაცი იმსხვერპლა, მაგრამ ამისთვის თავი არ შეუწყუხებიათ.

— ასეთი მითქმა-მოთქმით ხელს ვუწყობთ ანარქიას. არ არსებულა არცერთი გონივრული მოძრაობა, რომელსაც თავისი ხელმძღვანელები და ავტორიტეტები არ ჰყოლოდეს.

ზაფხულის დასაწყისში საქართველოს ეროვნული დამოუკიდებლობის პარტიის კრებაზე საკითხი დაისვა კონგრესის არჩევნების უფრო გვიანი დროისთვის გადატანის შესახებ. აზრთა გაცვლა-გამოცვლის შემდეგ თარიღი უცვლელად დატოვეს. ასევე უარყოფილი იქნა პარლამენტური ფრაქციის შექმნის წინადადება. შეურიგებელი და რადიკალური ოპოზიციის ავანგარდმა ეს წინადადება პარტიის ღირსების შეურაცხყოფად გამოაცხადა. თეიმურაზ სუმბათაშვილმა ამ აზრის მომხრეთა დაუყოვნებლივ პარტიიდან გარიცხვა მოითხოვა. გარიცხვიდან თავი შეიკავეს, 28 ოქტომბრის მრავალპარტიულ არჩევნებს კი ბოიკოტი გამოუცხადეს.

ამავე პერიოდში კონფლიქტის გაღრმავებაზე მეტყველებს „ახალგაზრდა ივერიელის“ „რეპლიკა ჯაბა იოსელიანს“.

„გავეცანით 20 ივნისის „ქართულ ფილმში“ გამოქვეყნებულ თქვენს წერილსა და მინაწერს. სავსებით სწორი ბრძანდებით იმაში, რომ ჩვენ მართლაც უარი ვთქვით თქვენი რეპლიკის გამოქვეყნებაზე.

მსგავს კონტექსტში, ავადმოსაგონარი ხალხის გვერდით ეროვნული მოძრაობის ლიდერის ზვიად გამსახურდიას მოხ-

სენება ჩვენ მკრეხელობად მივიჩნიეთ; ჩავთვალეთ, რომ პუბლიკაცია ეროვნულ ძალებს შორის არსებულ უთანხმოებას უფრო გაამწვავებდა. ჩვენი ამ პოზიციის შესახებ, ვფიქრობთ, საკმაო ტაქტით, მოვახსენეთ რედაქციაში მოსულ თქვენს თანამშრომლებს.

არაერთგზის გვითქვამს და კიდევაც გავიმეორებთ, რომ დროა პოლემიკა პირადუღვიდან საზოგადო კირზედ გადავიტანოთ; ამას მოითხოვს საერთო ეროვნული ინტერესები. სწორედ ამ პოზიციებიდან გამომდინარე აღმოჩნდა რეპლიკა ჩვენი და არა მარტო ჩვენი გაზეთისთვის მიუღებელი...“

პოლემიკას ცეცხლი ეკიდებოდა. უღმობელი და შეურიგებელი ხდებოდა. ხალხის თვალში ორივე მხარე ზარალდებოდა — ერთი უფრო მეტად, მეორე — ცოტა უფრო ნაკლებად.

#### 4.

— ხედავ, რა ამბები დაიწყო?! — შეცბუნებით უთხრა მარტოლექმა ზებედეს. — ამათ ისე ფიცხლად შეუტყის ერთმანეთს, რომ იოლად არ გაშველდებიან.

— მიზეზი?!

— ამას ჩაკვირვება და აზრის გაყოლება უნდა.

— შენ გგონია, დღეს დაიწყო?

— არა, ცოტა ძველიც გამიგონია, მაგრამ ამ ჩაშლილი არჩევნების შემდეგ, ძაან ჯიუტად ჩავლეს ერთმანეთს ხელი.

— ყმაწვილკაცობა უფრო მოუსვენრობს. ერთი დაკვრით უნდა შემოაბრუნოს საქმე.

— ეე! მოწინააღმდეგეებს ისეთი არწივები მიუძღვებიან, რომ იმათი მორევა გაუჭირდებათ.

— შენ „საქართველოს ეროვნულ-გამანთავისუფლებელი მოძრაობის მრგვალი მაგიდის პოლიტიკურ ორგანიზაციათა და წევრთა მიმართვა ქართველი ერისადმი და მსოფლიო საზოგადოებრიობისადმი“ წაგიკითხავს?

— არ მახსოვს! ეგ რომელია?

— ჰელსინკის კავშირი, ილია მართლის საზოგადოება, მო-

ნარქისტული პარტია და მერაბ კოსტავას საზოგადოება აწერენ ხელს.

— რაო, რა გვინდაო?

— დემოგრაფიული ექსპანსია აღიკვეთოსო. „თურქი მესხების“ შემოსევა არ დაუშვათო. ჩვენს დღევანდელ ხელისუფლებას პროტესტს უცხადებენ. სამ მოთხოვნას უყენებენ. სრული ეროვნული დაუმორჩილებლობით ემუქრებიან.

— ჩემი ფიქრით, დღეს ამათ ერთმანეთთან შინაური საქმის გამორკვევა უფრო აინტერესებთ!

— არც ასე მარტივი ანგარიშია. ესენი ხალხის მისამხრობად იკლავენ თავს! ვინ ვის? შეიქნა თუ არა გაწევ-გამოწევა, ბადრი უჯარმელს „ახალგამომცხვარი დიქტატორობა“ წასძახეს. სპიკერობაც სასაცილოდ აიგდეს.

— უჯარმელის პასუხი მეც წავიკითხე. მართალია ის კაცი, რომ წერს: თქვენ თვითონ არ ამირჩიეთო? ამ ორ თვეში როგორ ვიქეცი დიქტატორადო?

— მენანება ჩვენებურ პოლიტიკაში გარეული ხალხის საზოგადო და პირადული ძნელი გამოსარჩევია.

ზებედე აღელვებული ჩანდა: ცდილობდა, მიუკერძოებელი ყოფილიყო, მაგრამ ჭაბუკების გაწიწმატება და უპატივცემულობა უმადურობად მიაჩნდა.

— იცი რამ მიიპყრო ჩემი ყურადღება? უახლოეს ხანში ერი თვითონ გაარჩევს მტყუანსა და მართალსო.

— რა, სასამართლოს მოწყობას უპირებენ, თუ კაცი ხარ!

— ა, შენც შენიშნე ეს ადგილი?

— ტერორისტობა და კორუმპირებულობა დაგვწამაო!

— უჯარმელის დაშინება შეუძლებელია. გაიხსენე, როგორ ამთავრებს თავის პასუხს! „რახან ესოდენ გაკადნიერდით, ჩვენ უახლოეს ხანში მოგვიწევს ერთად შეკრება. ამ შეკრებას დაესწრებიან დასავლეთის მოღვაწენი და ჟურნალისტები, რომელთა თანდასწრებით, სათანადო დოკუმენტებითა და მოწმეებით დაგიმტკიცებთ ყოველივე იმას, რასაც თქვენ უარყოფთ“.

— უჯარმელის ოპონენტები საოცრად მოუზომავი არიან სალანძღავ ეპითეტებში.

— აქვთ, ეტყობა, რალაც საბაბი და მიზეზები.

— ეს ხეირს არ დააყრის მათი ჩვენი ხალხი გულმოწყალებას, სითბოს და თანაგრძნობას ითხოვს ყველასგან. თვითდაჯერება და ყოყოჩობა დამლუპველია.

— გეთანხმები. ჭიდილი უღმობელი იქნება, გაიმარჯვებს სიკეთე და პატიოსნება. რაგინდ შეფერილიც არ უნდა იყოს, ბოლშევიკურ მეთოდებს ჩვენში მომავალი არ ექნება.



იქიდან მოკიდებული ხანძარი არ ჩამქრალა. ჯერ იყო რუსთაველზე საუკეთესო შენობების დასაკავებლად და ავტორიტეტების გადმოსაბირებლად ბრძოლა. დაეპატრონენ ლენინის მუზეუმს, კულტურის სამინისტროს, არტისტული საზოგადოების მშვენიერ შენობას.

ზოგი ეგზოტიკური მოღვაწე თავპატიუს იღებდა, კვირაში რამდენჯერმე იცვლიდა პოლიტიკურ მიმართულებას და შესაბამისად — საქველმოქმედო დაწესებულებას.

აპრილიდან არჩევნების დამთავრებამდე, ყველაზე დიდ სიახლეს, სტრატეგიული და ტაქტიკური ინტუიციის მონაპოვარს წარმოადგენდა „მრგვალი მაგიდის“ შეხვედრები, რომლებიც ყოველდღე ქვეყნდებოდა და ათასობით ადამიანს იზიდავდა. ეს უაღრესად საქმიანი და მომხიბვლელი ჩანაწერები ხალხს გზას უკვლევდა ყოველდღიურობის რთულ ლაბირინთებში. მათ გატაცებული, ფანტიკოსი და ბეჯითი თაოსნების ნიჭი და მიზანსწრაფვა ამჩნევია.

მოსვენება არ იცოდნენ რა იყო. კომკავშირის ცეკას წინ აწყობდნენ მრგვალ მაგიდასთან გაერთიანებულ პოლიტიკურ პარტიათა და ორგანიზაციათა საინფორმაციო მიტინგებს. უპასუხებდნენ ქართველ და უცხოელ ჟურნალისტთა მრავალრიცხოვან შეკითხვებს. ხვდებოდნენ სხვა პარტიათა თავკაცებს. აწყობდნენ დისპუტებს. ერთმანეთს უზიარებდნენ სხვა-

დასხვა ქვეყნის პოლიტიკური საარჩევნო ბრძოლის გამოცდილებებს. რა საერთაშორისო რეზონანსს გამოიწვევდა საქართველოში მრავალპარტიული, არასაბჭოური არჩევნების ჩატარება. ჟეროვან ყურადღებას უთმობდნენ მიმდინარე ცხოვრების მწვავე საკითხებს. განიხილავდნენ ბოგდანოვიკის რაიონსა თუ სამაჩაბლოში კონფლიქტურ სიტუაციებს. ლამეები გადიოდა გადაუდებელი საქმეების განხილვაში.

საგანგებოდ იმსჯელეს ექიმ მაუგლი ჩხიკვაძის "შიმშილობაზე, რომელმაც ეს აქცია იმიტომ გამოაცხადა, რომ საქართველოში მოწამლული პროდუქტები შემოიტანეს. რამდენიმე სხდომა მიეძღვნა მერაბ კოსტავას ფონდზე თავდასხმას. მოითხოვდნენ მთავრობისგან ხალხის სასარგებლო ღონისძიებების სასწრაფოდ განხორციელებას, უცხოელი ჟურნალისტების მოწვევას. დაბეჯითებით ითხოვდნენ გადაამჭრელ ღონისძიებებს კორუფციის, ძალადობის წინააღმდეგ.

ამ უამრავი, გადაუდებელი საქმეების აღრიცხვა ჩვენი წიგნის მიზანს არ შეადგენს. ავტორის სურვილია, გაგრძობიანთ ასეთი მრავალფეროვანი მოღვაწეობის როლი არჩევნების მომზადებაში.

„მრგვალმა მაგიდამ“ გულდასმით განიხილა საარჩევნო კანონ-პროექტები.

უყურადღებოდ არ რჩებოდა რუსულ პრესაში ქართველი ერის წინააღმდეგ არცერთი პროვოკაციული გამოხდომა.



„მრგვალი მაგიდის“ სხდომაზე ხმამაღალ ლაპარაკს ვერ გაიგონებდი. დარბაისლურად, დინჯად მსჯელობდნენ და სამოქმედო ღონისძიებებს სახავდნენ. საპარლამენტო გაკვეთილებს გადიოდნენ.

არც ეროვნული კონგრესის შტაბებში იყვნენ გულხელდაკ-

რეფილი. საარჩევნო წესდებებსა და სიებს აზუსტებდნენ. თით-  
ქოს, შეჯიბრი ჰქონდათ, ვინ ვის დაასწრებდა.

არიან სხვებიც. დაბადებით დალხინებულნი. ქონება თავზე  
გადასდით. „ოწესო საქმეს“ არ ჩაიდინენ. მამა-პაპით „დიდ-  
კაცები“. იციახ, სად რა თქვან და როგორ მოიქცნენ. პატრი-  
ოტობენ. ბრძნებად და გენიოსებად მიაჩნიათ თავი. არაფერი  
აკლიათ. არაფერს დაიკლებენ. მარადიული დეპუტატები. თავს  
არ იკლავენ — სჯერათ, გამოტოვებას ვერავეინ გაუბედავს.  
პრესკონფერენციებისა და ინტერვიუების ვეფხვები. სენსა-  
ციური პასუხის“ დიდოსტატები. სიმართლეს ვერ გამოსტყუ-  
ებ — ვითომ, ყველას შეერიგებისა და კონსოლიდაციისკენ მო-  
უწოდებენ.

— თუ კაცი ხარ, გამაგებინე; თბილისელი არაფორმალე-  
ბი მართლა ასე თავისუფლად დასეირნობენ საზღვარგარეთ? —  
ჰკითხა მიხაკა მარტოლეკმა.

— არ იცოდი? ამ თვის დასაწყისში ჩვენი გმირები პა-  
რიზში მიიწვიეს ქართველმა ემიგრანტებმა.

— ვინ წასულა და რა გაუკეთებია, თუ იცი?

— როგორ არ ვიცი, ცოტა ხომ არ დაიწერა ამაზე? სტეპ-  
კო სვირინგია და თორნიკე ერისთავი იყვნენ გაგზავნილი, ენ-  
ძელა ძიძიშვილიც და ჩარიტა ჩინაძეც.

— არჩევნებთან იქნება დაკავშირებული.

— პატარა საქმე არ გახლავს! — მსუბუქად ამოიოხრა ზე-  
ბედემ. — ამ ზაფხულს ქალბატონი ლოლიტა ბრძანდებოდა  
ამერიკაში, სენატორ ჯესი ჰელმსსა და სახელგანთქმულ ქართ-  
ველ დისიდენტს შეხვდა. პოლიტიკური მოღვაწეები ოკეანეებს  
უსაქმოდ არ გადასერავენ. რამდენიმე სენატორი, კონგრესმე-  
ნი და მათი მეუღლეები გაუცვნია. შთაბეჭდილებები საკმა-  
ოდ ოპტიმისტურია. ფრიად გონივრულიც. პარიზიდან ბატო-  
ნი სვირინგია პრალას სტუმრებია, სადაც რამდენიმე სხვა ქარ-  
თველ დისიდენტთან ერთად მონაწილეობა მიუღია ცნობილი

საერთაშორისო ორგანიზაციის — „დემოკრატია და დამოუკიდებლობა“ — კონფერენციაში. ჩეხოსლოვაკიის პრეზიდენტს ვაცლავ ჰაველს უთქვამს, იმით კი არ ვამაყობ, პრეზიდენტი რომ გავხდი, არამედ „გულაგში“ გატარებული წლებითო.

— ჩემი აზრით, საქართველოს საშინაო საქმეები საერთაშორისო განხილვის საგნად არ უნდა გავხადათ. ჯერ ერთი, არაკომპეტენტურობის გამო. ამ წრეებში დამკვიდრებული წარმოდგენების მიზეზით, საქართველო სტალინის სამშობლოა. ამის გამო რაღაც დანაშაული მიუძღვის. ეროვნული მოვლენების ინტერნაციონალიზაცია პირადი ანგარიშსწორების საშუალებას ქმნის. ახლა ისიც თქვი, ერთ-ორ თვეში, თუნდაც, ორ-სამ წელიწადში მსოფლიო პოლიტიკაში ცოტად თუ ბევრად გარკვევა წარმოსადგენია? დილეთანტიზმი კი არსად ისე საშიში არაა, როგორც პოლიტიკაში. მეშინია, პოლიტიკა პოლიტიკანობად არ იქცეს. გასული საუკუნის ოთხმოცდაათიანი და საბჭოთა ოციან-ოცდაათიანი წლების გახსენებაც მაშინებს, როცა მემარჯვენეები და მემარცხენეები რაღაც აბდაუბდა „პრინციპების“ საბაბით ერთმანეთს ელეტდნენ.

— მე იმასაც ვფიქრობ, ძალათ გართულებული პოლიტიკური „პარტიიზმი“ არღვევს პიროვნების ხასიათს, თრგუნავს ადამიანს. ყველას უფლება აქვს, გაიზიაროს ან არ გაიზიაროს ესა თუ ის კონცეფცია, მაგრამ ეს „რეზოლუციებით“ კი არ უნდა ხდებოდეს, არამედ სრული ნებაყოფლობით. უმიზეზოდ და უსაბუთოდ ადამიანის ლანძღვა დიდი ცოდვაა.

— ვაი ჩვენს დღეს! გამკითხველი არავინაა. ესაა დემოკრატიული ურთიერთობა!?

— იმაზე რას იტყვი, ეთნოკრიზისების მიზეზად რომ ქართველები გამოვუცხადებთ?

— კიდევ ერთხელ, ვაი ჩვენს დღეს! ეს ხომ სახაროვის ანდერძიდან მოდის!

— რას ამბობ, მიხაკა! სახაროვი სად იყო, ამ ვერაგობას



საქართველოს წინააღმდეგ რომ იყენებდნენ სახაროვმაც იმათგან შეითვისა. აბა ერთი ათასცხრაასთვრამეტის პრესა წაიკითხე, მრავალსაუკუნოვან მასალებს გაეცანი და გაიგებ, ვის არ ასვენებდა ქართველ ტომთა ერთობა, ვინ გვიმხედრებდა საქართველოს მოსახლე ერებს, ვინ გამოაცხადა საქართველო „მცირე იმპერიად“. თუნდაც, ჩვენი ცნობილი ისტორიკოსის ზურაბ ავალიშვილის ნაწერები გასინჯე. ისიც გაიხსენე, რატომ შეაჩვენა ქართულმა ეკლესიამ „დიდი მოურავი“ ისტორიის დავიწყების უფლება არავის აქვს. როგორ შეიძლება იმათ დუღუკზე ვიბუქნაოთ, ვინც ჩვენს მიწა-წყალს იჩემებს. ქართველები ეთნოკრიზისების მიზეზი კი არ არიან, არამედ მსხვერპლნი. სამაჩაბლოში შარშან, ხომ ვიცით, რა ამბავიც იყო, ახლა გაფიცვებს გვიწყობენ. ჩვენ ფუჭად დასაყარგავი დრო არ გვაქვს. ეთნოკრიზისების ჩვენთვის გადმობრალეობა ბინძური უსამართლობაა, რომელიც იმ წრეებიდან მომდინარეობს, სტალინის დანაშაულობათა ჩვენთვის მიწერა რომ სურთ. როგორ არ გაგახსენდეს ვაჟა-ფშაველას სიტყვები: „აბნელებს, უხილავსა ხდის, ქვეყანას ხილულიანსა“.

— ეს ბატონი ქალაქე ვილაა, „ქართული შოვინიზმის“ აღზევება რომ ნერვებს უშლის?! ეჭვი არ ეპარება, რომ სტალინი ქართველი იყო და მისი დანაშაულობებისთვის ჩვენ გვაკისრებს სრულ პასუხისმგებლობას.. თუ ჩვენ უარი ვთქვით, თუნდაც ერთი „თურქი მესხის“ ჩამოსახლებაზე, ეს ნიშნავს, რომ მხარს ვუჭერთ სტალინის პოლიტიკას! — ხედავ, რა „მოაზროვნე პოლიტიკოსებთან“, „ობიექტურ დისიდენტებთან“, რა „ქართველ მამულიშვილებთან“ გვაქვს საქმე! აი, სანამდე მიდის დოგმატიზმი! ვინ გვიკითხავს დემოკრატიის ლექციებს?

ყველა პრობლემის გადაწყვეტას, ყველა დანაშაულის გამოსწორებას ჩვენგან მოითხოვს.

— არ ვიცი, ეს როგორი ქართველია, რომელსაც ჩვენს

ეროვნულ ტრაგედიაზე არავითარი წარმოდგენა არ აქვს! მისი ბრძნული აზრით, აფხაზებთანაც ჩვენ ვყოფილვართ დამნაშავე.

— მაღალი საკაცობრიო ინტერესებისათვის საქართველოს განწირვა არ ახალია, ძველია.

— ზოგისთვის საქართველო აბსტრაქტული ცნებაა, ზოგისთვის კიდეც — ყოველწუთიერი მოქმედება, ზრუნვა, შრომა და რუღუნება, საქართველოს ყველა სატკივრის გულთან მიტანა. ასეთ კრიზისულ მომენტში ლაქლაქის დრო არაა.

— შენი აზრით, ვისი შთაგონებით და ინტერესებისთვის იღვწოდა პრალის კონფერენცია!

მარტოლეკმა მხრები აიჩეჩა.

— საქართველოს მძიმე ბედიღბალი არაქართველებში წყდება!

ჩასულებს დიდი მხარდაჭერა აღუთქვეს. ამერიკის „დემოკრატიულმა ცენტრმა“ სპონსორული დახმარება იკისრა. საქართველოს კონგრესის არჩევნებზე მეთვალყურეების გამოგზავნას დაპირდნენ. აღუთქვეს, რომ შეერთებული შტატების კონგრესი ოფიციალურად სცნობდა საქართველოს ეროვნული კონგრესის უფლებამოსილებას. არანაკლები დაპირებები და რწმუნებები მიუღიათ პარიზში და მიუნხენში. გაზეთებში პარტიის სახელზე მიუნხენში გახსნილი სავალუტო ჩარიცხვების ანგარიშის ნომერიცაა მითითებული.

— ერიპა!



უცხოეთის ვოიაჟებმა ვითარება უკიდურესად გაამძაფრა და პირადი ურთიერთობანი დაძაბა. ჩვენებურ პოლემიკაში ყველა ხერხი და საშუალება ნებადართულია. ყველა ერთმანეთზე ჰკვიანი და ღვაწლმოსილია. მთავარია, გაამწარო მოწინააღმდეგე და მისი თაყვანისმცემლები. არავინ არავისთან

ვალში არ რჩება. ვინც ყველაზე მეტად ანგრევს შემაერთებელ ხიდებს, ყველაზე მეტს გაპყვირის ერთიანობასა და კონსოლიდაციაზე. არის ერთი უმოწყალო ლანძღვა-გინება, ეპითეტების ლაწა-ლუწი, „განსვენებულთა კეთილი სახელებით სპეკულაცია“. იმავე წერილებიდან ჩანს, რომ მოკამათენი, ახლა რომ ერთმანეთს არ ინდობენ, ერთ დროს ახლო მეგობრები ყოფილან და ერთმანეთის იმედი ჰქონიათ. ერთი სიტყვით, მტრის გულის გამხარებელი პოლემიკაა.

დღეს, როცა საჭიროა საქართველოს ეროვნული შემკიდროება, ესენი გიმნაზისტური ხერხებით იხევევენ პოპულარობას. ჩვენს პოლიტიკურ ცხოვრებაში ვინეგრეტივითაა ათქვეფილი ინტრიგა, ამბიციკა, პირადი სიმპათია-ანტიპათია, კარიერა, მლიქვნელობა, ძალმომრეობა, მაფიოზი. რა უნდა გამოვიდეს ამისთანა დომხალიდან? ეს ასახიჩრებს და აბრმავებს იმ ძალებს, რომლებიც საქართველოს წინსვლას სჭირდება. მოქმედებაა საჭირო, ზუსტი და თანმიმდევრული.

წარმოსადგენია პოლიტიკა სიბრძნის და რწმენის გარეშე? დასრულდა ერთი საფეხური. საჭიროა ძმური სიყვარულის გაღრმავება, ახალი განსაცდელისთვის მზადყოფნა. ამ დროს გაისმის შემზარავი გაფრთხილება: „დიქტატორი მოდის!“ არ დაიჯერებენ თუ რა! რაკი არსებობს „მცირე იმპერია“, იმპერატორი-დიქტატორიც იარსებებს. რაკი ქართველი კაცის სახელით მსოფლიოს დიქტატორმა შეაძრწუნა სამყარო, რატომ არ შეიძლება, ამ ხალხიდან სხვადასხვა რანგის დიქტატორებიც გამოვიდნენ! ავადმყოფური ამბიციკა ასე უთხრის ძირს უბედურ სამშობლოს.

„მოხუცდა!“ „აზროვნება დაუქვეითდა!“ „განუწყვეტელმა ფსიქოლოგიურმა ტრავმებმა დასცა!“ „აღარ გამოგვადგება!“ უნდათ ღირსეული კაცი საკუთარი არარაობის შეგრძნებამ დაამხოს და მისი ადგილი უღირსმა დაიკავოს!

როგორ შეიძლება „დიქტატორობა“ დააბრალო ნატანჯ-

ნაწამებ, მთელი ცხოვრება დემოკრატიისთვის თავდადებულ  
კაცს, რომელსაც არავითარი ხელისუფლება არ გააჩნია?! რო-  
გორ ესმით დიქტატურა და დიქტატორი? ვინ მიუშვებს დიქ-  
ტატორობამდე? ეს ხომ ბოლშევიკური აზროვნებისა და ფსი-  
ქოლოგიის ნაყოფია?

მოხუცება საიდან ჩანს? განა, „მრგვალი მაგიდის“ შეხვედ-  
რათა ანგარიშებში ვერ ვგრძნობთ უღვეველ ენერგიას, ძა-  
ლასა და გამჭრიახობას?



გიოლას შავნალვლიანობა მორეოდა იმ ზაფხულს, დარ-  
დი უჭამდა გულ-ღვიძლს და ამის მიზეზი ფსიქიატრიულში  
გადატანილი ტანჯვა-ვაება და დედის გაჭირვება კი არ იყო,  
არამედ პოლიტიკურ ცხოვრებაში ჩამოვარდნილი განხეთქი-  
ლება. ვერ გამოერკვია და გადაეწყვიტა, ვისთან დამდგარი-  
ყო, ვისკენ იყო სიმართლე, ვის გაპყოლოდა. ხან „მრგვალი  
მაგიდის“ მიტინგებს ესწრებოდა, ხან კონგრესის თაოსნებში  
ტრიალებდა, გული უკვდებოდა, რომ ეთნოკრიზისების გამ-  
ჩაღებლები მოხერხებულად სარგებლობდნენ ამით და ძირს  
გვითხრიდნენ. ისედაც ნერვებაშლილს, ახლა დეპრესიაში  
აგდებდა მოპაექრეთა ურთიერთგაწირვა და უღმობლობა. †

— წაიკითხეთ? — აღელვებული მივარდა ზებედესთან, რო-  
ცა რუსულ გაზეთში დაბეჭდილი „მრგვალი მაგიდის“ მეთა-  
ურის ვრცელ პასუხს გაეცნო: „წერილში ძველ კეთილსმყო-  
ფელს“.

— ასეც ვიცოდი. — მშვიდად მიუგო ზებედემ. — მიმაჩნია,  
რომ კოვზი ნაცარში ჩაუვარდათ.

წერილის აღრესატის — ამერიკაში მცხოვრები ქართველი  
დისიდენტის ურთიერთობა „მრგვალი მაგიდის“ ლიდერთან  
უკანასკნელ დროს სულ უფრო უარესდებოდა.

სიმართლე რომ გითხრათ, ქართველი პატრიოტები სკეპ-

ტიკურად უყურებდნენ უცხოეთში გადახვეწილ, ჰალაძის მსგავს კოსმოპოლიტ დისიდენტებს, რომლებიც ეროვნულ გრძნობებს მოკლებული იყვნენ. ესეც არ იყოს, გერცენისა და ოგარიოვის დრო აღარაა და შიგნიდან უფრო კეთდება საქმე, ვიდრე გარედან.

— ჩემი რწმენით, მოსკოვის გასამართლებასთან დაკავშირებული ყველა ეჭვი გაქარწყლებულია.

— ვითომ? — ამოიკვნესა ვიოლამ. — ზოგი ისევ უნდობლად იქნევს თავს.

— რა, კოსტავასაც აღარ ენდობიან? იმაზე კარგად ვინ უნდა სცოდნოდა ეს საქმე! ერთად ისხდნენ და სასამართლო პროცესზეც ხვდებოდნენ ერთმანეთს. თითოეული ნაბიჯი შეთანხმებული ჰქონიათ. ყველა ბრალდება გაბათილებულია. მთავარ არგუმენტად მაინც ის რჩება, რა საქმიანობას ეწეოდა ტანჯული კაცი, ციხიდან გამოსვლის პირველივე დღიდან. „პასუხში“ მკაცრი ფაქტებით და რკინისებური ლოგიკითა დასაბუთებული, რომ „ჰელსინკის კავშირს“ წუთითაც არ შეუწყვეტია მოღვაწეობა. „რეპრესიებისა და დევნის მიუხედავად, — წერს მერაბ კოსტავა, — ჰელსინკის კავშირი განუწყვეტლივ ეხმიანებოდა მოვლენებს“. მისივე სიტყვით: „ზვიად გამსახურდიას ქედი არ მოუხრია სასამართლოზე და სინანული არ გამოუთქვამს, რომ „ჰელსინკის კავშირი“ დააარსა“. მე არ ვიცი, როგორ უნდა მოუბრუნდეს ვინმეს ენა, რომ ეჭვი შეიტანოს ორი თავდადებული მეგობრის საერთო აღსარებაში. „გამსახურდია ყოველგვარი კომპრომისის წინააღმდეგი იყო, — დასძენს კოსტავა. — ჩვენ ერთმანეთთან წინასწარ შეთანხმებით ვმოქმედებდით. თითოეული დეტალი გათვალისწინებული გვქონდა“. წაიკითხეთ, ქალბატონო ვიოლა, ეს წმინდა აღსარება, ქართველთა ბრძოლისა და ძმური თავდადების მღელვარე მატრიანე და იოლად გაარჩევთ მტყუანსა და მართალს. რაც შეგვეხება ჩვენ, იმ გასამართლების მომსწ-

რეებს, მაშინაც ვიცოდით და გვჯეროდა ყოველივე ეს. სიმართლე არც ისე ძნელი გასარჩევია სიყალბისგან. არაფერია აქ გამოტოვებული ან მიფუჩჩეხებული. სიმართლე ითქვას, იქიდან მოკიდებული, სერიოზულმა ოპონენტებმა ამ ბრალდებაზე ხელი აიღეს და ჯიბრით ვინმე გაბოროტებული თუ ჩაიქიჩილებს გულის მოსაოხებლად.

შუა ზაფხულიდან საქმიანი, პრინციპული პოლემიკა შეცვალა უწმაწურმა ლანძღვა-გინებამ, უსაგნო ჯიბრმა, რაღაც ფარული მიზეზების გამო სამაგიეროს გადახდის ეინმა.

ამ ძიძგილაობასა და ისტერიკაში ფორუმის იდეური ლიდერები არ ერეოდნენ, შეიძლება, თავს იკავებდნენ. სულ უფრო მეტ ყურადღებას უთმობდნენ თეორიულ პრობლემებსა და კონგრესის არჩევნების ორგანიზაციას.

უბირი ადამიანები შერიგებაზე ლაყბობდნენ. ზოგს მოუსვენრობა ხელს უშლიდა ყოველდღიურ მიდგომ-მოდგომაში, ზოგს — ლუკმა პურის შოვნაში. წარმოდგენა არ ჰქონდათ, რას ნიშნავდა და როგორ უნდა მომხდარიყო ეს „შერიგება“ და „კონსოლიდაცია“. ვის ვისთვის და რა უნდა დაეთმო. ბევრმა არ იცოდა, რომ ყველაფერი პატიოსან, სამართლიან არჩევანს უნდა გადაეწყვიტა. მას უნდა გაერკვია მტყუანი და მართალი.

ამტკიცებდნენ, რომ ეროვნულ მოძრაობაში გაჩნდა ორი პოლიტიკური კონცეფცია. ფორუმიდან გასვლა მოხდა არა ზნეობრივი მოტივებით, არამედ განსხვავებული პოზიციების გამო. მოძრაობა კრიზისმა მოიცვა.

ეროვნულ-დემოკრატიული პარტიის თავმჯდომარე გიორგი ჭანტურია სამართლიანად წერდა ამის შესახებ: „პარტიათა შორის წინააღმდეგობა ყოველთვისაა და ყველგან“. ის ყველა ძალას ფორუმში ეპატიუება „კონგრესის“ ასარჩევად. „ჩვენთვის ობიექტური მესამე პირის, სრულიად საქართველოს აზრის ყველაზე დიდი მნიშვნელობა აქვს“.

„გამშველბელთა“ და მიმღევაართა ლანძღვა-გინებას რომ კითხულობ, თავი შეგძულდება. „კვალი“ და „მოგზაურიც“ ანგელოზებად მოგეჩვენება, რომლებმაც ეს ბინძური შეუწყნარებლობა დანერგეს ჩვენს სამშობლოში. ერთ განებივრებულ ეგოცენტრისტს წამოსცდა: „ის რა ლიდერია, ჩვენს წრესთან არ მეგობრობსო!“

გაცხელებული თავები „პუბლიცისტურ-პოლემიკური“ ლანძღვა-გინებიდან ფიზიკურ ექსცესებზე გადავიდნენ.

ოცდაოთხ ივლისს კინო-სახლთან მოწინააღმდეგეები თავს დაესხნენ მიტინგზე „მრგვალი მაგიდის“ ლიდერს. საჭირო გახდა მილიციის ჩარევა. მეორე დღეს უნივერსიტეტის პირველ კორპუსთან შეიქნა გაწევ-გამოწევა. ირაკლი წერეთელმა მხარეებს მშვიდობიანი ჩამათისკენ მოუწოდა. აქვე თემურ ყურყოლიანმა გამოაცხადა, რომ მონარქიულ-კონსერვატიული პარტია სტოვეებს „მრგვალ მაგიდას“ და იწყებს დამოუკიდებელ პოლიტიკურ საქმიანობას.

საქართველოს სახალხო ფრონტის შენობის წინ გამართულმა „მრგვალი მაგიდის“ პოლიტიკური ალიანსის მიტინგმა მკაცრად დაგმო „პრალის კონფერენციის რეზოლუცია“, რომელსაც მხარს უჭერდნენ „საკორდინაციო საბჭოს“ პარტიები. მიტინგზე ხაზი გაესვა, რომ აღნიშნული კონფერენცია ეწინააღმდეგება ქართველთა ეროვნულ ინტერესებს იმ მომენტში, როცა გამსახურდია გამოდოდა, მოწინააღმდეგეებმა, ტრიბუნასთან შეხლა-შემოხლით ჩაშალეს მიტინგი. რამდენიმე დაშავებული საავადმყოფოში გაგზავნეს.

ზვიად გამსახურდიამ გადაჭრით მოსთხოვა საკოორდინაციო საბჭოს წარმოედგინა მის მიმართ წამოყენებული ბრალდებების დამადასტურებელი დოკუმენტები. პასუხად ტელედებატები მოითხოვეს. ამაზე „მრგვალი მაგიდის“ ლიდერებმა სტადიონზე მიტინგის გამართვა გადაწყვიტეს.

ხალხი ამას აღიქვამდა, როგორც მოგებულ ბრძოლებს. პა-

ტივს მიაგებდა პიროვნულ და პოლიტიკურ თავგანწირვას.

შემაშფოთებელი დრო იყო. რთული, ყოველმხრივ საშიშარი. ვერ გამოიცინობდი, საიდან მოგადგებოდა საფრთხე.

ზოგიერთ რეგიონში, რაკი ჩვენს ჯენტლმენობაში დარწმუნდნენ და ჩვენს შორის თავიანთი გულმხურვალე მომხრეები დაიგულეს, უფრო გათამამდნენ. გაზეთების ბოიკოტიც ისწავლეს.

„თურქი მესხები“ კვლავ დაიძრნენ „ისტორიულ სამშობლოში“ მასობრივი მსვლელობით“.

„ღმერთო, დაგვიფარე!“

სხვანი თავიანთ მომენტს უცდიან.

ყველა ადასტურებდა, რომ უკანასკნელ ხანს პოლიტიკური ვითარება ძალზე გამწვავდა.



— თუ „მრგვალი მაგიდა“ მაფიასა და კორუფციასთან ინტრიგას არ შეწყვეტს, თავის თავს დააბრალოს — გამოაცხადა ერთ დღეს ბეჟან სურამელმა.

— ამის იმედი ნუ გექნებათ! — ფიცხლად მიუგო გამგეობის წევრმა.

— სად აღმოაჩინეთ საქართველოში მაფია და კორუფცია? ეს ქართული შურისა და სიხარბის მორიგი გამოგონებაა. ჩვენი მტრები გვივრცელებენ ხმას და ჩვენ დასტური დაუუკრათ? ერთი-ორი კაპიკი სხვაზე მეტი თუ იშოვია, უსათუოდ უნდა დავახრჩოთ?!

— ერთ-ორ კაპიკზე არ გვაქვს ლაპარაკი, უნამუსო გზით შეიძენილ და გადამალულ მილიონებზე მოგახსენებთ, ასე რომ სჭირდება ქართველს ხალხს.



— ფეხი არ მოვიტეხოთ! — ჩაიქირჩილა სურამელმა.

— „მრგვალი მაგიდის“ პოზიცია მყარია, ანტიეროვნულ ბოზოლებს თავზე ხელს არ გადაეუსვამთ. ზნეობრივი ღირებულებები ყველაფერზე მაღლა დგას.

— არ გირჩევთ, მეგობრებო, ერთმანეთთან ყინულს. გავუფრთხილდეთ მამა-პაპის ანდერძს!

— ყოველ მომენტს თავის საქმე და კაცები ჰყავს.

— თქვენ იცით, ჩაილუღლულა სურამელის კომპანიონმა. — თუ დამიჯერებთ, არ იყო ახლა მაგის დრო!

— ვითომ არ იცოდეთ, როგორ გაატყავეს რაიკომის მდივნებმა საქართველო! ფულის და ძალაუფლების მოყვარე პატროსანი ვერ იქნება. ვერც ის გამოდგება მამულიშვილად, ვინც ასობით ჰექტარი მიჰყიდა გადამთიელებს. დაგისახელოთ? ჩამოგითვალეთ? გრძელი სია გამოვა. ამიერიდან ეს „სოციალისტური საკუთრების ხელყოფა“ კი აღარაა, საქართველოს ეროვნული წაგლეჯა და გალატაკებაა.

— თქვენ გინდათ, ქართველები მათხოვრებად ვიქცეთ?

— ვინ მოგახსენა! ჩვენ გაღორების წინააღმდეგი ვართ. გაღორება ბინძური საშუალებებით მიტაცებულმა სიმდიდრემ იცის. ამას, კომუნისტურ სამოთხეს გარდა, ვერსად შეხვდები.

## 5.

ჩესკუბლიკის მოედნიდან რომ გადმოვიდნენ და მარცხნივ, ეროვნული დამოუკიდებლობის პარტიის შტაბ-ბინისკენ მოუხვიეს, ზაალ ნადირაძე შეჩერდა და რაღაც ნიშნისმოგებით მიაჩერდა ზებედეს.

— ამერიკაში თურმე ირონიულად უყურებენ ჩვენს ეროვნულ მოძრაობას.

— რაო, რას ამბობენ?

— დაჭამეს ერთმანეთიო. ვიღაც დიქტატორი გამოჩენილაო.

— ვინც უახლოეს წარსულს იცნობს, ბუნებრივად და სასარგებლოდ ჩათვლის ამას.

— რას, ერთმანეთს რომ ახრამუნებენ?

— აბა, ის სჯობდა, ჩემო ზაალ, კომპარტიის შიშით რომ ხმას ვერ იღებდნენ?

— ჰო, მაგრამ, არც ის გარგა, აგერ, ამ ადგილზე რომ ავტომატებს ატკაცუნებენ და დაიბნა ხალხი. დასხდნენ კაცურად და ილაპარაკონ, ქართველები არ ვართ?

— არ უნდა იყოს ეს საქმე მთლად იოლი. შერიგებას საქმის გარკვევა უნდა. რაღას არ ცდილობენ შუაქაცები, მაგრამ, შენც არ მომიკვდე. ქართველი დედების ხვეწნა-მუღარა წაიკითხეთ? ილიასა და აკაკის ძეგლთან მიტინგზე შეევედრნენ, შერიგდითო. რომელიღაც სტუდენტს შიმშილობაც გამოუცხადებია: შეწყვიტეთ ერთმანეთის ლანძღვა, თორემ, პირში ლუქმას აღარ ჩავიდებო.

— ქართველი ხალხი არ გაჰყვება მათ, სანამ „ფორუმი“ და „მრგვალი მაგიდა“ გათიშულია. ზის ახლა საწყალი ბიჭი ქუჩაში შალწამოსხმული.

— წითელი ჯვრის საზოგადოებასაც უთხოვია, შერიგების ფიცი დადონ მერაბ კოსტავას საფლავზე. კომისიაც გამოუყვიათ, ცხრა აპრილს რომ ბიჭი დააპატიმრეს, იმის მეთაურობით, მაგრამ არაფერი გამოდის. „მრგვალი მაგიდა“ ჯიუტობსო, ამბობენ.

— „მრგვალი მაგიდა“ თურმე იმიტომ ამბობს უარს, უცხოეთში ჭორებს გვივრცელებენო.

— რითი ხსნი, რომ ფორუმის ლიდერებმა რამდენჯერმე მოუწოდეს ოპონენტებს ეროვნული მოძრაობის გამთლიანებისკენ, ისინი დუმილით უპასუხებენ.

— პოლიტიკას ასე იოლად გაუგებ?! პოლიტიკოსი შეიძლება ერთს ფიქრობდეს, მეორეს, ლაპარაკობდეს.

— წერეთელმა ამ მიზნით კინო სახლის წინ საგანგებო მანიფესტაციაც მოაწყო კონკრეტული წინადადებით.

— გამოვიდა რამე?

— რა გამოვა, თუ მეორე მხარე არ გამოცხადდება.

— რუსთაველის საზოგადოებამაც ბევრჯერ მოითხოვა ზავი.

— ეტყობა, „მრგვალი მაგიდა“ პატარა მიზეზით არ გასულა „ფორუმიდან“. მე მასსოვს მისი მოწოდება, სხვებსაც მიეტოვებინათ იგი. რას იზამ, ყველას არ შეუძლია საკუთარი სიტყვის უკან წაღება.

\* \* \*

გავარვარებული ზაფხული გადიოდა. არათუ მონაწილეებს, ჩვენისთანა შორიდან მაყურებლებსაც მოსვენება არ ჰქონდათ. ცხელ-ცხელი მემორანდუმები, განცხადებები, ექსცესები, პიკეტები, მიტინგები ერთმანეთს სცვლიდა. ვინ ვის მოერეოდა, გადათელავდა, გასრესდა.

\* \* \*

დაიწყო ეროვნული კონგრესის საარჩევნო კომპანია. ურთიერთშეუწყნარებლობის, მეტოქეობის; იქნებ, მძულვარების ვითარებაშიც.

ერთმანეთს მიჰყვა საგანგებო შეკრებები, ყრილობები, რეზოლუციები.

ირაკლი წერეთლის აზრით: „ეროვნული მოძრაობის შეფერხების მთავარი მიზეზი იყო ეროვნული ფორუმიდან რიგი პარტიების და ორგანიზაციების თვითნებური გასვლა“.

ქვეყნდება პრესცენტრის ინფორმაციები. იხილება საარჩევნო კომისიაში წარდგენილი სიები. იწყება მანიფესტაციებ-ბ-ს, საპროტესტო მიტინგების, მსვლელობების ახალი ტალღა. ნაცნობ-უცნობი გვარები. ლექციები საქართველოს ეროვნუ-

ლვი კონგრესის ისტორიულ როლზე. თეორიული დებულებები. სარჩევნო პლატფორმები. დარბაზის გაფართოებული სხდომები.

ხმა დაირხა: არჩევნები 30 სექტემბრიდან უფრო მოგვიანებით გადააქვთო. მალე გადატანა გაუმართლებლად სცნეს.

„ეროვნული კონგრესის გზით — ეროვნული თანხმობისაკენ, ეროვნული თანხმობის გზით — თავისუფლებისაკენ!“

ზოგს ვერ გაურჩევია ბრძოლა ძალაუფლებისათვის პოლიტიკური პრინციპებისთვის ბრძოლისგან.

ზოგნი კონგრესში „საბჭოთა არჩევნების“ ალტერნატივას ხედავს. ზოგი თვითმიზნურს უწოდებს.

მოწინააღმდეგეთა ურთიერთობაში დაძაბულობა მატულობს.

ამტკიცებენ, რომ ეროვნული კონგრესის იდეას ემხრობა საქართველოს ეროვნული მოძრაობის ერთობ ძლიერი და ორგანიზებული ნაწილი.

ვნახოთ, ამბობენ ოპონენტები.

ერთ ხანს შეჩერდა გაზეთების: „თბილისის“ და „ახალგაზრდა ივერიელის“ ბეჭდვა, რადგან მათ უარი ეთქვათ ეროვნულ-დემოკრატიული პარტიის თავმჯდომარის წერილის გამოქვეყნებაზე, რაშიც ბრალდებებს უყენებდა „მრგვალი მაგიდის“ ლიდერს. აირია მონასტერი. დაურბევიათ „ქართული ფილმი“ პიკეტები დაეყენებინათ ხომარაულის ქუჩაზე, რაც ხელს უშლის გაზეთების გამოსვლას.

სუნთქვა ჭირს ეროვნულ მოძრაობაში სექტანტობა იჭრება.

საქართველოს ეროვნულ-გამათავისუფლებელი მოძრაობის მეორე საგანგებო კონფერენციამ საქმეს ვერ უშველა. ნოდარ წულეისკირი, აკაკი ბაქრაძე, გურამ პეტრიაშვილი, ნოდარ ნაყთაძე სტვენით გააცილეს. ფეხების ბრაგუნი. შეძახილები. მწარე რეპლიკები...

კონფერენცია იქცა იდეური სიჭრელის, ინტერესთა შეუთავსებლობის, ნაძალადეობის დემონსტრაციად.

„მრგვალი მაგიდა“ ე. წ. ეროვნულ ფორუმს მიიჩნევს დაშლილად და ყველა ჯანსაღ პატრიოტულ ძალას მოუწოდებს ერთად იღვაწონ სამშობლოს თავისუფლების აღდგენის წმინდათაწმინდა საქმისათვის. მხოლოდ ზნეობრივი გზით!“

მიუხედავად მეთვალყურეს შეუძლებელია არ შეენიშნა, რომ ფორუმის ღონისძიებათა — მიტინგების, ყრილობების, კონფერენციების მონაწილეთა რიცხვი და ხარისხი მკვეთრად და სწრაფად ეცემოდა.

შესაბამისად ძლიერდებოდა შეტევები პირადად „მრგვალი მაგიდის“ მეთაურის წინააღმდეგ. უსიამოვნო შთაბეჭდილებას იწვევს ქართულ საქმეებში „უცხოთა“ ტლანქი ჩარევა. ისიც უტაქტობაა, რომ ერთმანეთს უპირისპირებენ ჯერ არ შობილ „კონგრესსა“ და უზენაეს საბჭოს. ეროვნული მოღვაწეები ერთმანეთს „საბჭოთა პროკურატურაში“ უჩივიან „ბოროტი ხულიგნობისთვის“. ეს ორივე მხარეს უტეხავს სახელს. ლამის ძმათა შორის ომი გამოცხადდეს. პიკეტირება ტერორისტულ ხასიათს იძენს.

რა მოსდევს კინკლაობას, ნათლად გამოჩნდა აფხაზეთის მაგალითზე. ისარგებლა რა ხელსაყრელი მომენტით, აფხაზეთის უმაღლესი საბჭოს სესიამ აგვისტოს ბოლოს საქართველოდან გამოყოფის გადაწყვეტილება მიიღო, რომლის გაუქმებასაც თავპირის მტვრევა დასჭირდა.

მეფე თამარის ქუჩით შინ რომ ბრუნდებოდა, ერთმა გამწარებულმა ტაქსის მძღოლმა აღმაშფოთებელი შეხედულებები გამოთქვა დემოკრატიულ წყობილებაზე:

— ვისი იმედით ვაპირებთ დემოკრატიაზე გადასვლას?! მოსახლეობის ოცდაათი პროცენტი ჰკუანაკლულია. ოცდაათი პროცენტი გულგრილი. ოცი პროცენტი ლოთი და ნარკომანი. ვილა დაგვრჩა?!

— სულ ეგრეც არ უნდა იყოს.

— შენ რა, შვილოსან, დღეს რო მთაწმინდაზე მფრინავი თეფში დაჯდა, იმით ჩამოხვედი?!

6.

ზაფხული უმაღლესი საბჭოს რიგგარეშე სესიის მოწვევის წათვის გაათრეხულ, უკომპრომისო, თითქმის სისხლიან შეტაკებებში იწურებოდა. სესიას მრავალპარტიული არჩევნების კანონები და დღე უნდა დაეწესებინა.

ყველაზე გავრცელებული ლოზუნგი გახდა: „ვითხოვთ რიგგარეშე სესიას!“ უნივერსიტეტში ივნისის დასაწყისში უვადო შიმშილობა გამოაცხადეს. ერთდროულად ეროვნული საჯარისო ფორმირებების შექმნას ან ალტერნატიული სამსახურის შემოღებას მოითხოვდნენ. აქციებში არსებული უმაღლესი საბჭოს დეპუტატებიც მონაწილეობდნენ.

ხელისუფლება მეთოდურად აგვიანებდა. კვირიდან კვირამდე გადატანით დროს იგებდა, რათა ჩაეშალა ის. მოშიმშილეთა მოთხოვნებს უერთდებოდნენ „მრგვალი მაგიდის“ ორგანიზაციები, რომლის წარმომადგენლები სტუდენტებთან ერთად შიმშილობდნენ. უნივერსიტეტს სხვა უმაღლესმა სასწავლებლებმა სოლიდარობა გამოუცხადეს ხმა გავრცელდა, მოსალაოდნელია იმიერკავკასიის სარკინიგზო ტრანსპორტის გაფიცვაო.

ხელისუფლება იძულებული გახდა პირობა დაედო, რომ სესიას თხუთმეტი ივლისისთვის მოიწვევდა მაგრამ გადიოდა დღეები, პირობის შესრულებას საშველ არ ადგებოდა. მოშიმშილეთა ჯანმრთელობა უარესდებოდა.

იმავე საღამოს მთავრობის სახლთან, ხალხმრავალ მიტინგზე იგივე მოთხოვნები წამოაყენეს.

26 ივლისს დიმიტროვის ქარხანა გაიფიცა. ამ გაერთიანე-

ბის ერთი დღით გაჩერება მილიონის ზარალს იწვევს. მომიტიინგეებმა განაცხადეს, რომ გაფიცვას მანამ გააგრძელებდნენ, სანამ ოფიციალურად არ გამოცხადდებოდა უზენაესი საბჭოს რიგგარეშე სესიის მოწვევა.

თარიღი გამოცხადდა. გაფიცულები სამუშაო ადგილებს დაუბრუნდნენ, მაგრამ ესეც სიცრუე გამოდგა; თვრამეტ ივლისს დანიშნული სესია არსად ჩანდა. ხელისუფლება არაფითარ ახსნა-განმარტებას არ იძლეოდა.

მოვიდა სეტყვა, დახვდა ქვა. მოვიდა ცეცხლი, დახვდა წყალი. სახალხო მოძრაობა უკან დახევას არ აპირებდა. ხალხმა დიდი ხანია ირწმუნა, რომ მას ძლიერი ხელი, მტკიცე ნებისყოფა და მახვილი აზრი წარმართავდა.

25 ივლისს მთავრობის სახლთან ზღვა მიტინგებმა შეაზანზარა თბილისი, რომელსაც კვლავ „მრგვალი მაგიდა“ მეთათურობდა და მხარს უჭერდა „სახალხო ფრონტი“ და ლიბერალური ბლოკი.

სიტყვით გამოვიდნენ ზვიად გამსახურდია, ნოდარ ნათაძე, თემურ ქორიძე...

ქალაქში შუქი გამოირთო. „გრუზენერგომ“ მხარი დაუჭირა აქციას. ნერვები უკიდურესად დაიძაბა. ვნებები მტერმოყვარეს შორის სულ უფრო შლიდა ზღვარს.

თითქოს იღუმალი ძალები მოქმედებდნენ. კინო სახლის წინ კინალამ ცხრა აპრილის ტრაგედია განმეორდა. ამჯერად ქართველებს შორის. კეტებით შეიარაღებული მანდილოვნები თავს დაესხნენ „მრგვალი მაგიდის“ მომიტიინგეებს. მიტინგმა ისევ ოვაცია გაუმართა ბადრი უჯარმელს.

გურამ პეტრიაშვილმა ხელი გაიშვირა ერთ-ერთი ლიდერისკენ და სიყვარულით, სინანულით მიმართა: „გამოდო. ძეაო, და თქვი, რომ შენ ბადრი უჯარმელის სიძულვილმა აგიბნა გზა. ჩვენ მოწმე ვართ შენი დამსახურებისა ათასცხრას ოთხმოცდარვა წლის ნოემბერში, ცხრა აპრილის დღეებში. ახლა

გული გვიკვდება, რომ ზურგი შემოგვაქციე, სიბნელემ იმძლავრა, ძმამ ძმაზე ხელი აღმართა!“

იმავე საღამოს უნივერსიტეტის წინ მიტინგზე ლაგამაწყვეტით ლანძღეს ბადრი უჯარმელი.

— მეგობრებო! — შესძახა ფორუმის მონაწილემ. — ეს რა მოგვდის, რა გვემართება. ნუთუ ჩვენ სხვამ უნდა გვასწავლოს ზვიადის სიყვარული? განა, ჩვენ თვითონ ვერ უნდა გაგაკეთოთ დასკვნა? გავეშუროთ მთავრობის სასახლისკენ, სადაც ამ წუთს მოშიმშილეთა აქციაზე ზვიადი გამოდის სიტყვით.

იმ წუთს ერთბაშად იხუვლა ისედაც მცირე მიტინგმა, ზურგი აქცია პრორექტორს და სწრაფად დაიძრა მთავრობის სახლისკენ, სადაც ტრიბუნაზე ერთმანეთს სცვლიდნენ ზვიადი, თემურ ქორიძე, გურამ პეტრიაშვილი, სხვანი და სხვანი.

ამ დროს ირაკლი წერეთელიც გამოჩნდა და სიტყვა ითხოვა.

შეიქნა ერთი ჭოჭმანი და მხრების ჩეჩვა. თითქოს ჩვენიანი არ ყოფილიყოს.

ზვიადმა უმაღ ხელი დასტაცა მიკროფონს და გამოაცხადა: „სიტყვას ითხოვს ირაკლი წერეთელი!“

ხალხის გულს ისე არაფერი ახარებს, როგორც თავისი სახელოვანი შვილების ერთად ყოფნა, ურთიერთსიყვარული, ძმობა, ერთობა, შერიგება, სიალალმართლე და ვაჟკაცური დამთმობობა.

მიტინგი ტაშით შეხვდა ეროვნული მოძრაობის რაინდს.

— ძმებო! ქართველებო! ვიცი, რომ ყოველ თქვენგანს გულს უკლავს ჩვენი განხეთქილება. არაფერი არ უნდა დავზოგოთ იმისთვის, რომ მალე მივალწიოთ სრულ ერთსულოვნებას, გავხდეთ ისე მონოლითური, როგორც ცხრა აპრილის დამით ვიყავით ამ ტრიბუნებთან.

საოცარი მიტინგი იყო, გულისამაჩუყებელი. მას ინგილო-



ებიც ესწრებოდნენ, ფერეიდნელი ქართველებიც, რიზესპოლის ლაზი ფეხბურთელებიც.

„არც ერთი ქართველი დღეს განზე არ უნდა დარჩეს!“  
„ყველას ერთი სული, ერთი საოცნებო უნდა გვექონდეს!“ —  
გვეუბნება მათი სუფთა, მართალი თვალები.



„მიტინგი დროებით შეჩერდა, კი არ შეწყვეტილა!“ — განუცხადეს სალამოს გაზეთის კორესპონდენტს დიმიტროვის ქარხნის საგაფიცვო კომიტეტის წევრებმა.

ამავე მიზეზით გრძელდება სამტრედიელ რკინიგზელთა გაფიცვა.

„როდის მივიღებთ საარჩევნო კანონს?“ „როდის ჩატარდება სესია?“ განუწყვეტლივ ისმოდა მიტინგებზე, შეკრებებზე და ყველაფრით იგრძნობოდა, ეს ხალხი უკან რომ აღარ დაიხევდა.

ხელისუფლება, მისი პროპაგანდა, კანიდან ძვრებოდა, რათა შიმშილი, გაჭირვება, სიძვირე, სნეულება სამტრედიის აქციონისთვის გადაებრალეზინა, მაგრამ ასპარეზს სულ სხვა ადამიანები დაპატრონებოდნენ; სხვა ძალის, სხვა ხასიათის, სხვა გუნება-განწყობილების, უშიშარნი, ძმური ერთობით შეკრულნი და გაუტეხელნი.

აღარ შველის იმის ჩიჩინი, რომ სამტრედიის აქცია იწვევს დესტაბილიზაციას, ართულებს და ძაბავს ვითარებას ფოთისა და ბათუმის საზღვაო პორტებში, სადაც ხორბლითა და სხვა სასწრაფო საქონლით დატვირთული უცხოური გემები დგას, რომლებსაც დღეღამეში ათიათასობით დოლარს უხდიან ქარიმად.

ვინ ვისი რომელს უფრო გაუძლებს ნერვები! რა ცოდვას

არ სწამებენ გაფიცულებს, ის კი ავიწყდებათ, ვისი მიზეზითაა.

„გამოსავალი ყველამ ერთად უნდა ვეძიოთ!“

ჩამორჩენილ მგზავრთა რიცხვი ათასობით იზრდება. ძვირად უჯდება სახელმწიფოს მათი გემებით, თვითმფრინავებითა და ავტობუსებით გადაყვანა.

ეროვნულ მოძრაობას უკანდასახევი გზა არა აქვს. სასწრაფოდ უნდა გამოქვეყნდეს უზენაესი საბჭოს არჩევნების კანონის პროექტი, უნდა მოესწროს სესიაზე განხილვა. ვადები კრიტიკულ სიტუაციას ქმნის. თუ შვიდ აგვისტომდე არ დამტკიცდა, არჩევნები ჩაშლილია, რაც ახალ უბედურებას მოუტანს საქართველოს.

პირველ აგვისტოს მაგისტრალზე მწვანე შუქი აინთო. ხალხის ნება უძლეველია. ჩაირთო სადისპეტჩერო პულტი. შეთანხმება მიღწეულია. უმაღლესი საბჭოს რიგგარეშე სესია ჩვიდმეტ აგვისტოს გაიხსნება.

რამდენი დრო დასჭირდება სტაბილიზაციას?! ხელისუფლება ყველა გასაჭირს ბლოკადით ხსნიდა. ყველაფერს, რაც საქართველოს აკლდა, „არაფორმალებს“ აბრალებდა. მათთვის სახელის გასატეხად, გამოგონილ სტატისტიკას აქვეყნებდა.



ჩვიდმეტ აგვისტოს, დილის ათ საათზე, უზენაესი საბჭოს სხდომათა დარბაზში დაუვიწყარი სესია გაიხსნა. ის უექველად შევა ჩვენი ხალხის ისტორიაში. მას მრავალპარტიული არჩევნების კანონპროექტი უნდა დაემტკიცებინა, კავშირის ისტორიაში პირველად. უნდა ეპოვა გზა ჭეშმარიტი დამოუკიდებლობისაკენ. არ შემდრკალიყო. არავისთვის არაფერი დაეთმო. შანსი ხელიდან არ გაეშვა არც ხათრით, არც შიშით.

შეცბუნებულნი ელოდნენ განხილვას. ათეული წლოებით შესისხლხორცებოდნენ თავიანთ ადგილებს. მათ წინაშე არასოდეს ამ სახით არ დამდგარა დეპუტატის მანდატის დაკარგვის საშიშროება. ნომენკლატურით ეკუთვნოდათ, ან, არ ეკუთვნოდათ. ეს საქმე ცეკას განყოფილებებში წყდებოდა და არა საარჩევნო ყუთებთან. საარჩევნო კანონს მნიშვნელობა არ ჰქონდა. ისხდნენ სავსე ქისებით, წითელი მილიონერები. ვინ გაუბედავდათ!

რალაც უსიამოვნო დაწოლას გრძნობდნენ გაბლენძილნი და ნებიერნი.

დღეს გაუგონარი უწესრიგობაა: სასახლე ხალხის ალყა-შია მოქცეული, დრო იყო, ასეთ დღეებში აქ ადამიანს გაეფლა არ შეეძლო. თავმჯდომარემ წინასწარ გააფრთხილა, ცნობისმოყვარეები იქაურობას არ გაჰკარებოდნენ: ამათ კი, ბო-ბოქარი მიტინგი გაუმართავთ.

გივი გუმბარიძე გაოცებას გამოთქვამს: „მიუხედავად იმისა, რომ გუშინ, სესიის დაწყების წინ, მთავრობის სასახლესთან მიმდინარე მიტინგის მონაწილეებს მოგუწოდეთ გამოეჩინათ სიმშვიდე და თავშეკავება, რათა შექმნილიყო მუშაობის ნორმალური პირობები, ვითარება სესიის გარშემო კვლავ დაძაბულია, გუშინდელი დღის სხდომების შემდეგ ზოგიერთ დეპუტატს ქუჩაში, მოგვიანებით კი, სასტუმროებშიც, ტელეფონებით ემუქრებოდნენ, შეურაცხყოფდნენ იმათ, ვისი პოზიციაც არ ემთხვევა ოპონენტთა შეხედულებებს. დაძაბულობა, სამწუხაროდ, დღესაც არ კლებულობს. ამიტომ, კვლავ მოვუწოდებთ მომიტინგეებს წესრიგისათვის, რათა მოგვცენ ნაყოფიერი მუშაობის შესაძლებლობა“.

მაგრამ ეს ხომ ხალხია. დემოსი მთელი თბილისი. დღეს ასჯერ მეტი, ვიდრე გუშინ. ტელეგადაცემას უსმენენ, დაუფარავად გამოხატავენ თავიანთ მოწონებას თუ აღშფოთებას. მათი გუგუნნი დარბაზს აზანზარებს. ძველი ხერხებით მათთან

ვერაფერს გააწყობთ. აფთიაქის სასწორზე უნდა აიწონოს. თითოეული მუხლი. ყოველი შესწორება.

ახალი პარლამენტი უანგარო, პატიოსანი ადამიანებისგან უნდა შედგეს. თითოეული მოქალაქის ინტერესები დაიცვას. გულში ერის ღალატი არ გაივლოს.

ნამუსიან კონსესუსს უნდა მიაღწიონ.

აი, დეპუტატი, რომელიც დღეში ათ საათს პირველი მდივნის მოსაცდელში ატარებდა! ვინ შეებედავდა! ვინ შეეკამათებოდა! დღეს საეგებიოდ გახდომია საქმე. ეს კიდევ დიდკაცთან ძალათ დამძახლებული, გენიოსად აღიარებული.

შეხლა-შემოხლა მოჰყვა დეპუტატთა რაოდენობის განსაზღვრას. ერთ-ერთი პროექტი სამასს სთავაზობდა, რამაც დიდი მოწონება დაიმსახურა, რადგან დეპუტატად დასახელების მეტ შანსს იძლეოდა.

ბადრი უჯარმელმა პროტესტი გამოაცხადა. წინადადებას იძლეოდა, ორას ერთით დაკმაყოფილებულიყვნენ.

დარბაზი დაიძაბა, აიქოჩრა, დაუნდობლად დაეტაკნენ ერთმანეთს. მოჰყავდათ ზუსტი ციფრები, რომელ ქვეყანას რამდენი დეპუტატი ჰყავს და რომ საქართველო არავისზე ნაკლები არაა.

— ჩვენ მუშა პარლამენტი გვჭირდება! — წარბშეუხრელად გამოაცხადა უჯარმელმა.

— ორასი კი არა, ჩვენ ათასობით მუშა დეპუტატი შეიძლება ავირჩიოთ! — მიაძახეს.

— ჩვენი დეპუტატი საპარლამენტო საქმეებით უნდა იყოს დაკავებული, სხვაგან არ უნდა მსახურობდეს.

— ესაა პატრიოტობა!? ქართველ კაცს შეუძლია ასე საქმე გააკეთოს ერთად.

— საქართველოს უფლება არ აქვს, ამდენი ფული გადაყაროს უაზროდ.

— ას კაცს რა ამდენი ფული უნდა დაევალოთ ფინანსთა მინისტრს, გამონახოს საამისო თანხა.

ბადრი უჯარმელს რამდენჯერმე მოუხდა გამოსვლა. არაფერს არ თმობდა. ბობოქრობდა. გარეთ, მომიტინგეები არცერთ მის სიტყვას არ ტოვებდნენ მხარდაჭერის გარეშე.

— ნუ გადავყვებით წვრილმანებს — დარბაისლურად წარმოთქვა, „დიდმა მეცნიერმა და მწერალმა“ ბეჟან სურამელმა. — სასაცილოდ ნუ გავიხდით საქმესა ნუ ვათქმევინებთ, დეპუტატთა რაოდენობაზე კინკლაობენო. ქართველებს შეუძლიათ მსოფლიო პარლამენტები დააკომპლექტონ უმაღლესი ხარისხის დეპუტატებით!

— კორუფციონერებით!

უცებ შეკრთნენ, ვერ გაეგოთ, მოეყურათ თუ მართლა გაიგონეს ეს საშინელი სიტყვა.

— დიახ, დღეს ჩვენში ძალიან გაძნელდება ორასი ღირსეული პარლამენტარის არჩევა, — ჯიუტად დაასრულა უჯარმელმა დაწყებული აზრი.

მწარე ჭეშმარიტება ყოვლის დამთრგუნველი ძალაა და ხმაველარ ამოიღეს.

დიდი აღებ-მიცემობის შემდეგ, მორიგება მიღწეული იქნა: ორასორმოცდაათი დეპუტატი, ასოცდახუთი მაჟორიტარული, ასოცდახუთი პროპორციული სისტემით.

ორად ორი ეპიზოდი მინდა შეგახსენოთ: რუსთაველის საზოგადოების თავმჯდომარის და სახალხო ფრონტის მეთაურის გამოსვლები.

ამ საზოგადოებების თავჯანსმცემელი არ გეგონოთ. მათ ვერა და ვერ იპოვეს თავიანთი ადგილი ჩვენს ცხოვრებაში.

უღიმღამოდ ლევენ წუთისოფელს. მაგრამ, არც იმის ნურაყოფა შეიძლება, რომ რამდენიმეჯერ თანამემამულეებს გული აუძვარეს და სარგებლობაც მოუტანეს. ამათ შორის ღ...

ჩება აკაკი ბაქრაძის სიტყვა აგვისტოს სესიაზე, სადაც ლაპარაკობს საქართველოზე, როგორც მატარებელს ჩამორჩენილ მგზავრზე, რომელმაც კისრისტენით უნდა ირბინოს, რათა უკანასკნელ ვაგონს მაინც შეახტეს.

ბადრი უჯარმელს იმ დღესაც ბევრმა ატკინა გული, მაგრამ რაკი საქართველოსთვის აუცილებელი საქმე გაკეთდა, ამ გვემასაც უზენაესი სიხარული მოჰქონდა.

\* \* \*

პატრიოტების გონიერი და თავგანწირული მოქმედებებს წყალობით, ქართველმა ერმა მთავრობას საკმაოდ დემოკრატიული არჩევნების კანონი გამოგლიჯა ხელიდან, რომელმაც სულ უფრო გააუმჯობესა და დახვეწა არჩევნების პროცესი. მიღებული იქნა კანონი პოლიტიკური პარტიების შეზახებ, ჩატარდა მათი რეგისტრირება. შედგა უზენაესი საბჭოს დეპუტატთა არჩევნების ცენტრალური საარჩევნო კომისიის შემადგენლობა. განხორციელდა აზრი პარტიებისა და საზოგადოებების ბლოკებად დაყოფის შესახებ.

ამ პერიოდში ყველაზე მნიშვნელოვან მოვლენად იქცა პარტიათა შორის მძაფრი ბრძოლა „საარჩევნო კანონის“ დარღვევათა აღსაკვეთად, სიყალბეთა მხილება, არჩევნების უკანონო დაფინანსების წყაროთა გამოკვლევა და მხილება. — ეს იყო მძაფრი, უკომპრომისო პირისპირ დგომა, რომელშიც აქტიურად მონაწილეობდა პრესა და ტელეხედვა.

7

ხვალ შემოდგომის პირველი თვე იწყება. ზოგი რას ლაპარაკობს, ზოგი — რას, არის ერთი მითქმა-მოთქმა, მუქარა და წინასწარმეტყველება. ომირთმა ყოველი კეთილად აღგვის-რულოს.

ბოლო დროს ბევრს მსჯელობენ ქართულ ეროვნულ ხასიათზე. ხშირად კურიოზი და ბედის დაცივნა ის არის, რომ გისაც ეროვნული ხასიათის ტიპიურ ნიშნებს მიაწერენ, გენეზით ქართველები არ არიან.

ქართველებს რომ ისეთი დამლუპველი თვისებები გვახანიათებს, როგორცაა: „უჩემოდ ვინ იმღერეთა“, და მისთანები, ეს არავისთვის საიდუმლო არაა.

ღირსეული კაცის პატივისცემა, განა „ბელადომანიაა?!“.

ხშირად კონსოლიდაციისკენ მოწოდებაც ეგვიპტეშიაა შთაგონებული.

სასაცილოდ არ ჰყოფნიდათ: 17 აგვისტოს სესია დიდგორის ომის ტოლფასად გამოაცხადესო.

პრესაში თუ მის გარეთ ავბედითი ბრძოლა გაჩაღდა კონგრესისა და უზენაესი საბჭოს მომხრეებს შორის.

კორესპონდენტის შეკითხვაზე: „რას ფიქრობთ, მოსახლეობის რამდენი პროცენტი მიიღებს მონაწილეობას კონგრესის არჩევაში?“, ეროვნული დამოუკიდებლობის პარტიის თავმჯდომარემ ირაკლი წერეთელმა მიუგო: „მიჭირს პასუხის გაცემა. ეროვნული კონგრესის იდეის წინააღმდეგ მიმართულმა აქციებმა თავისი ნაყოფი გამოიღო. თუმცა, ამ ბოლო დროს კონგრესი ახალ მომხრეებს იძენს მოსახლეობის სხვადასხვა ფენაში. მით უფრო, რომ კონგრესი ხელს არ უშლის უზენაესი საბჭოს არჩევნებს“.

ეროვნულ-დემოკრატიული პარტიის მეთაური გიორგი ჭანტურია, ადარებდა რა ერთმანეთს, დაასკვნიდა: „პარლამენტური გზა უმოკლესია, უკეთეს შემთხვევაში კონფედერაციისკენ, უარეს შემთხვევაში კი ფედერაციისკენ. ქართველ ხალხს არ სურს მონობის ერთი ფორმა მეორეთი შეცვალა. მას სრული დამოუკიდებლობა უნდა“.

ბოლო არ უჩანს თეორიულ, პოლემიკურ, მამბილებელ წერილებს, რომლებიც უფრო და უფრო ძაბავენ ურთიერ-

თობებს. ამკვიდრებენ ექვსს, უნდობლობის, გაუტანლობის ატმოსფეროს. სასტიკ ბრალდებებს უყენებენ ერთმანეთს. ვინც ოციანი წლების პარტიულ ოპოზიციებთან ბრძოლის ისტორიას იცნობს, დიდი მსგავსებას დაინახავს მათ შორის.

სექტემბრის პირველ რიცხვებში გაეროს თავმჯდომარის — პერეს დე კუელიარის სახელზე მიმართვა იგზავნება, რომელსაც ხელს აწერენ ეროვნული კონგრესის საარჩევნო კომისიის თავმჯდომარე მერაბ ალექსიძე, ძირითად პარტიათა მეთაურები — ჭანტურია, წერეთელი, ბერიშვილი, სხდომის თავმჯდომარე კობახიძე. ერთდროულად მიმართვა იგზავნება შეერთებული შტატების კონგრესის ორივე პალატას და ევროპარლამენტს.

„ეროვნული კონგრესი იქნება ის ორგანო, რომელიც საერთაშორისო დონეზე წარმოადგენს ქართველი ერის ნებას“.

ავტორები ითხოვენ ექსპერტების მოვლინებას.

ეწყობა საპირისპირო „კუნთების დემონსტრირება“. აქცია უნივერსიტეტის ბაღში. მიტინგი ფილარმონიის დიდ დარბაზში.

ხალხი შეწუხებულია კონფლიქტური სიტუაციებით. „როგორ ჩაივლის არჩევნები? რას მოგვიტანს ის?“

დაიწყო ეროვნული კონგრესის მომხრეთა მსვლელობა უნივერსიტეტის ეზოდან თავისუფლების მოედანზე. კონგრესის მხარდამჭერთა მსვლელობა არც იმდენად შთამბეჭდავი გამოდგა. ინფორმაციებში საყვედურია „დესტრუქციულ ძალებზე, რომლებიც იწვევენ დესტაბილიზაციას“.

მიტინგზე ტელევიზიის შენობასთან, სადაც პიკეტირება მიმდინარეობს, მოითხოვენ ეროვნულ-დემოკრატიული და ეროვნული დამოუკიდებლობის პარტიების შტაბბინებზე თავდასხმის გამოძიებას და „ტელევიზიით მხილებას“.



დილით სამუშაოზე მოსულ საქინფორმის თანამშრომლებს, ისევე როგორც რუსთაველის პროსპექტზე მყოფ ქალაქელებს, არ შეიძლება ყურადღება არ მიეპყროთ სააგენტოს პირდაპირ მდებარე № 29 შენობასთან შეკრებილი ხალხისათვის. ახლა იქ საქართველოს ეროვნული დამოუკიდებლობის პარტიის შტაბ-ბინაა. უყურადღებოდ ვერ დარჩებოდა ვერც პირველი საერთოლის ფანჯრების ჩამტვრეული მინები და გარუჯული ჩარჩოები.

— ყოველივე ეს ჭერჭერობით უცნობ პირთა ნახელავია, — თქვა საქართველოს ეროვნული დამოუკიდებლობის პარტიის წევრმა, — ბოროტმოქმედებმა დილაადრიან მინები ჩაამსხვრიეს და შენობაში შეაღწიეს. მათ სროლა ატეხეს და ცეცხლგამჩენი ბოთლები დაუშინეს ოთახებს, მოაწყვეს რბევა.

— დაახლოებით დილის ოთხ საათზე, — თქვა მთაწმინდის შინაგან საქმეთა რაიონული განყოფილების უფროსმა, — შენობაში ცეცხლსასროლი იარაღის გამოყენებით შეიჭრნენ უცნობები და ცეცხლი გააჩინეს. დაიწვა ერთი ოთახი, ხანძრის შემდგომი გავრცელების თავიდან აცილება მოხერხდა. შემთხვევის ადგილას აღმოჩენილია ავტომატური იარაღის პილზები. რაღაც ამდაგვარი მოხდა იმავე ღამეს რუსთაველის პროსპექტზე მდებარე სხვა შენობაში, სადაც წინათ კომკავშირის საქალაქო კომიტეტი იყო, ახლა კი საქართველოს ეროვნულ-დემოკრატიული პარტიის ხელმძღვანელობაა. მილიციის მუშაკებმა აქაც აღმოაჩინეს ხანძრის კვალი და საბრძოლო იარაღის პილზები. მომხდარ ამბავს იძიებენ საგამომძიებო ორგანოები.

არც სხვა ადგილებზეა სიმშვიდე. როგორც „თეთრი გიორგის კავშირის“ მიმართვა იუწყება, ამ კავშირის სახელით ბოლო სამი თვის განმავლობაში დედაქალაქსა და მის შემოგარენში მოქმედებენ პროვოკატორთა ჯგუფები, რომლებიც საქართველოს ეროვნულ-განმათავისუფლებელი მოძრაობის სა-

ხელით სხვადასხვა დაწესებულებების, ორგანიზაციებისა და საწარმოების ხელმძღვანელობას უწყობენ შანტაჟს ფულის გამოძალვის მიზნით.

შფოთიანი დღეებია. ნერვებს აყოლილი ადამიანები რაღას არ სჩადიან: ორ დღეში სამი მკვლელობა, რვა სხეულის დაზიანება, ექვსი ყაჩაღობა, თერთმეტი ძარცვა, ოცდაერთი პირადი ქონების ქურდობა. ბავშვმა თანასკოლედი სასიკვდილოდ დაჭრა. ნიღბიანი მძარცველები ბინაში შეუცვივდნენ პენსიონერ ქალს...

უბედურება ის არის, რომ სხვა ცხოვრება ვეღარ წარმოგვიდგენია. სხვა წესი და სამართალი. გათანგული ვართ წარსულით. სხვა ცხოვრებას ველოდით. ისევ დევნა, ძალმომრეობა. ინტრიგა და კირკიმალი. ვინ ვინ გადაახტება და დაახრჩობს. ანარქია ხელს აძლევს საქმოსანს, უღირსს ჩაღიჩას.

ფილისტერი ქისას ტენის და „შაბუოთა პარლამენტარიზმზე“ მეტყველებს.

რესტავრაციის მომლოდინენი ფიცს სდებენ: „ერთმანეთს მხარი უნდა დავუჭიროთ. მტყუანი რომ ვიყოთ, მაინც. მაშინ უფრო უნდა დავუჭიროთ მხარი ერთმანეთს!“.

ზე პედეს ვერ აუხსნია, რატომაა ბეჟან სურამელი კონგრესის მხარეზე? რატომ არ ეშინია მათი? რატომ მოსწონს პოლიტიკური ქაოსი? რატომ არ აღელვებს პლურალიზმი?!



კონგრესის არჩევნებამდე ათი დღე რჩება.

არჩევნების წინ ფილარმონიაში ჩატარებულმა ეროვნულ-გამათავისუფლებელი მოძრაობის მეორე საგანგებო კონფერენციამ, რომელზეც სახელოვანი ადამიანებმა მიიწვიეს. ერთიანობის აღდგენამ ვერ მიაღწია. პირიქით, კონფერენციამ

გამწვავა პირისპირ დგომა. რეზოლუცია შეიცავს მოწოდებას, ჩამოყალიბდეს შემთანხმებელი კომისია დაზავების მისაღწევად, მოსახლეობას მოუწოდებს ეროვნული კონგრესის არჩევნებში მონაწილეობისაკენ. ეტყობა, კონფერენციის მიზანიც ეს იყო,

„ორხელისუფლებიანობის საშიშროებასთან“ დაკავშირებით, აზრი გამოითქვა, რომ „კონგრესის მიერ საჯარისო ფორმირებების მსგავსი წარმონაქმნის გამოყენება ეწინააღმდეგება პოლიტიკური ხელისუფლების — უზენაესი საბჭოს სუვერენულობას“.

ამ ვითარებაში კონგრესის პარტიებსა და სახტელერადიოს სისტემას შორის მძაფრი კონფრონტაცია წარმოიშვა, რასაც ეურნალისტების გაფიცვა მოჰყვა.

გამაერთიანებელი კონფერენციის თავმჯდომარეს ბ-ნ აკაკი ბაქრაძეს დაბნეულობა და მერყეობა, „კონგრესის მოწინააღმდეგეთა წისქვილზე წყლის დასხმა“ დაბრალდა.

არჩევნებამდე რამდენიმე დღით ადრე „ქართველი ერი-სადმი მიმართვა“ დაიბეჭდა:

საყოველთაო, დემოკრატიული, მრავალპარტიული, ბირ-დაპირი, თანასწორი და ფარული კენჭისყრის შედეგად არჩეულია საქართველოს ეროვნული კონგრესი, აღჭურვილია რა საქართველოს მოსახლეობის ნდობის მანდატით, წარმოადგენს ქართველი ერის უზენაესი ნებისა და მისწრაფებების გამომხატველ, ეროვნულ-განმათავისუფლებელი მოძრაობის ხელმძღვანელ, წარმომადგენლობის პრინციპზე დაფუძნებულ ორგანოს. ჩვენი ერისა და ქვეყნისათვის ამ კრიტიკულ პერიოდში მივმართავთ ქართველ ერს საერთო ძალისხმევისაკენ იმ დიდი საქმის გაპარჩევებით დასაგვირგვინებლად, რომელსაც დამოუკიდებელი და დემოკრატიული საქართველო ჰქვია.

ეროვნულ-განმათავისუფლებელი მოძრაობა მოწოდებუ-

ლია საყოველთაოდ აღიარებული სამართლებრივი და ზნეობრივი ნორმების დაცვით, მშვიდობიანი ხერხებისა და მეთოდების გამოყენებით შეიყვანოს ქართველი ერი, საქართველოს მთელი მოსახლეობა თავისუფალ საქართველოში. მხოლოდ სრული დამოუკიდებლობისა და დემოკრატიის ვითარებაში იქნება შესაძლებელი ჩვენი ქვეყნის პოლიტიკური, ეკონომიკური, სოციალური, კულტურული და ზნეობრივი აღორძინება, თითოეული პიროვნებისა და მოქალაქის სრული თვითრეალიზაცია. საქართველოს ეროვნულ კონგრესს მიაჩნია, რომ სახელმწიფოებრივი დამოუკიდებლობის აღდგენის გზაზე საჭიროა შემდეგი უმთავრესი ნაბიჯების გადადგმა.

1. საქართველოს ტერიტორიიდან საბჭოთა საოკუპაციო ჯარების სრული და უპირობო გაყვანა.

2. 1921 წლის თებერვალში საქართველოს დემოკრატიული რესპუბლიკის მიმართ საბჭოთა რუსეთის აგრესიის, ოკუპაციისა და ანექსიის შედეგად შექმნილი სახელმწიფო, საზოგადოებრივი, საკანონმდებლო და სამართლებრივი სტრუქტურის სრული დემონტაჟი.

3. საქართველოს კონსტიტუციის საფუძველზე დამოუკიდებლობის აღდგენა და ერის ნებაზე დაყრდნობით საზოგადოებრივ-პოლიტიკური წყობის განსაზღვრა.

ბრძოლა საქართველოს სახელმწიფოებრივი დამოუკიდებლობის აღსადგენად უნდა იქცეს საყოველთაო სახალხო მოძრაობად, რომელშიც საქართველოს მთელი მოსახლეობა გამომავლავნებს ერთსულოვნებასა და უღრეკობას, დაუპირისპირდება არსებულ არაკანონიერ სტრუქტურებსა და ინსტიტუტებს. საქართველოს დღევანდელი რეალური მდგომარეობა უნდა აისახოს მისი სამართლებრივი სტატუსის განსაზღვრაში საერთაშორისო სამართლის დონეზე: საქართველო არის აგრესიის შედეგად დაპყრობილი და ანექსირებული ქვე-

ყანა, რომელშიც არსებული რეჟიმი მთლიანად დაფუძნებულია საოკუპაციო ჯარის ძალაზე.

გაერთიანებული ერების ორგანიზაციაში, სხვა საერთაშორისო სამართლებრივი ინსტანციების წინაშე დაუყოვნებლივ უნდა დაისვას საქართველოს დეოკუპაციისა და ოკუპაციის შედეგების ლიკვიდაციის, დამოუკიდებლობის აღდგენის საკითხი. ამავე დროს სრულიად საქართველოს მასშტაბით უნდა შეიქმნას იმპერიული ცენტრის მიმართ ოპოზიციურა სტრუქტურები, რათა უკიდურეს შემთხვევაში შესაძლებელი გახდეს საყოველთაო ეროვნული დაუმორჩილებლობისა და ტოტალური მშვიდობიანი წინააღმდეგობის განხორციელება საქართველოს ტერიტორიაზე დეოკუპაციისა და დამოუკიდებლობის აღდგენის მიზნით.

რეალური პოლიტიკური ვითარება მოვლენათა სწრაფი განვითარება მთელი მსოფლიოს მასშტაბით, ქართველი ერის დიდი სახელმწიფოებრივი, კულტურული და ზნეობრივი ტრადიციები გვავალდებულებს მაქსიმალურად დავაჩქაროთ განთავისუფლების პროცესი, მაგრამ გავიმსჭვალოთ პასუხისმგებლობის იმ უდიდესი გრძნობითაც, რომელიც გვაკისრია შთამომავლობის წინაშე.

ჩვენი მომავალია — თავისუფალი, ერთიანი, დემოკრატიული საქართველო!

გავერთიანდეთ ჩვენს წმინდა ბრძოლაში !

გაუმარჯოს დამოუკიდებელ საქართველოს!

თითქოს, ყველაფერი ითქვა და დაიწერა. ახლა სიტყვა საქართველოს ეკუთვნის.

— ზებედე!

— შალვა!

— გამოუხვიე, თუ არ გეზარება.

— რაშია საქმე, რაზე შეწუხებულხარ?

— სუ! — აიფარა პირზე ხელი. — გვიბრუნდება, მგონი, ჩვენი დრო.

— რა დრო?

— რა დაგემართა, შეე კაცო სტალინის დრო გვიბრუნდება. კეთილი, ბედნიერი დრო. „სტალინის“ პარტია შევქმენით. ჩვენთანები ჩავუყენეთ სათავეში. გენერალი. გმირი და თავიანი ვაჟკაცი.

— რა უნდა გააკეთოს ამ ჩვენმა პარტიამ?

— არჩევნები. რომაა, არ იცი სტალინზე მეტ ხმას ვის მისცემენ! დავიბრუნებთ მთავრობას და აღვადგენთ ბელადს.

— ჩემი იმედი ნუ გექნებათ! ციხეების, შიშის და შიმშილის აღდგენა გინდათ?

— გადირიე, კაცო? სად ნახე სტალინის დროს ციხეები, შიში და შიმშილი?

— მეხუმრებო? ჩემს ცხოვრებაში კუჭი არ ამივსია და გული საგულეს არ მქონია.

— სად ცხოვრობდი, შე საცოდავო! ჩვენს ქვეყანას საჰმელ-სასმელი აკლდა? ჩაცმა-დახურვა გინდოდა, უფასო საზურგები, გართობა თუ პრემიები!

— ისე დაგიმშვენდა ცხვირი! შაქარი ჩვენთვის არ იყო და კარაქი. რიგებში დგომით მუხლები გვექონდა დასიებული.

— ცდები, ზებედე, ძალიან ცდები. ამას ასწავლი ვეტერანი კაცი ახალგაზრდობას?

— მე სიმართლეს ვასწავლი, მაგრამ თქვენ სანამ უნდა

ატყუოთ ქვეყანა!? არ გრცხვენიათ? როდის დაგსინამრებიათ ეს სტალინური სამოთხე?

— ქართველი არ ხარ, ბიჭო?

— შე კი ვარ ქართველი, მაგრამ თქვენს კერპზე რა მოგახსენოთ.

— არ აღგიხარ სწორ გზას.

— ღმერთმა ნუ მატაროს საქართველოს დამაქცევარი გზით. ოთხი ეგზეკუცია გადავიტანეთ ჩვენს პატარა სოფელში. გაგველიტეს, გაგვეარცვეს. სტალინმა წაართვა ჩვენს ხალხს ყველაზე დიდი სიხარული — დამოუკიდებლობა და თავისუფლება. მაგან გაგვეყიდა და დაგვაქუცმაცა.

— შენ არ იცი, რომ სტალინს მთელი მსოფლიო მეოცე საუკუნის მითს უწოდებს?! ნოე ჟორდანიაც აღიარებს: „უძალო რუსეთში ქართული კატა აყვებდაო“. ჩერჩილმა კი, მსოფლიოს უდიდესი ტირანი უწოდა. ეს პატარა ამბავია?!

— თქვენ თავს სჭრით ქართველობას! — ამოიგმინა ზებედეშ. — თქვენი სულელური მოგონებებით, ყალბი წერილებით, ქართველი კაცის დაცვის ცრუპათოსით, უკბილო არგუმენტებით ძალათ გამოაღვიძეთ სტალინი, აბრიყვებთ და სამარცხვინო გზაზე ერეკებით ჩვენს ხალხს, თავზე დაჰფოფინებთ ბელადის სახლკარს. სტალინური ქართული პატრიოტობა ჩვენი ხალხის აბუჩად აგდებდა. მისი წამების გზის დაცინვაა. თქვენ არათფერი გწამთ წმინდა. სრულებით არათფერი.

ათასცხრაას ორმოცდათექვსმეტში ეროვნული მიმართულება თავს აფარებდა სტალინიზმს. ოცდათხუთმეტი წლის შემდეგ, სტალინიზმი აფარებს თავს ეროვნულ მიმართულებას. იმ სტალინიზმს კიდევ რა უშავდა, სადღაც გულწრფელი იყო. დღეს?! სიცრუის მეტი აღარათფერი დარჩენილა!

1 / პრავისთვის ისე აქტუალური არაა ეს საკითხი, როგორც საქართველოსთვის.

სექტემბერში ცენტრალურმა საარჩევნო კომისიამ ოცდაათამდე პარტია გაატარა რეგისტრაციაში. თერთმეტს უარი ეთქვა. გადაწყდა ბლოკებად დაყოფის აუცილებლობა.

უზენაესმა სასამართლომ ექვსი გაუქმებული პარტიის სარჩელი დააკმაყოფილა. მათ შორის „სტალინის“.

მძაფრი პროტესტები მოჰყვა სასამართლოს გადაწყვეტილებას. „სტალინის“ წინააღმდეგ შიმშილობა გამოცხადდა. უნივერსიტეტში რამდენიმეჯერ გამოცხადებულ „სტალინის“ გამო პოლემიკაზე ამ საზოგადოების წარმომადგენლები არ გამოცხადდნენ. კრებამ მიიღო რეზოლუცია საზოგადოება „სტალინის“ როგორც დანაშაულებრივი ორგანიზაციის წინააღმდეგ. თუ ეს მოთხოვნა არ შესრულდება, უნივერსიტეტი საყოველთაო გაფიცვას იწყებს. იმუქრებოდნენ სხვა ანტიკომუნისტური აქციებით. გასაკიცხ წერილებს უგზავნიდნენ აქტიურ სტალინელებს. გამოზდნენ სტალინიზმის ბოროტმოქმედებებს. სამარცხვინოდ თვლიდნენ საქართველოში ასეთი საზოგადოების მოთმენას.

აღშფოთებამ მასობრივი ხასიათი მიიღო. რამდენიმე სხვა პარტიასთან ერთად, მას კომუნისტების მიერ ინსპირირებულ პარტიად აცხადებენ.

დეპუტატობის კანდიდატთა სიამ კიდევ უფრო დასცა ამ პარტიის პრესტიჟი. მასში ერთი გვარის ათამდე პირი იხსენიებოდა. ტელევიზიით გაუთავებლად კითხულობდნენ პანეგირიკებს სტალინის ღროის მოხსენებებიდან და პარტიული დოკუმენტებიდან.

— ნუ ნერვიულობ, ზებედე! ბერიკაცები თავიანთ ახალგაზრდობას იგონებენ.

— კი, დაგიჯერებ! აბა ერთი მიუშვი, თუ რესტავრაციას არ შეუდგენ.



— დაწყნარდი, ბიჭო, არ გრცხვენია გაიხსენე ის ბედნიერი დრო, სოსოს სახელს რომ ვფიცულობდით. ა შენ, სამკერდე ნიშანი. არ ინანებ, იცოდე!

— მომაშორე! — უყვირა ზებედეშ და სამკერდე ნიშანს ხელი წაჰკრა.

## 9.

ორგანიზატორთა რწმენით, საგანგებო კონფერენცია იყო ეროვნული კონგრესის იდეის სრული და საბოლოო გამარჯვება, რომლის იურიდიულ-პოლიტიკურ დადასტურებას 30 სექტემბრის არჩევნებზე ელოდნენ.

გათენდა ოცდაათი სექტემბრის ჩვეულებრივი დღია. დღეს ეროვნული კონგრესის არჩევნებია. განსაკუთრებულს ვერაფერს ვგაძნობთ. რამდენიმე დღის წინ ჩვენს სადარბაზოშიც ჩამოატარეს შეტყობინება, რომელშიც მითითებულია, სად უნდა მივიდეთ ხმის მისაცემად.

არჩევნების პირველი დღის ბოლოს, ძალიან ბევრ ოჯახში ხელუხლებლად იღო საარჩევნო უბნებში გამოცხადების ბარათები.

იძულებული გახდნენ არჩევნები პირველ ოქტომბერსაც განეგრძოთ. ვადის გაგრძელება გამოწვეული იყო მთელ რიგი ობიექტური და სუბიექტური მიზეზებით.

მოგვყავს ცნობა საარჩევნო კომისიის თავმჯდომარის ზოდგოლის ინტერვიუდან: „წარმოიქმნა იმ ბიულეტენების გენერირებით დაბეჭდვასთან დაკავშირებული სიძნელებები, რომლებიც საკორდინაციო ცენტრში... 19 სექტემბერს თავდაპირველის შედეგად განადგურდა... მთელი რიგი დაწესებულებების ხელმძღვანელებმა არ შეასრულეს დაპირებანი“.

არჩევნები გაგრძელდა და დამთავრდა ორი კვირის შედეგად. თოთხმეტ ოქტომბერს.

1. საქართველოს ეროვნული კონგრესის არჩევნები ჩატარებულიად ჩაითვალოს.

2. არჩეულ იქნეს საქართველოს ეროვნული კონგრესი საარჩევნო ბლოკების მიერ მიღებული დადებითი ხმების შესაბამისად.

3. ჩატარდეს საქართველოს ეროვნული კონგრესის პირველი სხდომა 1990 წლის 26 ოქტომბერს.

საქართველოს ეროვნული კონგრესის წევრთა სია უახლოეს დღეებში გამოქვეყნდება.

ცენტრალური საარჩევნო კომისია ულოცავს მთელ საქართველოს ერს თავისუფლების ძნელ გზაზე დიდი გამარჯვების მოპოვებას — საქართველოს ეროვნული კონგრესის არჩევას.

არჩევნებს უცხოელი მეთვალყურეები არ დასწრებიან.

კრიტიკული ანალიზისგან თავი შევიკავოთ. ის, რაც მოხდა და როგორც მოხდა, ჩვენი ისტორიის ღირსშესანიშნავი ფაქტია. გაჩნდა კონგრესი, ახალი პოლიტიკური ძალა.

მოახლოვდა უზენაესი საბჭოს არჩევნებიც. მათ ორიოდ კვირა აშორებდა ერთმანეთისგან.

„განსხვავება რიცხოვნობაში ალბათ ხელს არ შეუშლის კონგრესის ერთგვარ საზოგადოებრივ აღიარებას“, — ქარაგმული სიფრთხილით წერდნენ სექტემბრის ბოლოს. თითქმის ყველა მიმომხილველი მოსალოდნელად თვლიდა ამ ორ ინსტიტუტს შორის დაპირისპირებას.

გიორგი ჭანტურია თითქმის ულტიმატუმის ფორმით აყალიბებდა თავის მოსაზრებებს:

„საქართველოს ეროვნული კონგრესისა და უზენაესი საბჭოს არჩევნების წარმატებით ჩატარების შემდგომ ძალიან ბევრს აწუხებს ამ ორი ორგანოს ურთიერთდამოკიდებულების საკითხი. მიუხედავად იმისა, რომ საქართველოს ეროვნულ

კონგრესს ამ საკითხზე ოფიციალური განცხადება ჯერ არ გაუკეთებია, გამოკვეთილია კონგრესის პოზიცია საბჭოთა სტრუქტურასთან მიმართებით: ეროვნული კონგრესი უზენაეს საბჭოს თვითმიზნურად არ დაუპირისპირდება, დაპირისპირება მოხდება მხოლოდ იმ შემთხვევაში, თუ:

1. უზენაესი საბჭო დააპირებს ახალ „სამოკავშირეო“ ხელშეკრულებაზე ხელისმოწერას;

2. მოახდენს „დამოუკიდებლობის“ დეკლარირებას. (დეკლარირებას ის მიზანიც შეიძლება გააჩნდეს, რომ კრემლის საპასუხი ნაბიჯებით იქნას შემდეგ საკუთარი წარუმატებლობა გამართლებული);

3. განახორციელებს ტერორს, რეპრესიებს, დაუპირისპირდება ეროვნულ კონგრესს, მთელ ეროვნულ მოძრაობას;

4. არ იბრძოლებს დეოკუპაციისათვის;

5. განახორციელებს ანტიდემოკრატიულ კურსს, დაუპირისპირდება საქართველოს, ქართველი ერის ინტერესებს.

იმ შემთხვევაში, თუ უზენაესი საბჭო, მიუხედავად მისი ოფიციალური სტატუსისა (სწორედ, რის გამოცაა შეუძლებელი ამ საბჭოთა ორგანოს პარლამენტად აღქმა ოკუპაციის პირობებში), შეძლებს ქართველი ერის ინტერესების დაცვას, დემოკრატიული პოლიტიკის გატარებასა და კონგრესთან თანამშრომლობას, ღრმად ვარ დარწმუნებული, საქართველოს ეროვნული კონგრესი ადგილობრივი თვითმმართველობის ამ ორგანოსთან დაამყარებს საქმიან ურთიერთობას და საჭიროების შემთხვევაში დაეხმარება კიდევ უზენაეს საბჭოს ქართველი ერის ინტერესებიდან გამომდინარე“.

— ეს განცხადება თავისთავად დაპირისპირების სიგნალია, — დაფიქრებით წარმოთქვა მარტოლექმა. — შენ როგორ გგონია, მოხერხდება ამათი მშვიდობიანი თანამშრომლობა?

— ამის პროგნოზირება მისტიკად მესახება. ვის დაებნა და ეს იღვია პირველად: ქვეყანაში, რომელსაც დამოუკიდებლობა არ გააჩნია, არსებობდეს თავისი არსით ორი, ერთმანეთის დაპირისპირებული ხელისუფლების ორგანო. უნდა ვიფიქროთ, რომ ეს სიკეთეს არ მოგვიტანს.

— თუ სწორად გავიგე, კონგრესი მაკონტროლებელი, უფრო მაღალი ინსტანცია იქნება. ჯერ მარტო ამის გარკვევას დასჭირდება რამდენიმე შეტაკება.

— ამის მიზან-დანისწულებას ვერ გამოარკვევ, თუ მიზეზებში არ ჩაიხედე.

— დიდი განსხვავებაა ამ ორ მიმართულებას შორის?

— არაა დიდი განსხვავება. დისიდენტობამ 60-იან, 70-იან წლებში მიაღწია თავის აპოგეას. 80-იანი წლებიდან, როცა გორბაჩოვის „პერესტროიკა“ დაიწყო, ჰუმანიტარული მოთხოვნები, სახაროვი და თანამოაზრენი რომ აყენებდნენ, ახალი ხელისუფლების მიერ მშვიდობიანი რეფორმებით წყდებოდა. სახაროვი და მეგობრები „სახალხო ყრილობის“ შემადგენლობაში აირჩიეს, ტრიბუნა მისცეს. „საბჭოთა დისიდენტობამ“ რღვევა განიცადა. ზოგად ჰუმანიტარულის ნაცვლად, მან მკვეთრად ეროვნული ხასიათი მიიღო. თვით სახაროვი განახლებული მოძრაობის ლიდერად იქცა. ეროვნულ რესპუბლიკებში დისიდენტებს საკუთარი ბრძოლის ველი გაუფართოვდათ. საზღვარგარეთის დისიდენტურ ცენტრებს, ძირითადად, ებრაელები, სომხები, მათ წრესთან შეზრდილი ქართველი კოსმოპოლიტები ასაზრდოვებდნენ, რომელთათვის ქართული პრობლემები მტკივნეულად არ განიცდებოდა. სახაროვი გულახდილად წერს ქართველი დისიდენტების მიმართ თავის განსაკუთრებულ დამოკიდებულებაზე. ამას, ბუნებრივია, 80-იანი წლებიდან პატრიოტი ქართველი დისიდენტების განკერძოება უნდა გამოეწვია. მათ კონკრეტული, პრაქტიკული ამოცანებისთვის უნდა მიეხედათ, რა თქმა უნდა, საერთაშორისო დისი-

დენტურ მოძრაობასთან სოლიდარობისა და ურთიერთობის ტრადიციათა შენარჩუნებით.

— ქართული მოძრაობის გათიშვამ ამასთან რაიმე კავშირი აქვს?

— რა თქმა უნდა. ეს არის საერთო ფონი — ეროვნულ ნიადაგზე საერთაშორისო დისიდენტობის დაშლა. საქართველოს დამოუკიდებლობის მიღწევა ჩვენი ეროვნული მოძრაობის ერთიანი მიზანია. ფორუმში დარჩენილ პარტიებს „დისიდენტური მაქსიმალიზმი“, „დისიდენტური დოგმატიზმი“ ახასიათებს. დრო კი, როგორც გითხარი, შეიცვალა. ისინი გრძელ, მძიმე გზას ირჩევენ — მეტი დანაკარგებით, მსხვერპლით, ზოგჯერ უსაგნო რისკით. „მრგვალ მაგიდაში“ გაერთიანებული პარტიები უფრო ნაკლები დანაკარგებით, მოქნილი საშუალებებით, წელში გაწყვეტილი ხალხისთვის მეტი შედეგებით ცდილობენ იმავე მიზნის მიღწევას. აქ ისეთი არაფერია, რომ ერთმანეთი დაკლან და დაახრიონ. ურთიერთობათა გამძაფრება ხელოვნურია, პირადული სიმპათია-ანტიპათიებით განპირობებული. საერთო ენის გამონახვა აუცილებელი და შესაძლებელია. პიროვნული ვნებები უნდა დაცხრეს, პოლიტიკანობის და მარქსისტული პარტიებიდან ატაცებული ფრაქციულობის მიდრეკილებები დაძლეულ იქნას, საქმეს მეტი სინათლე და გარკვეულობა მიეცეს. დარწმუნებული ვარ, საქმე დღეს თუ ხვალ აქეთკენ წავა და ეს აიძულებს ყველას საერთო ენა გამონახონ. ყველა არჩევნები ამის პრაქტიკულ გამოცდას წარმოადგენს. ვინც ხელოვნურობას, გაურკვეველობას, ნაძალადეგ გასულელებებს თავს ვერ დააღწევს, ვერასოდეს ხალხის მხარდაჭერამ ვერ მოიპოვებენ, ვერ გაიმარჯვებენ. მაშასადამე, იძულებული გახდებიან ხალხს ანგარიში გაუწიონ.

— ჩემი აზრით, იმის ერთი მიზეზი, რომ კონგრესმა ჯეროვანი პოპულარობა ვერ მოიპოვა, ნოციალური მოთხოვნების იგნორირება, ანუ შეუფასებლობაა. მე თითქმის არ

შემხვედრია მათ პროგრამებში გაჭირვებიდან ხალხის გამოსნის გზების ძიება, კორუფციის აღკვეთაზე ხომ ლაპარაკიც ზედმეტია. აშკარად თავს არიდებენ, ხალხი კი, წელში წყდება. პოლიტიკური თვითმკვლელობის გზა ტრაგედიაა და არა დანაშაული. შუბლით მიწოლას გამარჯვება არ მოაქვს. დღეს ძნელი გამოსარკვევია, ადგილი ჰქონდა თუ არა საარჩევნო უბნებზე თავდასხმებს, ბიულეტენების გატაცებას, განადგურებას.

მიხაკა მარტოლექმა პაპიროსი ამოიღო, თავი მოუსრისა და მოუკიდა.

— კონგრესის საარჩევნო კომისიის თავმჯდომარემ საგულისხმო დასკვნა და რჩევა მისცა მათ, როცა თქვა: „კონგრესის არჩევნებმა სრულად ასახა ჩვენი საზოგადოების რეალური მდგომარეობა. იმედი მაქვს, საქართველოს ეროვნული კონგრესი და უზენაესი საბჭო თავს დააღწევენ აკვიატებულ დაპირისპირებას“.

კონგრესის მესვეურებს არ უნდა ეშინოდეთ იმ ქეშმარიტებისთვის თვალში ჩახედვა, რომ ხალხის ნაწილმა ბოლომდე ვერ გაიგო მათი მიზანი და ამოცანები.

## 10.

უზენაესი საბჭოს არჩევნებში მრავალ პარტიასა და ბლოკს შორის გაჩაღდა დაუნდობელი ბრძოლა, მაგრამ ისტორიამ იწინააღმდეგარა სამკვდრო-სასიცოცხლოდ ერთმანეთის პირისპირ დამდგარიყთ სიძულვილით აღსავსე ორი ძალა — კომუნისტური პარტია და ილია მართლის ქართული პატრიოტიზმი. უთანასწორო ჭაჭურში დაშინებულ და გატანჯულ ხალხს უიმედოდ ეჩვენებოდა ეს ორთაბრძოლა.

ქვეყნის ბატონ-პატრონს ეჭვი არ ეპარებოდა გამარჯვებაში. სხვა რომ არაფერი, არჩევნების ბედობალი მას ჰქონ-

და მინდობილი. ადამიანთა ფსიქოლოგიით თუ ვიმსჯელებთ, უმრავლესობა ყოველდღიური ინტერესებითა და განწყობილებებით ხელმძღვანელობს. თვით არჩევნების პროცესშიც კი, კომპარტიას ქვეყნის მმართველობაზე ხელი არ აუღია. უკანასკნელ წუთამდე საჭე ხელიდან არ გაუშვია, არ გადამდგარა, რაც მას ორ-სამმაგ მატერიალურ და პოლიტიკურ „ფორას“ ანიჭებდა. უკიდურეს შემთხვევაში, შეეძლო იმ მეთოდებით ემოქმედა, რომლითაც აქამდე ინარჩუნებდა ბატონობას.

მაგრამ ეს არ მოხდა. სრულ უპირატესობაში დარწმუნებულმა, ამჯობინა, დემოკრატიზმისადმი ერთგულებით აღედგინა დაკარგული ავტორიტეტი. საერთაშორისო მასშტაბით თავი მოეწონებინა განახლებისა და გადახალისების მონაპოვრებით. რისკიან ცდუნებას აპყვა. იმ დროს აღმოსავლეთ ევროპის ქვეყნებშიც არ იყო გადაწყვეტილი იდეოლოგიური ორთა ბრძოლის ბედობალი და საქართველო კარგი მაგალითი იქნებოდა.

კომპარტია ეროვნული განვითარების ფართო კონცეფციით წარსდგა ამომრჩეველთა წინაშე რას ინატრებ, სულო და გულო? დემოკრატია გონდათ? ინებეთ! დამოუკიდებლობა გსურთ? მოგვირთმეგია! ეკონომიკურ აღორძინებასა და აყვავებაზე ოცნებობთ? ჩვენზე უკეთესს ვერ ინატრებთ!

— შენ შებილწული პარტიის გადარჩენას აპირებ?

— ხომ გაგიგონია, სამარის კარამდე მისდიეო.

— კი, ბატონო, მაგრამ სამარეში ნუ ჩაპყვები!

— ის კომპარტია აღარაა, შენ რომ გახსოვს. ცალკე აპირებენ გამოყოფას.

— ისე არ აუღდათ გვერდები! კომპარტია კომპარტიაა. თუ კომუნისმის აშენებას აღარ აპირებთ, სხვა სახელი მაინც დაირქვით.

— კომპარტია რეალური ძალაა. ლიგაჩოვისთანა კაცებს ხომ არ უნდა ჩავუვდოთ ხელში

— მაგისტანა საკენკი წიწილებს დაუყარეთ

— გორბაჩოვის სიტყვა არ დაგავიწყდეს. „საბჭოთა კავშირის“ კომუნისტური პარტია ცოცხლობს და იცოცხლებს, კვლავაც შემატებს თავის ისტორიულ წვლილს ჩვენი ქვეყნის პროგრესს, მსოფლიო ცივილიზაციის პროგრესს“.

ისეთი მიზანსწრაფული, მეცნიერულად არგუმენტირებული მოღვაწეობა, რომელიც „მრგვალი მაგიდის“ პარტიებმა იმ წლის გაზაფხულიდან გააჩაღეს, საქართველოს პოლიტიკური მოძრაობის ისტორიამ არ იცის. გასაოცარი შთაგონება, რწმენა და სიმტკიცე დაჰყვა ამ ბრძოლას. ასობით დიდ თუ პატარა საკითხს იხილავდნენ, გადაწყვეტილებები გამოქონდათ და ახორციელებდნენ. რომელ ერთს დაასახელებ — ყველა ერთმანეთზე სასიცოცხლო და გონივრული. ჩრდილოეთ კავკასიის ხალხებთან, კერძოდ, ადიღე-ჩერქეზებთან ურთიერთობა გავიხსენოთ. საგანგებო კონფერენციაში მონაწილეობაზე უარის თქმა. უსასტიკესი პოლემიკა და უკომპრომისო შეტაკებანი. პრინციპებში უკანდაუხვევლობა და გაუტეხლობა. საბრძოლო მზადყოფნა. მემორანდუმები. დროული, შეუპოვარი და ზუსტი. საკონსტიტუციო სხდომები.

რეაგირების გარეშე არ რჩება საშინაო თუ საერთაშორისო ცხოვრების არცერთი დიდი თუ პატარა საქმე. გუშინდელი, სადღეისო, სამომავლო.

— მეორე მაგალითი არ მეგულვება, რომ აღამიანს ასე დაუზოგავად ლანძღავდნენ და ემუქრებოდნენ. — თქვა მარტოლექმა.

— „მრგვალი მაგიდის“ სკიპერზე ამბობ?

— რა თქმა უნდა, ბადრი უჯარმელზე.

— ნუ გეშინია, ბავშვობიდან მიჩვეულია.



— ძნელია, გუშინდელი მეგობარი რომ გაგიმეტებს!

— უჯარმელს გამეტება ვერ გააკვირვებს! მაგრამ ღმერთი არ გასწირავს, კაცსა ყოვლგნით განაწირსა.

— ამდენი ქომაგი გინახავს, რაც უჯარმელს ჰყავს? თავგამოდებული და ღირსეული?

— სჯერათ, რომ ის ჩვენი მოძრაობის გუშინდელი, დღევანდელი და ხვალინდელი დღეა.

— ცილისწამებებს მან ფაქტები და ახსნა-განმარტებები ლაუპირისპირა.

— კმარა! მეტისმეტი არ გამოგვივიდეს.

— აი, ნახე, თუ უსამართლო დევნამ სარგებლობა არ მოუტანოს!

— ახლავე არ ეტყობა, რომ ხალხი ჭირისუფლად ეფარება?!

— ასე კრიკაში ჩადგომა იქნება? რა ხანია, სათავეში დგას, თუ მოქმედების თავისუფლება არ მიეცი, რა საქმეს გაუძღვება! ვალდებული ვართ, ვენდოთ! არც ეროვნული ფესვების იგნორირება შეიძლება.

— პრალის კონფერენციის მონაწილეებისადმი ქართველი პატრიოტების წერილი წაიკითხე?

— მტკიცე, პატიოსანი სიტყვაა. ყველამ თავის ეზოს მიხედოს. ეთნოკონფლიქტები საიდანაც მოდის, ჩვენ ძალიან კარგად ვიცით.

— მე არ მეგულებოდა ქართველი მოღვაწე, რომლის მიმართ ისეთი ინტერესი გამოეჩინოს უცხოეთს, როგორც „მრგვალი მაგიდის“ მეთაურია. ერთდროულად ამდენი ქება და ძაგება.

ოც აგვისტოს დილის ათ საათზე ზებედე, მეუღლესთან ერთად, დავით აღმაშენებლის გამზირზე, ეგრეთწოდებული „საგარეო საქმეთა სამინისტროს“ შენობასთან მივიდა, სადაც ფერეიდნელ ქართველთა მხარდასაჭერად მიტინგი უნდა გამართულიყო.

სირცხვილიცაა თქმა, რომ უყურადღებოდ გვყავდა დარჩენილი თითოეული ჩვენგანისათვის ბავშვობიდან საყვარელი და სანატრელი ფერეიდნელი თანამემამულენი. ფერეიდანში დარჩენილ ახლობლებთან მიმოწერის, ტელეფონით ლაპარაკის, დედ-მამის, და-ძმების მონახულებაც არ შეეძლოთ. ერთ ჯგუფს შიმშილობა გამოეცხადებინა, რომელსაც მხარს უჭერდა „ჰელსინკის კავშირი“.

მიტინგი დაწყებული იყო, როცა რომელიღაც ღონისძიებიდან ბადრი უჯარმელმა მოიბრძინა. ამან უსაზღვრო სიხარულე გამოიწვია.

საარჩევნო ბლოკის ლიდერმა მღელვარე, გულმტკივნეული სიტყვა წარმოთქვა. მომიტინგეებს დახმარება აღუთქვა, საათს დახედა და აჩქარებით გაეშურა მორიგ აქციაზე.

„ჩრველი მაგიდის“ წინააღმდეგ კომუნისტური პარტიისა და ეროვნული კონგრესის ბრძოლის ღონისძიებები არსებითად გაერთიანდა.

საარჩევნო ბატალიები იმთავითვე გაათრებულ ხასიათს იღებდა. ყოველ წუთს ყოველგვარი დარღვევა მოსალოდნელი იყო. მხარეები არავითარ დათმობაზე არ მიდიოდნენ. „მრველი მაგიდის“ სახელით გიორგი ხოშტარიამ ტელევიზიით გაკეთებულ განცხადებაში თქვა, რომ მათი პროტესტის საფუძველზე რესპუბლიკის პროკურორმა პროტესტი წარუდგინა უზენაეს სასამართლოს, რათა გააუქმოს თავისი გადაწყვეტილება მთელ რიგ პოლიტიკურ ორგანიზაციათა ცენტრალურ საარჩევნო კომისიაში რეგისტრაციის შესახებ. თუ ეს

ნარ მოხდება, მაშინ „მრგვალი მაგიდის“ ორგანიზაციები მწვავე აქციებს მიმართავენ.

გახშირდა დარბევები, დაშინება, პიკეტირება.

„მრგვალი მაგიდა“ ახერხებდა „ცხელ წერტილებში“ ვითარების დარეგულირებას.

„მრგვალი მაგიდის“ მოწინააღმდეგეთა ჟურნალ-გაზეთების ხელში აღება აღარ შეიძლებოდა. იგი პოლიტიკური სიძულვილის მსოფლიო რეკორდებს ამყარებდა, რაც მუდამ ამაზრზენ უთაბეჭდილებას ახდენს.

\* \* \* !

— ნახე, თუ კორუფციისა და მაფიისთვის ომის გამოცხადებამ კისერი არ მოტეხოს! აჩქარდა. ჯერ ხელისუფლება უნდა აეღო, ამას მერეც მოესწრებოდა. — ლელავდა მარტოლექი. ხელისუფლების აღებამდე უნდა დაეცაღნა. დაიშა, გადატაკდა ხალხი. ქონებამ საქმოსნების ხელში მოიყარა თავი. პირადი გამდიდრების მეტი რომ არაფერი სწამთ რაკი გაუგეს, აღარ აპატიებენ, აღარ გაუშვებენ.

— შენ მართლა ყოვლისშემძლე გგონია ისინი?

— ასეა!

— ხალხის ძალა არ გწამს?

— არა! რა შეუძლია გაძვალტყავებულ, დამონებულ, გათითოკაცებულ ხალხს! კორუფცია და მაფია მონოლითური ძალაა, ერთ მუშტად შეკრული. ხელისუფლებისთვის არაფერს დაზოგავს.

— გადაჭარბებული წარმოდგენა გქონია მათზე, ის კი აღარ გახსოვს, რა შეუძლია გაჭირვებულ, საღათას ძილიდან გამოსულ ადამიანებს.

— მეშინია, ზებედე! მუქთახორები ყველაფერს იკადრებენ.

— დამშვიდდის ბადრი უჯარმელი გაუზომავად ნაბიჯს არ გადადგამს. „უნდა გვეყოს გაბედულება. — ამბობდა ზვიად გამსახურდია. — და, რაც მთავარია, ზნეობრივი სიმტკიცე, რათა გავემჩნოთ მაფიოზურ ბნელ ძალებს, მხოლოდ ასეთ შემთხვევაში გვექნება უფლება, ვიწოდებოდეთ „ეროვნულად“.

— შენს პირს შაქარის ამათი კაპიტალი ხომ ნაქურდალ-ზეა ამოშენებული. კარგია ყველაფერი, რაც პატროსანი გზით კეთდება და საზიზღარია, რასაც უნამუსობის სუნი ასდის. ტანში მზარავს, როცა წარმოვიდგენ, რომ საქართველოს სახელით უცხოეთში საქმიანი ურთიერთობების დასამყარებლად მატყუარა, ყალბი ადამიანები ივლიან.



საარჩევნო კომპანიის სენსაციას წარმოადგენდა თითქმის ფინიშზე გაჩენილი ახალი ორგანიზაცია, რომელმაც თავისთავს პოლიტიკური პარტიისთვის მოუხერხებელი სახელი უწოდა: „საქართველოს ეროვნული თანხმობის კავშირი“.

აგვისტოს ბოლოს, თავის დამფუძნებელ ყრილობაზე მან კიდევ დააზუსტა თავისი ვინაობა: „საქართველოს ეროვნული თანხმობისა და აღორძინების კავშირი“.

მას დათვური სამსახური გაუწია იქვე გამოქვეყნებულმა დამფუძნებელთა სიამ.

ხალხმა, დახედა თუ არა სიას, მაშინვე ის დასკვნა გამოიტანა, რომ კომპარტია კიდევ ერთი ახალი სახით მოვევლინა ქვეყნიერებას.

„მრგვალი მაგიდა“ საგანგებო მემორანდუმით შეხვდა ახალ პარტიას. ჯადოსნურ ხელის შეხებას ჰგავდა ეს მემორანდუმი. თუმცა, ნიშნის მოგება რაღა საჭიროა! გამოცვივდნენ

800

პრესაში ჩვენი სასიქადულო მეცნიერები და მოღვაწეები. თითქმის ერთ დღეს დატოვეს კომუნისტური პარტია, რითაც უფრო დაიმძიმეს საარჩევნო მდგომარეობა. მათი პრეტენზიები განმტკიცებული არ იყო არც საქმეებით, არც მორალით. ახლა როგორ გადაერჩინათ თავიანთი ფეოდალური ფუფუნება!?



იმის გამო, რომ რუსმა „დუხობორებმა“ ნებაყოფლობით გადაწყვიტეს მამაპაპათა სამშობლოში დაბრუნება, მერაბ კოსტავას საზოგადოება იძენდა მათ სახლებს სტიქიით დაზარალებული აქარლების ჩამოსასახლებლად. ამან ადგილობრივი სომეხი მოსახლეობის უკმაყოფილება გამოიწვია და ახალი ეთნოკრიზისის კერა შექმნა, „მრგვალ მაგიდას“ კიდევ ერთი საზრუნავი გაუჩინა. სიტუაციის გართულება მოჰყვა „მემორანდუმის მოსკოვისა და საქართველოს ხელისუფლებრიადმი“, რომელშიც სხვა მუხლებთან ერთად, წამოყენებული იყო მოთხოვნები „შეწყდეს არაქართველთა დემოგრაფიული ექსპანსია საქართველოში, მიწების მიტაცება; ბოგდანოვიკისა და ახალქალაქის რაიონებში შეწყვიტონ ქართული მოსახლეობის დისკრიმინაცია“.

საითაც გაიხედავ, საგანგაშო მდგომარეობაა. ყველგან ფხიზელი თვალი და უშიშარი გულია საჭირო.

ასლოვდება არჩევნები; დაძაბულობა იზრდება, ახალ-ახალ პრობლემებს აყენებს. აფხაზეთის უმაღლესმა საბჭომ, თითქოს დრო გვიხელთაო, საქართველოდან გამოყოფის გადაწყვეტილება მიიღო. სამაჩაბლოს ქართველობა მოთმინებამ ჰკარგავს „სამხრეთ ოსეთის სუვერენტიტეტის დეკლარაციის“ გამო. სოჭა-ადლერში „თურქი მესხები“ ტრიალებენ. საჩქარო, ბრძნული, გაბედული ღონისძიებები გვჭირდება.

ქვეყანამ საიმედო, გონიერი პატრონი უნდა აირჩიოს.

მოატანა თექვსმეტი სექტემბრის კვირადღემ, როცა, სალამოს ექვსი საათისთვის, ეროვნულ სტადიონზე „მრგვალი მაგიდის“ ბლოკში შემავალი პარტიებისა და ორგანიზაციების სახალხო მიტინგი უნდა შემდგარიყო.

მიტინგი სტადიონზე!

სექტემბრის მზე დილიდანვე მოსალბუნე და საამოა.

ზებედე და ქალბატონი ბუჟუჟა რამდენიმე დღეა მოუთმენლად ემზადებოდნენ ამ სალამოსთვის. ხუთ საათზე საზეიმოდ გამოეწყვნენ და ფეხით გაუყვნენ გარეუბნის ქუჩებს.

ეზო-ბალებიდან შემოდგომის სურნელი იფრქვევა. ცა სილურჯეში გადამდნარა.

დასავლეთ ტრიბუნებზე გროვდებიან წყნარი, სუფთად ჩაცმული ადამიანები. მანდილოსნები და ვაჟკაცები. გოგობიჭები, მოხუცები, ბავშვები. უმრავლესობა ოჯახებით მოსულა.

დუმან. ან, მშვიდად ჩურჩულებენ. ელიან, მაგრამ არაერთარი ნერვიულობა არ შეიმჩნევა. მღელვარებას იღუმალად გრძნობ.

წინა დღეს საკავშირო პოლიტბიუროს წევრი, საქართველოს უზენაესი საბჭოს თავმჯდომარე გივი გუმბარიძე პარტიისა და საზოგადოებრივ-პოლიტიკური ორგანიზაციების ხელმძღვანელებსა და წარმომადგენლებს შეხვდა, რომლებიც არჩევნებში მონაწილეობენ. თავისთავში მტკიცედ დარწმუნებულია მოუწოდა ყველას, გამოიჩინონ თავშეკავება, არჩევნები ჩაატარონ მშვიდ, კონსტრუქციულ, დემოკრატიულ ვითარებაში. გააცნო ხალხს კომპარტიის წინასაარჩევნო პროგრამა.

თითქმის იმაღდროულად გამოქვეყნდა „მრგვალი მაგიდის“

მორიგი მემორანდუმი, რომელშიც მხილებული იყო საარჩევნო დებულების უხეში დარღვევები და მაქინაციები.

დასავლეთის, ჩრდილოეთისა და სამხრეთის ტრიბუნები ხალხით გაიჰკედა. ამბობენ, ოცდაათიათასიდან ორმოციათასამდე იქნება. სტალიონზე წესრიგი და სიწყნარე სუფევს. ცნობისმოყვარე, ინტერესით დაძაბული თვინიერი სახეები. ზებედეს წინ თალხებში ჩაძირული ბებია ზის, რომელსაც მუხლებზე შესკუპებია თეთრკაბიანი, სამიოდე წლის შვილი-შვილი, რაღაც სანატრელ მოლოდინით დაამებული. ინტელიგენტურად ჩაცმულ ახალგაზრდა ქალს გულთან წიგნი ჩაუხუტებია.

სათამაშო მოედნის დასავლეთ მხარეზე ბლომა ხალხი ფუსფუსებს. შუაში მაგიდები და სკამები დგას. ცოტა მოშორებით — ტელევიზიის ავტომობილი — გადამცემი აპარატურით.

ზუსტად ექვსი საათისთვის მოედანზე შემოვიდა „მრგვალი მაგიდა — თავისუფალი საქართველოს“ ბლოკის მეთაური.

ხალხი წამოიშალა. გაისმა ერთსულოვანი ტაშისცემა. მამაკაცებმა მომუშტული ხელები აღმართეს. ზებედეს გვერდით სამოცს გადაცილებული კაცი დგას, ქაღარა, ფუმფულა წვერით, ქათქათა, შავკანტებიანი სვანური ქუდი. მხნედ, იმედმოცემული. მის გვერდზე — ოცდაათიოდე წლის კუშტად გარინდებული, შავხალათიანი რაინდი. სალამოს ნიავი ნელა აფრიალებს სამფეროვან, შინდისფერ ქართულ ღროშებს.

ზებედეს ყურადღება მედროშე ქალიშვილების შთაგონებულმა, თავდადებისთვის მზადყოფმა გამომეტყველებამ მიიპყრო.

რა საყვარლად მისჩერებიან ეროვნულ აღმებს.

ირგვლივ ლოზუნგებია:

„არცერთი კომუნისტი უზენაეს საბჭოში!“

„შეჩერდეს სსრკ-ის კანონები, რომლებიც ლახავენ საქართველოს ინტერესებს!“

„ემხილოთ კომპარტიის წინასაარჩევნო ოინებში!“

ბადრი უჯარმელმა ცეკას შენობის პიკეტირებიდან მობრუნდინა სტალიონზე. იქ ილია მართლის საზოგადოების ბორჯომის, ახალციხისა და ზუგდიდის რეგიონალური ორგანიზაციების წარმომადგენლებს გაეშალათ კარავი. უვადო შიმშილობა გამოეცხადებინათ, სანამ უსაფუძვლოდ დაპატიმრებულ დავით გელაშვილსა და ზაზა გაბედავას არ გაათავისუფლებდნენ. პირველს ადიგენის მილიციის განყოფილებაზე თავდასხმას აბრალებდნენ. ძიებაში „მრგვალი მაგიდის“ იურისტებიც მონაწილეობდნენ.

— ძვირფასო მეგობრებო! ქართლოსიანნო! — მიკროფონი აიღო მეთაურმა. — როგორც ჩვენი მემორანდუმიდან მოგეხსენებათ, ხელისუფლება უხამს საშუალებებს იყენებს არჩევნების ჩასაშლელად. წინასაარჩევნო ბრძოლაში ისეთი პოლიტიკური ორგანიზაციების ჩაბმა, როგორც არის „სტალინი“ ან „საქართველოს ეროვნული თანხმობისა და აღორძინების კავშირი“ უზენაესი საბჭოს არჩევნების კანონის უხეში დარღვევაა. სტალინის სახელი ცივილიზებულ სამყაროში დიდი ხანია დიქტატის, თვითნებობისა და დემოკრატიის ჩახშობის განსახიერებად გადაიქცა, ხოლო ეროვნული თანხმობის კავშირში წარმოდგენილია „წითელი ინტელიგენცია“. ის კომპარტიის თავისებური ნაირსახეობაა... თუ ამ მოთხოვნებს არ დააკმაყოფილებენ, უფრო რადიკალურ ღონისძიებებს მივიღებთ.

მიტინგს გააცნეს „მრგვალი მაგიდის“ საარჩევნო პროგრამის ძირითადი დებულებანი. წაიკითხეს იმ პირთა სია, რომლებმაც თანხმობა განაცხადეს კენჭი იყარონ ბლოკთან ერთად.



თად. მათ შორისაა მუხრან მაჭავარიანი... აღფრთოვანდა სტადიონი. ბევრს წამწამები დაენამა. დიდხანს არ დამცხრალა ტაში. ბლოკის სახელით იყრიან კენქს ნოდარ წულუისკირი, თემურ ქორიძე, გურამ პეტრიაშვილი... უხარია ხალხს პატიოსანი სახელები გაგონება, მარტო იმიტომ არა, რომ ეს გამარჯვების საწინდარია, ყოველი ნათელი სახე ადამიანის სულს ასპეტაქებს.

ხალხი სიხარულით შეხვდა სახალხო ფრონტის მეთაურს, როგორც სტუმარს, ისიც მათთანაა. მის სისუსტეებსაც იცნობდნენ და მიმტევებლურად აღიქვამდნენ ამას.

სტადიონზე მიტინგი არაფრით არ ჰგავდა ჩვეულებრივ მიტინგებს. არც შემადგენლობით, არც რაოდენობით, არც განწყობილებით. რესპუბლიკის მოწინავე საზოგადოებრიობის მონაწილეობით განიხილებოდა დიდი თუ მცირე საქმეები, როგორც სათემო ყრილობაზე. მეთაურები მსჯელობდნენ ხალხთან ერთად. ისმენდნენ უბრალო თანამემამულეთა შენიშვნებს. მათი მონაწილეობით იღებდნენ გადაწყვეტილებებს. ზებედე პირველად ესწრებოდა ამგვარ თავყრილობას, ინტიმურს, გულითადს, ქართულ დემოკრატიის ტრადიციებზე დამყარებულს.

ბადრი უჯარმელი მშვიდად უპასუხებდა ყველა შეკითხვას, ინტერესს იჩენდა თითოეული მონაწილის ბედისადმი. იმინი მთელი არსებით ენდობოდნენ მას.

მომხბველი, გულიამაჩუყებელი ატმონფერო მყარდებოდა. ტრიბუნებთან, მწვანე მოლზე, ორატორებს თვალწინ, მინდორზე ორი-სამი წლის გოგონები და ბიჭუნები თამაშობდნენ. მათთან თეთრი ლეკვი დახტის. არავინ არავის ხელს არ უშლის. არცყი ამჩნევენ ერთმანეთს. უჯარმელი კეთილი ღიმილით მიმოდითა, ყველასადმი ყურადღებას იჩენდა, ყველაფერში მონაწილეობდა. მტერს შეიძლება ყოველივე ეს სხვაგვარადაც მოსჩვენებოდა.

თავის ადგილზე მუსიკაც გაისმოდა: „დიდება“, „სჯობს სიცოცხლესა ნაძრახსა“ — კიაზოს არია („დაისიდან“). როცა მერაბ კოსტავას პარტივსაცემად წამოიშალნენ, „შავლეგო“ დააგუგუნეს. ასეთ სანახაობას წინასწარი სცენარით ვერ შექმნი. ეს შემოქმედებაა თანაც, უმაღლესი და განუმეორებელი.

ზებედეს გვერდით მოხუცი, რომელსაც, ეტყობა, მძიმე წამება გადაეტანა, დაამებით ქვითინებდა: „სწორია სიმართლეა შენ გაიხარე!“

ბევრი გულმოკლული ჩანდა იქ. მწარე სინამდვილით მოწამლული და გადათელილი.

ბადრი უჯარმელს მოლურჯო კოსტუმი ეცვა. უპალსტუხოდ. ვერცხლისფერი თმა უბზინავდა. დამშვიდებულიც აბობოქრებულ ზღვას ჰგავდა.

ზებედე სხვა მიტინგებსაც გადაჰყრია, სადაც ძველი და ახალი ერთმანეთში ახელილიყო. გვერდიგვერდ ჩამდგარიყვნენ გუშინდელი ჩინოსნები, პავონებაყრილი დამსმენები, მექრთამეები, კორუმპირებულნი, ყოფილი მდივნები და ჯალათები. მათი შვილები, სიძეები, რძლები, შვილიშვილები, მოკლი ნაგრამი. ვინეგრეტი. დომხალი. ვინ რას წამოიყვირებდა, ვინ რას.

სახალხო ფრონტის თავმჯდომარემ მოითხოვა, კონგრესის არჩევნები უზენაესი საბჭოს არჩევნების შემდეგ დაენიშნათ, რათა კონფრონტაცია თავიდან აეცილებინათ.

კოსტავას ფონდის ანგარიშით გამოვიდა ვაჟა ადამია. დელავდა. რამდენჯერმე მოუხდა შესვენება. ანგარიში მთელმა სტადიონმა ერთხმად დაამტკიცა. მერაბ კოსტავას ფონდის თავმჯდომარედ ერთხმად დაამტკიცეს ვაჟა ადამია.

ზებედეს, უცებ, უჯარმელის დატანჯული მეუღლე და ვაჟები მოელანდა. საოცრად შეწუხებულნი და დაშინებულნი. ღმერთო, შენ უშველე, შენ შეიწყალე მამულისთვის წა-

მებულნი და დევნილნი. მე მიჭირს მათი ყურება! ასე მგონია, ცოტ-ცოტა დანაშაული ყველას მიგვიძღვის.

ვის უნდა ვენდოთ? ვინც ყოველ ნაბიჯზე გვყიდის, თუ ვინც ჩვენთვის ყოველ ნაბიჯზე თავს სწირავს და ამისთვის არავითარ საზღაურს და დაფნის გვირგვინებს არ ითხოვს?!

ხალხით გარემოცულ ტრიბუნაზე სებედემ ვიოლა დაინახა. აქამდე არ შეუშინებია, რომ ისიც სტადიონზე იყო. თმაგაშლილი, შარავანდმოსილი. ყელმოღერებული.

გაუაზრებლად, რამდენიმე რიგით გადაინაცვლა, რათა უფრო გარკვევით გაეგო მისი ლაპარაკი:

— მე ავადმყოფად გამომაცხადეს, მომკლეს და ცხრა აპრილს გავცოცხლდი, რადგან უსათუოდ უნდა ვყოფილიყავი თქვენთან. სამუდამო წამება მქონდა მოსჯილი. არაადამიანურად მგვემეს და დამამცირეს. ვერ გამოვარკვეე, რისთვის გადამცეს რვაფეხებს. რამდენიმე ჭრილობა მომაყენეს დანით. მიტინგზე გამოვედი კრიტიკით. სხვა დანაშაული არ მიმიძღვის. ჩვენში ყველაფერი ნათესაობით, ქრთამით და პროტექციითაა. ამას წინ რომ საბაგირო ვავონი მოწყდა და იმდენი ქართველობა დაიღუპა, თავისით მოხდა? მაგრამ მკვდრის საქმე ვის აინტერესებს?! მე უარს ვაცხადებდი სტაციონალურ მკურნალობაზე. ძალას მატანდნენ, უნდა გამოვიკვლიოთო. თქვენ გატყუებენ, ვითომ ცნობილი დისიდენტი ვყოფილიყავი. უბრალო სიმართლისთვის ვიბრძოდი. ღმერთი ყველაფერს ხედავს. იყავით დევნილთა და წამებულთა ქომაგად. შეუპოვებელი იყავით მათ მიმართ, ვინც ხელყოფს ხალხის მორალს, კანონს, ელემენტარულ თავისუფლებას...

ზებედემ სამარისებურმა დუმილმა გამოათხიზლა. თვალები მოიფშვნიტა. ვიოლა იქ აღარ იყო. თითქოს მოელანდაო.

მოედნის ცენტრში ოცოდე კაცი შეპოვიდა. დაღლილ-და-

ქანცულნი. ისინი ახალციხიდან ჩამოსულიყვნენ. დაბრკოლებას გადაპყროდნენ და დაპგვიანებოდათ.

მიტინგის შემდეგ მთავრობის სახლთან გაეშურნენ, სადაც წმინდა ილია მართლის საზოგადოების აქცია გრძელდებოდა ახალციხელთა მხარდასაჭერად.

სტადიონზე მიტინგში მონაწილეობდნენ ჩეჩნეთ-ინგუშეთისა და ლატვიის წარმომადგენლები.

ამ აქციებთან დაკავშირებით შემაშფოთებელი ცნობები გამოქვეყნდა:

16 სექტემბერს საქართველოს ეროვნულ სტადიონზე გაიმართა ხალხმრავალი მიტინგი. გვიან ღამით მომიტინგეთა ნაწილმა გადაინაცვლა მთავრობის სახლთან და აქ განაგრძო აქცია. აქედან კი გაემართა შინაგან საქმეთა სამინისტროსა და უშიშროების სახელმწიფო კომიტეტის შენობებისაკენ. მიტინგის მონაწილეთა ერთი ჯგუფი შეიჭრა უშიშროების კომიტეტის შენობაში და დაარბია მისი გარკვეული ნაწილი.

აქციის მონაწილეთა ძირითადი მოთხოვნა იყო ადიგენის შინაგან საქმეთა რაიგანყოფილებაზე მომხდარი თავდასხმის მონაწილეობაში ექვმიტანილი დავით გელაშვილის განთავისუფლება.

ამ რთულ სიტუაციაში, რომელსაც გაუთვალისწინებელ უმძიმეს შედეგებამდე შეიძლებოდა მიეყვანა მთელი რესპუბლიკა, მილიციის მუშაებმა დიდი თავშეკავება, ტაქტი და სიმტკიცე გამოიჩინეს.

იმისათვის, რომ თავიდან აცილებულიყო მდგომარეობის შემდგომი გართულება, მოსალოდნელი შეტაკება და სისხლისღვრა, თბალისის შინაგან საქმეთა სამმართველომ დავით გელაშვილს შეუცვალა აღმკვეთი ღონისძიება.

ადიგენის შინაგან საქმეთა რაიგანყოფილებაზე თავდასხმის საქმის გამოძიება გრძელდება. მიმდინარეობს მუშაობა თავდასხმაში მონაწილე პირთა დასადგენად.

შინაგან საქმეთა სამინისტრო სთხოვს აქციის მონაწილეებსა და ქალაქის მოსახლეობას, შეინარჩუნონ სიმშვიდე და წინდახედულობა, რათა არ მოხდეს მოვლენების შემდგომი გართულებები, რამაც შეიძლება მიგვიყვანოს გამოუსწორებელ კრიზისულ მდგომარეობამდე. მით უმეტეს, როცა რესპუბლიკაში წინასაარჩევნო კამპანია მიმდინარეობს.

საქართველოს შინაგან საქმეთა სამინისტროს  
პრესცენტრი.

უფრო მკაცრი იყო უშიშროების კომიტეტის გაფრთხილება:

ფართო საზოგადოებრიობამ იცის, რომ 16 სექტემბერს გვიან ღამით წმინდა ილია მართლის საზოგადოებისა და პელსანკის კავშირის წევრთა გარკვეულმა ჯგუფმა დაარბია სახელმწიფო უშიშროების კომიტეტი შენობა და დაეძღვა გრძელდება მისი პიკეტირება.

მართალია, ამ ფაქტთან დაკავშირებით უკვე ნაწილობრივ თუმცა არც ისე ობიექტურად, ინფორმირებულია რეპორტიორების მოსახლეობა, მაგრამ საკითხის სრული სიცხადისა და ფართო საზოგადოებისათვის რეალური მდგომარეობის უკეთ გაცნობის მიზნით საჭიროდ მიგვაჩნია გავაქეთოთ შემდეგი განცხადება.

ჩვენი ღრმა რწმენით, აღნიშნული ფორმით აქცია მართლ უშიშროების კომიტეტის წინააღმდეგ მიმართული პროვოკაცია როდღი იყო. იგი ნებისით თუ უნებლიეთ მიზნად ისახავს რესპუბლიკაში არსებული პოლიტიკური ბიტუაციის შემდგომ გამწვავებასა და დისტაბილიზაციას, ისედაც დაძაბული ცხოვრების კიდევ უფრო გართულებას, რაც დარბევინ ორგანიზატორთა წინდაუხედაობაზე მეტყველებს. ამ აღმანიებისათვის უშიშროების კომიტეტი და მის მიმართ ამჟამად წაყენებული ყოველგვარ კონკრეტულ ბაფუძველს მოკლებული

ბრალდებები მხოლოდ საბაბია. სინამდვილეში, ყოველივე ეს ვითარების დაძაბვას, საზოგადოებაში უმართავი, ქაოსური პროცესების გაღრმავებას იწვევს, რასაც ზოგი თავისი ამბიციური მიზნების მისაღწევად იყენებს. 24 საათზე ჩვენს შენობაში შემოიჭრა დაახლოებით 200-კაციანი ჯგუფი, რომლის გარკვეული ნაწილი შეიარაღებული იყო ლითონის ხელკეტებითა და ძალაყინებით.

შემოჭრილთა წარმომადგენლები, რომლებსაც ნ. რატიშვილი ხელმძღვანელობდა, შეხვდნენ უშიშროების კომიტეტის თავმჯდომარეს. შეხვედრის დროს მათ მიეცათ განმარტებები წამოყენებულ მოთხოვნებთან დაკავშირებით.

დარბევის შედეგად მნიშვნელოვანი ზარალი განიცადა კომიტეტის შენობამ. დაიკარგა „მაკაროვის“ — სისტემის 5 პისტოლეტი საბრძოლო ვაზნებითურთ, სისხლის სამართლის საგამოძიებო საქმეზე ნივთმტკიცებათა სახით დართული საიუველირო ნაკეთობანი, რადიო და სპეციალური აპარატურა; კომიტეტის თანამშრომელთა მიერ ბავშვთა ფონდში გადასარიცხად შეგროვილი 4763 მანეთი; თანამშრომელთა პირადი ნივთები, დოკუმენტები და ფული.

ამ რთულ სიტუაციაში უშიშროების კომიტეტის თანამშრომლებმა, რომელთაც ამგვარ შემთხვევაში სრული უფლება ჰქონდათ მიემართათ კანონით გათვალისწინებული უკიდურესი ზომებისათვის, გაითვალისწინეს რა აქციის პროვოკაციული ხასიათი, გამოიჩინეს თავშეკავება და სიმტკიცე, რამაც ძირითადად განაპირობა კრიზისული სიტუაციის შემდგომი ესკალაციის შეჩერება და თავიდან იქნა აცილებული სისხლისღვრა, მოვლენების შესაძლო ტრაგიკული განვითარება. ორი დღის შემდეგ ასეთივე აქცია გამეორდა კიათურაში. იქაც დაარბიეს უშიშროების კომიტეტის საქალაქო განყოფილების შენობა. როგორც ჩანს, ეს მოვლენები შორსგამიზნული სცენარით ხორციელდება და მისი ორგანიზატორები აქედან გა-

მომდინარე შედეგებს არ ითვალისწინებენ. თუ ასე გაგრძელდა, მთელი ჩვენი ერი შეიძლება მძიმე განსაცდელის, გაუთვალისწინებელი ტრაგიკული მოვლენების პირისპირ აღმოჩნდეს“ და ა. შ.

თბილისი, მთელი საქართველო შეძრა ა. წ. 19 სექტემბერს განთიადისას რუსთაველის პროსპექტზე ზოგიერთი პოლიტიკური პარტიის შტაბ-ბინის დაუნდობელმა და სასტიკმა დარბევამ. რა დავარქვავთ ამ საშინელებას? ტერორიზმი, ვანდალიზმი, პროვოკაცია თუ საერთოდ კაცთმოძულეობა? ამ კითხვებს პასუხი თავად ქართველმა ერმა უნდა გასცეს, მანვე უნდა გააცნობიეროს, ვის ედება ყოველივე მომხდარში ბრალი. თანამემამულენო, დავუკვირდეთ, განა შეუძლია გარეშე მტერს მოგვაყენოს ასეთი ვნება, რასაც შეუძლია აშლილობა, განუკითხაობა და ურთიერთდაუნდობლობა გამოიწვიოს. ეს დღევანდელ ვითარებაში საქართველოს ღალატს უდრის. ნუთუ ცეცხლით და მახვილით, ურთიერთდარბევითა და მტრობით ვაპირებთ დემოკრატიული და თავისუფალი საქართველოს შენებას?

შექმნილ ურთულეს ვითარებაში ქართველ ერს და საქართველოში მცხოვრებ ყველა ხალხს მართებთ თავშეკავებულობა, ჩვეული გონიერება, რათა შეძლონ წინ აღუდგნენ მათ, რომელნიც ცდილობენ ურთიერთმტრობა ეროვნულ ტრაგედიაში გადაზარდონ.

ვიყოთ ერთად, რათა გადავარჩინოთ საქართველო!

ამ მოვლენებს შეეძლო საფრთხეში ჩაეგდო პირველი მრავალპარტიული არჩევნები.

ვიდაცას ცოდვები არ ასვენებდა.

ისინი, ვისაც თავის სიცოცხლეში ერთი კაპიკი არ გაუმეტებია და ერთი საათი არ დაუთმია საქართველოსთვის, ახლა სასწაულებს ითხოვდნენ ბადრი უჯარმელისგან, რომელმაც ყველაფერი მამულს შესწირა. საზარელი შურისგება მზადდებოდა.

ბევრი რამ ნათელია, მაგრამ ვინ დაგიჭერებს! ბოლომდე უნდა მიჰყვე, გწამდეს უფლისა და მიჰყვე კეთილის გზას.

— შენ აქ რა გინდა? შენ ხომ ძველი კომუნისტი ხარ?

— ჩემი ადგილი იქაა, სადაც ხალხისა და სამშობლოს ინტერესებს იცავენ. სადაც ზნეობას, პოლიტიკურ პრინციპებს ოქროზე არ ჰყიდიან.

— კეთილი შენი საქმე შენ იცი — მუქარასავით წარმოთქვა ძველმა მეგობარმა.

ზებედე და ქალბატონი ბუჟუჟა იმ ღამით რამდენიმე ადგილას მივიდნენ პიკეტების დასათვალიერებლად — უზენაეს სასამართლოში და ცეკას ეზოში.

შინ ნაკლებდამშვიდებული ფიქრებით დაბრუნდნენ.

თითქოს, გული უგრძობდათ. ბინა გატეხილი დახვდათ. ტელეფონის ხაზი გადაჭრილი. ოთახები გაჩხრეკილი და დარბეული.

გადაწყვიტა, იარაღის ნებართვა ეთხოვა.

## 12.

„მრგვალი მაგიდის“ ეკონომიკურმა პროგრამამ ხალხი დააიმედა. შესაძლებელი იქნებოდა კრიზისის თავიდან აცილება. ოქტომბერი ტელედებატებში მიილია.

მადლობა ღმერთს, ადამიანთა სოციალური მდგომარეობის მიხედვით შესწავლა და დახასიათება მოდაში აღარაა, თორემ საგულისხმო სურათი წარმოგვიდგებოდა... თითქოს, სურვილის გარდა, სხვა არაფერი იყოს საჭირო. ჭერ, ძველი მუნდირების გახდაც ვერ მოუხსწრიათ. ერთი შეხედვითაც ჩანს, ვინ რითი სუნთქავს, რა ბაგაჟი მოაქვს და რას მოელის. თვითონ თავიანთ თავს ვერ ხედავენ, თავიანთი ხმა არ ესმით, მაგრამ ხალხი ხომ ყველაფერს ხედავს და წინასწარმეტყველებაც შეიძლება. რამდენ უმეცარს, უღირსს, უკულტუროს განუზრახავს ქართულ პოლიტიკაში შემოჭირითება. დავიწყ-



ნიათ, რომ პოლიტიკა ადამიანის სულიერი მოღვაწეობას გვირგვინია და ტელევიზორის ეკრანთან კი არ იწყება, არამედ თითოეულის ბავშვობიდან მოდის.

გააქტივება დაეტყო ეროვნულ კონგრესსაც. უზუნაეს საბჭოს არჩევნების წინადადეს მოსწავლე ახალგაზრდობის სასახლეში, მამა ვახტანგის ლოცვა-კურთხევით მუშაობას შეუდგა პირველი სხდომა. იმავე საღამოს მოსწავლე ახალგაზრდობის სასახლის წინ ხალხით სავსე გამზირზე უცნობმა პირებმა მკლავში დაჭრეს გია ჭანტურია. ხალხი სულით ხორცამდე შეძრა ამ საძაგელმა ამბავმა. ისევე, როგორც წინა დღით ქუჩაში გამოკრულმა პრკლამაციებმა, რომლებშიც უკიდურესად იყო გალანძღული ტელედებატებში გამარჯვებული „მრგვალი მაგიდის“ — თავისუფალი საქართველოს“ ლიდერი.

აზრზე ვერ მოხვიდლოდი, რა რისთვის ხდებოდა.

არჩევნების წინასაღამოსაც ტელევიზიით აუწყრელი ლანძღვა-გინება გაისმა „მრგვალი მაგიდის“ ლიდერის წინააღმდეგ, თუმცა, ამას მკაცრად კრძალავს ყველა ცივილიზებული ქვეყნის საარჩევნო კანონი.

რა განწყობილებაზე იქნები, როცა ნანატრი არჩევნების წინ ყოველ ნაბიჯზე გესმის: „საქართველო სამოქალაქო ომის წინაშე დგასო“!

ოქტომბრის დასაწყისში, მაჩაბლის ქუჩაზე, გაურკვეველ და ძნელად დასადგენ გარემოებაში ორი ქართველი ახალგაზრდა, ეროვნული მოძრაობის მებრძოლი მოკლეს. თეთრი გიორგის კავშირის თავმჯდომარე და ამავე ორგანიზაციის ერთი-ერთი სულისჩამდგმელი. მათი ბედი გაიზიარა დავით ტომარაძემ.

საქმე იქამდე მივიდა, ჩვენმა კონგრესმენებმა წინადადება წამოაყენეს, პოლიტიკურ დაჯგუფებებსა და პარტიებს შორის თავდაუხსნელობის პაქტი დაიდოსო.

ღმერთო, შენ დაგვიფარე! რა სახელი ვუწოდოთ შექმნილ სიტუაციას?

იმ მომენტისთვის, რაკი მეთაურები არ აპირებდნენ დასკვნის გამოტანას, საბოლოო სიტყვა ხალხს, ამომრჩევლებს უნდა ეთქვა.

\* \* \*

ზებედეს მთელი ღამე არ უძინია. ჩასთვლემდა თუ არა, ახალი ექვი გამოალვიძებდა.

„უკანასკნელ მომენტში, რალაც შარს მოსდებენ. ჩაშლიანი მაგათ ხელში არა ვართ? რასაც უნდა, იმას იზამენ!“

დილით ადრე ადგა. პირველი, რაც შეუღლეს უთხრა, ეს იყო:

— თხუთმეტ — ოცს მაინც გაიყვანდნენ.

— ვის? — გაუკვირდა ქალს.

— თხუთმეტიოდე დეპუტატს.

— თხუთმეტი. იკმარებს?

— ჯერხნობითა ეროვნულ ფრაქციას შექმნიან, ტყუილს არავის შეარჩენენ. საწყალ ხალხს გამოესარჩლებიან.

ათ საათზე გავიდნენ შინიდან. საფოსტო ყუთიდან ახალი გაზეთები ამოიღეს. „თავისუფალი საქართველოს“ პირველი ნომერი, რომელიც ზვიად გამსახურდიას მოწინავეთი იხსნებოდა. ზებედეს გულს სიხარული მოეფინა.

ამომრჩევლები მშვიდად მიდიან თავიანთი უბნებისკენ.

ეტყობა, ჯერჯერობით სიწყნარეა.

სარჩევნო ბლოკი № 12: „მრგვალი მაგიდა — თავისუფალი საქართველო“.

კედლებზე საოცარი სურათი: დვთაებრივი გოგონა ქართული დროშით. რა განწყობილებაა! რა დროის შეგრძნება! თვალს ვერ მოსწყვეტი.

— კაბინაში ერთად შევიდეთ, — აფრთხილებს მეუღლე. —

— არ მენდობი? ,

— პო დაბნეული ხარ, მეშინია არ შეგეშალოს.

იდეალური წესიერებაა. ადამიანები თითქოს გამოცვლი-  
ლან. შეთქმულან. გულთა შორის იდუმალ კავშირს გრძნობენ.

შეცბუნებული ბრუნდებიან შინ და გულის ჩქროლით  
ელან შედგას.

„გილოცავ, საქართველოვი ნალვერდალში შენახულო ცე-  
ცხლოი სასწაულით გადარჩენილოი ერთსულოვანო! გაუხლე-  
ჩელო!“

„მადლი შენ, უფალო, რომ ამ დღეს მოგვასწარ!“

„ამაზე უკეთესს რას ინატრებ“

• • •

არჩევნებს ორმოცზე მეტი უცხო ეურნალისტი ესწრებო-  
და. პატიოსნად, ღვთისა და კაცის წინაშე დიდი პასუხისგებით  
შეასრულეს თავიანთი ვალი.

„მოხიბლული ვარ პოლიტიკური სიტუაციით!“ — განაცხა-  
და ამერიკელმა რიიზ ერლიჩმა.

„50 წუთი ვესაუბრე ბატონ ზვიად გამსახურდიას. — თქვა  
„ამერიკის ხმის“ წარმომადგენელმა. — არ იფიქროთ, თით-  
ქოს, კაკრიტიკებდეთ, ან მხარს ვუჭერდეთ რომელიმე ქარ-  
თულ პოლიტიკურ ორგანიზაციას. ჩვენ უბრალოდ, ყველას-  
თან უნდა დავამყაროთ კონტაქტი, რათა საქართველოში შექმ-  
ნილი სიტუაციის მთელი სპექტრი ავსახოთ“.

ფრანგი ეურნალისტი სერჟ რაფი იენისში წინასწარმეტყ-  
ველებდა:

„ერთ კვირა დღეს ვაზით დამშვენებულ ძველებურ ქვის  
სახლში, საიდანაც თბილისის მშვენიერი ხედი იშლება, და-  
ფიქრებულმა ზვიად გამსახურდიამ ასე დაასრულა ჩვენი დი-  
ალოგი: „საქართველოს დამოუკიდებლობა ახლა უკვე გარ-“

დაუვალაია. ერთია, ჩვენ კიდეც არ ვიცით, რის გაღებას მოითხოვს ჩვენგან მოსკოვი. კვლავ სისხლი თუ ეკონომიკური ბლოკადის საშიშროება? ჩვენი ქვეყანა მდიდარია, ეკონომიკური ავტონომიისათვის ლიტვანზე და სხვა ბალტიის ქვეყნებზე მეტი შესაძლებლობები გვაქვს. აქ არის ნავთობი, ელექტროენერგია, ნაყოფიერი მიწა, ზღვა, მთები. ჩვენ ბალტიისპირელთა გზას არ გავყვებით. უარს ვამბობთ კომუნისტებთან თამაშზე. სამოცდაათი წლის მანძილზე კომუნისტებს ტერორში ჰყავთ ხალხი. ახლა მათ ხარაკირი უნდა გაიკეთონ. ბოლოს და ბოლოს, ეს ღირსების საკითხია“.

გამსახურდია ნელი მოძრაობით გაადევნებს თითს ევროპის რუკას — შავი ზღვა, სტამბული, ათენი, რომი, — და ამბობს: „მერწმუნეთ, მალე გვექნება პირდაპირი ხაზი თბილისი — პარიზი, მოსკოვში ფრენა აღარ დაგვჭირდება. ცოტა ვინმემ თუ იცის, რომ ჩვენ ხმელთაშუაზღვისპირეთის ნაწილი ვართ. რუკაზე დახედვაც კმარა, რათა ამაში დარწმუნდეთ. ვოცნებობ იმ დროზე, როცა ხორციის შემოწმება აღარ დაგვჭირდება, როდესაც რუსთაველის გამზირზე ბევრი კაფე იქნება და შესაძლებელი გახდება, მშვიდად იჯდე იქ და ცის ლაჯვარდს უცქირო...“



პირველ ტურში „მრგვალმა მაგიდამ“ 114 ადგილი მიიღო, კომპარტიამ — 61.

11 ნოემბერს მეორე ტურია. 14 ნოემბერს პირველ სესიას გამართავენ.

გაუნელებელ მღელვარებით ველოდით არჩევნების დასასრულს.

„მრგვალი მაგიდის“ შეხვედრები გრძელდებოდა.

მსჯელობდნენ პარლამენტში განსახილველ საკითხებზე. დასახეს ღონისძიებები მეორე ტურში დამატებითი მანდატების მოსაპოვებლად. მნიშვნელოვანი კანონპროექტების დასამტკიცებლად აუცილებელი იქნებოდა ხმების გადამწყვეტი უპირატესობა.

მეორე ტურში „მრგვალმა მაგიდამ“ ყურადღება ვადაიტანა თავის შტაბბინაში შეკრებილ დეპუტატთა მშვენიერ ფოტოსურათებზე. ხელმძღვანელთა ახალი, ნებისყოფიანი, სულიერი, შთაგონებული სახეები. საიმედო, საქმიანი, საქვეყნო ღვაწლისთვის მოწოდებული ადამიანები. მათთან შეხმატკბილებული მეთაური.

უკეთესს ვერ მოიფიქრებდი.

მეორე ტურმა ღირსეულად დაავიკრივინა „მრგვალი მაგიდის“ ტრიუმფალური სვლა. როგორც პროფესორმა ალექსიძემ თქვა: „ზვიად გამსახურდიამ გამანადგურებელი დარტყმა მიაყენა მის პარტიას. — ჩვენ, კომუნისტები, ვალიარებთ, რომ ბატონი ზვიად გამსახურდია ყველაზე პოპულარული პიროვნებაა საქართველოში. ქართველების უმეტესი ნაწილი ანტიკომუნისტურია“.

„მრგვალი მაგიდის“ წარმატება ისტორიულად კანონზომიერია. კომუნისტები ისტორიული ანაქრონიზმია“. — თქვა თემურ ქორიძემ.

არჩევნებმა დაამხო უსახური, უღიმღამო, უენერგო პარტიები და პიროვნებები. არ კმარა სახელდახელო პოლიტიკური ფაციფუცი. „საარჩევნო კამპანია“ ადამიანის ფეხისადგიმიდან იწყება და არა არჩევნების დროს. მთელი სიცოცხლე ისე უნდა იცხოვრო, რომ ხალხის ნდობა და სიყვარული დაიმსა-

ხურო. არჩევნებმა უკუაგდო ყოველივე მოჩვენებითი, ყალბი, გაპრანჭული, ანგარებითი. არჩევნების მთავარი შედეგია დამარცხებულთა ზნეობრივი დაგმობა და გამარჯვებულთა მორალური ზეიმი.



მთელმა მსოფლიომ სცნო, რომ საბჭოთა კავშირში პირველი მრავალპარტიული არჩევნები ეროვნული მოძრაობის შესამბეჭდავი გამარჯვებით დასრულდა.

პარლამენტის სესიამ ისტორიული გადაწყვეტილებები მიიღო.

მთავრობის სასახლეზე ქართული დროშის აღმართვა ამალელებელ ეროვნულ ზეიმად იქცა. ათასობით ადამიანი ცრემლით, ლოცვით, ზეცისკენ ხელაპყრობილი გამოხატავდა სიხარულს.

ღვთის ნებითაა ყველაფერი. ეს უნდა ვიცოდეთ და ღვთის გასახარად ვიცხოვროთ.

მოლოცვებს სათვალავი არ აქვს.

საამაყო მოლოცვებს.

შეგახსენებთ რამდენიმე სტრიქონს გიორგი ბატონიშვილის დებეშიდან:

„ბატონო პრეზიდენტო, ვსარგებლობ შემთხვევით, რათა გულითადად მოგესალმოთ და გადმოგცეთ ჩემი გულწრფელი სურვილები უდიდესი წარმატებისა იმ ისტორიული მისიის აღსრულებაში, რომელიც თქვენ დაგეგმისრათ“.

სამეფო გკარის ხსენება ყველაზე მეტად განგვაცდევინებს იმ დროს, როცა თავისუფლება დაგკარგეთ.

აღბათ, თვითონაც იციან ეს, რომ მოსკოვის საინფორმაციო სააგენტომ რეაგირება არ დააყოვნა: „როგორც ესპანეთიდან გვატყობინებენ, საქართველოს ეგრეთწოდებულმა ეროვნულმა მოძრაობამ თბილისში მოიწვია საქართველოს ტახ-

ტის მემკვიდრე პრინცი გიორგი ბაგრატიონი, რომელიც ეს-  
პანეთის მოქალაქეა და ახლა თერამეტი წლისაა“.

გული გავისალკლდევით: პატარა ერსაც შეუძლია თავის-  
თავის დაცვა.

ღმერთმა გადღეგრძელოს, გაუტეხელო კაცო! მამაზეცი-  
ერმა შენ გარგუნა ჩვენი ისტორიის უმძიმეს ეპოქაში.წინ გა-  
უძღვე ამქვეყნად ყველაზე ძნელად სამართავ ქვეყანასა და  
ერს.

სიძულვილის სამყარო დაემხობა ბოლოს და ბოლოს, ადამიანები გაიმსჭვალეებიან ერთმანეთის სიყვარულით. რწმენითა და ნუგეშით გაჰყებებიან სამომავლო გზას.

1990 წ. 28 ოქტომბერი

КАЛАНДАДЗЕ АЛЕКСАНДР' ПАВЛОВИЧ

ВЫБОР,

Роман

(На грузинском языке)  
(Издательство «Мерани»  
пр. Руставели, 42  
Тбилиси  
1991

მხატვარი ჯ. ზენაიშვილი  
მხატვრული რედაქტორი სპ. ცინცაძე  
ტექნიკური რედაქტორი ო. კაპანაძე  
კორექტორი ნ. ზომერიკი  
გამომშვები ი. სალუქვაძე

ს. ბ. 6162

ჩაბარდა წარმოებას 25.01.91. ხელმოწერილია საბეჭდად 29.03.91. ფორმატი 84×108<sup>1</sup>/<sub>32</sub>. ქალაქი საბეჭდი № 1. გარნიტურა ჩვეულებრივი. ბეჭდვა მაღალი. პირობითი ნაბეჭდი ფურცელი 16,8. სააღრიცხვო-საგამომცემლო ფურცელი 16,46. პირობითი საღებავგატარება 16,8. ტირაჟი 10,000 შუკვ. 99.

ფასი 10 მან.

გამომცემლობა „მერანი“, რუსთაველის გამზ. 42. თბილისი  
1991

საქართველოს რესპუბლიკის ბეჭდვითი სიტყვის სახელმწიფო დეპარტამენტი თბილისის ი. ჭავჭავაძის სახ. წიგნის ფაბრიკა, გრ. რობაქიძის გამზ № 7. Тбилисская книжная фабрика им. И. Чавчавадзе Государственного департамента по печати Республики Грузия, пр. Гр. Робакидзе № 7.